

明憲宗實錄

卷三十九至八十三
成化三年二月至六年九月

明憲宗純皇帝實錄卷之三十九

成化三年二月丁酉朔釋奠先師孔子遣太子少保戶部尚書馬昂行禮○是日日食○寧夏副總兵署都督僉事林威奏邊事凡數千言大要謂近因榆林寧夏一帶有警調京營及各處軍馬久頓邊城分屯就糧各堡虜酋乃安處河套則似以逸待勞彼反為主我反為客勢成側置虜若大舉入寇調集之軍亦與城守者無異今陝西西安洮河秦鞏等衛軍伍約有十萬之數簡閱精壯兵可得四五萬人脫有寇警就令鎮守等官酌量緩急分調平涼固原環慶鄜延等處表裏應援則戰守有備既不遠煩師旅亦可少省芻糧如果賊勢甚張方許乞師為援蓋今之邊兵多不足用弊豈在他古之為將者賞罰誠信號令嚴明故士卒畏將不畏敵今則反是以修明軍務為之異以從事

姑息為老成平居乏馭下之威故臨事多犯令之卒敗軍誤國
職此之由向此虜衝突邊疆我軍未能捍禦今其遠居河套安
可窮搜但使我能練兵儲糧堅壁清野使被進退失利虜可以
不驅而遁套可以不掃而清且今邊衛貪官狡卒糾結成風賣
富役貧抑強配弱是以甲仗非素習之器隊伍無共難之心養
士雖多無益國計乞勅各邊守將遴選所部官軍為二等年刀
精強騎射熟閑者為一等以備衝鋒破敵其次為二等以備戰
守禦老弱不堪者令守城屯田應役每二千名委都指揮一員總
督指揮二員分督訓練調遣則全隊而行不使分散官旗當先
率領小旗殿後催督進退俱有節制罪責各有攸歸庶幾不費
有限之糧而畜無用之兵事下兵部請以其言付鎮守總兵等
官會勘可否施行從之○虜酋毛里孩三上書求入貢遣通事

詹昇齋勅獎諭之初曰朕天命承祖宗大業為天下主內
華外夷皆朕赤子也弗率循治化者有怒之而無終拒絕焉朕
則舍之且待以仁恩爾毛里孩昔年嘗奉廷矣昨者忽擾我邊
陲今又悔過歸誠累次求來朝貢在邊諸將俱厲兵秣馬以待
奏功在廷文武亦謂宜從邊將之言朕以天覆九有為心待久
爾來命通事指揮使詹昇齋勅爾勅至爾即領率部落退處
邊外戒令守法安靜任牧所遣朝貢使臣無得過三百人亦須
戒令遵依我邊將約束無得在途恣肆夫好生惡殺者天之道
朕之所奉以子民也爾能仰體朕心朕將錫福于爾俾永享太
平之樂豈不美歟○戊戌祭太社太稷○遣順天府官祭
先農之神○巡按陝西監察御史侯英奏洮州番族數寇邊指
揮使汪釗守備不職宜速問兵部言釗屢以失機被宥且復行

勦未結今番寇方熾守禦乏人宜俟勦報併治從之○命原調大同宣府偏頭關等處搜勦河套官軍一萬三千人仍留各城守禦以虜酋毛孩渡河入大同界也○南京戶部左侍郎陳望以母喪去任詔起復之○己亥以浙江布政司左布政使黃琛為南京戶部右侍郎○毛憐衛女直都指揮截乞納等奉朝貢馬及貂等物賜宴并衣服綵段等物有差○加德府左長史屈祥右長史吳麟正四品俸王以祥麟隨侍讀書年久奏乞進秩 上特允之○總督遼東軍務左都御史李秉等奏海西建州等虜入鴉鶻關抄掠佛僧洞等處副總兵施英等分兵禦之遣都指揮鄭佐率軍五百前哨至雙嶺遇伏戰死一時陷沒者餘百人時英亦次樹遮嶺與叅將周俊兵合去佐不遠不能應援致損士馬挫軍威罪不可宥事下兵部言施英向以啓鑿要

功被劾令立功自贖今復行師失律致陷佐等誠宜逮問但兵興之際用人方急上是之曰施英姑不問仍令殺賊贖罪○先是烏思歲等處番僧朝貢數多勅鎮守洮州指揮汪釗選遊僧三人齎勅往諭靈藏贊善王禁約詐冒至是還禮部請每僧量賞緣段等物以酬其勞從之○鎮守獨石馬營內官進保奏守備赤城都指揮劉政托疾不會議邊事刑部尚書陸瑜等請行巡按御史究治其罪從之○總督遼東軍務左都御史李秉奏雙嶺之戰隨征官軍署都指揮鄧佐達官指揮使李剛等九十八人陣亡請以遼東都司官庫綿布人給四疋以備喪具從之○欽仕戶部尚書沈固卒固字仲威直隸丹陽縣人弱冠領鄉薦初授山東沂州同知時有建言州西寶山社產銀卅者詔下有司劾實固執奏謂費多而得少恐勞民且致變事得中止

氏甚感之未幾以安養軍民事徵入為戶部員外郎尋進郎中
擢山東左叅政督餉給軍迨北洪熙間命以本官於大同總兵
官武安侯鄭亨處書辦邊方兼用文臣始此正統初進戶部石
侍郎己巳之變率駕北狩幸大同偕守將出見奉命括官庫金
帛以犒虜酋或以為不可固盡所有以獻事聞戶部請下吏較
勘然事卒不竟其年以城守勞進右都御史尋以却虜功轉左
都御史言者攻之不已遂乞致仕 英廟復位石亨薦為戶部
尚書寵賚日隆三年復休致至是卒賜祭葬如例國體貌魁梧
性直率不拘細行歷官五十餘年雖無大建明然在邊二十七
年深達虜情上下安之○庚子賜德王歲用米鹽等物王累奏
本府日用白熟粳米食鹽及內官內使每月柴米并養馬料草
俱在內府關支今將之國一時難於措辦乞勅有司仍舊關用

候莊田成收日停止 上元王奏令今歲撥與白熟稷米二百
八十三石有奇食鹽歲與一百引馬草料到府日為始給五閱
月內官內使於所在官倉每月人給米四斗以資食用五閱月
而止○陞翰林院修撰劉宣為右春坊右諭德以九年秩滿也
○吏部奏十三道監察御史吳遠等言兵部尚書王祐練達邊
務緩急可用今家居養病宜速起之以慰羣望事下臣等議今
正用人之際宜從所言內批王祐不體朝廷陞用之意推病避
難既去如何再用就令致仕○都察院左副都御史賈銓等奏
雲南楚雄衛軍有奏指揮李嵩等擅開銀場聚眾為姦利者雲南
縣民有奏知府李遜知縣郭凱受賄枉法者事下雲南按察司
關委洱海金滄二道問理二道分巡官不親臨按問轉委鎮撫
知縣鞠之且獄詞多不明按察司亦不駁正但據成案呈覆雲

南道御史覺其失請皆治罪仍通行天下布按二司遇有委任
必須躬理不許轉委從之○辛丑陞南京尚寶司少卿夏瑄為
本司卿以九年秩滿也○命協同鎮守涼州都督同知趙瑛鎮
守甘肅右都督李榮所統延綏等城守禦官軍仍還甘涼寧夏
各衛防時甘肅總兵蔣琬等奏虜寇逼近寧夏賀蘭山警報日
至山後與甘涼等境平曠相連虜易衝突今甘涼軍馬除調與
都督趙瑛李榮率往延綏莊浪等處殺賊者共一萬三千存留
無幾萬一此虜覘我無備乘機入寇城孤授寡貽患實深會涼
州守臣亦以為言兵部議以河套既少寇警延綏軍馬俱應遣
還而瑛等亦可令歸舊鎮庶不顧此失彼 上從之仍諭兵部
移文延綏守臣勿以虜衆既遁而弛備○命都指揮楊瑛原領
協守大同京軍分遣二千守紇荊關從守關都指揮張英言關

口數多守備官軍不敷也○大同總兵官修武伯沈煜等奏虜
寇四散攻燬大同朔州墩堡殺掠官軍財畜分守大同西路叅
將范瑾遣都指揮使馬儀毛永周永指揮滕瑾張英等率軍分
道禦之惟馬儀破走賊衆獲其馬騾諸物滕瑾張英力戰而英
身中七矢然被殺傷士馬數十毛永周永策應遲誤范瑾指受
失宜俱應究問兵部言英被劄不敗功可掩過餘若瑾等可罪
但恐遲問展轉有誤違守 上宥范瑾毛永等全俱戴罪殺賊
自効○召鎮守蘭縣都指揮同知管斌還京停俸閒住以廷臣
議其不職也○壬寅設直隸棗強縣僧會司○分守肅州右叅
將都指揮王裕成化二年七月行取赴京求賂於所部挾重貨
以行既陞職復之治所所挾猶有餘至甘州為邏者所發有司
執其子及家僮鞫問併得在道淫濫狀於是鎮守巡撫等官連

章劾奏都察院請逮在京廷鞠之詔可○癸卯命巡撫大同右副都御史王越贊理軍務兼紀功賞巡按御史常振止於楊信軍前紀功蓋初已命振總紀功賞至是從撫寧侯朱永等之請併委越馬○陞武成後衛正千戶劉忠為指揮僉事不為例忠德王妃父時王將之國為忠陳乞也○賜沁源王府故鎮國將軍幼埜夫人宋氏食米歲五十石○兵部奏曩巡撫陝西都御史項忠都督李景張榮等俱以失機被劾後果以懷姙避事問發充軍榮召還聞住忠等待邊境寧後其實以聞今虜寇東遁西師解嚴忠等宜有所處上曰虜寇尚未蓋寧邊事委用方急項忠等仍記罪不問○湖廣都指揮翟璣先征進荆襄特掠民人與人為奴至是為被掠者所告都察院請付巡按御史治其罪從之○甲辰國子監祭酒邢讓等奏國子監祖宗以來

欽降勅諭學規所以欽崇勸勵之道固不同備歷歲綿遠恐致遺失今本監原有磨成石碑乞將學規募工鐫石樹立太學中門外使師生人等永遠遵守從之○兵部尚書兼翰林院學士彭時歸省還任○總督遼東軍務左都御史李秉言建州虜寇因結海西女直抄掠邊境今海西虜使在京者審譯之皆云部內惟嘔罕河兀者肥河三衛附近建州黨比為寇遂降勅切責併付武忠往諭之○命太子少保戶部尚書馬昂右副都御史林聰左給事中潘禮陳鉞清理京營軍士時六科給事中言邊城既要有警京師根本重地尤當戒嚴其京營軍士強壯可用者多為權勢役占乞初剛正大臣一負檢兩清理訓練聽用庶虜寇聞風知懼而民心可安上允其奏下兵部具大臣銜名上請上以命昂聰等又命擢剛正給事中二負僉以潘禮陳

紙應命於是禮部尚書兼翰林院學士陳文等言五軍三千神機三大營總統內外官軍計數十萬頃緣虜賊小警遣將分兵二萬後之號召旬日不能具數因命昂等大閱壯勇一十五萬人以俟繼舉然今承平日久衛所空虛軍士多為權豪勢要之家占恠私役按月納錢必得內臣剛方練達者與昂等共事然後可以剷除宿弊命司禮監太監懷恩為中外所服宜勅令同昂等協力奉行庶幾有濟上從之乃勅昂等曰朕以在京五軍三千神機等營軍士大率有名無實視其名則案牘充盈究其實則隊伍空虛關糧之際填塞倉廩受賞之日溢滿禁塗及至欲收集部曲徒赴邊鄙累旬日不能得數萬蓋總兵等官縱之歸休役之私用接受貨賄買閒者有之應付權豪占用者有之其弊甚多難以枚舉今特命太監懷恩會同爾等按籍查考

除已調之數不與即將見在軍士點開且以十五實數來報具
有仍蹈前非隱蔽不報抗拒不服聽爾等會議處治重則奏聞
等間削奪清理之後仍別立為良法以備調用夫朝廷勞天下
之民以養兵而耗天下之兵於姦弊兵民日困姦弊日深及至
有事之時爾等付之長嘆息而已則曷若今日爾等不避怨怒
盡搜其弊源而窒塞之以復我祖宗時兵制之盛乎簡任惟
篤期於見效爾等其欽承朕命故勅○直隸新城縣縣丞邢政
上言刑獄者國之大事也輕重毫釐之間死生所繫不可不慎
切見各都布按三司及各府俱有斷事理問推官等官專理刑
獄所以少有冤抑惟各州縣因無刑官凡有囚徒互相推避問
有理者情偽罔察及議擬罪名多憑史典或為發之人任意出
入中間或追無賊仗或證佐逃亡或同犯未獲止憑文具鞫錄

成獄反至呈詳又因招擬未明駁回再問經年累歲不能斷結
輕結終身死而後已其情重當死者固不足惜但情輕誣死者
豈無抱恨衝所罪凶寃滯尤甚傷天地之和召水旱之災多在
於此乞勅法司計議直隸地方行移巡按御史布政司所屬行
移按察司分巡官或推委在京法司官分詣各處將見監罪囚
人卷逐一詳審情輕者即與於遣情重無寃者候呈詳情可矜
疑者奏取 上裁如此則天意可回災異自弭奏入下所司議
行○乙巳四川馬湖府沅溪長官司遣舍人王懋富等施州衛
施南宣撫司遣頭目劉度等各來朝貢馬賜緣段寶鈔有差○
宥彰武伯楊信罪信為總兵官先在大同私役邊軍伐木營利
為巡按御史所奏詔令自陳至是信具陳伏罪宥之○丙午
英廟昭妃武氏薨妃順天府大興縣人錦衣衛百戶寬之女宣

德幸亥生八年選入內庭天順改元兩為昭妃小心敬謹深見
信重至是堯年三十有七謚曰端莊上報朝言自聞喪至掩
壙祭葬如制○總督兩廣軍務左僉都御史韓雍等奏猛賊攻
陷北流縣殺虜男婦五百八十餘人守城百戶率兵禦之不免
而死左叅將夏鑑等追捕至野狸山等處屢戰敗之擒斬二百
四十餘人收獲虜男婦四百餘口宜治都指揮林聰守備失機
夏鑑避敵玩寇之罪但鑑頗立功自劾兵部言廣西賊勢橫流
不已其撫治不職祀備失機恐不止聰等二人宜併督責雍等
使盡心勦賊從之○丁未遣戶部尚書張庸祭京都太倉之神
○道順天府官祭宋丞相文天祥○降勅獎諭大同都指揮馬
儀馬欽李愷千戶蔡瑄以儀等於大同西路擒斬虜寇功也○
命廣寧前屯備禦都指揮同知裴顯克副總兵分守遼陽特總

督軍務左都御史李秉奏遼東重鎮舊有總兵一員副總兵參將各二員鎮守其地今左叅將孫璟鎮守開原兼鎮遼東道里廣遠應揆不同廣寧都指揮同知袁顯可充副總兵分守遼陽而璟專分守開原事下兵部覆奏從之○昏刻金星犯婁西星○戊申復御經筵○賜征虜官軍都指揮齊整等二萬六百二十八員名錄人二兩特虜寇侵近大同命撫寧侯朱永統官軍征之故有是賜○己酉德王見濬將之國詣長陵獻陵景陵裕陵辭○陞陝西按察司僉事李紀為副使整飭兵備○命河南署都指揮同知劉清充叅將鎮守靖虜等處初御史譚慶言靖虜境上廣遠乃虜寇出沒之路欲於其地立帥府增設總兵一員左右叅將分守之其軍伍則於河南山西附近陝西衙所選補及三布政司應請成因從以充事下兵部移文巡撫都御

史項忠等會勦謂靖虜去陝西不遠設兩總兵似為煩擾止宜
添設參將一員令於平涼固原等處選調軍餘番兵訓練防守
上命舉堪任參將者以聞時清方祀總京操衆擬其可用故命
之○士子德玉見講祭告 奉先殿是日命文武百官詣府辭
○論平劉千斤功陞湖廣總兵官都督同知李震為右都督右
副都御史王恕為左副都御史山西右叅議王儉為左叅議右
叅將都指揮僉事王信為都指揮同知御史孫珂鄧本端俱俸
一級從征將士各陞賞有差兵部言頃以擒叛寇劉千斤捷聞
總兵官朱永等俱已陞進永復上章言荆襄係中原要害之地
非兩廣偏方之比從征軍士多勦勞勦勦之功已稍加厚已
嘗會禮部尚書姚夔等議宜稍從其請以勸來者剗除擒斬三
名額以上應與陞賞其或一人自擒斬二名額又有奮勇當先

衝入賊陣陣傷督陣等項二次與二名顆或奮勇三次及一人
自斬首一顆又奮勇當先及衝入賊陣并陣傷者俱不為常例
量陞一級不賞其餘二名顆一名顆又奮勇當先等項而無擒
斬名顆者比常稍加優厚酌量賞賚以酬其勞 上是之於是
有功官軍受陞賞者八十餘人因論震等功故有是命○戶科
給事中丘弘言七事曰勤學問以崇 聖德廣咨詢以防壅隔
損無益以節財用理冤枉以平刑獄舉才能以任將帥整兵戎
以固根本嚴警備以息盜賊 上以所言皆已嘗施行者但諭
該部知之○大惡恩寺灌頂淨脩弘治國師結列領占蒙違判
麻著旦領占等烏思藏公幹回各貢遺逸等物以緣改鈔費等
物給賜之○都指揮僉事駱忠奏見領官軍一千五百九十三
員名往遼東備禦內多係真定等衛下班人數乞照征進官軍

給賞 上曰下班官軍遣去僞邊人情不堪其各賞銀一兩不
爲例○烏思藏木日等寺番僧三丹堅督等來朝貢佛像馬匹
等物禮部奏其故違三年一貢之限輒由他道以來所給綠段
等物宜減常例以示戒從之○贈遼東陣亡署都指揮僉事鄧
佐爲都指揮僉事遣官諭祭○夜月犯角宿南星○癸丑德王
見濟之國陛辭 上御奉天門早朝畢文武百官稍退立 上
降寶座後座王冕服由左順門內引二人朝服前導由第二橋
上奉天門立 上前行五拜禮 上賜王酒王飲訖叩頭畢
上興送王至東陛王復叩頭下 上目送王出午門乃還○禮
部奏四夷館譯字官并子弟見有一百五十四員名今教師馬
銘又違例私收子弟張盾等一百三十六名教習番書以希進
用欲盡違問于係人衆詣行翰林院下四夷館不許私收教習

漏泄夾旨 上曰四夷館官負子弟見在既多禮部即會官考
選精通者量留餘送吏部改外任子弟俱違寧家今後敢有私
自教習者必罪不宥○乙卯夜北方流星如盞大青白色光明
炳地白紫微東藩西北行闕道○丙辰禮部奏巡按江西監察
御史趙啟請定京官出使公差王府禮儀舊例不載今議得京
官公差出使在外道經王府例該報名見辭如遇朔望三司等
官俱至府候見公差出使人員亦合詣府隨班行禮若勅書止
賜王府中間恐有密切及王府進表祭祀係王府應行禮儀出
使人員無所干預不必隨同行禮其王府前門官負人等禮當
下馬其柱過東西後門雖無例下馬亦宜遠引而行不許逼近
橫絕從之○故工部尚書謹身殿大學士兼東閣大學士高穀
于垣叙其父勞乞恩錄用命送國子監讀書○陞大寧中衛帶

俸都指揮使昌英為前軍都督僉事以征叛寇劉千斤功也○
丁巳授進士賀欽胡智張謙成實俞澤陳鶴董昱楊理尚繼趙
景張琳徐恪為給事中欽智戶科謙實禮科澤鶴吳兵科理藝
景刑科琳恪工科蕭龍俞俊為南京給事中龍戶科俊刑科○
湖廣總兵官都督同知李震等奏奉命征苗賊統率諸軍由銅
鼓天往等處分為四道以進連與賊戰敗之抵清水江因苗為
導深入其境兩月之間擄其巢穴八百餘寨焚廬舍一萬三千
餘間地窖三千餘處得稻糧三萬四千餘石生擒二百五十餘
人斬首二千一百餘級俘獲賊屬子女六百餘口耕牛五百餘
隻軍器衣服無算收獲被虜男婦五百餘人事下兵部言宜令
震等具有功將士以聞行賞毋徇私濫冒從之○禮部奏監察
御史趙啟言內外風憲等衙門官出巡行事遇有機密事情及

糾劾姦邪自書奏題本多有不熟韻體不免倩人代筆往往因
而泄漏有誤事機請自今重事仍依韻式寫奏常事從便書寫
許用題本今議得在外衙門宜一體具奏如舊制其京官官差在
外者應行事務照例依韻書寫奏本若有緊急密切事旨恐有
漏泄許寫題本務要字畫真楷不許草率從之○禮部奏浙江
按察司僉事辛訪言欲將宋儒何基等賜以封爵俾之從祀下
禮部尚書兼翰林院學士陳文等議從祀孔廟者必有得於聖
道之傳公論攸在為敢輕為進止當進而進之固以重聖道不
當進而止之亦以重聖道昔宋朱文公熹與呂成公祖謙皆傳聖
道而金華郡儒者何基王柏金履祥許謙師徒累葉出於文公
之後以居於成公之鄉其於斯道不為不造其涯洙然達淵源
則未也今欲攀援胡安國蔡沉真德秀吳澄例以之從祀夫曷

敢焉何也安國作春秋傳蔡沉作尚書傳學校以育士科目以
取才其用專矣德秀所述大學衍義以之進讀以之勸講澄所
述諸經纂言羽翼聖經折衷諸子其功偉矣何王金許四子之
所以為書其用心恐未若是專其功恐未若是偉矣敢杜進之
哉許又曰何王金許朱子之世適夫作於朱子之光而賢賢相
承若朱子之曾祖稱者楊中立羅仲素李愿中既不得以是之
故而列從祀矣出於朱子之後而賢賢相承若朱子之子孫曾
玄者何王金許尚安得以是之故而列從祀焉矧聖道猶天地
仰觀於天水星微也然以其從日以其緯天故得與於五星之
列他星有大於水者不得以與俯察於地濟瀆微也然以其清
入地以其近宗海故得與於四瀆之列他水有大於濟者不得
以與由是言之何王金許不得攀胡蔡真吳四十從祀之列亦

難加賜封爵止可若龜山楊中立之例立祠鄉郡春秋祭祀於
理為當宜行本院定擬祠額誤祭文類行浙江金華府建立祠
廟每歲春秋備儀遣本府官致祭從之○戊午杖監察御史董
廷圭熊科於朝門以劾奏都督僉事昌英封題有誤字也○庚
申清明節遣駙馬都尉石璟祭震分祭 長陵 獻陵 景陵
裕陵文武衙門各分官陪祭○遣內官祭 恭讓章皇后陵寢
○陝西文縣守禦軍民千戶所土番百戶頭目馬麟等廣西思
明府上思州土官知州黃瑛遺頭目黃祥等各來朝貢馬賜綵
段等物有差○弗提衛右都督帖思古奏討金帶大帽等物禮
部以非常例宜不與 上曰待其有功如例與之○詔寧夏以
淮浙兩運司鹽召商中馬時寧夏內外守臣王清等奏寧夏三
路舊馬一萬三千九百餘匹選調亡失之餘止存六百罷駕半

之雖令以靈州鹽課中納自沿邊被掠蕪以鹽池寇盜所經高
旅罕至今邊圉多事正用爲之秋僅倚池鹽緩不及事乞預高
區畫或給銀價於陝西等處收買或以淮浙場鹽召爲中納事
下兵部議宜令戶部定例間中并行陝西布政司量給官庫贖
罰銀買補役之○江西紙廠火焚夫房一百三十間巡按監察
御史趙故請治按察司委官僉事楊大榮約束不嚴之罪都察
院覆奏謂大榮宜罪如律仍察布政司委官亦罪之詔可○辛
酉巡按廣東監察御史潘楨奏靈山石城海康等縣欽化等州
自去歲流賊攻切靡有寧日而化州賊廖婆保者勢尤猖獗郡
指揮滕漢僉事陶魯雷州府試知府孔鏞率香漢軍分道追討
至圓州村敗之擒斬八十餘人收獲被虜男婦一百餘人賊棄
馬牛輜重器械而遁乞論功陞賞上以官軍所敗者止廖婆

保一宗餘賊尤未殄滅宜言功但令兵部移文璉等覈實定賞以勸其餘○命故都督僉事張義孫鳳龍祖原職旗手衛指揮使○士戍朝鮮國王李璉遣陪臣成有智等來朝貢海青又魚賜衣服綵段等物有差○命湖廣都指揮使汪澤都指揮同知吳經莊崇任忠英英布政司左叅議寧瑛按察司副使盧秩僉事鄧秀夏時等俱復職支俸初湖廣苗寇作亂澤等因守備不謹令停俸自劾至是寇平故復之○陝西岷州衛西寧溝簇頭番人星吉札等靈藏地方番僧樂丸箴卜等四川松潘疊溪守禦所番僧江黎等各來朝貢馬并佛像等物賜綵段等物有差○移茶山西繁峙縣土城於縣北之東義村○罷荆襄安陸等衛守城軍士仍舊運糧以荆襄寇平也○癸亥命免調貴州輪番操備廣西軍先是貴州歲調官軍操廣西後因征進藤川

及本處土苗傳調今廣西又行起調巡撫貴州都御史李浩等
奏貴州軍額舊十六萬餘調遣亡叛事故今止二萬八十餘人
地雜夷獠出沒不常衛堡州城分守不給其迤東石頭等哨逸
西永寧等衛俱籍雲南四川分兵哨守而土著之人反令遠守
他藩恐諸夷乘隙侵凌猝難應禦事下兵部議浩等所言良是
故免調○工部左侍郎霍瑄奏郎中何絳抗已語涉毀詈乞寘
之法絳亦奏瑄耕官廩地造煖閣數事遂為科道所糾上令
瑄在先朝嘗劾勞特宥之仍奪半歲俸而調絳于南京○甲
子總兵官會昌侯孫繼宗言京營軍士凡調征虜及外衛歇班
數多止餘二萬七千不備什伍向河南山東鳳陽沂州等處俱
以饑荒盜起暫留防守今聞各路安靜乞仍取諸軍輪番京操
以種根本事下兵部議可上從之兵部又言先以鳳陽係興

工之地復遣都督同知白玉守備今地方無事宜併召還上
曰鳳陽非他郡比其軍士仍令王提督操守待秋成後處置○
鎮守陝西寧遠伯任壽等奏文縣丹徒熟畜結構白馬等畜為
惡百戶王昭禦之過伏賊殺傷官軍掠馬騾軍器等物以去
兵部言自畜夫寇亂累貢總兵分守等官撫捕未聞畧行勦戮
少挫其鋒致今益逞凶獷宜嚴貢守臣必致首惡者行法以整
餘黨從之○鎮守廣東太監陳瑄等奏去年十月海寇入臨高
縣掠掠民財縣丞陳瑛倉卒率衆禦之為所殺上命兵部行
令瑄等速追捕之并巡按御史查勘失機將士奏聞究治

明憲宗純皇帝實錄卷之三十九終

明憲宗純皇帝實錄卷之四十

成化三年三月丙寅朔錄故少保吏部尚書兼華蓋殿大學士李賢子璋為尚寶司司丞○整飭邊備兵部尚書王復言今天下一統諸種番夷雖或出沒不足深慮惟北虜動輒長驅深入最為邊患遼東宣府大同寧夏甘肅皆有高山大川長城固壘限隔延綏境外亦有黃河千六百餘里實天造地設之險洪武間東勝迤西路通寧夏墩臺基址尚存永樂初殘胡遠遁始將守備軍馬移入延綏秦河不守且延綏地方東起府谷堡西至定邊營紮紆二千餘里今聲息稍緩亦可因循度遣僮班師之後賊若後來何以支持且大同宣府兩處地方通無二千里遠又皆控據雄險尚有正副總兵叅將協同守備共一十二員寧夏三路不滿千里亦有正副總兵叅將協同守備八員延綏城

堡高遠最爲難守止有總兵叅將三員調度豈能周遍議者咸謂若依舊守把黃河險阻實爲萬全之計然今賊未出套宜因時損益不拘故常於延綏添設協同叅將二員於高家龍川緊關衝要城堡駐劄往來提調互相策應就將先調陝西鄜慶等處官軍存留四千員名相叅土兵四千八百六十六名甘肅充回慶陽衛官軍八百一十七員名共轄官軍九千六百餘員名添撥各堡輪班操守缺少器仗行總兵等官候大軍回京之日將原領官軍盔甲神鎗銃砲於內量數存留交與少監恭剛收管備用庶幾戰守有人而邊備充實軍馬有常而糧草易供矣又言鞏昌臨洮衛舍餘李均保等二百八十名先年招募在官聽調赴京接應殺賊景泰元年起調靈州操備及寧老鳳翔等衛所連雲棧青陽等驛站軍姜廸等三十六名先年祖父內事

編發各驛充軍自備鞍馬鋪陳什物擺站景泰四年調送寧夏操備且均保等原非正軍而與正軍一體差操因闕行程家屬又無月糧養贍歲久逃亡一例勾補揆之人情誠有不堪臣以爲均保等宜放回原衛隨住姜迪等宜退回原站走避以後如果缺人調用宜另於丁多之家選補庶幾人得喘息事體允當事下兵部議請仍移文鎮守總兵巡撫官參酌行之詔曰可復又言甘肅所屬十五衛所地方雖有遠近不同然自永昌迤西與西寧鎮番頗有險隘可據賊亦不敢又留莊浪雖有通賊路徑山寨地狹軍馬頗易戰守惟涼州地方四際寬廣散漫緊關衝要最先受敵又薰水草便利賊一入境動輒經年不出往歲虜犯本城止是一衛軍馬戰守不敷不免差人遠調甘肅等衛官軍策應相去六七百里高虜邀遮未能即至比到人馬疲弊級

不濟事所以往往挫損兵威以致失機誤事天順元年至五年
累調在京官軍遠為策應勞民動衆糜費糧草不可勝計若非
無事之時豫為遠圖何以善後訪得甘州在城五衛設置年久
生齒日繁各家戶下正軍之外餘六七丁或一二十丁者有之
除供給聽繼外中間多有願投軍者招集四五千名亦可編成
一衛立於涼州殷實地方然恐其人志土有誤用宜於在城五
衛內每衛摘一千戶所全伍旗軍伍衛選撥指揮十員衛鎮撫
二員五所鑿成一衛名曰涼州中衛於本城內開設衙門請給
印信其遺下五所印信宜從鎮守總兵等官於五衛官軍戶下
丁多之家招選精壯餘丁編收正軍仍補各所原伍員缺就於
各所多餘官員內選撥千百戶鎮撫掌管印信操練軍馬承種
遺下土地辦納子粒則彼此得人而戰守有備屯田增廣

而邊儲自充矣又言鎮衛極臨邊境原設三岔黑山二邊運所
倉撥為事因犯置備牛車令其接運後因羊去邊運所併與馬
驛帶管接運今三岔驛人夫止有二十六名黑山驛止有二十
一名重役人難及故浪衛鎮羌驛路當衛要原設軍民夫役見
在不滿二十餘戶不惟接運艱難抑且缺人守堡查得蕙羊驛
鍋泉邊運所餘下人夫七十三名見撥在黑松林兼管及查故
浪衛在城邊運所實有人夫一百六十三名武勝邊運所實有
一百三十七名紅城子驛人夫一百名此處驛遊比其他入夫
倍多宜將黑松林原帶管鍋泉人夫內撥三十名安插鎮羌
驛在城三岔驛遊共插撥六十名分插三岔黑山二邊運所每
處三十名就領原中車馬驢是遊庶使接運均平人無耗累抑
且邊疆城堡得以守護又言永昌衛原有白石崖墩一座距本

衛二百餘里近於山丹衛下有河水灌溉山丹田地土魯干墩
一座亦距永衛二百餘里劫近於涼州衛下有河水灌溉涼州
田地今永昌衛軍少哨守不敷宜將前項白石崖墩改隸山丹
衛管轄土魯干墩口改隸涼州衛管轄各令撥軍哨守其永昌
境內所管五奴五赤墩係干衛要之地合當添築城堡一座就
將掣回官軍改撥哨守庶得地方通均事體利便又肅州衛上
河清至臨水地界逼近邊境山外原有哨馬營一所先因邊賊
侵擾移入山裏路傍駁劉驢官軍耕種地土多在境外而哨馬
軍馬反居其內宜移本營復立故處通賊隘口修築城堡防護
屯種庶使人知避害可以保障無虞矣又西寧衛地方僻在西
北番箠之中四面受敵且又控制罕東阿端曲先等衛夷虜乃
緊關重地本衛軍馬專一巡守要害捍禦番箠先年邊方寧靖

北虜不來侵犯各族番夷頗能撫諭不敢為非近來因見虜寇
擾遼東機倣倣往往聚眾出沒阻截道路劫掠財畜殺傷人命
調兵勦殺之後至今猶未寧帖乞將兩寧遼原調官軍土民五
百六十七員名於莊浪涼州二處輪流備禦者存留本衛練守
遇莊浪等處有警量調策應不惟彼此有略亦且省用邊儲
上皆是之命兵部即移文所司施行）太保會昌侯孫繼宗等
奏先年保練官軍有為事應提問者候款練之日方送問理近
因單去前例告訐之徒得以避免征採宜仍前例為便若若有
虛詐則加誣反坐庶使刁頑知警操練不設章下法司會奏以
為所犯有輕重提問有緩急其情罪深重因係軍務人倫事須
追究者並洞即時取問其餘情罪稍輕事無大害者當如繼宗
等所言從之○丁卯命羽林衛指揮使馬麟濟陽衛指揮使劉

瑛領三千營將軍直宿○戊辰復高輅為兵部左侍郎兼翰林院學士內閣參預機務天順初輅為石亨所誣除名屏居鄉里者十年至是復起用之輅具疏辭免 上曰 先帝已知卿枉朕今擢用卿可勉力效用不准辭○復除胡濙為湖廣按察司僉事以濙丁憂服闋也○命故河南都指揮僉事黃信孫璋赴祖原職彰德衛指揮使○鎮守遼東大監李良等奏二月內達賊屢入遼境殺虜官軍人畜及器械財物又採報老營達賊欲乘突寇 上命鎮守總兵巡撫等官整兵禦之仍命監察御史覈實以聞○內官唐煥林貴奉從荆襄征進道經淮安府被刺其隨從人有索未於水村府知事谷淵者不得激怒之慎令歸淵誦其衣沃以水杖之七十遂死至京上奏求宥事下部察院行巡按官勘報具得其實都御史賈銓等請治其罪 上以

瑛等司禮監區處其隨從人命法司鞠之○已巳陞刑部員外郎張鑑徐懷為江西按察司僉事監察御史李晟為浙江僉事南京刑部員外郎周謨為福建僉事○禮也孫倫衛都指揮僉事卜不利為都指揮同知○命故聚林山衛指揮同知亦刺兀子喇那哈斃賊弗提衛指揮同知兀三哈你哈答木興衛指揮同知若不花卜顏衛指揮同知乞列門弗思木衛指揮同知都魯克弗提衛指揮同知卜顏獄里不花哈刺帖木咬納察刺先山衛指揮僉事阿東麻甫門後衛指揮僉事石當哥儿者後衛指揮僉事羅卜灘塔魯木衛指揮僉事察籠哈台因不花把都哈兀兒脫俱陞一級○達賊入大同大鹽房等處搶掠人畜巡撫大同都御史王越等調領官軍禦之斬首二十七顆生擒帖留帖木兒等一十二人○庚午陞西文州軍民千戶所五番

頭目阿兒結等來朝首馬禮許以所貢馬少請給半賞既而阿兒結懇乞全給有旨如賜錄改一表裏以慰夷情○辛未巡按遼東監察御史魏瀚奏成化二年冬以來連賊入通遠堡鐵瑯向家寨靖安空等處燒毀墩臺搶奪官軍殺虜人畜巡守地方指揮李賢等遇警畏縮不嚴提倫法當究治上命任賢等俸全贖罪殺賊○壬申晉王鍾鉉奏臣祖父墳塋在平陽歲時遣官祭掃夜宿旅店請命所司許令馳驛庶便往來從之○巡撫延綏右僉都御史盧祥等奏廊慶備冬官軍二千人并陝西城株馬步軍二千人潼關守備官軍一千人及新僉上兵請俱存留本邊協力保守修築城堡上曰見在官軍土兵可存留備用潼關守備軍宜撤回本關株守○御馬監太監劉永誠等奏賞賜各王府儀賓馬匹不敷乞行太僕寺令於各處解到寄養

備用馬內選四百匹送藍收養預備給賞從之○命世撫山西
右僉都御史李侃等修理黃河七堡并保德州一帶邊牆酌量
軍民多寡地方緩急調撥民壯支與口糧相兼修築○陝西廣
西陝川縣邱禹流賊所劫知縣孫堅以聞禮部請益舊文曰陝
川縣之邱鑄給從之○哈密遣使臣斬阿沙等來朝前駝馬賜
襲衣彩段銷鈔等物有差○甲戌南京右軍都督僉事房顯卒
顯故恩侯寬之孫襲父忠職山西批武衛指揮使宣德十年
併振武入舊楊衛忠老顯代之遂註鷹揚衛正統六年陞征虜
川有功歷禮部指揮同知景泰三年陞南京右軍都督僉事提
督操練七年以老乞致仕至是卒賜葬祭如例子改嗣其原職
為指揮使改註南京虎賁左衛○乙亥世撫遼東右僉都御史
袁愷等奏定遼左等二十五衛城堡驛站官軍多寡馬騎操

上命遼東苑馬寺同總兵等官將勦實該儀馬一百八十六匹
先給與騎操仍令兵部太僕寺於冀州遵化等州縣原發騎養
馬內依以獲駿驤騎操者令所司就山海關印烙給之○丙子
襄城伯李瑾奏三千營該操不到揚州等衛官軍合開罪者十
三人且言彼處水旱艱難不能赴操之故詔皆宥之○轉分守
馬蘭峪右叅將都指揮俞事刺輔為左叅將仍舊分守○臨泉
王鍾鎮以暴怒前後杖殺數人且淫縱多不法為本府內官所
發事下地撫巡按鞠其左右具得本末謂宜坐及輔者歸之言
師法司會官重鞠之以聞於是自教授以下皆坐罪有差仍命
釋書於玉牌之回卷○丁丑協同鎮守寧夏副總兵都督俞寧
馬讓有疾命其子隆代父原職西安後衛指揮同知○戊寅罷
兩廣提督學校僉事時兩廣兵火之餘人物凋弊按察使夏垣

請暫裁革提學官而以他官兼之。上可其奏。○陞忠義中衛指揮同知吳廣為署部指揮。會事提督喜峯口等關。○勅遼東署部指揮林以充右副總兵協同總兵官。往來義錦二州提督軍馬保固地方。○設遵化衛濬家口關漢兒莊營堡撥三屯營官軍三百八十八。深陽營五十一人。縣守委指揮一員提督。○巡撫遼東右僉都御史袁惟等奏謀亂海西女直擁眾入寇。適大兒忽等六十四人朝貢。回還。左將孫瑄巡按監察御史魏瀚等計謀暫留四十二人。遣指揮馬成偕其頭目二十二人詣其營。宴賚諭撫安之事。下兵部議。謂夷情譎詐。不可測度。宜行巡撫等官及沿邊諸將整兵提備。詔可。○建州海西女直入連山關。通達堡間。原撫順搶掠。又鐵嶺寧遠廣寧境外。亦有達賊窺。邊奏至。上命遼東鎮守總兵巡撫等官嚴督官軍防禦之。○

己卯貴州宣慰使司白納長官司長官周冕等湖廣施州衛唐
崖長官司副長官黃敏等各遣頭目舍人來朝貢馬賜絲段寶
鈔有差○辛巳賜武靖伯起輔誥券封奉天翊衛宣力武臣特
進榮祿大夫柱國食祿一千二百石追封三代并妻○內承運
庫會計歲用賞賜之費不給請於浙江等處舊罷銀坑內如例
採之事下戶部覆奏 上以軍民貧苦開辦之數但準天順二
年例從省取之其浙江福建二處各遣內臣一員往督其事四
川雲南二處即令鎮守內臣兼督之仍諭以勅書令無得擾害
軍民蓋天順二年前四處銀坑歲辦十萬二千兩有奇比之常
賦為省既而六科十三道交章言方今國家賦急民窮銀坑封
閉有年乃復採取未免勞人且貽患地方乞暫停止招以採辦
銀課乃 祖宗舊制已從減省不必停止○壬午命故羽林前

衛帶俸都指揮僉事哈八原子佛保通州衛帶俸都指揮使魏
興子勇俱襲其父原職指揮使○癸未命故貴州都指揮僉事
王滿子裕襲父原職都勻衛指揮使河南都指揮僉事徐啓子
慶襲父原職懷慶衛指揮同知○監察御史朱賢有罪除名賢
先巡按福建戶部主事黃景隆與賢同年進士特居憂因與相
見既而景隆有姻家訟出於賢被訟者言不遜賢怒杖之死者
五人事聞命給事中刑部主事往按之逮至京刑部會官重鞫
於朝賢罪當徒景隆以下罪有差○上以賢殘酷命贖罪除名
為民景隆調外任○巡撫淮揚等處都御史滕昭奏儀至瓜洲
二處鹽徒出沒私鹽盛行及南京衛所并武進等縣軍民大戶
常造千料遮洋大船或賣與鹽徒或自行裝載率領人衆擺列
軍器張掛黃旗密通店主牙行窩藏發賣甚至劫掠官民船隻

殺傷人命請備聖旨榜文禁約若不悛改鹽徒并知情店主牙
行正犯處斬家屬發邊遠充軍 上命都察院請給聖旨榜文
曉諭戒約如始所言○甲申禮部尚書姚夔等奏修明學校十
事請榜諭天下學校永為遵守一國家設學校陳教條本末具
而體用周是即三代六德六行六藝教人之法也彙何近年以
來師道不立教法不行學者因循苟且不知用力於身心性命
之學惟務口耳文字之習此人才所以不古若也自今各處提
調學校官務須躬親遍歷督率教官化導諸生選擇子弟年十
五六以下資質聰明俊秀者方許入學先教之以孝弟忠信禮
義廉耻俾存其心養其性語言端謹容止整肅次教之以四書
本經熟讀玩味講解精詳俾義理透徹餘博之以歷代史鑑究
知夫古今治亂之迹又次教之以律令算法兵射藝與夫農

桑水利等事仍置三等簿籍考驗其德行優文藝賅治事長者
列上等簿或有德行而劣經義有德行經義而劣治事者列二
等簿經義雖優治事雖長而德行欠缺者列三等簿歲課月考
驗其所進循次而升之非上等二等不許科貢如有放肆妄誕
嗜酒挾妓賄情竊盜出入官有起減詞訟說事過錢包攬物料
挾制師長不守學規者悉皆黜退照例充吏為民若提調學校
官不行躬親巡歷嚴加考選當置等第勉勵成效者聽巡按部
史糾舉等因奉請條約一舊制選民間俊秀子弟入學而倡優
隸卒不與焉所以別賢愚明貴賤也近年以來有司不加精選
教官務求多得恐稍大乎營充以避校鄰徇庸流泛收以備數
用致賢不肖混為一區雖有聰明特達之才溺於見聞無毫麻
相狀之益有苗莠相亂之病比者本部已嘗奏准量郡縣大小

依額存留裁減冗陋而提督官不行嚴如考選姑容不肖者高
多請行各處巡按監察御史逐一查考學校如有不依本部原
擬裁革事例初縱容不肖生員冗濫在學隱耐于後者即將提
調學校官各奏等因如例有司學官一體究治一學校端本澄
源之地所以大學奉奉於正心誠意之學孟子切切於義利之
辨誠恐學者利害其心也近年學校生員聽令納馬納牛納米
納單入監殊非教養本意且前代雖有納粟補官之法今而不
用以補士子為士子者知剛利可以進自剛無所往而不謀利
或買賈或舉放或取之官所或取之鄉里視經書如土苴而苞
苴是求柔仁義如敝履而貨財是值士心一虛則士氣士節由
此而喪他日致用何望其能興治有補於國家哉自今伊始雖
有違事緊急艱難之處亦不許以監生生員納粟納馬等項出

員若再以此例開端者許該部六科十三道糾正之用以端士
心而美教化一衛學之設蓋欲令武士習讀武經七書得知古
人坐作進退之方尊君死長之義然中阿亦有聰明拔倫之士
能通經書有志科目者聽於科目出身不使其有遺才近大學
士李賢奏准各處衛學軍生照縣學例歲貢彼見歲貢易得行
伍難當將紛然舍彼就此則行伍缺而武備弛矣况又有以原
籍弟姪親族冒作舍餘數入衛學者宜定與則例除兩京武學
外在外衛學四衛以上軍生不得過八十名三衛不得過六十
名二衛一衛不得過四十名若所在舍餘無堪教養不及額數
者不必足數其生員二十五歲以下考通之理者存留二十五
歲以上不通文理悉皆退回營伍仍聽巡按御史并提調學校
官嚴加考選精別去留若果無堪育之人不必起育原無衛學

之處不許添設有司儒學軍生寄在讀書者聽與民生一體考
選食廩放次歲貢亦不得過二十名一各處府州縣官中間留
意學校者固多漫意不如省者不少差徭不如例優免廩膳不
如法供給學食不加修理廟祀不加明潔朔望行香升堂而選
生徒勤惰畧不究心教官奉承者禮貌違忤者折辱以致學校
不興人才艱就是皆有司提調不得其人故也宜行各處巡按
監察御史按察司官凡按臨之地首先巡視學校遇有前項弊
政輕則從宜懲治省令修舉重則掣問如例應奏請者奏請今
後有司官務要用心整理學校勉勵生徒用闡成效一各處巡
按監察御史布按二司官凡學校之政法當提督整治近年以
來多有提調學校官職專其事遂皆置之不問其提調學校官
有一年巡歷一遍者有三二年一遍者所以教官生負肆無忌

憚舉旻之政廢於徃時欲人才成就愈難矣今後巡按御史布
按二司官所在學校俱要用心提督整理其進退科貢等項仍
從提調學校官主之若提調學校官苟延歲月有荒學政及布
按二司官推調不理者總巡按監察御史糾舉掣問一教官例
未副榜舉人除授近年皆不肯就以拘例太窄故也一就教職
終身不展人豈肯樂為之夫人才相去不遠教官中豈無宏才
碩學奇傑異能之士苟敢而用之得其道入將鼓勵而興爭趨
而赴矣洪武永樂洪熙宣德正統年間教官有學者多簡任
京職如胡儼陳山張瑛魏驥年富王未等皆其選人今後教官
考滿宜命吏部嚴加考選如有年貌相應功績不虧學行超越
去內而風憲近侍等官外而有司衙門照例量才擢用若在任
有奇才異能卓出群表九年將滿者聽巡按御史會同布按二

司具實奏聞吏部行取一體考驗擢用如此則師道充榮而人
人樂就模範可以得人久一雲南貴州等處遺貢生負國初以
其遠方特示優容之意其後宣德正統年間已嘗考貢天順年
來又復遵貢今國家文運百年於茲道化旁洽宜遠近有闕比
年雲南貴州科舉進士徃徃連名有足徵者宜自成化四年為
始仍照正統年例一體考貢若他處人冒籍遠方學校歲貢科
舉者概繫解京治罪所司縱容者以賊論一各處歲貢生負以
原膳食糧數多者起送其食原月日除考科貢准作實在其餘
閒餘月日俱作虛曠係見行事例近該給事中劉冕奏稱丁憂
人子大節公與准作食糧日期於情未安除會議外宜令今後
廩膳生負丁憂除二十日箇月止服准作食糧之數如已服闋
在家無故遷延及養病付視一切並作虛曠其該年歲貢除到

部外若已行起送不分在家中途遇有事故或過一年之上者
並不許補苴如有學充補苴所司經該官吏俱治以罪一南北
直隸舊例御史二員提調學校近各保理按察司副使初前提
調緣按察司官於直隸兩州縣上下既不統攝行事未先拜拜
宜令吏部將二副使於別按察司銓用另行會官推舉有學行
政事御史二員照例請勅提調南北直隸學校副使是時學校
廢弛生徒苟容碑進者多遂上此奏 上是之皆准行○初置
湖廣遠安守禦千戶所襄陽府遠安縣在萬山之中去軍衛遠
偏千止一里半流民數多易為變亂巡撫都御史等官請以荆
州衛帶管護衛多餘軍立千戶所故有是命○乙酉海西遠溫
河衛野人女直都指揮八只奴等兀者衛指揮亦里答等奉朝
各貢馬及海青貂皮帽衣服蘇段等物有差○琉球國中王

高德遣長史蔣璠等來朝貢馬及方物賜絲氈等物有差○封
左都督毛忠為伏羌伯給祿歲一千石米鈔中半魚支賞其征
西之功也○命故連溫河衛都指揮使夾刺答子亦里當哈襲
為都指揮僉事陞兀者衛指揮使亦里答為都指揮僉事○丙
戌陞高甯司少卿楊導為本司卿以九年任滿也○丁亥陞御
馬監把總都指揮使李玉為都督僉事○戊子晚刻金星犯外
屏西第二星○哈密來朝使臣閃思丁奏本土飢寒男婦二百
六十餘人隨木在邊乞食不能回還命人給綿布二匹米六斗
以遺之○遣官諭祭已故司禮監太監舒良良景恭中給事司
禮監天順初石亨革誣以逆立外藩坐死誦其弟玉成口外五
是玉上疏為良雪寃得復舊職故賜祭云○夜月犯十二指國
代星○己丑遣北齊王字魯乃黃峇王毛里孩遣使臣詳勒平

章等二百八十一人來朝禮部奏使臣入大同琿宜令鎮逆等
官如例宴待陛見日例賜衣帽皆從之○欽天監監正谷瀆受
賕濫舉其屬為人所登下刑部擬罪當杖徒除名特命贖罪修
漏刻博士給事中毛弘等執奏以為當從刑部所擬上以事
既施行不從○磔虜寇帖留帖木兒等十人于市從毛里孩犯
逸者也○庚寅封兵部尚書兼翰林院學士彭時父毓義如其
子官常制京朝官滿三年方賜誥勅時任尚書未三年以毓義
年七十有九恐不能久特榮命具疏以請許之○陞湖廣左叅
將都指揮僉事高瑞為都指揮同知以兩廣殺賊功也○命南
京採江遂安伯陳韶揚州僉佾都督僉事董良各督所屬巡視
蘇江一帶擒捕鹽徒盜賊詔自鎮江儀真至九江良自常州並
清河至通泰州○湖廣總兵官都督同知李震奏廣西徭賊越

境流劫桂陽等州縣殺虜人財官軍勒稅之生擒一百餘人斬首三千八百六十顆○辛卯革右軍都督府同知威廣理府事以通政司奉其公文稽誤也○遼東副總兵都督僉事施瑛虜寇屢入境不能禦且遣總兵官箝制失設軍機巡按御史劾奏其罪詔執送京師治之○貴州總兵官南寧伯毛榮奏三事一貴州都司原設旗軍一十六萬一十八百餘名今止有二萬八千八百餘名乞行清軍御史通行天下有司禁約今後有人附籍者必行原籍官司查勘無礙方許寄籍若係避後逃軍就聞發極遠充軍其作弊者放及容隱里老隣佑俱一體發遣一舊例月糧總旗一石五斗小旗一石二斗軍一石近部御史王倫奏准俱三分折色七分折鈔因貴州庫無積鈔俱於湖廣四川二布政司闕支差官徃後動經年歲不得闕用乞勅該部計

議高州與極邊去處旗軍月糧原本色者與木色原新銀布
者新銀布正常德府造西上至辰州府馬驛大路六程辰州府
上至沅州羅舊堡馬驛大路四程俱無站堡每遇遞送進貢方
物賞賜軍需皆由陸路以行常德府夫送至辰州辰州府夫送
至沅州往回跋涉動經旬月民力不堪洪武年間辰州府下至
常德府桃源縣原有界亭馬底二堡上至沅州原有麻溪十里
中河三堡每堡甲軍二百名供於辰州衛多餘軍內撥守又全
調一旗軍人分撥各堡就彼開種田地專一接遞就令守禦地
方直抵雲南一路站堡程程相接民無勞力後因征之吐暫取
調用因而廢弛况彼處蠻人不時出沒深為地方之患乞勅湖
廣巡撫等官會勘洪武年間原設各堡去處照舊於辰州衛屬
撥多餘軍人撥守常川接遞每堡立百戶二員管軍如或本衛

軍少乞以內外法司問發充軍囚犯發遣補輸入 上以所
言有理命兵部奏酌舉行○陞弗殺衛指揮僉事阿卜塔揚書
忽魯愛衛指揮僉事幹合里俱一級○壬辰陞禮科都給事中
樊冕為河南布政司右叅政山東按察司副使張謨為浙江右
叅政○追錄兩廣及貴州斬賊死敵功命故錦衣衛指揮使卜
答赤子陳永襲陞都指揮僉事大興左衛指揮同知萬斌子凱
襲陞指揮使○遷按直隸監察御史邊鏞等印過應天并鳳陽
等府滁和等州縣天順八年并成化元年葉生陪償馬驛并馴
共一萬九千三百六十七匹○磔反賊打郎哥色都二人于市
皆從女直都指揮李欵赤入東寧王湖等處殺掠人畜者也○
癸巳 上以北甯毛里孩等遣使朝貢勅太監衮恒撫寧使朱
永毓官軍一萬駐代州仍命左叅將劉聚領官軍五千駐大同

右各將純政領官軍五千駐宣府遇有警報悉聽承永調度俟
虜使還覈其情實奏聞以憑區處○遼賊入遼東東山搶虜人
畜及掠西野人建州等衛夷人俱欲入境搶掠報至 上命遠
東鎮守總兵巡撫等官整飭兵備嚴謹提防勅命監察御史覈
實以聞○甲午命在京三品以上官子孫各一人入監讀書先
是國子監助教李伸上言欲捨大臣之子事下建議以為爵以
待賢理不可濫教養之法義不可闕宜如舊制三品以上官子
孫方聽一人入監讀書禮部為上其議故有是命○陝西河州
衛弘化寺番僧二哥滿竹等以州衛弘覺寺番僧三竹亂藏等
將谷利抄等箠番人勇胖等判答等箠箠頭番人谷竹官等各
來朝貢物及佛像等物賜絲段鈔錢有差

明憲宗紀皇帝實錄卷之四十一

成化三年夏四月丙申朔享太廟○遣內官祭司寇之神○
命右軍都督府署都督僉事李景哲掌本府印○命隆平侯張
祐靖遠伯王瑋都督僉事楊麟下草場牧馬○丁酉己時西北
風有聲揚塵蔽天申時漸散○陞翰林院編修江朝宗為侍講
以九年任滿也○南京守臣奏太平門外地名小團山埭塌一
處逼近孝陵宜加修築從之○南京戶部左侍郎陳登乞終
制許之○命故長使衛帶休都指揮僉事陶鑑子培襲父原職
指揮使○命故浙江都指揮同知王政子澤襲父原職杭州右
衛指揮使○命哈密故忠順王脫歡帖木兒外孫都督同知把
塔木兒為右都督攝行國王事賜印并金織衣一襲降勅諭之
曰爾哈密地方自我祖宗以來設立衛分世世為忠順王給

與印信管束人民以衛我邊方今王不棄物故王母獨存嗣續
之人人民失所朕以爾為忠順王之說又嘗說我朝廷都督同
知之職特准都督母雜法兒著指揮只杭沙等奉保陞爾前職
別給印命爾掌管哈密城池爾其敬順天道恭事朝廷管束人
民輔佐王母保安境土捍禦遠方三年之後如果事安民安國
人親信朝廷另行褒賞今賜爾金織衣一襲就令母雜法兒等
齎至王可領之爾其如勅奉行倘哈密以忠順王國絕請立把
塔木兒繼之而王母等益益失力謂臣不可繼君請以王之族
弟阿兒察為繼嗣管命都指揮李珍陞其國處置以阿兒察畏避
不居而還至是都督母雜法兒等奪其國表文帝後請立把塔
木兒控訴哀切帝下廷臣議會謂扶弱保小王者至仁興滅繼
絕朝廷大義宜權遂所請量陞把塔木兒一級給以銅印假以

威權待三年之久以觀夷情向背果為王母所信託國人所愛
戴其詞未聞然後徐為封建初勅岑溫益失力諭以朝廷矜恤
之意上可其奏故有是命○戊戌命錦衣衛百戶林密協同
衛鎮撫趙瑄理刑○開平衛帶俸都指揮僉事申義老疾命其
子宣代父原職指揮使○勅萬全都司管都指揮同知江山守
備朔州地方○南京太僕寺侯過應天并直隸鳳陽等府滁和
等州天順七年分馬騾并駒八千九百九十三匹○己亥陞都
察院右副都御史林聰為右都御史以九年任滿也○潼關衛
百戶羅錦奏哀垣王第三子奪其妹為妾且稱為次妃上降
勅諭文垣王曰王前娶婦事當奏請妻妾名稱各有等第今王
之子強娶人女為妾擅名次妃於禮法寧無礙乎此皆王不
能蔽衆所致王其切責之令還其女庶無後悔○勅諭考郎兀

等四十回衛部督撒哈良等曰爾女直衛分乃我 祖宗所設
世殺爾以官職稱年朝貢所得賞賜亦已厚矣正當感恩圖報
以全臣節今乃背義忘恩縱其部下犯我邊境邊將屢請起調
大軍直搗爾境征剿朕念爾衆人俱是朝廷赤子中間有善
有惡不可一禁誅戮特廣天地之量姑置不究仍降勅示爾爾
宜敬順天道深體朝廷好生之德戒諭部屬令其革心向化改
過自新即將原掠人畜一一送還以贖前罪自今各安生理依
時朝貢永享太平之福若仍長惡不悛大軍一出追悔無及矣
爾其欽承朕命毋怠毋忽○庚子修南京端門承元門損壞梁
柱○賜故左軍部督府右都督追封大同伯謚武毅伯瑾誥命
○命羽林前衛帶体老疾都指揮同知劉源子雄代父原職指
揮使故弘農衛帶体都指揮同知趙貴子清彭城衛帶体都指

揮僉事朱震子琪俱襲父原職本衛指揮使○調南京統騎右
衛指揮使徐福成於四川建昌衛李輝於廣西奉議衛以福成
等同僚不和也○辛丑太子少保戶部尚書馬昂都察院右副
都御史林聰等奏臣等同太監懷恩於五軍三千神機營選過
一等官軍五軍營得七萬九千三百四人三千營一萬四千八
百六十人神機營四萬九千七百四十五人共一十四萬三千
九百有九人俱係京衛外衛見在操練并放班之數 上曰一
等官軍數多仍萬分十二營操練兵部其會舉坐營官以統領
之仍推舉之氏大臣各一負總督其事務在得人○命故留守
中衛帶俸都指揮僉事王淳子階襲父原職指揮同知○壬寅
禮部奏四川鹽井衛所屬沿邊寧夷等堡及黑白二鹽井馬刺
長官司直抵瀘州也自去年六月至今晝夜地震不時共計三

百七十五次而十二月十四日夜震尤甚壞城垣房屋數多沿邊軍民驚駭不安請勅戒諭鎮守總兵巡撫并三司等官上從之仍命遣行人蕭香帛祝文祭告境內山川之神以禳災咎○巡按直隸監察御史康永韶奏戶部尚書馬昂用計勒買民地昂亦奏永韶挾私枉斷遣刑部郎中陳儼等勘問儼奏永韶憑委官妄報枉斷地土而昂亦不避嫌疑輒自行下原籍官司勘問俱令治罪上置昂不問并永韶亦貸之○勅各處鎮守巡撫等官通行查勘流民未復業并應給牛具種子及見在馬匹糧儲數少者各從長設法區畫務使人民安業邊備足用○癸卯兵部尚書王復等言今衛所因循日久器械愈滋以致軍士有名無實有私役跟官者有解納月錢者及開上司查點輒開作守城把門看廐種菜當匠差探等項破調影射甚者新軍

解到百計駭擾索要財物或遁道在逃或隨即贖放情弊非一故有司雖有清理之名而衛所無充實之效今各營軍士已蒙查理而在京在外衛所亦當如之如有私役跟官辦納月錢索要財物過道賣放者該管官員革去管軍管事若新解軍到過道賣放者十名以上降一級多有計數遞降其不及十名者如常例發落在京衛分府令見委管理存恤軍士本部員外郎給事中御史稽考逐年各衛食糧文冊要其某衛軍士原數若干見在若干在衛差占并空閒各若干逐一查出將精壯者送營操備在外衛所兩直隸行移巡按御史同所在知府十三布政司行移布政司同分巡按察司官查冊各衛食糧文冊照例清出操練仍將清理之數造冊繳部每年一次查考如有前項作弊情由一體奏問罪如所擬者為例庶幾有司不致煩擾軍

任得清 上可其奏○陝西行都司都指揮同知王能未疾命
其子祚代父原職西安後衛指揮使○鎮守遼東太監李良等
奏三月以來膚城攻圍通遠堡槍掠人畜射傷土兵官軍及懿
路州原錦州等處膚城二千餘騎在遼窺伺入寇 上勅良等
整兵提備仍命巡按監察御史覆實以聞○陝西岷州衛土番
下節藏等箴箴頭番人節陸地等并四川茶甘宣慰使司觀龍
等寨頭目人等馬哈孟等來朝各貢馬及明甲鎗鎗等物賜宴
并襲衣絲段食茶等物有差○甲辰龍鎮守大同叅將都督僉
事李英命彰武伯楊信代之○起復四川威州知州柯淵仍管
州事淵治威州得夷漢心以母喪去任友人請留之起撫都御
史汪浩以內外鎮守官合詞以聞遂有是命○霄平兩廣賊有
功官軍錦衣衛都指揮白金等一萬六千六百五十八員名都

指揮每負鈔一千貫絲段三表裏指揮鈔八百貫絲段二表裏
千戶衛鎮撫鈔六百貫絲段一表裏百戶所鎮撫鈔五百貫絹
三匹旗軍土兵民壯人等鈔三百貫絹布各一匹親臨敵陣閱
視紀功備運糧餉官鈔八百貫絲段二表裏其餘知府宣慰使
視指揮例同知知州視千戶知縣縣丞主簿訓導巡檢驛丞倉
大使河泊典史長官司長官并校七品舍人散官及省祭等官
視百戶監生史典生員視旗軍內奇功加賞者未賞外加一倍
○乙巳以天氣炎熱命刑部都察院審錄見監囚徒從輕發遣
於是徒杖罪以下悉從末減重囚情可矜疑者免死謫戍邊衛
○丙午陞監察御史荆輪為陝西按察司僉事○巡撫四川左
僉都御史汪浩等奏勅都墨溪各寨番蠻自去冬以來累次於
龍州石泉等處殺虜人民臣等隨督官兵追勦殺死者二十餘

人餘番聞之皆潛走回塞。上命鎮守總兵官萬成等及松潘總兵盧鈺等仍調兵勦捕之。○迤北毛里孩等遣使臣咩勒平章等來朝貢馬賜宴并衣服綵段等物有差其回賜加賜毛里孩等金織衣綵段等件并勅付咩勒等領回仍以綵段表裏酬其白金馬價其存留大同使臣人等賞賜令伴送指揮景春等齎付鎮守總兵等官給與之。○追錄荆襄兩廣等處殺賊陣亡功陞錦衣衛達官正千戶乃蠻子劉柱兒烏撒衛正千戶馬青子從俱為指揮僉事。○丁未命宣城伯衛穎佩征虜前將軍印充總兵官鎮守遼東。○陞燕山右衛指揮使盧茂金吾左衛指揮使楊玉俱為都指揮僉事彰城衛指揮同知李濟為指揮使錦衣衛正千戶亦不刺甘州右衛正千戶乃旺俱為指揮僉事先是茂等斬賊獲功當陞有司失於銓注今改正云。○宣府地

震有禁○己酉命前軍左都督喜信暫掌府事○陞南京吏部
郎中黃霖為福建布政司右叅議○巡撫大同右副都御史王
越奏懲湖潭源三州山陰馬邑懷仁靈丘四縣大同城并東西
二路天城陽和等處軍馬屯駐所在草束將盡存者泥濘數多
請照山西都御史李侃奏例納米冠帶軍民舍餘改納草雜犯
死罪而下納草收贖於是戶部定議凡軍民納草一千一百束
者給與冠帶一千四百束者正九品一千七百束者正八品二
千束者正七品俱散官贖雜犯死罪者一千束流罪者七百束
徒三年至一年者自五束各遞減五十束杖一百至六十者自
二百五十束各遞減三十束笞五十至一十者自一百束各遞
減二十束杖足用停止從之○庚戌國子監生黃徵言其祖福
歷事五朝官至少保兼尚書卒贈太保謚忠宣惟子孫未

錄用乞如尚書夏原吉子恩例量授一職下其章于吏部格不行○辛亥 仁祖淳皇帝忌辰 奉先殿行祭禮○給伊王謨
鈔錄麥歲二百五十石初王祖簡王祿米歲定二千石尋特賜
麥五百石簡王薨麥任支請如前支給命給其半○夜太陰色
赤如赭○提督兩廣軍務左副都御史韓雍等奏廣西蠻賊入
海州府城及北流容二縣治四散流劫廣東吳川等縣鄉村臣
等督兵追勦之屢於鷓冠山寨等處擒斬首級七百四十五名
顆奪回被虜并俘獲賊屬八百四十九名口又於瓦窰等處擒
斬賊四百一十人奪回被虜并俘獲賊屬三百七十一人
上嘉其功降勅獎諭之○壬子陞鴻臚寺左少卿楊宣為本寺
卿以九年任滿也○巡撫遼東右僉都御史袁愷以母喪去任
○前軍都督府左都督喜信卒信西域人先任錦衣衛指揮僉

事累軍功歷進前軍都督同知成化元年充左叅將鉅荆襄事
平陞左都督尋命理前事未幾卒輟朝一日賜祭葬如例信性
頗險天順中西番獻獅子中道死而以其皮未獻信使其人上
書于朝求通使剛西域俾其索得以射利恐同事者發其姦豫
以危言懼之使不敢異辭其事雖不竟然其為人可知已○癸
丑重立十二營改工部尚書白圭為兵部尚書太子少保如故
仍命不妨部事同定賁伯郭登太監裴當提督十二營操練後
令太監劉永誠傳恭并五軍三千神機營鎮兵每月三次赴圍
營會操遇有調遣公同計議○改兵部尚書王復為工部尚書
○降都督僉事曹廣為都指揮同知廣充右叅將鎮守遼東開
原生失機當斬 上宥其罪降二級仍於遼東聽調殺賊○命
遼東開原備禦右監丞常朝左叅將都指揮使孫璟同分守開

原○辰時金星晝見於巳○夜月犯南斗杓第二星○甲寅命
前軍都督同知趙勝掌本有事○乙卯設十二營坐營官以平
江伯陳統坐奮武營都督同知趙勝擢武營都督僉事王瑛鍊
武營右都督劉聚顯武營都督同知鮑政敢勇營都督同知白
玉果勇營左都督和勇敢勇營都督同知馬良鼓勇營都督僉
事武忠立威營都督僉事湛清伸威營都督同知張致揚威營
都督僉事李晃派威營每營初令內官一員協同管操其白玉
所領鳳陽守備官軍令留守穆威代領操備和勇所領兩廣稅
賦邊官軍令都督僉事廉忠代領殺賊○丙辰太僕寺印儀過
順天府薊州遵化等縣馬八百三十五匹○太僕寺少卿陳端
卒端交趾人父文俊永樂初率衆來歸英國公張輔承制授廣
東韶州判官後入朝留居京改太僕寺主簿卒端以父功乞恩

龍其官累陞至少卿加正三品俸卒端氣貌端重與人交有禮
雖出自避外然居官無顯過亦可稱云○丁巳 仁宗淳皇后
忌辰 奉先殿行祭禮○修 太廟并 社稷壇神路御道○
錦衣衛帶俸指揮使蔣昇等使遠北還奏乞陞賞 上念其勞
陞昇及通事序班馬玉等七人俱一級○陞守備獨石城保安
衛指揮使郭瑄為署都指揮僉事○命改四川涪州衛帶俸都
指揮僉事韓王子雄襲父原職指揮使○甯守備懷安等衛奉
御田真罪真坐膏放軍舍辦納月錢後占軍人耕種田地又扶
勢索取官軍財物事覺 上命自陳真輸版乃宥之仍戒再犯
不宥○巡撫遼東右僉都御史袁愷等奏虜賊從饒頭山雪裏
站入境搶男婦三百一十七人馬牛驢六百四十一頭殺死官
舍餘丁十人人從威遠堡全家寨守屯入坑搶虜男婦七十二

入馬中墜九十三頭殺死燒死男婦三十六人又從小火山墜
入境搶虜男婦六十八人馬牛四十二頭人從靖遠墜入境搶
虜男婦十二人牛十隻 上命兵部議處未聞○戊午南京大
理寺右少卿夏時正聞母喪因稱疾乞放歸田里詔不聽其辭
疾但令守制○迺死李齊乃毛里孩等因遣使朝貢奏欲遣報
使 上不允賜以勅曰爾等導使朝廷遣使朝貢朕甚嘉悅於
其未使賜以宴賞比諸夷有如有所求請量有所給付朕於爾
厚矣所以然者朕奉天命為華夷主當廣如天之量以容受之
今爾等欲求朝廷遣使固是美事但使臣不能盡得其人或反
因之構起兵端况我 祖宗原無此例近年雖遣不克慎終今
不可效尤爾等能放順每年來朝朕不爾拒劫宜戒約部屬勿
從軟我邊庶彼此安樂共享太平之福於永久宜不美歟既而

唐使咩勒平章等遂賜宴于禮部仍命行人途次宴帶大通事
伴送出境○唐賦入鑿秋榷等地方稅夜不收四人鎮守蘄州
等處右少監龔榮巡撫右僉都御史閻本等以聞且自劾其說
令不散失機誤事之罪上曰論法固當究治然既引罪自劾
姑宥之○己未申命天下文武官軍折色俸糧錢鈔兼支先是
戶部以錢法不通嘗請令天下諸司凡徵收支給之類錢鈔兼
用至是有沮格之者戶部遂奏請申明是令○賜秦府保安王
第三子名曰誠漢晉府方山王第五子名曰鍾鉞代府宣寧王
第五子名曰仕埜六子曰仕羸八子曰仕塋○六科給事中毛
弘等言近年唐苗犯邊殺唐軍民人心憤怨地方騷然雖嘗假
以進貢為由其嘗欲此我虛實以為從違況其未朝數月率多
中國詭唐之人探聽事情因之人防莫重於此皇上正宜雷

衣旰食勵精圖治動必由乎道德行必當乎人心使彼黠虜聞之必將畏威懷德守信結和無復敢犯我邊疆矣近見皇上於退朝之眼頗市遊適砲聲吶喊數聞於外皇城之內最非所宜不惟人心驚駭宗廟不安實使虜使聞之恐生輕忽之意況近日以來或日月赤色或陰氣昏蒙或大風激烈或黃靈蔽天淹東宣府地震有聲四川地震凡三百七十五次城堡倒塌知折及乘輿各遠在一方實關朝廷氣數如人手足之疾未必不由心腹所致書曰惟吉凶不僭在人惟天降災祥在德律曰禍福無門惟人所召似此變異非常殆亦人事所致推其理究其占皆陽微不足以勝陰陰盛足以侵陽之象夷狄侵中國亦其一事也況今三廣四川兵革之後南北直隸永旱之餘倉庫多虛公私供困加之虜寇在邊天變于上地震于下此正皇

上則身修行思患預防之特豈可少以逸樂為事乎伏望
皇上以敬為所以懲自懲崇儉約之風致憂勤之意遊樂宴樂
無益之事也必節之以養聖心金豆銀豆無名之費也必罷
之以防國用尤於退朝之暇萬幾之餘日御經筵講明聖學
必使心與理會貞與道俱仍乞勅在朝臣工同加修省以弭災
異庶足以解天怒慰人心以保受命無疆之休臣區庸前必不
辭戢而自戕矣臣等又聞古之天子有爭臣七人所以能長保
其天下今臣等濫叨耳目之寄備員諫官苟思惟聖情誠然
自保而致皇上於過差之犯萬一有不虞之事使不得比隆
堯舜之君臣等雖萬死不足以贖其尸曠之罪也十三道監察
御史展毓等亦以是為言上皆嘉納之謂事所當行者朕自
處置君臣上下宜同加儉省以回天意○禮寧遠衛指揮殷斌

鑑義州衛指揮使陳重定逢後衛指揮使武振俱為冒都指揮
僉事守備廣寧前屯錦州瀋陽地方○勅命陝西驍罪糧草折
銀物庫賊犯違大軍征勦所司以糧草缺乏奏定雜犯死罪并
管杖徒流者俱納糧草折銀收贖班師而止至是賊既遠遁例
應得罷巡撫都御史項忠以逢慶平涼備運疲困凡雜辦軍需
已為優免而邊儲不可不預備請仍行前例凡所屬問刑衙門
間擬輕重罪囚有應收贖者俱折時價送布此司於各邊糧草
有缺則差官分辦糴買其或價有貴賤不同則布按二司因時
損益以兩折收之例底筭官民兩便戶部覆奏從之○庚申召
右僉都御史張紱還京命巡撫遼東地方時紱在保定等府撫
安人民兵部會官舉其練達老成故有是命○遣北使臣呼勒
等六十八人乞恩投贖 上命一等正使呼勒額帖于俱投指

樺使副使可可猛可充俱指樺岡知二等種阿兒伯不花等三十七人俱百戶給冠帶○錄遠方捕虜死敵將士功千戶曹能等三員俱陞一級給賞指揮劉旺等一百五十九員名俱陞一級不賞○兵部左侍郎程信等奏虜賊入遼東撫順懿路開原遼陽鐵嶺地方節次搶掠入畜巡視守瞭守堡巡空備禦等官都指揮康顯等失機誤事法當究治請令各官任係戴罪殺賊以贖前罪鎮守鎮兵巡撫等官太監李良等不能運籌決勝且號令不嚴以致下人怠忽誤事亦宜究治 上曰然良等姑宥之○巡按陝西監察御史胡深等奏沈岷西寧等處番箴出沒鎮守洮州指揮使汪鈞等及各分守巡哨指揮使陳欽同知丁亮等不行用心防備令蠻賊攻燒關寨城堡搶殺軍民請究治之 上令巡撫都御史項忠同深等酌量事情究問○辛酉命

改江西都指揮同知余喜子景襲父原職處州衛指揮使燕山
左衛帶俸老疾都指揮同知陳傑子謙代父原職指揮使○中
軍署都督僉事武忠奉勅撫安海西嘔罕河兀老把河三衛忠
請降勅并撫安秀都兀等四十五衛兵部奏如所言降勅各衛
脫諭其首領都督撒哈良等曰爾世受朝廷厚恩在邊任牧養
以官爵奉以膏賜所當堅守臣節保固藩籬今乃不遵法度構
患遠方朝廷本欲出兵追勦但念中間善惡不同若一禁誅戮
剛恐罪及無辜故特加寬宥降勅宥諭爾自今其分安生鈐束
部落各保境土永享太平之福若長惡肆姦竊掠不悛朝廷必
痛勦不宥焉其宥念毋貽後悔○壬戌定襄伯郭登自陳年老
不堪提督軍務請別選賢能代理上不允令用心操練軍士
以備調用○改山東按察司副使陳政廣西僉事劉珙于雲南

政以山東副使提調北直隸學校言者謂其行事不便請調用
之砥提調廣西時議暫罷廣西提學者遂皆改用之○巡按陝
西監察御史董俊劾奏左布政使張瑩不嚴提督致罪因越獄
脫逃請究其罪從之○癸亥定五軍三千神機營把總官都指
揮錢亮等一百二十員從會昌侯孫繼宗等舉亮等弓馬熟閑
善撫軍士故也○鎮守甘肅太監顏羨等奏遊擊將軍都督同
知趙英擅放備禦官軍都察院請行巡按御史逮問

上以用人之際姑宥英仍令移文使知警懼○松潘等處副總
兵都督僉事盧能等奏威保茂疊地方廣濶乏人巡視乞命右
叅將李文祈領松潘官軍三百員名隨從巡視威保茂疊等處
地方從之○建州左衛女直都督董山等以聽招撫來朝貢馬
及貂皮上以山等嘗縱部落犯邊逆名集誦夷於闕下降勅

諭之曰爾等俱係朝廷屬衛世受爵賞爾在邊任牧朝廷何
負於爾今却縱容下人糾合毛憐等處友人侵犯邊境虜掠人
畜忘恩背義論

祖宗之法本難容恕但爾等既服罪而來朕體天地好生之德
姑從寬宥令爾回還務各改過自新戒飭部落敬順天道違事
朝廷不許仍前為非所掠人口批訪送還不許藏匿若不悛
必勅調大軍問罪悔將何及其省之戒之於是諸夷皆頓首輸
服○甲子定成國公朱像之祿米每一歲三千五百石時朱像
守倫南京疏陳其祖能其父勇俱食祿三千五百石臣懇請以
來歲止二千五百石臣請給父祖之原祿

上以其守倫事重從儀所請本色四分折色六分○命署都指
揮僉事許寧充遊擊將軍仍命寧守倫柴溝堡地方及往來

萬全左右懷安新河口洗馬林西陽河等處地方巡哨遇有賊
寇侵犯以便調度西路官軍相機剿殺凡軍情重務悉與鎮守
巡撫等官會議○陝西岷州衛外夷上答刺簇簇頭番人豁節
等阿秀等簇簇頭番人錯安等并秦州衛階州撫降番人東竹
堅甘等各來朝貢馬及明甲等物 上命賜絲段銷鈔等物有
差

[Faint, illegible vertical text columns within a rectangular border]

明憲宗純皇帝實錄卷之四十二

成化三年五月乙丑朔命英國公張懋懷率侯孫鍾彭城伯張瑾成山伯王瑄為正使禮科給事中張鐸史科給事中已志吏部郎中鍾清禮部郎中杜謙為副使持節冊封趙王第二弟見洪為汝源王第三弟見洽為昆陽王魯府鄒平敬靖王次子陽晉為鄒平王米城兵馬副指揮張果女為鄒平王妃寧夏中護衛鎮撫張銘女為慶府岐陽王妃西城兵馬指揮楊敬女為晉世子妃西城兵馬副指揮張致女為義寧王妃○兵部左侍郎程信奏大同西路達賊擁衆深入搶掠而右少監帶力轉奏將都指揮使秦傑防守不謹左少監單璣修武伯沈煜都督僉事張瑄右副都御史王越疏令不嚴以致失機該事俱宜究治其罪上是其言仍姑宥帶力轉秦傑等○陝西苑馬寺卿朱瑄

等奏州城廣寧等苑軍人收放官馬成化二年七月秋唐掠去一千六百九十三匹即今元旱請暫免追償從之○夜南方流星如盞大青白色无燭地自河鼓行丈餘發光如碗大東北行至奎宿尾跡炸散後十餘小星隨之○丁卯鎮守大同左少監單瑛奏達賊大勢入境官軍分為四路都指揮李愷等為左哨都指揮馬傑等為右哨修武伯沈煜都督僉事張瑄由中路臣偕都御史王越等隨後策應屢與賊戰殺賊衆生擒一十二人斬首二十七顆獲鞍馬一百二十匹弓箭什物無算詔單瑛等三員俱陞一級沈煜等三員宜從厚賞餘官軍陞賞有差○戊辰无祿寺少卿劉璉九年考滿陞太僕寺少卿仍於无祿寺辦事璉奏辦事於无祿而列銜以太僕名實不稱上命改通政司右通政仍舊辦事○罷分守燕河營右叅將都指揮同知

王福以都指揮僉事趙源充右叅將代之○己巳瑞陽節賜百
官宴于午門○庚午鎮守獨石馬營等處奉御進保擅作威福
虐軍取賂稍不順者輒笞死之事連宣府副總兵黃瑄獨石馬
營左叅將李剛俱送治之都察院鞠實進保生斬瑄等贖杖還
職○辛未定擬人同開中鹽課則例淮鹽六萬引每引納穀草
三十五束浙鹽五萬引每引二十束長蘆鹽二萬引引二十五
束山東鹽一萬引引十五束河東陝西鹽二萬引引八束福建
廣東鹽各一萬引引供十五束以北虜撫東北邊各城之草從
質理軍務右副都御史王越請也○壬申授國子監監生呂憲
為中書舍人憲故學士原之子以齋補也○癸酉人回地震有
聲咸遠朔州亦同日震壞墩臺牆垣壓傷人上勅諭宣府大
同鎮守巡撫等官曰地逆屬陰險名兵象夷狄象也爾等所職

者兵所當懷却者美伏然兵備怠弛不修以致是伏促悔無所
顧忘咎不在滿等也其他補前過勿貽後悔○冬西陲監察御史李剛為太僕寺少卿○刑科左給事中毛弘等言長安大街劫近皇城民家乃為強盜劫劫甚非細故蓋由兵馬司因循怠惰不行禁捕巡視御史提督不嚴供合究治從之○遼東副總兵署都督僉事施英嘗兩被主將命會兵剿唐迺適不進致唐殺掠官軍人畜甚眾都察院擬以失誤軍機者律斬從之○代府山陰王璉熒王簡王之第四子也母妃徐氏永樂己丑生二十一年用封山陰王至是薨年四十九卦聞輟朝一日賜祭葬如制謚曰康惠○甲戌 太祖高皇帝忌辰 奉先殿行祭禮斯兩都尉趙輝承命祭 奉陵○得免遼東歲貢人參故事遼東都司歲貢人參每歲後東寧衛卒出境採辦時以建州女

直頻歲入寇人不聊生賦無所出巡撫都御史表愷等以馬言
免之○乙亥命監察御史給事中各一員選北直隸河南山東
華牧馬五萬匹順府所屬寄養馬一萬匹赴京操用○丙子
仁宗昭皇帝忌辰奉先殿行祭禮遣駙馬都尉石璟祭
獻陵○襄陵王冲林奏所居平涼城隘地狹支廩日繁不足以
容乞徙湖廣或江西建昌上以分封已定不允遣書諭之○
命陝西鎮守巡撫巡按及都布按三司等官詳議番僧進貢事
宜先是陝西按察司副使鄭安言進貢番僧其自烏思藏來者
大率三分之一餘皆沈氓近境寺僧番民詭名希賞所進藏馬
輒獲厚直本以竊靡之而益致寇攘彼得吾所賜錢幣制為隘
色戰袍以抗拒官軍是虛國費而為盜首也今宜有以限筭之
事下禮部會官錄請行陝西鎮守等官詳議定與年限人數及

存留起送若干名及凡需與寶鈔食茶布褐等件當於民情事
體有無相當一一議處經久利便具奏以聞從之○丁丑錄平
四川茂縣蠻功理總兵官都督同知芮成爲右都督巡撫左僉
都御史汪浩右副都御史紀功給事中秦崇監察御史吳編俸
二級貴州巡撫右副都御史李浩亦陞俸一級左監丞鄭忠爲
右少監官軍陞賞有差○己卯太子少保戶部尚書馬昂等奏
臣等同太監懷恩選過五軍三千神機營一等官軍已奉旨分
撥十二營其次等者一十八萬六千三百七十六員名仍存本
營操練備用年老殘疾者四百八十八員名宜送回該管衛所
官月支俸米一石餘俸減半旗軍每月止與食米三斗 上是
之○庚辰陞岳州府知府毛祥爲雲南布政司右叅政○錄平
荆襄功賞各將士加常例一等都指揮每員鈔一千貫錄陞三

表裏指揮鈔八百貫銀既二表裏千戶衛鎮撫鈔六百貫銀既
一表裏百戶所鎮撫鈔五百貫銀三匹軍士王兵人等每人鈔
三百貫絹布各一匹從撫率從朱永請也○命建州右衛指揮
使禿麻子詣察代職故指揮同知卓赤子滿必襲職○陞益實
衛都指揮僉事木索哈為都指揮同知建州右衛指揮使察同
不花為都指揮僉事建州衛指揮同知歹哈莽刺俱為指揮使
指揮僉事速忽阿未俱為指揮同知毛憐衛指揮僉事昆必赤
梁充河衛指揮僉事塔達思俱為指揮同知○辛巳陞南京工
部右侍郎郝瓊為左侍郎僉正二品俸以九年秩滿也○陞襄
陽府知府干璠為陝西布政司左叅政○命山西都指揮僉事
王禔子汪代父原職玉林衛指揮使○致仕順天府戶王賢卒
賢字惟善山東寧陽縣人由舉人初任郵陵訓導擢戶科給事

中陞无祿寺少卿昇陞順天府尹秋滿加正二品俸仍管府事
天順元年致仕至是辛年八十三計開賜以終贖寬厚仁慈居
官有持守處煩劇之任而從容和緩心在恤民而亦不得罪于
權倖自今論京尹之循良者必斯而晚年家居與許彬同里巷
鄉人稱爲二大老○壬午命寧府庶人奠倫子女媼媼有司助
其禮物初臨川王磐輝與其長子奠倫坐罪俱降爲庶人置奠
倫於其祖寧獻王墳所司高子月餉薪米久之奠倫所奏負
罪重罪誠所甘心有子年二十一七年二十今俱長成同受禁
錮非其罪也禮部尚書姚夔以聞上憫其情曰古者罪人不
孥况宗室乎宜聽其子女與士庶之家婚配仍令有司量給財
禮助之○工部尚書白圭奏乞辭職終制不允圭先督兵征荆
襄還聞父喪命介喪治塋未幾殊功降勅加太子少保兼兵部

尚書管園營謀鍊辭名至京主辭以衰經未除難膺重寄
上曰卿有功能特茲陞任何以辭為供不允○湖廣興門州學
訓導高瑤上言正統己巳之變先帝既已北狩皇上方在
東宮庸駢薄於都城宗社危如一髮使非所王繼統國有長
君剛禍亂何由而平黠虜何由而服繼統何由而還去七年間
海宇寧謐年教屢豐元元樂業其功不小迨夫先帝復辟其
會天之功以為己力者遂加厚誣使不得正其終節惠濟祀未
稱典禮人心猶鬱天意可知昔周公有身代武王之功及三叔
流言避位居東致天動威以彰周公之德成王警悟遂親逆之
出郊反風感應如響今者災異迭見無乃天之動威亦以彰邠
王之功歟伏望皇上特勅禮官集議追加廟號以盡親親之
恩則倫紀以厚天心可回矣市下禮部議之○癸未命廣平

儀表瑄坐神機營懷柔伯施鑑都督僉事昌英坐五軍營○甲申提督太徽太和山宮觀奉御韋貴等言本山宮觀叢廟凡三十有三處殿宇房舍歲久不葺損者十六七臣等頃已勘修其繪飾所需欲取之旁近郡邑奏上工部請命湖廣布政司委堂上官會勘區處從之○起復都察院右僉都御史張岐巡撫遼東○命湖廣都指揮同知柴政分守九谿等處都指揮僉事劉祇分守武岡等處都指揮同知陳昶都指揮僉事高瑋於武昌荆襄等處俱管操從巡撫湖廣都御史羅篔等請也○乙酉命修武伯沈煜初掌右府事○提督兩廣軍務左副都御史歸雍總兵官歐信奉旨劾隱匿賊情罪狀 上以其既輸情服罪特宥之○丙戌命故遼東都指揮僉事鄧佐子鈺襲世都指揮僉事以佐殺賊陣亡也○丁亥 上以朝恭官少命錦衣衛滿

鹽寺按門籍閩之其不至者自陽復薛琮以下五百一十四員俱罰俸半年○定擬遼東諸倉開中成化二年准鹽則例金州海州二倉各一萬五千引每引粟米一石定遼左右倉各一萬二千五百引引一石四斗三萬倉一萬引引一石一斗先是太監李棠乞令家人於遼東地方開中成化二年分兩准存積鹽五萬八千引詔特准一萬引不為例至是戶部尚書馬昂定為則例界之○戊子命工部左侍郎霍瑄管易州山廠事○己丑命左都御史李秉提督軍務武靖伯趙輔佩靖虜將軍印充總兵官往遼東調兵誣建州女直○命都察院右都御史林聰掌院事○庚寅免河間府任丘縣被災秋糧二十一萬一十餘石救單三萬七千六百九十束有奇○壬辰晚刻金星犯畢宿右腹北第一星）旌表孝子衛瑄等二人節婦張氏等十一人瑄

直隸隆慶左衛人母沈盧墓每災泣高雀旋旣而鳴柳芳通州
武清縣人母沈哀戚甚四首跣足負土成墳有白鶴巢于塚木
鵲交隴旁有一莖兩穗之瑞人以為孝感所致盧墓三年不思
去復留三年俱旌其門曰孝行張凡直隸江陰縣民苗迪妻潘
氏宜興縣官舍師鑑妻儲氏宜興縣民黃鑑妻張氏歙縣民程
孟成妻徐氏萊城縣人教諭石麟妻宋氏浙江奉化縣學生陳
文所妻范氏天台縣民陳用儀妻俞氏會稽縣民沈源妻李氏
山西介休縣氏文整妻董氏朔州衛軍徐武敏妻董氏朔州衛
指揮俞事方諱妻俱以早寡守節各旌其門曰貞節○癸巳遣
行人送建州女直董山等還時董山與李古納哈納即哈答聽
撫來朝已降勅者諭及賜之宴朝廷遣大臣押宴董山部下指
揮有出媼焉語及視厨後銅牌者事聞詔切責之既而給賜馬

位并製衣絲帶如例山與李吉納哈二人授奏靈蟒衣玉帶金
頂帽及銀酒器非一上命賜衣帽人一具山等又言指揮使
可見等五人有勞敎乞賜服後命與之龍衣靴襪亦人一具不
為例至是辭歸鴻臚寺通事署丞王忠養山等前以屢寇邊方
已蒙朝廷宥其罪惡今革而入貢乃敢罵坐不敬貪求無厭且
復揚言此還即糾合海西野人搶掠邊境詎無忌憚誠恐前路
難於檢制乞遣官同臣防護送至遼東都司發還庶不貽患於是
禮部奏遣行人送之復賜之勅曰爾之先世僻居荒落後為部
落所逼遠來投順我祖宗憐爾失所賜與近地使爾任牧豎
立衛分餘授官職父死子代世世不絕自爾祖父以來戎邊方
敎勞或歲時進貢朝廷禮賓宴勞俱有定例我之所以加恩於
爾者不為不厚而爾之所以享有室家之樂官爵之榮數十年

間部落莫不聽爾約束隣封不敢輒加以兵是誰之賜歟爾等
正宜盡心竭力為我藩屏以報大恩乃敢悖逆天道糾率外夷
阻我邊境掠我人畜朝廷不即出兵征勦慮恐爾等中間善惡
不一是以特命都督武忠齋勅往諭欲令爾等改過自新爾等
既已服罪未朝所有徃愆悉置不問從厚賞賜放爾等歸宜曉
諭本衛大小頭目人等務在敬順天道洗心改過並以所掠人
畜盡數送還遇有外人糾合為非爾等或裝裝截殺或捉送遼
東總兵官處首告論功陞賞必不爾惜如或執迷不悛似前寇
擾邊方朝廷必調大軍征剿悔無及矣爾等其省之省之○貴
州思南府蠻夷長官司長官安洛四川建昌衛土官指揮舍人
安乞吾廣西江州官放黃榮等各來朝貢馬賜錢段鈔錠有差
○四川骨鹿惡布等族番賊行賄青眼尚白合見者帶用等糾

某者變作亂鎮守松浦郡指揮同前等率千戶克或等討平之

明憲宗純皇帝實錄卷之四十二終

大明憲宗純皇帝實錄卷之四十三

成化三年六月甲午朔○丙申巡撫甘肅右僉都御史徐廷章
奏上邊議三事一足兵食以備戰守夫備邊急務在足兵食而
已甘肅等衛所大約原額旗軍七萬二千九百餘名今實有者
四萬一千八百餘名事故逃亡三萬一千一百餘名雖累清勾
而解到者少雖有備禦班軍少經戰陣有名無實遇有警急深
為可慮及查衛所每年徵納屯糧止可支用三閱月其餘月分
俱藉腹裏西安民種接濟頃因延綏有警甘肅坐撥止得三分
之二見在倉糧不足二年之用其餘在浪蕩州古浪鎮夷西寧
等處糧料僅可給一年餘萬一有警蘭縣河橋被阻糧運不通
極為可憂矧又各處動調策應軍馬費用浩大時何支給乞勅
該部計議軍伍查勘腹裏軍多之處量為撥補或行督清軍官

照冊清解勿事虛文或另設法倉送補使其糧運或量開中淮
鹽二三十萬引或行令布按二司發為事因犯於此納米贖罪
或將今年夏秋稅糧多撥實邊如此則邊方兵食稍足而緩急
無虞矣一嚴邊令以警人心舊例備禦官軍俱係揀選腹裏衛
所少壯強勇者輪班守邊近日衛所官軍官則多方推調或託
病或營求管事而不依期領軍赴操軍或賄囑親管官旗託故
隱蔽却將本戶或另補不堪貧弱軍人贖數及至到邊驗出累
行坐取而衛所官因受其賄反將坐取之人挾制莫敢誰何詳
其所由蓋因各官倚恃軍職縱加劾奏不過催督赴邊無大利
害展轉延擱又過一班以此姦頑得計率以高常邊備廢弛誠
非細故乞勅該部計議今後各腹裏衛所原選條邊官軍但有
避難營求在衛者聽從各該鎮守總兵等官查勘改調邊衛帶

俸差操三年或五年滿日然後放回原衛其衛所官吏受財私
易原操精壯軍人罪亦如之如此庶上下交警而邊備不至於
廢弛矣一量才質以資任使臣先奏乞將守紅城子堡都指揮
使魯鑑掣回莊浪守備而以原守莊浪都指揮僉事趙英與鑑
協同操練邊警鑑出戰而英守城庶戰守有人內外無患已蒙
准擬未幾兵部議英原鎮守而使之協同恐與鑑相頡頏難以
行事調英守備紅城子堡緣此堡乃一小站城內所有不過驛
遞衙門而已以英頗有可用之才置之閑靜無用之地似非適
才任使之道且陝西行都司所屬一十五衛所七種亦係重務
見今缺官提督暫令掌印都指揮同知柳春帶管乞將趙英調
註行都司管理七種而以莊浪隨操都指揮陳晟帶領馬步官
軍三百員名不必請勅只行令守備紅城子堡如此庶用人適

宜而邊務不廢矣。上命兵部斟酌行之。○丁酉陸監察御史李益為湖廣按察司副使。○授理刑進士沈源蕭器用陳昭鄭節林榮張鸞朱謙陳壯為南京山西等道監察御史源山西道器用湖廣道昭福建道節廣東道榮河南道鸞廣西道謙四川道壯貴州道。○修玉河橋東西隄岸。○提督軍務左都御史李東言邊議三事一遼東自在安樂二州先年投降夷人陸授指揮等官遇有病故免其子弟赴京就於都御史處襲替後兵部必欲其應繼之人赴京襲替多有貪難經年曠職者人心嗟咷或因而泄漏邊情乞今後凡有應該襲替之人許於遼東都司轉行巡撫都御史處襲替具由令本司年終通額造冊奏繳以備查考一遼陽開原二處有副總兵叅將分鎮地方緣其間所屬通達等堡俱係夷賊侵犯之處山路險遠必得熟於御導捍

將統調人馬分據要害庶幾有警易於應援臣見延綏等處茶
將都指揮韓斌生長遼東曾守備義州號令嚴明夷狄畏警今
延綏邊警已寧乞將韓斌取回遵命充遊擊將軍聽調殺賊一
遼東自山海關直抵鳳凰山沿邊一帶隘口數多建州賊人乘
間入境搶掠守備等官兵部奏准已命戴罪殺賊其間又有失
於瞭望限備官員平昔守法奉公弓馬熟閑一時因虜犯邊連
累致罪情實可憐乞行巡撫都御史查勘此等官亦令照例戴
罪殺賊俾圖後功以贖前罪一遼東地方自成化二年秋以後
迄今板賊搶掠之處其聽調官軍多有與賊交鋒被傷陣亡者
又有守瞭墩臺或堡被賊攻圍射傷身死者已該鎮巡等官節
次奏報有案可查而陞賞不及乞行巡撫等官將節次行勘造
冊數勇當先及陣亡被傷官軍并未行動曾與賊對敵被傷或

因而身死沒於王事者通查明白量加陞賞以激勸人心從之
一戊戌 山川壇正殿兩廡拜殿神廚殿文授樓工部請修理
從之○庚子戶部奏崇德長公主所請直隸河間保定真三府
地一十餘頃及淳安長公主所請保定府并河南項城縣間地
四百餘頃俱係軍民祖稅世業實非閒地有旨所請皆不許○
命蘇杭一府丈量客船收鈔每船一百料收鈔一十五貫錢鈔
中羊羔收以光祿寺鈔鈔供應故也○辛丑命山東署都指揮
同知胡應克左叅將分守延綏西路代署都指揮僉事歸斌還
京○癸卯陞南京通政司左叅議徐世英為本司右通政○命
守備萬全石衛等處都指揮僉事張林子縉代父原職儀真衛
指揮使一掌錦衣衛事都指揮同知袁彬言巡匠阮安等六百
五十三名俱係交趾所屬及己革谷府收買僮奴歲久漸至逃

亡無從清補乞行工部分豁從之。命成山伯王琮往南京總
操江。山西按察司司獄郭賧奏按察使程鑑副使王琳都指
揮朱忠貪淫壞法諸事。上命刑部郎中王克復往會巡按御
史吳璘勘問多誣賧抵罪為民鑑等俱贖杖還職。都察院奏
湖廣俘獲叛賊石龍殘黨余勝等一百五十八人情罪可矜
上命俱宥死發遼東邊衛充軍家屬給與完聚。初男失記鄉貫
者於湖廣衛分紀錄充軍。都察院右副都御史賈銓卒銓字
東鈞直隸邯鄲縣人永樂甲辰進士授刑科給事中陞雲南大
理知府時用兵麓川遁出大理銓區畫有方民不知擾兵部尚
書王驥舉陞雲南右叅政仍掌府事尋陞左叅政遷左布政使
天順庚辰朝覲京師特荷旌異錫宴禮部未幾陞都察院右副
都御史巡撫山東兼撫河南既而召還理院事數月以疾卒賜

祭葬如例。謚曰恭靖。銓為人謹厚，詳密不自表襮。在雲南久，諗知其俗尚，凡有所施，為不拂人情。民夷安之。及巡撫山東、河南，政蹟無甚過人者。而陸用荏，至卒，又得謚。由其與大學士陳文連姻之故。公論顯不然云。○甲辰，遼內官祭中雷之神。○湖廣江夏縣水衝隄岸，起竹障門外。江口迤曼口驛、漢陽馬枋、閘長八百五十丈，有奇。巡撫都御史羅堯等各言隄岸逼近城址，近者不滿十步，宜命有司採辦物料，量役軍民，以漸修築。上可其奏。○乙巳，武功左衛帶俸署都指揮僉事王信為都指揮同知，彭城衛指揮同知朱傑為都指揮僉事，以青石嶺、紅城子、綾賊功也。○命武成後衛帶俸指揮僉事劉忠子輔代父原職，指揮同知。○刑科給事中雷澤言：江西彭澤縣龍城驛設在大江東近岸，多沙洲，不能容船，灣泊往來官船，俱於西岸小孤山下。

止宿其縣驛官吏渡江供給風浪不便乞移驛於西岸宿松縣
曠地建置其本縣夫隸亦就驛候使庶官民而便又言南京江
淮濟川兩衝不遇專管馬快船六百餘艘別無軍馬錢糧每衝
亦設指揮千戶三十餘員實為冗濫乞勅該部每衝止設指揮
使同知僉事各一員千戶五員其餘俱調別衝差操事下兵部
議如澤言從之。兵部奏遼東虜賊入境搶掠殺死官軍鎮守
太監李良總兵官武安侯鄭宏分守遼陽副總兵柴顯等失機
誤事請究治之詔李良柴顯殺賊贖罪鄭宏姑宥之停祿半年
一夜東方流星如盞大赤色尾跡有先行東北雲中。丙午實
授試監祭御史俞蓋郭瑞龔戎為監祭御史。丁未賜楚府崇
陽王均鐵子名曰崇祉。忻城伯趙榮卒榮鳳陽府虹縣人洪
熙元年龔父龔爵天順元年命掌南京前軍都督府事尋以老

疾間住至是卒訃聞輟視朝一日賜葬祭如例○戊申兵部左
侍郎兼翰林院學士商輅上言時事一勤聖政臣惟自古人君
總攬萬機未嘗不以勤為本矧災異屢見邊方弗靖正 聖君
宵衣旰食不遑寧處之時是可頃刻而忘於勤哉所謂勤者非
必下侵庶職惟在戒逸欲以率人法乾健以御下省覽章奏之
外尤當究心政務何者為足國裕民之道在所當行何者為安
邊禦寇之術在所當舉何者為賢才當任之而不疑何者為姦
貪當去之而不吝詢於大臣謀及庶官或使口陳其說或令跪
陳其事裁度施行如此則臣下皆樂於趨事雖欲因循玩愒不
可得矣一納諫諍臣惟自古帝王未嘗不求言為務誠慮夫
處崇高之位逸欲易生非有忠言莫聞過失此其德所以愈盛
而不可及也欽惟 皇上嗣位以來詔旨丁寧凡政事得失民

情利病許諸人直言無隱此誠帝王之用心太平之治其機端在於此於此伏望自今以後凡遇建言之人乞賜優容所言可用即為施行如不可用亦不加罪及成化辛元以後廷臣或因建言降調如羅倫輩乞勅吏部查取量復職任如此則善言必進治道可成一儲將材臣惟今之議者率以將臣之人為慮殊不知自古及今未嘗借材於冀代今宜略倣前代武舉之法命內外重臣會同總兵等官於在京各營各府各衛見操見任官內年四十以下二十以上不分帶俸等項指加揀選取其體貌雄偉筋力壯健諳曉文墨之人或五六百員另擇近地時常操練空閒之日令讀兵書講求方略就於三營總兵官內委任一員帶管教習每歲一次會官考試如弓馬習熟兵書通曉列為上等或弓馬雖熟兵書未通弓馬未熟列為中等若二長俱無

列為下等三歲三考其三次俱在上等者都指揮以下遞陞一級都督以上量加俸祿二次上等者止加俸祿一次上等并三次中等者平過三次俱下退令閒住三年之後依前考試照例賞罰如此則才識日有所進而將臣不至缺乏一飭邊備臣惟禦寇之要邊城為急邊關次之大同宣府等處密通虜境軍馬宜多種單宜廣乞勅該部計議凡此等要害城堡酌量添撥軍馬種單增置墩臺器械設法隄備遇有聲息就便相機行事不必臨期調撥其山海至鴈門關中間如喜峯古北居庸白羊紫荊倒馬關口雖有官軍守備然各關所轄地方散闊多有山坡小徑可通人馬之處乞差能幹大臣一員前去督同各關守備官員帶領軍夫逐一相視何處山坡所當剗何處蹊徑所當壘塞取具各該守備官員結狀後有疎虞罪及身家如此則邊

開謹嚴內地人心不致驚疑一汰冗濫臣見得吏員考滿冠帶
聽選有經十二三年未得除授者貧苦無聊志意衰邁將米糶
以政事何以責其廉介哉又況積累愈多聽選愈久數年之後
冗濫之弊有不可言當道慮其冗濫固已多方裁損屏黜猥貪
酷不才聲蹟顯著者固無足恠矣若乃中人以下之資民情必
久而始熟政務必久而始諳雖欲假以歲月勉圖後功不可得
矣乞勅該部今後吏員考滿仍照宣德正統年間事例而行則
賢否不混而冗濫可革一廣蓄積臣切見各處預備倉所儲未
穀本以賑濟饑民每歲官司取勘口數里老止將中等人戶開
報其蠲寡廢疾無所依倚者一槩不報蓋慮其無力還官負累
陪納故也今後各處預備倉飢民闕過未穀不拘豐中年歲道
取息一分有保蠲寡廢疾無所依倚之人不必追徵將所收之

息抵補其數抵補之外或有餘剩自作正數入倉仍乞令巡按分巡等官嚴督府州縣正官放收之際務在規行提調痛革出納之弊庶幾官無虛廢民得實用一崇聖道臣惟孔子道高德厚功恭造化歷代封號唐稱文宣王宋加至聖元加大成雖云至矣然至聖二字本中庸惟天下至聖言其德之盛也大成二字本孟子休樂者合衆音之小成而為大成言其德之全也但於道字或有所通於中庸所稱有所未盡洪惟我朝尊崇孔子遠過前代而封號仍舊豈非缺典臣愚欲望 皇上斷自宸衷於大成之上加封道配天地四字則於孔子之道德無遺於中庸之稱述無盡矣臣又思宋胡安國蔡沉真德秀諸賢雖我朝增入從祀然皆未有封爵於所被章服殊不相稱乞勅禮部翰林院通行議擬奏請定奪則儒道增光斯文章甚一謹士習臣

惟古者人生八歲入小學十五入大學教有次序故學有成效
後世科舉之法立士無少長率留意於文詞無復有如古人之
學家文公朱熹慮風俗人才日趨於下也於是稱爲小學一書
以垂世立教乞令各處增廣生員不妨舉業俱令無讀小學教
官與之講解義理以啓發其良心提督等官按臨之日無令背
誦講說以考察其實行庶幾學無躐等又古者射以觀德今各
處學校俱有射圃師生朔望習射已有定例但多視爲虛文今
後提督學校官按臨考課畢日仍赴射圃閱諸生習射較其勝
負加以賞罰庶幾射藝有成將來得用疏入 上嘉其言有理
命所司看詳覆奏、雷震南京午門正樓○己酉毛憐等衛女
直指揮主魯哈等來朝貢馬及貂皮等物賜衣服綵段等物有
差○壬子早朝官少命按門籍閱之於是後軍都督俞寧等稽義

等三百一十八員俱以失朝有罪人運磚五百○周府封丘王有煜薨王定王之第十一子母妃胡氏永樂丁亥生宣德二年冊封封丘王至是薨年六十一計間輟朝一日賜葬祭如例謚曰康惠○癸丑禮部言舊例各王府祀山川稷祭物俱各府自備今德王之國之初奏禱之用權令有司備禮三年之後宜從舊制從之○改宣化驛驛丞張苗為順天府都稅司副使苗太監敏之從子敏以苗在外不得朝夕見請于上故有是命自是近侍希恩澤者多援苗例云○靖虜將軍總兵官武靖伯趙輔奏茲者虜酋毛里孩擁衆數萬向東而行建州女直數寇遼東事情危急萬一比虜結搆朵顏諸夷自東而來侵犯京師誠為可慮臣等備員東征念京師根本重地各營雖有大軍然久樂承平慣戰者少一聞邊警率皆變色比皆平昔不經戰陣之

所致也。若不多方運鋒更法操習，尚乃因襲故事，仍蹈舊失，難使孫吳韓白亦莫之能為矣。又言大同宣府延綏甘肅寧夏等處衛所官軍戶丁多有精壯，金餘其人，生長邊方，慣習戰鬥，熟知地理，諳曉虜情，乞勅鎮守總兵都御史等官照遼東事例，召募揀選，厚給口糧及軍器馬匹，與同官軍操練，遇有緊急調度殺賊有功之日，一體陞賞。又言野戰之法，最利用車行，則方且為陣，可以裝器械而載糗糧，止則圍統為營，可以固人心而拒衝突，所費不多，所利甚廣。臣往年曾製木樣具奏，置造及定襄伯郭登亦曾備言用車之利，并宣城伯衛穎昔在涼州，又曾用車為戰，已著破敵之功。乞斟酌恭驗，如果何者可用，即令依式製造，送營操演備用。又言五軍神機三十等營軍在逃者動以萬數，比者定襄伯郭登備言其弊，已曾會議禁約而逃者日多。

平居無事之時接踵在逃略無忌憚儻遇臨敵之際孰肯忘軀而蹈白刃一旦棄甲而走豈不有誤大事斯時雖具五刑亦何益於事若是者蓋由平昔法律不嚴之所致也然臣近日體知此等逃軍中間多有馬匹倒死進陪不起什物損壞修理不全官府扣減月糧強擄進逼私債該管官旗培剋衝所吏卒侵漁致使老幼饑寒公私頽擾事出無系勢使之然又有一等畏避操練逃回原籍出外買賣或於市鎮開張舖面或雇覓與人營幹生理或投託富豪種佃田地甚至畏懼出哨臨陣在逃者其弊多端請給定限榜文揭於內外逃軍限內赴官者出首免罪送營收操加意撫恤該進馬匹等件暫且停止或設法朋合置買其負欠私債年月雖多不過止還原本有不首者解送法司問罪初犯照見行事例問擬再犯者加號示衆一百日或免枷

號於手背上刺逃軍二字仍發極邊衛分充軍另於戶下選取壯丁頂補名役當軍三犯者依律處絞臨陣在逃者孥送軍前斬首示衆如此則法令昭明而姦頑知懼軍伍充實而邊境無虞矣况今各處衛所軍伍比之原額十去六七失今不理必貽後悔臨期治之誠為晚矣臣叨總兵戎世受國恩莫能補報今當遠離苟有管見不敢不盡其愚 上命兵部斟酌行之○甲寅命懷安衛帶俵都指揮僉事楚禎子玉代父原職指揮使四川都指揮使魏英子震代父原職鹽井衛指揮使○禮部尚書姚夔言兵部左侍郎兼翰林院學士高翰所言勤聖政一節最為切要蓋勤與逸相對勤則政務修舉逸則政務廢弛勤則身可修家可齊國可治天下可得而平逸則身不可修家不可齊國不可治天下不可得而平故周公之於戎王莽拳於無逸之

戒而勸之以勤也其後成王能聽周公之言卒至天下治康而
為周家令主萬世稱美焉然所謂勤非謂勞其形體但欲於天
下事務每每究心不可輕忍事或有疑從容延訪務求至當而
後施行此則聖政之所勤也今輅所言已蒙睿鑒諭云有理伏
乞 聖明更加留意時一省覽以養規益誠 宗社生民之慶
幸也其言崇聖道一節係禮制重典垂示將來宜令翰林院詳
考定議以聞其言謹士習一節宜通行天下學校遵守及行提
督巡按監司等官考察勸懲之詔可○後府帶俸都督食事王
順卒順山後人初仕金吾右衛指揮使後以征進白沙高等處
功陞都指揮僉事用兵部薦陞都指揮同知景泰初以紫荆關
功陞都指揮使天順中曹欽反以功陞後府都督僉事至是卒
葬祭如例子欽襲順原職指揮使於金吾衛帶俸○乙卯復福

建市舶提舉司副提舉羅倫為翰林院修撰調南京從兵部左
侍郎兼翰林院學士商輅言也。太常寺少卿兼翰林院侍讀
學士劉定之言竊見 聖朝尊崇儒道於先聖孔子所剛述五
經足以垂世立教者屢次表章尊顯有加無替 太宗皇帝命
纂修五經大全 英宗皇帝命刊刻五經註解皆以頒賜臣下
分布學校 皇上自育德春宮以至于今常御經筵所讀講必
以五經為先斯誠萬億年太平根本所繫也然自有五經以來
訓釋者何止數十百家而 聖朝於易專取程頤傳朱熹本義
於書專取蔡元集傳於詩專取朱熹集傳於春秋專取胡安國
傳於禮記專取陳澹集說者豈非以其不得聖人之旨哉永樂
中所纂正統中所刻今經筵所進與天下庠序場屋所用無
不以是也夫既專取其說固宜褒異其儒褒異之莫若俾得從

祀于先聖廟度今之從祀既遵舊規有程順未熹英又唐新制
有胡安國蔡沉矣斯皆以釋經有功也惟陳皓未與其列以臣
觀於皓釋經之功雖未敢追程朱二子之躅亦可以次胡蔡二
氏之肩况前代釋經如何休勇達范寧杜預等乎 聖朝取其
說無幾爾然尚得從祀則若皓之用其集說者以之從祀夫何
聞然昨者學士商輅建請欲將已從祀而未受封爵若胡安國
者加之封爵臣謂宜將已釋經有功見取而未得從祀若皓者
并下禮官儒臣公同博議施行庶禮典無闕斯文有幸事下禮
部者詳謂祀典重事宜從翰林院考覈陳皓出處始終行實應
從祀者以聞於是禮部尚書兼翰林院學士陳文等議皓前元
江西南昌都昌縣人其禮記集說為聖朝表章頒用誠如定之
所言者但皓出處行實一時難於考究乞勅江西考其譜誌著

其子孫詢諸政老詳具其行以上而臣等考事論功以俟 聖
裁庶事有據而禮無遺也嗟入從之○丁巳賜楚府故輔國將
軍均錦夫人石氏并幼子食米歲二百五十石從楚王均鈿請
也○陞宣府協同鎮守指揮國知張順為署都指揮僉事○刑
科左給事中毛弘等言邇者兵部左侍郎兼翰林院學士商輅
上言八事其一請納諫諍復嘗以言事去官者已得旨復羅倫
為翰林院修撰誠為盛舉但漸自成化元年以後誠忌膏澤未
周全與有缺乞自天順八年以後凡以言補外如南京刑科等
科給事中王徽王淵朱寬李鈞李翔等悉召復之庶足以彰
聖德全國行千萬年太平之祚不許○己未命故赤斤蒙古衛
左都督阿達子兀撒塔兒襲職○大理寺左寺丞田景賜住山
海等閱整飭邊備○定國公徐永寧以病免朝參是日永寧早

朝不就列拜直趨西班立為司儀者所糾詔令詰之永寧病風
喪心占對失倫於是免其朝參而給以半俸○辛酉四川戎縣
山都掌蠻賊聚眾作亂割諭襄成伯李瑾佩征夷將軍印充總
兵官陞兵部左侍郎程信為兵部尚書提督軍務太監劉恒為
監督調四川貴州官軍剿捕之○壬戌 慈懿皇太后聖旦
上率親王行上壽禮免命婦朝賀○晚刻金星犯井宿東府北
第二星○癸亥命都督同知馬良任前府事坐營管操○鎮守
遼東太監李良奏遼陽以東一帶地方屢被建州女直糾合毛
憐等衛賊徒搶掠臣借總兵官衛穎副總兵裴顯率奉集堡等
處接伏指揮王昇等遇於西湖屯伏兵四起與賊對敵顯父子
身先士卒奮勇大戰生擒賊二人斬首十六顆獲馬三十二匹
奪回男婦二百五十二人馬牛驢一百九十有奇奏至 上賜

初嘉獎兵部請移文巡按御史查良顯功以贖前罪仍行巡撫
都御史張岐將有功并陣亡官軍造冊繳報以憑陞賞從之

大明憲宗純皇帝實錄卷之四十四

成化三年秋七月甲子朔享太廟○遣內官祭司門之神○賜赤斤蒙古衛指揮散班襲衣靴襪遣先是散班數侵掠馬邊患遣將以計致之送京師請安置遠方上以夷狄不足較持寬貸之仍命譯者諭之曰爾等數擾邊疆徂之國法在所必誅縱用輕典亦宜編置南徼以懲不肅今姑貸爾罪仍加優卹爾其體朕至意各安職業以為外禦若恃恩再犯決不輕恕○以大同地方虜寇遠遁召選監督軍務太監葉達左叅將都督劉聚所統兵○兵部尚書白圭等以朝廷遣將征四川山都掌蠻寇謹條上勸賊安民事宜乞降勅提督軍務兵部尚書程信總兵官襄城伯李瑾等遵行一四川貴州官吏人等有知破賊方畧及能為鄉道者悉聽舉用有功依例陞賞有自能集兵破

賊者先與冠帶事寧之日具奏授職一軍士破賊所得財物悉與之將官不得侵奪一所調將士務嚴約束不得生事擾民違者治以軍法一將士有功者先給賞勞中有奇功出衆者即授職事其實奏聞若臨陣畏縮及妄殺冒功者以軍法治之一土官有殃民致寇者隨宜處治督餉官有怠職誤事者一體違問一軍前用馬宜酌量數目令湖廣四川貴州支官錢費用一復募民夷有勇敢聽募者給餉隨征有功依例陞賞一賊平之後必須計議久安長治之策明白具奏乃許班師○命戶部郎中李田往四川主事劉傑往貴州區畫種儲○禮部主事高回陳備邊討賊事宜一曰攻取女直世受朝廷爵賞今乃背恩義恃強為惡自開原以及遼陽六百餘里數萬餘家率被殘破近遣都督武忠往彼招撫已及數月而虜之來朝者畧無忌憚在邊

者寇無虛日其情偽可知若又待其既去復叛而後征之則失機會矣今董山見來朝貢宜命總兵官趙輔等拘留於遼東遣譯者詣虜營省令還我所掠以贖之因以觀虜勢之虛實察地形之險易而又遣使朝鮮以伐其交計畫既定即將董山等明正典刑以徇諸夷使大義昭明人心奮發然後舉全勝之策而征勦之二曰戰守遼東兵馬困弱不足應用河東有警不免動調河西儻朵顏三衛勾引北虜東虛而入則東西受敵為患尤甚臣愚以為河西官軍不可輕動宜選京營兵二萬一萬赴河東聽都御史李東等調用一萬分守河西要衝俟草木零落河西既定仍令叅將韓斌等量率原選精兵速赴河東兼應合力征勦則戰守兩得兵威大振而修攘之功可成矣奏上命兵部叅酌行之○乙丑陞廣東布政司左叅政黃鑄為浙江按察司

按察使。丙寅命遼東都指揮僉事田進子綱襲父原職。瀋陽中衛指揮使。詔開中兩淮兩浙及雲南鹽共四十萬引。有奇。令商人於貴州官倉納米。以俟。征進官軍支給。丁卯。仁孝文皇后忌辰。奉先殿行祭禮。遣駙馬都尉石璟祭長陵。戊辰。陞監察御史章璠為都察院右僉都御史。巡撫陝西。先是召項忠還京。命吏部舉可代忠者。吏部以河南左布政使楊璠。陝西左布政使張馨。名聞內批。用璠。璠嘗巡按畿郡。凡賄蒞在所。部者。督視。惟謹。因而祿結。管莊者。故特用之。於是六科給事中沈瑤等。言璠賦性回邪。立心譎詐。由儒士叨任教官。貪名已著。自敎官營為御史。姦行大彰。往者清軍。畿內行事。非方趨。瑯大臣而修祭。其墳塋為子納婦。而和買於部內。瑤遊僧寺。挾瑤女。以同行。江酒外臺。邀屬官而共飲。縱欲敗度。靡所不為。及其

按治四川大肆貪淫釀成民患設法取土官賄賂而奏保松潘之禪師立意訪貪官購求而柱吳鹽亭之知縣貽笑方岳結怨軍民不知悔過自新尚乃希求遷轉似此姦邪豈堪重任且巡撫之任列郡爾塘都憲之官百僚是肅況當天災屢見人情未和正宜簡任賢才安靖邊境豈可委任庸鄙貽患生靈伏望皇上將章璠降黜或閒住另選名望素著才行老成之人以代巡撫彰國法予奪之公示小人奔競之戒庶得人心痛快物議止息詔爾等所言堵事未有實跡且已陞用不必更改如不稱任朝廷自有處置○陞江西布政司右叅政楊文琳為四川右布政使池州府知府鄧義為廣東左叅政○總督漕運右副都御史滕昭言儀真瓜洲孟瀆河諸處河港乃貢賦必由之道舊因淺滯命旁近揚州鎮江常州諸府衛興工疏濬是後著令三

年一漭然所司怠玩漭不以時直至窮冬召衆興役則手足黻
疾雖濟無實徒爲勞耳請自後每於冬初卽爲興工從之○已
已陞工部郎中盛綸爲江西布政司右叅政○國子監學錄黃
明善陳征勦夷寇事宜一宋時多剛縣夷爲寇用白芳子兵破
之白芳子者卽今之民壯多剛縣者卽今之都掌多剛寨也前
代用鄉兵平夷既有明效今宜選熟知道路識達民隱官一員
馳驛赴彼招募民壯協助官軍有功者依例陞賞無功者仍復
爲民則壯士爭奮矣一都掌所種水稻至十月大熟若夷人收
穀上寨則難於圍困今宜差官督兵速赴江安等縣取其田禾
則不過三月間可使蠻賊爲餒鬼矣一大軍宜分三路南路從
金鵝池進攻大壩中路從戎縣進攻箐前北路從高縣進攻都
掌凡小寨易攻者先取之則大寨亦從而破矣一大壩南百餘

里為芒部軍民府界西南二百餘里烏蒙軍民府界宜急頒
勅二府土官嚴守地方毋黨惡助姦且量撥官軍截其險要一
夷人素無差徭止納稅糧令募民壯及差通事入寨絕不宜用
戎縣一人在內恐其漏泄軍機沮壞兵務一夷人所據高崖峭
壁雖有火器難於施用今宜用毒毬行煙藥矢以攻其寨毒毬
所熏口眼出血行煙所向咫尺莫辨順風而燒自下而上則寨
門不守大軍可上矣烏頭藥箭以射虎豹中之即死雙州保寧
等府皆善造之今宜募工造用一播州天全未寧芒部烏蒙烏
撒東川諸土官皆常調用邇來總戎者處置失宜多致推調減
少今宜齎勅獎諭俾其加倍進兵躬聽調約一戎縣附近高拱
筠連慶符長寧五縣俱有夷人未嘗出沒今五縣民快既為鄉
導而夷人有能効力助軍者一體紀功且寬賦役以致其力奏

上命行總兵等官參用之○庚午賞鎮守松潘副總兵都督僉事盧能整飭兵備四川按察司副使王用并官軍番僧國師禪師等緣段布絹鈔有差以勅賊功也○分守甘肅右叅將都指揮王裕所為多不法甚至姦淫部下婦女詐取監守之物為人所發下都御史徐廷章覈實械送至京如律罪之○壬申賜征四川貴州都指揮周海馬鑑等官軍銀人一兩凡三十三十六人其達官舍餘楊海等四百人加賜一兩○驍騎衛軍餘李紀婁王氏一產三男給鈔米如例○巡撫陝西右副都御史項思恭陝西城內有旱窪處每遇霖雨水積不流者旬月行道居民俱患苦之請於城南鑿水門一座洩水於壕以除民患從之○癸酉百時日生背氣青赤色鮮明東北方生白虹兩頭自地出良久方散○甲戌四川天全六番招討使司都事羅雍請修築

紫石礮門等城關及論奏十戶廖顯劉洪受賕玩法軍士荼廣
等棄城通番諸罪狀 上命巡撫憲臣及三司勘實處分○命
陝西老疾都指揮僉事陳聚子英代父原職延安衛指揮使○
乙亥吏部言各處巡撫巡按等官奏保司府州縣正佐等官山
東按察使李裕等二十一員平昔廉能公正撫字勤勞乞賜誥
勅旌異推恩及其父母妻室謹具以聞 上從之二十一人者
裕及浙江嚴州府知府張求直隸常州府知府卓天錫陝西延
安府同知金全直隸保安州知州俞澤和州知州劉陞河南睢
州知州謝光湖廣寶慶府通判閔寬直隸揚州府推官王允浙
江上虞縣知縣吉惠陝西膚施縣知縣王鑑江西戈陽縣知縣
吳澹湖廣襄陽縣知縣李人儀山東鄒平縣知縣李儒益都縣
知縣董澗四川岳池縣知縣陳琳直隸保定府定興縣知縣郭

質淮安府山陽縣知縣馮謨湖廣荊門州判官俞誥直隸鳳陽府泗洲判官張禮陝西長安縣主簿傅源後皆陞用不一內吳澮政尤卓異澮廣東增城縣人丁丑進士年少而質弱言若不出口而臨政淮民綽有調理不攜家以隨公退憇於後堂泊如也誠心愛民民愛之如父母有古循吏風摧饒州府同知而卒戈陽人爲立祠至今祀之○丙子提督四川軍務兵部尚書程信言都掌地方山勢險惡必得土兵鄉導請勅四川所轄東川芒部烏蒙烏撒諸土官各集兵以聽調度仍令各守地方毋容賊徒逃竄隱藏其湖廣永順保靖二處土官先擬調兵請馳勅速之毋致緩不及軍官軍所用馬擬於湖廣等處買用恐一時措置不敷請於南京先存馬內先撥一千匹應用 上從之○南京戶部主事劉懷經監放南京留守左衛倉糧錦衣衛委官

十戶喻璠者因私囑不行構怨尋有本衛百戶陳璉唐突倉門
為守者所執懷經欲治其罪璠因令璉糾其姪及軍士百餘人
擁衆直入倉懷經走避璉等候其出毀其衣冠而痛毆之驅至
錦衣兩指揮家跪之門外不見省又至成國公朱儀處儀亦不
面折但令送懷經收監懷經懇本部以聞命給事中左賢御史
賈俊郎中何喬新性姦實仍命官會問議璠璉反懷經俱贖杖
還職且追究儀罪 上宥儀餘准微時璠璉情重法輕懷經被
其箠辱乃亦與同罪而不得少伸輿論不平莫不以失利為朝
廷惜云○丁丑賜周王第五子名曰同鈞六子曰同鈺七子曰
同錫原武安懿王庶第三子曰同璉四子曰同鈞五子曰同錫
六子曰同錫奏府汧陽王第二子曰誠汗靖江王子曰相璠曰
相璠曰相璠曰相璠曰相璠○陞翰林院編修楊守陳為侍講

以九年秩滿也○太監黃賜傳奉 聖旨章播改太僕寺少卿
別舉一人巡撫陝西（戊寅中元節遣駙馬都尉石璟周景分
祭 長陵 獻陵 景陵 裕陵文武衙門各分官陪祭○遣
內官祭 恭讓章皇后陵寢○修理 恭讓章皇后陵寢周垣
房舍○己卯工科都給事中黃甄等言南京乃 祖宗創業之
地邇者午門止樓為雷雨所損實上天示警之意乞勅諭中外
臣工同加修省因劾南京守備成國公朱儀祭贊機務兵部尚
書李賓昏迷欺罔之狀請違付法司明正其罪擇能者代之以
為大臣不忠之戒 上曰上天垂戒非一二人所致朕當與文
武大臣同加修省朱儀等姑宥不治乃移文諭之四川等道監
祭御史丁川等亦言南京乃 祖宗根本之地午門乃 天子
當陽之所邇者雷雨之變實天威譴告之意上下修省之時願

陛下中訪臣工恣權修者仍自屏遠聲色親近書史日御便殿躬理萬幾凡軍國重務進退人才必召元老大臣議而後決仍三日一御經筵講學則聰明日廣若德日修聖治日弘不惟災異可弭而所以感召和氣鞏圉基圖者舉在是矣上曰所言有理事未舉行者朕當勉之○刑部尚書陸瑜九年秩滿詔復任是日瑜奏乞致仕上曰卿才識老成朕方倚任所辭不允○己卯夜月食○庚辰追封漢董仲舒為廣川伯宋胡安國為建寧伯蔡沈為崇安伯真德修為浦城伯從翰林院學士商輅言也○命巡撫寧夏右副都御史陳价巡撫陝西○提督軍務左都御史李東奏臣等奉勅議得建州三衛屠寇悖逆不道累次犯邊罪不容誅皇上量同天地遣使招撫而董山等自知罪大赴京謝罪皇上不咎既往厚賜而還若復拘留不遣彼

得藉以爲詞欲將董山厚加款待宣布恩威令其還境毋再爲非又議得董山在京日久知戒出師及廣寧拘留又生憤恨言悖氣傲謀不可測況其部落近復蹂躪邊境荼毒生靈天地不容神人共怒若縱使還則又啓外夷之侮缺生民之望邊境厲階豈有窮已今欲遣其同來家屬十餘人令歸諭其部落使革心向化若在彼者執迷背約不還所掠在此者反側不安復懷異志卽具奏擒治速兵征勦奏至 上命廷臣叅酌之太保會昌侯孫繼宗禮部尚書兼翰林院學士陳文等以爲王者之於夷狄雖以不治治之然亦未嘗縱其爲惡今董山等雖稱謝罪未朝尚爾桀驁無禮且有各持佩刀一齊殺出還匿妻子據險拒戰之言是其稔惡不悛之情昭然可見矣若遽縱遣益無忌憚撥之事勢實有未宜袁等前議不可用宜用其後議 上從

之○辛巳 太宗文皇帝忘辰 奉先殿行祭禮遣駙馬都尉
石璟祭 長陵○遣懷寧侯孫鍾詣南京祭 天地壇 孝陵
駙馬都尉石璟詣鳳陽祭 皇陵太保會昌侯孫繼宗駙馬都
尉薛桓詣天壽山祭 長陵 獻陵 景陵 裕陵因南京有
風雷之異也○命都督僉事廉忠克遊擊將軍於兩廣殺賊忠
初以都指揮使協同遊擊將軍都督和勇統兩廣遊兵尋以功
陞今職至是召勇還京故命忠代之○賞大同有功官軍八百
六十員名綵段白金布絹有差其鎮守少監車璣等進官一級
總兵官修武伯沈煜贊理軍務都御史王越等賞賚視常例有
加○賞四川貴州土官土兵人等綵段鈔絹有差以殺賊功也
○命禮部移文兩寧洮河鎮守守備等官凡番夷進貢務將年
貌歲分及所貢物一一審覈開報勿令冒名作弊從監察御史

胡深奏也○巡撫河南左副都御史王恕奏河南開封彰德衛
輝三府地方間有飛蝗過落及蟲蝻生發食傷禾稼除嚴督委
官撲捕外切惟蝗蝻生發固雖天災實關人事良由臣不能敷
宣 聖化巡撫失職所致況河南地方連年水旱加以去歲荆
襄盜起軍勞於征調民困於轉輸兼且今年起運稅糧并勘合
買辦物料等件比之往年數多又遭此蝗蝻之災軍民何以聊
生伏望 陛下以天戒為可畏以地方為當重將臣罷歸田里
另選賢能代理其事尤切 陛下去奢崇儉除祭祀軍需之外
其餘一應不急之務無益之事可減省者減省可停止者停止
使財不妄費民困少紓庶幾天意可回災沴可弭矣 上曰王
恕不准罷歸所言事有可減省停止者該部斟酌以聞○壬午
太子太保吏部尚書王翱寢疾餘五月乞退閒養病詞甚懇切

上曰卿歷事累朝為國老成朕方倚任豈宜辭去但令病篤姑
勉從所請時翔八十有四歲矣○謫遂安伯陳韶遼東遼衛立
功韶奉命南京操江兼巡捕鹽徒至儀真時有發鹽徒事者韶
因而詢訪得其同黨六十人俱納賂而縱之後鹽徒有恐事露
具首者巡撫都御史滕昭以聞械韶至京命官會鞠得實故謫
之○降陝西都指揮僉事夏為為指揮僉事指揮僉事鄭泰為
副千戶俱遷衛守哨初為守備延綏會達賊入黃河春為等不
能防又縱軍除十人出城採草為所殺鎮守少監秦剛奏之下
御史顧浩覈實都察院擬坐斬特命降為三級秦二級俱發邊
衛守哨○南京戶科給事中徐璣等以災變上奏乞召還近軍
以言事調外任者以誘天下忠諫之言及論南京文武大臣多
不誠而刑部尚書劉孜刑僕不仁用刑慘酷都督吳良葉春戚

斌皆老疾廢才徒費重祿乞去二三以謝天怒 上宥汝罷吳良等見任○刑科右給事中左贊奏自儀真抵南京沿江上下自蕪湖至湖廣江西等處俱有鹽徒駕使適洋大船肆行劫掠雖有巡江總兵等官往往受財改縱又魚水旱相仍竄戶窘於衣食盜賣引鹽以救急而射利之徒相率與販惡遇盤詰持兵拒捕遂至為賊况南京根本重地湖廣江西東南大藩鎮江儀真又財賦必由之地此等鹽徒不早撲滅誠恐日久延蔓漸成厲階必為腹心之患乞勅該部會官推選廉剛素著智識兼優者一人量陞風憲重職前往淮揚等處提督巡捕仍於竄戶厚加優恤戒其盜賣庶責有所歸而人民獲安奏上從之○甲申曉刻金星入鬼宿犯積尸氣○石軍都督同知盛廣老疾無子乞歸大同養病而以其弟惠代職命惠代廣原職大同後衛指揮

擇使○乙酉勅諭文武羣臣曰朕承天序寧 祖宗大業風波
圖惟求所以克享天心然望道未先治效未著今年地載災寧
乃六月十五日雷震于南京午門 天之示戒可謂至矣詩云
敬天之怒易云游雷震以恐懼修省朕是用齋心滌慮內求已
過蓋中和未足以格高厚誠敬未足以孚幽顯修齊治平之功
未足以安中國服遠人敢忘勉勵以弭災異咨爾在廷文武群
臣與朕共天職其間有謀謨是資勲績是聯司銓衡以清庶位
均賦役以理萬民典禮以寧神天治兵以靖華夷明刑罰守章
程寧風紀任言責與夫握將帥軍旅之權分鉅細官守之寄者
圖或能舉厥職矣然豈無竊位苟祿蔽塞賢路以玷朕之任使
者乎又豈無懷私徇利欲成豁壑未達朕之聽聞者乎怠而能
勉過而能改知止足而能退朕所與也以毗朕志以回天意以

底于雍熙是為君臣交修之道致哉故諭○勅諭南京文武群
臣曰朕惟太祖高皇帝創萬世大業于南京所繫甚重乃今
年六月十五日雷震於午門天之示戒夫豈徒然朕自用故
以修省戒飭在廷百執事勉修厥職以假宮聽咨爾南京守備
叅贊之臣屢致人言豈無所由盍各改厲以展來效其餘百司
庶勿謂朕耳目所不及而隳廢其職守以自逸背公嚮私益
鑒其所欲以自棄當言者言勿謂時不我從當事者事勿謂上
不我用朕將播其言之當理而從考其事之成功而用焉典祀
必恪神乃歆戎政必練那乃固賦入必慎民乃富屈抑必伸獄
乃清無慢以取譴無怠以忘職無撻尅以馬能足國無酷慘以
馬能去惡惟趨於大中至正以稱朕意惟天心其祐焉故勅
○陞監察御史高宗本為河南按察司副使福建建寧府知府

劉錢為廣東布政司右叅政○陞貴州按察司副使熊俊為貴州布政司左叅政○改廣東按察司僉事林榮于江西○禮部尚書姚夔以災吳奏乞致仕上曰卿謹慎老成明於典禮朕方倚任不允告閒○太子少保戶部尚書馬昂提督京儲戶部尚書張濟俱以災變乞致仕上以昂等歷練老成精力未衰不允其辭時吏部左侍郎崔恭戶部左侍郎楊鼎禮部左侍郎鄒幹掌光祿寺事禮部右侍郎李春掌太常寺事禮部左侍郎李希安太常寺卿萬祺亦奏乞致仕皆不允○太子少保兵部尚書白圭言臣前往剽襄勦賊聞父喪屢乞終制不允復蒙聖恩起臣衰經之中授臣軍旅之事臣才不克位乞放歸田里以終三年之喪上曰卿才力有為宜勉修厥職不准辭○上以河南水旱相仍諭工部臣曰河南中州之地天災流行民困

若此宜有以寬恤之爾等原生採辦之物其行三司勘實凡被
災州縣物料已徵者遣人解納未徵之數暫行停止後豐年完
納○丙戌召右叅將都督同知鮑政領兵還京○丁亥都察院
右都御史林聰以災異乞罷歸田里以懲不職時工部尚書王
復亦奏乞致仁 上皆以陞任未久不允是日大理寺卿王榮
亦具本辭 上諭令勉修職務亦不允其辭○命靈藏僧塔兒
巴堅繫繫封為賢善王舊例番僧封王者賜誥勅并錦綺衣帽
諸物甚備又道官護送至彼給授禮部以今西事未寧事宜從
省乞降勅一道惟賜袈裟禪衣僧帽各一順付來朝番僧齋回
靈藏給授從之○戊子禮部尚書兼翰林院學士陳文兵部尚
書兼學士彭時兵部左侍郎兼學士商輅太常寺少卿兼侍讀
學士劉定之言上天垂戒 聖心憂勞勅諭群臣修省改過辭

古思之臣等之過尤重其玷累 聖治尤多蓋自 祖宗以來
設置內閣之臣所以備論思典命令勸勉聖學與聞庶務以助
成太平熙皞之化良有在也伏惟 皇上聖性高明可以比仁
義于堯舜並勇智于湯武而臣等才業聞學殆不及後世之良
弼無以贊助萬一言予論思則不能知無不言言無不盡如魏
微之犯顏敢諫俾其君致貞觀年中斗米三錢外戶不閉行旅
不齋糧之富足是以黎庶猶多貧困言乎與命令不能宣布
聖天子威德之烜赫睿思之精微以鼓動四方如陸贄所草詔
書使河北叛將讀之歸命山東父老聽之感泣是以夷狄猶或
岫強言乎勸勉聖學則經筵講讀不能如程頤之辭嚴義正范
祖禹之色溫氣和使 聖聰之樂聞不厭是以日就月將之功
猶未至極至於與聞庶務則又未嘗見賢必薦如崔祐甫而用

舍之際未合人心未嘗遇事必爭如張九齡而處置之間未愜
輿論是以四海九州之廣猶未咸寧蓋有其君而無其臣所以
不能致治而感動天變也臣等不堪其任若此允宜罷黜或退
就閒散或放歸林泉然後 皇上別簡賢能如古之諸臣者未
居內閣以裨益大猷庶幾天眷永保自無災異之來 宸慮少
寬免臻宵旰之念 上曰卿等職居輔導朕方倚託調變何以
遽乞退閒所辭不允○定襄伯郭登自陳年老多疾乞辭兵柄
上曰兵務重寄委任已定卿豈可辭○河南都司奏修甃磁州
千戶所土城事下工部議以今河南蝗蝻生發而城垣又保障
重務宜行布政司轉行都司勘議如蝗不為災聽修甃災則否
詔可○己丑太保會昌侯孫繼宗自陳老病侵尋乞辭兵柄而
奉朝請 上曰卿國戚重臣朕方倚任所辭不允○陞陝西左

布政使張鑿為副都御史巡撫寧夏地方○辛卯銓註通州衛
帶俸都指揮使鄭雲鷹揚衛帶俸署都指揮僉事丁瑄於陝西
都司陞寧夏左屯衛指揮使王徽為署都指揮僉事瑄協同分
守寧夏東路雲徽俱寧夏領操○太僕寺卿趙昱致仕昱交趾
人以歸順為太學生授光祿寺署正歷陞兵部員外郎太僕寺
少卿景泰五年陞卿至是以年老乞致仕許之昱自陳遠人無
所於歸乞賜常祿得給卿祿之半昱歷官四十餘年勤慎寡過
頗好清致居京師至十三年卒賜葬祭如例○癸巳命都督僉
事王瑛充副總兵都督僉事王銓充遊擊將軍都指揮使黃欽
協同遊擊統兵赴遼東會總兵官趙輔等征勦建州虜寇○湖
廣麻寮千戶所土官舍人向世英等貴州上馬橋等長官司頭
目方良彬等四川永寧宣撫司土官舍人王鉞等天全六番招

討司舍人楊朝等各來朝貢馬賜綵段鈔錠有差

大明憲宗純皇帝實錄卷之四十五

成化三年八月甲午朔○乙未命龍驤衛帶俸都指揮同知陳善守備山海關一夜火星犯壘壁障東方第一星○丙申南京監察御史李英等奏伏見今年六月雷震南京午門椽瓦脫落金柱損壞竊惟南京根本之地午門正朝之所變不虛發必有其由況比年南北幾旬水旱相仍四川遼東地震不已今災變復見於闕廷之上譬之人身手足之疾未瘳而心腹之疾繼作其為可畏尤甚臣觀自古風雷地震之變不一而足考其由或因君心未悟或因王政不綱或因宮闈預政或因內侍擅權或因強臣跋扈或因夷狄侵陵應雖不同其為陰盛陽衰之象則一方今承平日久庶務因循時政之弊固非一言可盡而天地之變亦非一事所致自非君臣上下同加警省務修實德以行

實政則何以荅天譴而慰人心耶况今中外臣僚憂國奉公者少縱欲偷安者多姑舉一二大臣以例其餘如南京守備不可不嚴也而成國公朱儀才識闇弱惟務謙抑而乏守備之方兵部尚書李賓事體生疎濫膺重寄而無衆贊之實太學賢闕不為不重也而祭酒劉俊性資粗暴學問荒疎嘗因醉坐肩輿過君門而不下信纒嬖妾殿正室以成傷他如應城伯孫繼先建平伯高遠之貪暴剝削都督同知吳良都督僉事戚斌之老疾罷斬此皆縱欲偷安不能弭災而且致災者也臣惟南京文武大臣不過數員其間尚有非才如此則在廷大臣之中恐亦未必皆才南京守備尚不得人如此則各處鎮守巡撫恐亦未盡得入古之大臣遇災或修德或避位今之大臣遇災則優游自安全不介意而所謂修省者皆虛文耳伏望 陛下察致災之

由求得災之效節宴游省浮費罷貢獻以絕謁讓廣延納以來
忠謹仍勅西京文武群臣及在外鎮守巡撫等官痛加修省各
陳所見以匡時政以輯災異其有貪暴不才及曠官誤事者量
加譴斥以彰天罰更選賢能以亮天工則人事可修天變可輯
而太平之業可保無窮矣奏入 上曰所言有理該部即議以
聞修德輯災朕自當加勉也○巡按江西監察御史趙敷奏江
西稅糧浩繁官少不能催徵以致逋負數多請增設司府佐貳
官各一員職專督理事下戶部以爲宜於布政司增參政一員
南昌吉安撫州袁州臨江瑞州饒州七府各增同知一員專一
管糧不得別有差委從之○丁酉釋奠先師孔子遺禮部尚書
兼翰林院學士陳文行禮○癸廟和妃宮氏薨妃錦衣衛百戶
純之女生于宣德庚戌歲甲寅選入內廷天順改元冊爲和妃

深見信重至是堯年三十有八謚曰恭安○戊戌祭大社

大稷○改南京國子監祭酒劉俊為南京通政司左通政俊質
樸少文累被科道論列故特改任○巡撫蘇州等府都察院右
副都御史宋傑自陳老疾乞致仕許之○開設直隸彙州縣河
南光山縣僧會司○己亥監祭御史劉敬等以雷震南京午門
之異實因人事不修所至劾奏成國公朱儀南京兵部尚書李
賓才識凡庸不稱守備叅贊之任戶部尚書張睿工部左侍郎
霍瑄南京禮部左侍郎俞綱南京工部左侍郎郝瑄巡撫都御
史李浩盧祥太僕寺少卿張弘俱年老有疾不稱任使 上命
姑舉堪代朱儀李賓者以聞餘皆致仕○陞南京兵部中劉諭
為廣東布政司左叅政監察御史吳玘為廣東按察司副使大
理寺左寺副王預為山西按察司僉事○命河州衛指揮同知

何英鎮守洮州地方○免貴州屯糧一萬二百餘石時山都掌蠻賊入境焚掠軍士屢被其害故也○戶部會官議巡撫陝西右副都御史項忠所奏事宜一兩寧洮州河州俱有茶課司市易畜馬以給甘肅寧夏延綏三邊征戍之用舊制每歲再遣行人巡視今勢家及射利之徒徃徃交通守備官私販入畜於是茶馬之政遂壞行人職卑言輕難以禁制乞依巡鹽事例暫遣風力御史一員往督其事俟茶馬既通之日仍准舊制行之一金州兩鄉石泉漢陰四處自宣德十年至今歲辦茶課積有六十餘萬斤歲久泛爛者過半乞驗其堪用者貿易銀布之類不堪者給民肥田變易鈔貫并今歲辦者折收銀兩絲絹等物俱送布政司收貯以備日後收買茶課之用俟兩畜平定用茶之日仍舊令民輸辦本色庶官私之間兩得其便一臨洮府所屬

蘭縣廣積倉種一歲運至十餘萬出納之際多為勢豪并姦猾
軍民所投倉官職微力不能制乞於本府增置同知一員專理
其務庶可以革姦弊而足用度奏入詔從其議○庚子陸翰林
院侍讀學士周洪謨為南京國子監祭酒○召巡撫陝西石副
都御史項忠署都察院事○調浙江按察司副使嚴淦于湖廣
撫荆襄流民○鎮守廣東太監陳瑄等奏賊入化州城殺知州
黃智掠官民男婦二百五十四人牛馬八十七頭劫去州學印
記及官銀錢鈔焚燬兩籍房舍守備指揮黑駿等避賊失機
上命巡按御史究治之○靖虜將軍總兵官武靖伯趙輔等奏
奉命拘留董山等於廣寧諭令先遣家屬數人還告部落歸我
所掠人口毋再犯邊已各遣還至七月二十七日取山等一百
一十五人至帥府宣敕旨戒諭未畢山等即逞克肆晉袖出小

刀刺傷通事人等臣等見其勢惡卽令甲士擒捕之其在驛夷人哈塔哈等一百一人聞知亦各持刀亂刺館伴兵卒臣等俱卽擒捕當時格殺二十六人餘皆囚之以俟命征剿之勢必不容已奏至命速副總兵王瑛等統兵赴之仍勅毛憐海西以離其黨勅曰 祖宗以來設立建州三衛保其近邊居住管領部屬爲我藩屏授之爵秩錫以冠帶及其朝貢屢加宴賞朝廷推恩於彼亦已厚矣乃者都督董山等忘恩悖義輒率醜類侵犯我邊殺掠人財不可勝計朕體天地之量不卽加誅遣使招諭令還所虜人口赴京謝罪與其自新彼來朝貢待之加厚豈期各虜陽爲順從陰懷不軌與其黨類意圖內外應援侵擾邊方高惡愈甚似此譎詐反覆神人共怒天地不容朕不得已遣將率師往正其罪重念爾等素守臣節今又遣人隨都督武忠來

朝朕甚嘉悅自今建州三衛逆虜或使人誘引爾等為惡或奔
竄爾處藏匿爾即盡數拘執送來若能統率爾衆與我大軍相
應彼此夾擊剋期剿滅則朝廷大加賞賚必不爾吝爾等其首
之圖之故諭○辛丑賜征遼東達舍軍餘銀人三兩凡一千三
百四十四人○廣西都指揮同知孫震以罪降指揮同知初震
充叅將分守潯梧等府不設備為流賊攻陷城池殺虜男婦坐
失機當斬 上宥其死降三級令就彼聽調殺賊○癸卯 孝
慈高皇后忌辰 奉先殿行祭禮駙馬都尉趙輝承命祭 孝
陵○曉刻金星入軒轅○陞戶部左侍郎薛達為奉部尚書總
理京儲○河南為事按察使吳中奏愬陽武縣為事知縣王佐
誣其賊私該問御史陳相偏入已罪命三法司錦衣衛為中辦
理至是中贖杖還職佐坐監守自盜贖斬為民○甲辰陞工部

即中章琬為湖廣布政司右叅議○乙巳遣戶部尚書薛遠祭
京都太倉之神○遣順天府官祭宋丞相文天祥○命通政司
右叅議王詔管易州山廠○丙午詔於南京官庫運鈔絹布往
賜征進四川將士之有功者鈔三十三萬八千六百餘貫絹九
百餘疋布一千五百九十餘疋○擢掌蘇州府事浙江布政司
左叅政邢宥為都察院左僉都御史巡撫蘇松諸處并總理糧
儲○丁未陞雲南左布政使陳宜湖廣左布政使王銳俱為都
察院右副都御史宜巡撫貴州銳巡撫延綏等處地方○戊申
巡撫延綏右僉都御史盧祥奏近者整飭邊備兵部尚書王復
議移府谷堡於巴川舊城而巴川舊城水泉枯竭難聚人馬別
有地名清水川正當衝要頓有水泉可立城堡宜更移築從之
○己酉禮部上進 英宗睿皇帝實錄儀注前一日設表案於

奉天殿丹陛之東設實錄案于丹墀中教坊司設中和韶樂及大樂如常儀設寶輿香亭于史館前是日早錦衣衛設鹵簿駕史官具服至館捧實錄置寶輿中上御華蓋殿具袞冕鴻臚寺官導迎實錄寶輿用鼓樂繖蓋從東廊北行由左順門外引由橋南中道行史官後隨至奉天門階下由左門入至丹墀案前捧實錄置于案後香亭寶輿退鴻臚寺奏執事官行禮贊五拜奏請陞殿導駕官前導上御奉天殿鳴鞭史官入班文武官各具服詣丹墀分左右侍班鴻臚寺官奏進實錄序班舉實錄案以次由中道升班首由左陛升至殿門外上興序班以實錄案置於殿中班首跪于案前贊史官皆跪內侍官舉實錄案入內殿置于中上復坐贊俯伏班首及史官皆俯伏興平身班首復位贊鞠躬贊四拜興平身贊進表序班舉表案置于

殿中贊宣衣贊束官皆跪鴻臚寺官展衣宣訖贊俯伏四拜興
平身進寶鉢官退于東班侍立文武百官入班鴻臚寺官致詞
畢贊鞠躬贊四拜興平身贊有制文官仍入班贊跪宣制畢贊
俯伏興平身贊指笏鞠躬三舞蹈贊跪山呼萬歲三贊出笏贊
俯伏四拜興平身禮畢○庚戌祭太歲風雲雷雨嶽鎮海濱山
川等神○遣旗手衛官祭旗纛之神○後軍帶俸都督同知李
鐸都督僉事脫孫俱以老疾命致仕○召前兵部右侍郎王偉
至京俾復舊官偉在 先帝時為權姦石亨等所誣罷為民榜
示中外後累有詔旨為白其枉至是 上特召用之且命 回
所揭榜○點都給事中黃甄左給事中董振右給事中紀欽給
事中王秉彝侯祥御史魏瀚滕霄曹英姚綬于春任時巡撫延
綏都御史缺員吏兵二部以甄瀚二人名上請旨點用一人十

三道御史聯署劾甄行止不端瀚浮淺姦貪難居重職 上曰
二人既不堪任各官如何濫舉主之者誰其具實回奏於是吏
部侍郎崔恭等上章認罪 上命降瀚一級與甄俱調外任且
曰科道官其中豈無行止不端如二人比者令各糾舉果聞
敢有互相隱蔽者罪之於是御史糾振等四人給事中糾霄等
三人下吏部具擬甄與霄等三人俱知縣甄湖廣寧鄉霄雲南
富民英湖廣邵陽綬江西永寧瀚與振等四人俱判官瀚四川
潼川州振陝西秦州欽邠州祥乾州秉彛湖廣澧州○辛亥命
成國公朱儀仍舊守備南京泰寧侯陳涇協同守備○命署都
督僉事武忠充叅將同總兵官武靖伯趙輔殺賊○壬子江西
都指揮僉事周泉老疾命其子祭代父原職天津衛指揮同知
○惠安伯張琮卒琮河南永城縣人嗣祖昇爵奉朝請未嘗有

失至是卒訃聞輟朝一日賜祭葬如例○甲寅陞欽天監五官
靈臺郎周昉呂慶為本監監副○乙卯賜鄭世子第三子名曰
見恣○丙辰命署都指揮僉事韓斌充進擊將軍往遼東會兵
剿賊○丁巳 上御奉天殿監修官太保會昌侯孫繼宗總裁
官禮部尚書兼翰林院學士陳文等率纂修等官行禮進 英
宗睿皇帝實錄 上起立受之繼宗等上表曰臣聞往聖在天
盛德必宜垂於後嗣君御宇大孝必當顯其先萬世攸同六經
可考是以堯帝之典舜帝命史以成篇文王之詩武王命臣而
秉筆然後與二儀而並久共兩耀以齊光欽惟 英宗法天立
道仁明誠敬昭文憲武至德廣孝睿皇帝紹 五祖之宏休繼
三宗之洪慶一歲而止 青宮之位十年而履 紫極之尊
玄覽早歸蒼生普戴 重闈母后安其養四耋臣庶被其恩

禮教比雲漢之昭 義威侔雷霆之烈 乘龍馭以覽八極因
而躍因特而飛 改鳳曆以建兩元得天之寵得天之順始自
乙卯終于甲申享國之福長矣撫世之功大矣恭惟 皇帝陛
下 夙主震器 高擢乾符 乃聖乃神乃文乃武若華勳之
協德 先長先君克明克類若豐鎬之承謨甫在諒陰命修
實錄勅臣繼宗等稽金匱石室之秘載彙青瑣黃門之封章參
以京都百署之所陳證以寰宇九域之所報研精覃思千百餘
日而其事完自首至尾三十多年而其蹟具書 君上之言動
得其要斷臣下之善惡以其公至於附景泰以見 先帝居常
處變之有道集 實訓以彰 先帝貽謀垂統之有規豈惟仰
稟於 聖裁抑且悉遵於舊制恭成 英宗睿皇帝實錄三百
六十一卷 實訓十二卷合目錄凡例三百七十五兩謹繕寫

上進臣繼宗等若繪 乾坤之履載得其圓方而生成之妙豈
易言若紀 日月之運行得其次舍而照臨之大豈易測伏惟
詳覽乙夜 然契 宸衷龜鑑無窮豈但取武成二三之策鴻
圖有未端期衍 皇極萬億之年臣繼宗等無任瞻 天仰
聖激切屏營之至謹奉 表隨 進以 聞宣表訖文武百官
英國公張懋等致辭曰恭惟 英宗睿皇帝神功聖德纂述成
書光華萬世群臣歡忭禮當慶賀制曰 英宗睿皇帝功德配
天紀述詳實朕心歡慶與卿等同之禮早賜宴禮部是日賜監
修官太保會昌侯孫繼宗總裁禮部尚書兼翰林院學士陳文
兵部尚書兼翰林院學士彭時人白金八十兩文綺四表裏羅
衣一襲鞍馬一副副總裁太常寺少卿兼侍讀學士劉定之吳
節人白金八十兩文綺四表裏羅衣一襲纂修官翰林院學士

柯潛萬安侍講學士李泰太常寺少卿兼翰林侍讀孫賢劉珙
左春坊左諭德黎淳右春坊右諭德童緣劉宣翰林院侍講江
朝宗楊守陳修撰王一夔彭教編修尹直徐瓊陳象中李永通
鄭環劉健汪諧張元禎吳致羅環檢討耿裕周經纂修兼校正
官侍讀劉吉陳璣侍講丘濟編修彭華人白金三十兩文綺三
表裏羅衣一襲催纂官吏部給封清吏司員外郎韓定中書舍
人馬麟焦編李溥稽考叅對官翰林院編修李東陽倪岳謝鐸
焦芳陳音程敏政檢討吳希賢人白金二十兩文綺二表裏羅
衣一襲騰球官太僕寺卿余謙等十四員人白金十五兩文綺
二表裏羅衣一襲攷掌文籍官翼舞等二員人白金十兩文綺
一表裏騰球譯字官并監生胡清等二十二人人白金五兩文
綺一表裏其纂修侍讀學士周洪謨白金三十兩文綺三表裏

羅衣一襲修撰邢讓王獻人白金十兩文綺二表裘纂修庶子
王傑徐溥侍讀李本并騰錄中書舍人劉琪署丞瀋致中序班
梁俊人白金十兩文綺一表裘騰錄員外郎謝宇中書舍人溫
良序班周璟人白金五兩文綺一表裘以洪謨等各陞權受刺
去任久近不一故賜賚有差總裁少保李賢以物故副總裁侍
郎李詔以致仕纂修修撰岳正以事故皆不與賞○戊午以修
英宗睿皇帝實錄成監修會昌侯孫繼宗加太傅總裁禮部尚
書陳文兵部尚書彭時俱加太子少保兼文淵閣大學士尚書
如故副總裁太常寺少卿兼翰林院侍讀學士劉定之陞工部
右侍郎兼學士太常寺少卿兼侍讀學士吳節陞太常寺卿仍
兼侍讀學士纂修翰林院學士柯潛萬安侍講學士李泰俱陞
詹事府少詹事各仍兼舊職太常寺少卿兼侍讀孫賢劉琳陞

太常寺卿俱兼職如故侍讀陳鑑劉吉陞侍讀學士侍講丘濟
陞侍講學士左春坊左諭德黎淳陞左庶子右春坊右諭德童
緣劉宣俱右庶子修撰王一夔陞右諭德侍講江朝宗楊守陳
俱司經句洗馬編修彭革尹直俱侍讀修撰彭教編修徐瓊陳
秉中李永通俱侍講檢討耿裕編修鄭環劉健汪諧吳鉞羅環
俱修撰檢討周經陞編修稽考察對編修李東陽倪岳謝鐸焦
芳陳晉程敏政檢討吳希賢各陞俸一級催纂吏部員外郎韓
定陞郎中中書舍人馬麟焦瑞李溥陞俸一級膳隸太僕寺卿
余謙陞太常寺卿山東布政司左參議林章陞太常寺少卿禮
部郎中吳謙加從四品散官并俸員外郎何暹葉政陳綱吏部
員外郎王瓊俱郎甲中書舍人凌暉蔚瑄黃清劉詢俱陞俸一
級其餘進秩出身有差○巡撫延綏右僉都御史盧祥奏前此

燒荒多於近邊虛應故事虜因河凍得以過河住牧為我邊患
今宜令逆兩各邊總兵等官每歲燒荒之時務督將士直抵河
岸盡焚野單則寇糧常絕邊境自寧矣 上命兵部議行之○
庚申命太學生高垣入翰林院習字出身垣既以其父穀恩例
乞入太學至是又援例上請故有是命○四川長河西魚通寧
遠等處軍民宣慰使司雜道長官司穿雲等寺 番僧畜吉星
宜等董卜韓胡宣慰使司領占令等寺寨番僧劉思巴等感藏
等寺寨番僧緯思吉言千等陝西岷州衛圓覺等寺番僧班丹
別石等著喱等簇簇頭番人堅東肖等巴藏等簇簇頭番人捏
捏等各來朝貢馬及佛像遙禮鐵甲等物賜宴并賜絲段衣裘
等物有差○賞延綏有功官軍彭武洎陽信等一千四百三十
九員名白金綵段鈔絹有差○行人司行人李麟陳邊備事宜

一居庸迤東古北喜峯等關口外無藩屏惟恃山川為險請勅
鎮守等官量增軍馬廣儲餉葺塙堡嚴禁違軍私出伐木者違
西紫金倒馬等關外連代朔內近京畿最高要官請選才能武
臣一員充總兵官增置巡撫都御史一員督理軍務修築一帶
關口務在堅完則守備嚴而邊患息矣一山西陝西遼東行太
僕苑馬寺一寺養馬不過三四百匹而皆老弱瘦損不堪騎用
近京順聖川土地肥饒水草便利宜以山東河南孳生馬駒量
撥行太僕苑馬寺牧養查覆順聖川原養馬數差官牧放則馬
蓄而兵有所資矣一近日遼東賊犯開元鄧佐出軍對敵施英
坐視不救遂至損軍敗將邊境不寧請勅各邊總兵等官今後
一路有警互相策應若或仍前坐視罪同失機如此則兵勢振
而虜騎不敢深入矣一夷狄入貢各有常路去歲北虜使臣不

由唐庸舊路乃自喜峯口入使得窺我遠近覘我虛實甚非所
宜請勅諸關守備等官今後遇有虜使入貢明白指引必自舊
路而入若仍因循故縱重罪不貸如此則關防嚴而外夷不敢
啓侮矣奏上命兵部恭酌行之○後軍都督府致仕都督同知
季鐸卒鐸山後人襲父職陞全吾右衛千戶鐸字四夷館出使
罕東瓦剌歷陞指揮使己巳之變通問虜廷回陞都指揮同知
未幾陞都指揮使優使于虜適虜奉駕還至土城外廷議迎駕
以大臣遂陞通政王優為尚書中書舍人趙榮為少卿往迎
英廟詢二人銜名鐸以舊銜新陞為對致虜不信還下錦衣衛
獄降福建千戶天順改元會赦鐸欲還京所司不敢遽釋鐸銜
之既而有旨召還即揚言曰鐸至京面御將若輩必奏黜之所
司懼賂遺盈橐而還陞都督僉事仍供職四夷館後道過襄王

不下馬為言官所劾命禁錮旋復釋之五年陞都督同知至是
卒鐸直憲恣肆無所忌憚 英廟復辟自恃曾使虜庭多所求
索大學士李賢以事調出遠奏乞其私第既而不果調又因岳
正去官乞其所居二家所有儲蓄器物書籍之類悉為所有云
○辛酉移置河南沁水縣成皋驛於獲嘉縣改為亢村馬驛○
命賞大同滑石嶺等處有功官軍都督僉事張瑄副都御史王
越等九百三十五員名計綵段三十八表裏銀一千八百九十
餘兩絹一百一十餘疋布八百六十餘疋○壬戌陞山西按察
司僉事朱瑄為副使

大明憲宗純皇帝實錄卷之四十五終

明憲宗純皇帝實錄卷之四十六

成化三年九月癸亥朔陞禮部左侍郎鄒幹為南京禮部尚書
○陞陝西布政司右布政使婁良湖廣右布政使陳安各本司
左布政使○授理刑進士方昇黎福吳文元揚守隨張進祿戴
縉王濟程宏張璋劉仁魏秉王賓張傑林誠董韜翟庭蕙王繼
戴用陳惠王相蕭蒼李錦監生馬進申剛劉謙陳廷玉乞存誠
彭頌為兩京試監察御史○弗提等衛都督得塞兀等遣指揮
歹扎哈等因撫諭來朝自陳守法畏威未嘗犯煩兵部謂今用
兵建州可因彼効順量加賞賚令其逆歸不惟示我懷柔之意
抑且絕彼構結之謀既而兀者等衛遣指揮兀黑納等兀者前
等衛遣指揮兀令加亦因撫諭來朝禮部議如前詔皆賜宴及
加賜綵段表裏遣之回○甲子巡撫宣府右僉都御史葉盛陳

邊務事宜一凡虜中走回男子例送御馬監驗充勇士不堪者發回原籍所司不知憐恤致其生悔復走虜中為孽聞有挾虜馬來者例送進奉然其馬或走傷或倒死負累公私今後發回原籍者免其雜差所挾馬聽其自責如此則被虜之人非馬聞風感慕而亦可以保無他虞矣一詔書凡民年八十以上者所司每歲給與布絹綿米酒肉九十以上者給與冠帶榮身每歲宴待一次此曠古所無之盛典但今軍衛高年之人未蒙徧及且宣府邊城一方有九十以上者十九人內九十八歲者一人乞准同一例凡九十以上者無分軍民一體冠帶如此則天下之老均霑朝廷之恩與矣疏入 上曰中國人不遠陷虜中既而來歸其情義可嘉民年至于八九十王政所當優者莫有軍民之間盛言有理所司其詳議以聞○丙寅 孝恭章皇后忌

辰 奉先殿行祭禮遣駙馬都尉薛桓祭 景陵○陞吏部左侍郎崔恭正二品俸以秩滿九載也○南京刑部尚書劉孜乞致仕不許○丁卯戶部奏江西南昌等十三府九江等五衛湖廣荊州等十一府沅州等十四衛今歲四月至六月不雨田禾盡枯而二處歲徵稅糧起運綿布皆係供給京儲今京通二倉所儲有限而費用無窮若槩蠲免恐誤國用請令各布按二司官重為審驗奏聞區處從之○戊辰召巡撫宣府左僉都御史葉盛為禮部右侍郎○陞陝西布政司右叅政余子俊為右布政使山東右叅政陳雲鵬為湖廣右布政使○巡撫宣府左僉都御史葉盛言竊先故永寧伯譚廣建事 太宗皇帝功在漠北所統部曲時號譚家馬 仁宗皇帝命守宣府二十餘年兒童婦女皆知其賢功在朝廷澤存邊圉其身僅有爵位其子不

得襲封且又因廣而有所感焉姑以耳目所及舉其一二如鎮守廣西都督山雲浙江都督許亨寧夏都督張泰等皆有賢名又如文臣中尚書都御史卿佐等官純誠朴忠如王直胡濙高穀清德正學如儀智薛瑄陳璉吳溥楊翥吳訥風節疑峻如錢習禮李時勉廉恭體國如師達古朴顏佐王質魯穆李棠揚信民軒軌王字公勤才望如金忠張本魏源張駿羅汝敬劉忠敦鄭瑩王佐王登侯璉徐琦王士嘉李嘉段民焦宏金問薩琦王恂張鳳沈翼年富賚銓監學規模如胡儼陳敬宗他如魏驥陳泰李敏馬謹亦有可稱又有毀于王事尤足矜念如都御史等官鄧荅等者洪惟我朝有道之長百年于茲矣仁賢輩出中外大小皆有其人臣寡陋不能悉知亦未暇悉言而涉蠶者不敢指言乞特命儒臣繕閱累朝記載或斷自宸衷定立程期

大鼻廷臣溥求公議論其行能之大小勞績之淺深歷年之久
近取衆所共知名實昭著之尤如譚廣王直者武臣或贈謚或
別錄子孫一人文臣或贈謚或蔭叙錄其子孫一人入監或俱
令自陳取 聖裁將見漢晉之報功主及蕭何羊祜之妾唐太
宗特官屈突通張道源之子不得專美于前而百官臣庶觀感
激發爲勸多矣 上善之下廷議吏部階下有司論故諸大臣
子孫各踵其祖若父官資并行績以聞詔從其議○刑部主事
袁深言自通州抵儀真沿河人民編定夫甲撥送官船每歲自
冬月河冰之外晝夜不息民遭重困典妻賣子日就流離請自
今沿河州縣雜辦正徭但出十分之二餘派不當夫役之處則
勞逸適均而民得安業矣戶部覆奏從之○庚午襄王瞻塔言
第三子襄陽王祁鉅馬奔其母欲出城送饋乞容之以申人子

之惜詔從其請○振威營把總都指揮僉事李璟縱指揮范嵩
私役軍士事下御史吳璘問擬如律仍請枷嵩示衆 上命景
淮擬嵩免枷降二級謫遼東邊衛立功○辛未重陽節賜百官
宴于午門○南京司禮監太監單包等奏建庶人吳庶人自天
順初安置鳳陽其帶來帳幔鞵履歲久敝盡又其人口一十八
名歲給布繻綿絮後死亡者五人因減給而今所買女奴六人
俱無衣布應用宜量高修補以廣恩待之意事下工部請仍命
包等勘議給賜從之○陞永清右衛指揮使仝斌為都指揮僉
事以斌解賊首剗千斤赴京獻俘累授例奏請也○上以湖廣
江西旱倉廩空虛民食不給特勅二處巡撫巡按官督令布按
二司分投賑恤凡不急之務悉令停止文武官吏量減本色俸
糧以濟民急○壬申命巡撫大同右副都御史王越兼巡撫宣

府地方○癸酉占城國王鑿羅茶悅遣使臣吳勒貢象及方物
賜緣段襲衣有差并令齎錦綺等物回賜其王○戶部會六部
等衙門官議漕運總兵及各處巡撫等官所言事宜條奏一允
運成化三年秋糧三百二十六萬石淮安徐州臨清德州倉支
糧七十四萬石如有災傷停免就令漕運官於淮安等倉照數
支運一允運糧米正糧每石兩尖加耗早斛其加耗則例湖廣
江西浙江六斗五升江南直隸并廬州府五斗五升江北四斗
五升徐州四斗山東河南三斗一允運米以十分為率京倉收
六分通州倉收四分支運俱通州倉收一官軍價運如遇風水
壞船百里內府州縣正官百里外所在官司視驗申漕運官依
例處分一運糧官軍行糧浙江江西湖廣江南直隸衛所并南
京各衛俱于本處支米三石江北鳳陽等八衛所并直隸廬州

安慶陸安潞州泗州壽州儀真揚州八衛俱於淮安倉支米麥
二石八斗高郵淮安大河邳州徐州徐州左六衛俱於徐州倉
支米麥二石六斗漕洋船并南京水軍左等八衛於南京各衛
倉大河等五衛於淮安常盈倉山東於臨清倉俱支米二石四
斗德州天津等九衛於德州倉支米二石一南京有無籍之徒
名爲跟子遇各處起解糧草布絹到京先於艤舟處迎引赴官
每米一百石草一千包索取歌家銀一錢其歌家亦百端遮說
取利事敗法司罪如常例人無所懲請令南京法司如有犯此
徒罪以上者枷號三月謫戍邊方一南京各衛應納屯田子粒
已有定制近多拖欠不完者蓋徵收之數少管屯之官多各假
公營私屯軍應差不能存業請自今有屯衛所但選老成廉幹
者一人總理徵糧之時不許差入及詐攪擾各衛仍照紅牌例

無得擅科差違者聽巡倉御史舉劾一南京英武飛雄廣武衛
初撥江北下屯該納原額子粒一萬四千三百六十九石八斗
有奇除起運外存留者俱各衛收然既無監收之官又無收貯
之倉故每月雖有俸糧文冊而無扣支之數宜令本衛量修倉
廩付經歷收支歲遣主事一人監督一南京翰林院官吏及翰
林院官員該支南京三分四分本色俸糧九百六十餘石每歲
俱於禮部關支不便請以本院空地修理倉廩每年會計糧數
定撥收支庶事體歸一一河南舊添注僉事一員提督中都留
守司并安慶等二十八衛七種近幸於額內副使僉事歲輸一
人提督事冗官少不便宜如舊添注僉事一王府婚喪大事每
歲朝廷三五次遣官行禮館穀贈遺未免浩費請自今親王郡
王并妃如舊差在京內外官行禮其將軍驛主以下應差京官

者以命布政司官應差內官者以命本府承奉一朝廷設立倉
糧預備賑濟官吏放給之際多不用心里老書手實緣作弊貧
難缺食不得其濟而放實賄賂多得支給或做逃戶以冒支或
道與皂以關用又有虛數侵盜押和沙土者以致小民不被實
惠乞勅該部出榜禁約如有仍前作弊者不拘贓數多少聚發
口外為民事屬枉法者充軍一馬事官贓證明白問擬罷職者
往往捏詞赴京妄訴撫拾原問官吏自今在外巡撫巡按并按
察司問過有贓官吏赴京訴寃者原問充軍者發極邊衛分原
問為民者發口外一濟寧州至汶上縣先因雨雪泥淖添置康
莊驛設馬二十五匹驢六十頭寺以驢撥南城開河二驛改置
站船而馬仍留本驛宜革去之而以馬撥詳城晏城劉普桃園
四驛一山東所屬寧海威海成山靖海大嵩鰲山靈山安東等

衛雄產海陽寧津奇山等所僻在海濱分巡分守提督把總官
經年不至致軍民被虐邊備不修設或倭寇猝至為患非輕乞
勅山東按察司管糧副使兼提督官軍修城池繕器械禁科擾
操軍馬以備不虞一直隸淮揚廬鳳四府徐滄和三州地勢卑
濕不利畜牧致解官之馬多以不堪退回乞如江南鎮江等府
事例每匹收價銀十兩類解則官民兩便矣一徐呂二洪全藉
河南脾胃岡等處水灌注接濟運船先年設主事一員後又添
設河南參議一員專理近乃罷去兼管於河南布政司分巡官
以致上源淤塞水利不興請如舊增置參議為便一濟寧州小
長溝至開河驛堤上接汶泗等河下通黑馬等溝導引泉水以
濟程運元時州之西舊孫村南望二湖之水設減水閘十餘座
水大量為減泄小則流入官河甚利今久失修葺日就坍塌且

每歲山水衝壞浸岸春時無水接濟夏則漫流滄沒田禾舟楫難行請如前修築一儀真至通州俱係運道而淮揚一帶水路各有專官管理惟自直沽至通州事多廢墜請令張家灣收甄主事暫同所在軍衛有司委官提調各淺夫老以特採取椿草每春初糧運之時遇有水淺漫流如去築置壩堰通水歸洪庶糧運無滯留之患一貴州土官襲職有例就彼冠帶免其赴部乞照近年湖廣考滿官吏事例今土官五品以上者納米三百石六品以下者一百五十石以備凶荒一京倉缺廢收受糧米先請蓋造二百間工部已於大軍倉內蓋成六十間然猶未足聞工部所餘木植尚多通州亦然請仍蓋成原請之數 上皆准議行之○貴州左布政使蕭儼等言貴州府州縣諸司并軍衛首領官先以邊境多事暫免考績賊平今尚仍舊請自今諸

司官在任三年六年各備牌冊考語轉達吏部待九年滿黜陟之庶人知所警而政務脩舉下吏部覆奏從之○甲戌巡撫山東右副都御史原傑乞使道歸省許之仍速其赴任○命故金吾右衛帶俸都指揮僉事趙剛子震襲父原職指揮使○丙子兵部右侍郎李震九載秩滿陞左侍郎食正二品俸○陞監察御史常振為山東按察司僉事南京刑部員外郎蕭凱為四川僉事○陞雲南按察使呂困為雲南左布政使山東按察司副使莊欽為雲南按察使○翰林院丁憂修撰王獻乞終制許之時獻聞父喪還鄉守制有陰厚之者請于朝乞起復獻內館教書獻不自安故也○戊寅陞錦衣衛正千戶萬貴為本衛世襲指揮僉事賞賚妃萬氏父也○贈永寧伯謚襄懿譚廣為永寧侯錫誥命從都御史葉盛言也○己卯改進士余瓚為翰林院

庶吉士諱字如舊瓚以四夷館諱字官應試中成化二年進士
隨例放依親至是奏陳例該改庶吉士仍于四夷館諱字吏部
援例以請從之○陞浙江右布政使張清為左布政使○命故
山西都指揮僉事杜鑑子澄襲父原職雲川衛指揮同知○監
察御史焦顯巡按福建以病代歸過家住又都御史林聰奏停
其俸顯至京誣聰貪婪等狀聰懇辯甚詳 上怒顯狡詐誣陷
堂上官詔三法司錦衣衛廷鞠之顯伏罪命送吏部降雜職遣
遠欽用尋授陝西莊浪衛紅城子驛丞○左春坊左庶子黎淳
等奏臣等伏觀 祖宗實錄并御製五倫書洪武初置東宮官
僚俱命廷臣子善長劉基等兼領未嘗別設其後禮部尚書陶
凱請選人專任罷兼領之職 太祖高皇帝曰朕今以廷臣有
才望勲德者兼東宮官非無謂也蓋慮廷臣與東宮官有不和

能遠成嫌隙其禍非細朕今立法兼職父子一道君臣一心庶
無相構之患 太宗文皇帝曰 皇考之制東宮官率以廷臣
兼之蓋任使專一則嫌隙不生 仁孝文皇后曰此 先朝鑒
戒往古之失誠良法也雖萬世當守而行之自是 列聖相承
凡東宮官僚自師保而下俱命勳戚及翰林院儒臣兼之未嘗
專設近者臣等先任翰林院侍講修撰等官九年秩滿及纂修
實錄進呈蒙聖恩陞庶子諭德洗馬臣等仰荷隆恩有如天地
雖竭刀捐軀尚恐有玷清職豈敢妄有所冀但念 祖宗東宮
官僚俱係兼領今臣等獨專職任非惟素餐可恥抑於舊制似
有未合伏望 皇上斷自宸衷命臣等仍兼翰之職庶上合
祖宗之制下免素餐之議疏入詔不許○庚辰陞禮部郎中李
和為河南布政司右參議尋理徐呂二洪河道○陞監察御史

劉敬馬山東按察司副使○增置河南按察司僉事一員提督
屯糧以戶部主事尹進馬之○辛己免萬全都司衛所屯田子
粒五千八百四十一石有奇草一萬三千八束以冰雹水旱之
災也○錄西番偏頭關兩廣荆襄處州等處陣亡敵賊功陞莊
浪等衛千戶甘瓖等九員各一級○壬午陞遼東三萬衛指揮
僉事佟昱馬署都指揮僉事提督汎河懿路蒲河等處地方○
癸未詔德府祿米一萬石內歲給蘇州糙粳米一千石舊例王
祿米皆給於所分封之地德王之國時奏山東不產粳米 上
特賜蘇州糙粳米三千石其原賜日用白熟粳米暫給一年至
是王請併著為令故推賜以糙粳米三之一餘不許○命故武
功中衛指揮同知張瑛子忠通州衛州指揮僉事王原弟剛俱
襲職虎賁右衛指揮同知徐賁子賢代職○兵部尚書白圭等

奏遼東建州等衛賊寇犯邊已命監督軍務太監黃順提督軍務左都御史李秉總兵官趙輔等率兵征勦今九月將終正係進兵時月第恐因循遲疑老師費財請移文秉等尅期抵募勦殺仍將進取方畧及所定日期采聞從之○調監察御史祝祥馬沁水縣知縣以奏對失儀故也○移置廣東電白縣于神電衛更撫都御史韓雍議高州府電白縣城內居民僅三五十家瘴癘毒甚歲調守官軍十亡四五損軍費糧其所治德善上下保寧三鄉皆濱於海而神電衛城適當縣中請以電白縣移置神電衛城而以茂名縣地下博鄉隸之其舊城則置原設平山巡檢司居守山鄉附郭等里改屬茂名庶糧無虛費而城池民差兩便從之○命停徵江西湖廣有災稅糧從工部侍郎兼翰林院學士劉定之言也定之奏曰天年有豐歎聖人裁成天道

歎則蠲以惠民豐則徵以供國取與隨特伸縮由己乃能使民
常足所謂仁術也今京師積蓄數多而倉廩俱滿乃至併支月
糧稱空倉以收貯而又添蓋新倉預以爲餉歲之計戶部之爲
國計可謂有餘矣而湖廣江西兩處遭旱之民枵腹忍饑張口
待哺救死無計况環湖廣江西之境其西與南則夷獠弗靖其
北與東則監徒出沒湖江饑民處乎其間誠恐計窮事迫易動
輿靜可爲寒心乞勅戶部量減徵糧以紓民困民安矣則納糧
之本固在也今年歎而免之明年豐而徵之萬歲千秋長供國
賦何必而此損下益上損不足益有餘之危策乎奏上 上曰
定之言是故有是命○甲申陞工科左給事中張璿爲都給事
中○海西兀者等衛女直都指揮脫因帖木兒等各來朝貢馬
及貂皮等物賜宴并衣服綵段等物有差○乙酉南京濟川衛

署都指揮僉事楊渠言三事一造戰船以禦折衝謂巡江之備必須造多槩船有風則衆帆齊舉無風則衆槩並發旁立遮洋中有敵臺暗設伏兵於內而使外人不能窺伺謹具圖式進呈乞勅廷臣議行南京守備內外大臣并工部等官如法或造五七十艘給與巡鹽官軍領駕如此則遇警可以圍集殺賊無事可以沿江操習矣一制利器以振威武揚子大江鹽徒縱橫出沒非得犀利兵器不足以禦之今南京內府兵仗局收貯飛鎗碗銃實皆破賊之神器一不如法鮮不誤事乞勅守備等官辨驗堪否應用仍置八頭擔竿等件給與操江官軍領用如此則鹽徒知警而戒風日息矣一選精銳以備策用南江操官軍僅有萬餘人分為二班晝操夜守其間逃亡老弱者多今欲往來擒捕必得精銳士卒請於江淮濟川等衛揀選平昔久便行船

諳曉風波稍水旗甲軍餘人等兼同官軍駕使巡捕仍於各衛
選撥官員鈐束如此則功必易成而事無廢弛矣 上命兵部
行南京守備內外官斟酌所言事理行之○丙戌陞表節婦沈
氏等十七人沈氏應天府江寧縣民方敬妻陳氏民羅平妻盛
氏民曹宗道妻龔氏民張純妻錢氏生員徐昱妻張氏上元縣
民葉阿僧妻魏氏民鄧順妻顧氏民蔣忠妻柴氏南京錦衣衛
軍潘貴妻孫氏浙江錢塘縣民吳怡妻徐氏仁和縣民霍鏞妻
張氏鄞縣民呂瑛妻劉氏陝西富平縣民惠敬妻張氏湖廣辰
州衛官舍王泰妻丘氏雲南郡司官舍劉琛妻俱年少喪夫守
節無玷詔旌其門曰貞節上元縣民沙任隆弟仕容俱早死其
妻張氏吳氏俱守節克盡婦道詔旌為雙節之門○荊州石首
縣民王宗義自遠祖鈞至孫男伯齡五世同居共爨內外雍睦

詔旌其家為義門○命減四川鹽引納米則例時湖廣貴州雲南四川官軍日用糧草萬計兼以旱災減免稅糧巡撫都御史汪浩請用四川上流等鹽課司成化二年三年應徵一十七萬九千五百一十二引量減則例召商於叙州戎瑛各縣用糧倉分上納以給軍餉戶部遂減定上流華池鹽引米八斗通海新羅福興六斗富義羅泉廣福黃市僂泉淪井郁山五斗大寧雲安四斗永通三斗從之○丁亥陞戶部郎中龐勝為陝西布政司右叅政○復除湖廣按察司僉事趙銘于江西以丁憂服闋也○己丑中軍都督府帶俸都督僉事顏道有疾命其子英代原職羽林前衛指揮同知○戶科給事中彭序言湖廣江西水旱相仍歲派諸色物料及抄造紙價買辦開辦諸物料請暫停止事下工部議宜令各布按司勘實災重郡縣暫止之災輕處

否詔可○禮科給事中侯祥等奏濟南等府所屬州縣管馬官多有委靡無為及太僕寺分管寺丞亦有經年不至所隸者致令馬政日益廢弛請勅吏部自今除授管馬官務選有作為設施者俾調習牧養及勅法司訪有不用心馬政者逮治如律事下兵部議如所言 上曰馬政務在得人今太僕寺丞員缺吏部宜慎選有司庶能者授之○庚寅陞兵科右給事中竄珍為浙江布政司左叅議○靖遠伯王瑞都指揮王信等領軍牧馬于草場縱軍潛回原衝為兵部所劾事下刑部請究瑞等罪上命宥瑞停其祿三月信等俱贖杖還職○叅贊機務南京兵部尚書李賓乞致仕 上以其年老不許諭令勉修厥以副委任○辛卯命鎮遠侯顧淳陞平侯張祐廣平侯袁瑄武安侯鄭宏陽武侯薛琮為正使尚寶司司丞李本戶科給事中彭序

工科給事中張琳吏部郎中張寰刑部郎中陸景高副使封魯
世子秦堪為魯王妃趙氏進封為魯王妃世孫陽鏞進封為魯
世子夫人張氏為世子妃荆王弟見諒為樊山王周王庶子同
錄為上洛王同鉅為魯陽王永寧靖僖王長子子塲為永寧王
兵馬指揮李福女為趙王妃長沙衛指揮使武英女為岷世子
妃氏李慶女為永寧王妃○修築延安衛城東石垣并護城隄
岸○遼東總兵官宣城伯衛穎奏廣寧寧遠義州錦州等處官
軍選調二萬九千餘員名前去征勦建州賊寇近廣寧等處節
報毛里孩人馬出沒不常墩空煙火不絕誠恐此賊竊知各衛
官軍起調乘虛入寇以為邊患乞將廣寧等處人馬量留三分
之一以禦北虜事下兵部議以為東征官軍已難更易宜將在
京園營內官軍撥一萬往廣寧山海等處應接保障 上從其

議命撥揚威營官軍七千令原生管內外官譚平等統領赴之
○以明日十月朝遣駙馬都尉石璟周景分祭 長陵 獻陵
景陵 裕陵○遣內官祭 恭讓章皇后陵寢

明憲宗純皇帝實錄卷之四十七

成化三年冬十月癸巳朔辛 太廟○遣內官祭司并之神○
賜遼庶人囊陀食米歲一百石○陞女直忽魯愛衛指揮僉事
失塔哈朵林山衛指揮僉事扯贊加為指揮同知從肥河衛都
督李里格等奏請也乙未山西都指揮同知毛永有疾命其子
富代原職雲川衛指揮使○禁豪強攪擾商稅者宣課司官奏
稅課不足皆由權豪姦惡之徒撓之其弊多端不可勝計乞行
都察院拘撓禁之都察院請如所奏仍委巡街御史及兵馬司
官巡察犯者枷項示衆滿三月處罪 上從之故有是令○通
政使司右通政陳嘉猷卒嘉猷字世用浙江餘姚縣人景泰辛
未進士授禮科給事中改刑科時朝鮮國王私授建州董山官
命嘉猷齎詔往責之琛惶恐伏罪未幾使滿剌加國封王航海

值風舟壞得不死歸治舟再往竣事還陞道政司左叅議尋陞
右通政丁父憂奪情起復未幾卒年四十七遣官賜祭嘉猷儀
觀豐偉善於教奏因宣禪文音吐洪亮嘗為 英宗屬意云○
丙申命南京工部修 孝陵殿及懿文太子靈殿○特賜工部
右侍郎兼翰林院學士劉定之太常寺卿兼侍讀學士吳節諾
命定之等奏言久竊祿位不能顯揚其親所望考滿幸給誥命
然退自念臣定之近六十歲有母將八十歲臣節已七十歲有
母過九十歲以垂白之子守垂白之母旦夕難期深為可慮伏
望聖恩及今頒賜俾其沒逝文祖得蒙澤于滌泉老耄母親獲
延光于暮日戴天地之大德遂犬馬之私願 上命即給之○
丁酉追賞天順六年擒獲江西長河峒賊朱紹綱等功鎮守太
監葉達巡按御史呂洪都指揮余春樂昇馮廣布政使黃琛按

容使張瑩副使余禔知府顧暉及軍士緣段措帶有差以巡按御史勘實奏至也○戊戌革營州中屯衛知事一員以衛在平谷縣地僻事簡故也○雲南都指揮使張廣有疾命其子雄代原職蒙化衛指揮使○己亥復添陝西布政司右叅政張紳于山東○庚子湖廣施州衛施南宣撫司遣頭目向福旭等四川鹽井衛土官舍人劉馬賢等雲南孟良府土人陶孟怕宋門等貴州養龍坑長官司頭目蔡林等各來朝貢馬賜緣段鈔錠有差○癸卯金吾左衛帶俸都督僉事滕鬼里赤老疾不任事命其子全代父原職指揮同知○丙午 皇太后聖旦 上率親王上壽受命婦朝賀賜百官宴于午門○命四川戶口食鹽鈔暫改收米每口鈔六貫為米一斗以兵部尚書程信言兵餉不足故也○丁未詔高秀王妃行納徵發冊禮以太傅孫繼宗為

正使太子少保禮部尚書陳文為副使戊申通政使司右通政劉昭優任以服闋也○韓王徽鈇言臣國臨西域風土苦寒久患寒疾地無藥物伏望軫念親賜與川廣藥材以保餘年詔擇王所宜用數品與之○海西亦兒古里等衛女直都指揮色令革等兀野吾等衛女直都指揮撒赤哈等阿倫等衛女直指揮伏羊古等各來朝貢馬及貂皮等物賜宴并賜衣服綵段等物有差○擢翰林院庶吉士家應奎李傑章懋黃仲昭商良臣為編修莊景為檢討劉鈺等十五人送吏部除授在京科道部屬鈺與陸淵之舉諭鍾晟王俊石淮俱主事程瑛章鑑施純俱給事中謝文祥李璫張誥邵有良鄭己何純俱監察御史○庚戌 誠孝昭皇后忌辰 奉先殿行登禮遣駙馬都尉石璟登獻陵○巡撫淮揚右副都御史勝昭言建庶人吳庶人等俱置

鳳陽城中官軍巡護警拆聲聞 陵寢恐或未安况城池不修
或有不逞之徒一時事出不測猝難防禦臣愚以為徽燧微燭
盤燁三庶人宜還置湖廣江西以近就養建兵二庶人送置有
軍衛城池處或鳳陽舊中書省嚴加防範庶親親之意不失而
防守之慮亦嚴事下禮部會官議以為諸庶人皆朝廷親屬俱
以有過謫守 陵寢 英宗特勅中都內外官防守供給至為
周備下可輕考其或域池未備自可修築堅完以為經久之計
上曰然安置已定不必動○命故金吾左衛帶俸都指揮僉事
高銘子昂襲父原職本衛指揮使○朝鮮國王李稔遣陪臣鄭
門峒等齎表貢馬及方物來朝賀 萬壽聖節○癸丑申明禁
鹽事例時私鹽類多越境貨賣官鹽不通而鹽法遂為所壞兩
淮巡鹽監察御史左鈺奏今後夾帶與販官私引鹽越境者經

該官司掬等進門買食者依律問斷監至二千斤者問發充軍
民終本身軍舍餘丁販裹者發邊衛沿海者發遼東鐵嶺衛庶
幾姦孽革而鹽法通從之○巡撫山西右僉都御史李侃等奏
案運臺修築城池將完本城官軍民壯每班三千員名入支月
糧四斗五升歲支一萬六千二百石馬一千一百一十九匹每
歲冬春二季該支料豆六千七百一十四石草二十萬一千四
百二十束合行山西布政司派撥戶部覆奏以爲宜如所請唯
草止給十萬束餘令官軍自備餵養從之○工部奏本部工匠
自景泰間編填勘合頒給至今年久逃亡事故及遺失過例分
豁等項者多今宜重編頒給欲行浙江等布按二司并順天應
天南北直隸府縣各委堂上公正官揭冊通查有舊係住坐後
當輪班者有舊係輪班不該住坐者有舊係一戶分作民籍者

有舊係各戶匠役規作一戶者有先為贅婿養子而後不歸宗者有舊報丁少而今丁多者有先幼小紀錄而今出幼者勘實赴部奏聞以憑重編頒給從之○甲寅兵部奏協同鎮守涼州都督同知趙英乞回京管事實有避難偷安之意宜行法司逮捕以爲人臣不忠之戒 上命姑宥其罪仍令協同鎮守移文使知之○定擬彙運臺新設萬億倉閘中淮浙官鹽糧草則例兩淮天順七年存積鹽五萬五千引中米五萬引每引米六斗五升豆二斗五升通九斗中草五千引每引三十束兩浙天順八年存積鹽五萬五千引中米五萬引每引米三斗豆一斗五升通四斗五升中草五千引每引十五束以前此所派山西糧草未即上納故也○提督遼東軍務左都御史李秉奏臣同武靖伯趙輔征勦建州虜寇所統官軍分爲左右哨按九月二十

四日從撫順關出境。屢賊張打必納等寨俱空。二十九日。瞭見賊約百餘衆。俱在薄刀山屯聚。急麾兵進賊。占大山。據險迎敵。官軍奮勇。功退賊衆。比暮。屯兵賊復乘機來襲。又用神鎗。攻打賊。退次日。督兵追襲賊。俱在五嶺。及迤東密林隘口。阻截官軍。當調都指揮柯忠等。選精奇三千。徑趨賊屯處。所至十月初四。初五日。抵樂功。勦賊先將妻子截匿。而以精壯二百餘衆。據險迎敵。忠等隨督官軍奮勇。與賊連戰數十餘合。賊潰。生擒二十七人。斬首五十六級。俘獲男婦二十四人。奪回被虜男婦二百五十二人。并獲其牛馬器械。燒其廬舍。及左哨右監丞章朗等。各統官軍。亦抵戴咬納等寨。於九月二十九日。四散衝擊賊。見勢盛。奔入深山。官軍粘踪襲至。朗家等寨。連戰十餘合。賊敗。生擒六人。斬首一百二十五級。俘獲男婦五十四人。奪回被虜男

婦二百四十七人又獲其牛馬器械并燒毀賊舍左掖副總兵
王瑛遊擊將軍王銓等督兵由洋河口出境歷賊寮哈等寨俱
空賊聚深山迎敵是月三十日至次日追至五嶺等處與賊交
鋒攻戰二十餘合賊潰生一十八人斬首六十四級俘獲男婦
二十八人奪回被虜男婦二百一十八人又獲其牛馬搜出勅
書朝先國帖文及番書器械等件賊舍俱焚之捷至 上命賜
勅獎諭○乙卯陞刑部郎中竇良馬浙江布政司左叅政○丙
辰賜韓王第七子名曰偕潯○戊午 英廟宸妃萬氏薨妃錦
衣衛正千戶聚之女宣德辛亥生八年選入內廷天順改元冊
為宸妃督儀淑德宮中敬仰生三子長德王次吉王次忻王女
二淳公主廣德公主至是薨年三十七謚曰靖莊安穆 上輟
朝五日自胡喪至掩壙悲儀祭葬如制○己未禮部奏 萬青

聖節例賜百官宴 上令免宴賜以節錢鈔○命羽林右衛老疾指揮僉事周斌子昱代職○詔暫閉四川密勒山銀場時有旨開辦銀課巡撫都御史汪浩奏官軍征勅都掌未息茲後復占礦夫六百七十餘名兼以供億之煩民不堪命乞暫封閉以俟地方寧靖照舊採辦從之○巡按貴州監察御史周源奏貴州士子赴雲南鄉試登涉險遠動二千餘里而解額止十人且貴州與廣西俱為荒服而廣西取士至五十餘人乞照廣西增解額詔所司議之○庚申命定襄伯郭登兼總神機營兵 辛酉南京司禮監內官家人阮攬盜南京 太廟神御珠冠金盃寺物事覺伏誅○巡撫山西右僉都御史李侃奏點老疾罷鞍職官隰州同知王文等二十員○巡撫山西右僉都御史李侃上言五事一蠲稅糧以召逃亡近者巡撫湖廣都御史羅虎

奏徵天順元年至今拖欠稅糧責與限期管糧官吏納戶人等不依限完者問罪枷鎖住俸追徵戶部奏准一體施行緣山西所屬拖欠稅糧自天順元年起至八年止不下數十餘萬皆是前任官吏畏懼違限之罪虛文倒解雖過省免戶部以萬已徵在官之數不在免例積歷歲多縱使盡民田產子女亦不得完伏觀元年詔書凡民間稅糧課程拖欠年久追賠未完者自十一月以前悉皆宥免乞如詔者免以蘇民困一倡勇敢以抑挫寇古人有倡勇敢之說蓋以天下之將三軍之衆怯者恒多勇者恒少兩軍相對莫敢先動而三軍之士屬目于一夫之先登一夫倡于前雖怯者亦莫不鼓行而進虜見我軍有如此之勇必相驚懼而自退矣今如宣府遊擊將軍許寧大同遊擊將軍秦傑偏頭關守黃河七堡署都指揮僉事王墨奮勇敢虜人所

共知此三人者今邊將中之勇敢者也 皇上誠用此等之將
陰厚而激發之時加慰勉彼將感恩思報而凡將士中有勇力
者莫不思效法而興起而賊不足平矣餘如去貪暴以安民生
舉正抑邪以進賢才減逸樂以憂邊志凡五事奏入詔下廷臣
議之○壬戌提督軍務左都御史李秉靖虜將軍總兵官武靖
伯趙輔等奏征勦建州虜寇已將左哨官軍之提具奏其右哨
于九月二十九日歷宋產八李款赤馬木冬李古納等寨與賊
大戰三十餘合官軍奮勇夾攻斬首九十七級生擒一十人獲
賊屬男婦二十六人奪回被擄男婦一百三十七人并獲牛馬
器械等物次日至十月初七日連日官軍四散搜捕直至摩天
嶺松林子等處過賊斬首三十七級生擒二人獲賊屬婦女三
人奪回被擄男婦五十八人燒毀賊寨房屋千餘間副總兵都

指揮同知裴顯等統兵于二月二十九日攻耿。冬。火你赤王馬
伐若如等寨與賊交鋒。轉戰數十合。生擒十有四人。斬首一百
三十八級。俘獲男婦十有一人。奪回被擄男婦二百五十三人。
又自十月初一日。連日各率官軍分搜。勦捕。襲至張赤升哈黑
松林山等處。賊拒險迎敵。隨督官軍并力攻戰。殺敗賊衆。生擒
十七人。斬首一百二十一級。俘獲男婦五人。獲其牛馬器仗。無
數。焚其巢寨房屋一空。雖有殘孽。各奔深山。藏匿。捷至。因請班
師。兵部尚書白圭言。賊虜雖為我軍征勦。克捷。然其醜類多有
奔竄山谷者。若遽班師。恐其餘黨復起。請移文東輔。會議分立
為經久之計。然後班師。上曰。虜寇既已殄滅。其勅輔等將邊
務處置得宜。然後班師還京。

明憲宗純皇帝實錄卷之四十八

成化三年十一月癸亥朔欽天監進成化四年大統曆 上御

奉天殿受之給賜諸王文武羣臣頒行天下○以明日 萬壽

聖節遣駙馬都尉石璟謁告 長陵 獻陵 景陵 裕陵○

命南京北總操江成山伯王琮自儀真至九江巡捕鹽徒盜賊

○巡按湖廣監察御史王璽劾巡撫延綏右副都御史王銳前

任湖廣布政使時縱吏違例收折糧價及事發又不推問仍用

其所收餘糧補虧缺之數請逮治之 上命銳且不逮令其實

自陳○甲子 萬壽聖節 上謁 奉先殿 慈懿皇太后

皇太后宮行禮畢出御奉天殿文武羣臣及四夷朝使行慶賀

禮時 英廟宸妃萬氏在殯賀禮宜從減節而備儀如故人皆

啓禮部失於舉奏云○免萬全都司保安右等衛屯田子粒一

千七十四石有奇馬草二千一百五十一束有奇以夏秋冰雹之災也○丙寅勅遼東巡撫右僉都御史張岐贊理軍務仍兼巡撫○遼東左叅將都指揮使孫璟卒璟河南新鄉縣人襲世職為遼海衛指揮同知累以擒達賊功歷陞都指揮使奉勅充左叅將分守開原鐵嶺等處至是以征勦建州虜寇感疾卒璟為人驍勇善戰夷狄知名虜寇畏服呼為莽孫○置山西寧縣軍武關萬億倉○伊間王妃謝氏薨妃北城兵馬指揮真之女宣德四年冊立為伊王妃至是薨訃聞賜祭葬如制○丁卯遣內官祭 恭讓章皇后陵寢以是日忌辰也○命右軍都督府帶蔭都督僉事脫孫子脫興代父原職羽林前衛指揮使○朝鮮國王李稜遣陪臣南倫等來朝貢方物謝恩詔賜倫等及慶賀 萬壽聖節陪臣鄭門姻等宴并金織衣綵段等物有差○

召永平山海等處撫守都督同知張欽領兵還京○建州俘虜
董阿兀等十八人反獄逃匿事聞兵部請遣治監守官軍併劾鎮
守太監李良總兵官宣城伯衛穎疏令不嚴之罪 上曰李良
衛穎且不問令戴罪捕賊不獲不宥○提督軍務左都御史李
東奏建州三衛結構諸夷剽掠邊方朝廷已命將出師擣其巢
穴苟不乘勝立為經久之計恐班師後逃遁餘賊復為邊患臣
今會總兵官趙輔等議得遼陽迤東自鳳凰山北抵奉集堡四
百餘里山險林密而遼陽城去鳳凰山僅五日程守備官軍止
有千人兵寡力弱乞取回往卒調去廣寧二千四百人操守地
方則虜則畏威邊境無虞矣又遼陽迤東鳳凰山鴉鶴關撫州
所奉集堡諸處皆通虜大路往因無事不為設備今我旣保知
虛實為寇請相地遠近築立千戶所城堡以葺裹蓋州復州廣

寧左屯三衛各摘二所官軍每所推指揮二員統領詣彼操守仍增置驛道墩臺以便往來以道邊報則邊方有備遇警無虞矣又開原極臨虜境三面受敵遼陽密邇建州地里廣闊須分守副將得人則緩急之間庶不誤事今左叅將孫璟病故副總兵都指揮同知裴顯生長開原遊擊將軍署都指揮韓斌累經戰陣乞勅顯代理分鎮開原鐵嶺諸處斌代顯分鎮遼陽瀋陽海州諸處操練軍馬整飭邊備則委任得人邊方寧靜矣上曰東等所擬良足其悉從之○戊辰陞守備大同右衛指揮使繼謙為都指揮僉事天順四年六月內達賊十二騎入寇繼謙率官軍五十騎追及於淨水坪與賊斬獲其十一騎至是始論功陞之其餘有功及陣亡官軍陞賞有差○增設直隸江陰縣縣丞一員於本縣馬馱沙分理縣事○致仕太子太保吏部尚書

王翔卒翔字九皋直隸鹽山縣人永樂乙未進士時 太宗始
試士北京得翔畿內人居二甲第一甚喜改翰林院庶吉士授
大理寺正左遷行人受知楊士奇薦為監察御史正統初陞左
僉都御史鎮守江西尋又理鹽法于浙江督兵務于松潘寇平
鎮守陝西移邊東適邊事起累以功陞副都御史左右都御史
景太壬申回理院事尋奉勅往兩廣總督軍務大臣總督軍務
自此始自兩廣還拜吏部尚書 英廟復辟眷待加隆天順辛
巳曹欽反加太子少保 上嗣統進太子太保以年老命朝朔
望丁亥疾作乞致仕不數月卒年八十四贈特進光祿大夫少
保謚曰忠肅翔性方嚴心平易寡者愆質直不尚文藝父在道
方蒞下處事一惟鎮靜人重其名反與銓衡不通干謁權倖有
所為跽或從之然不做以辭色歷仕五十三年第宅服食未嘗

加侈身後家無餘貲人謂其始終清白名節不失視古大臣無愧云○庚午陝西岷州衛落截等族族頭番人歡竹等出牙等族族頭番人劉荅等各來朝貢馬及明甲等物賜綵段衣裏等物有差○辛未移直隸武進縣小河巡檢司於孟濱河口○壬申陞戶科給事中潘禮為通政司右叅議○移陝西咸寧縣乾祐巡檢司於三岔改隸鎮安縣○癸酉代王或鍊與其弟定安王成鐸以私忿相干奏命駙馬都尉薛桓刑部左侍郎董方往勸之得其所奏皆誣上不忍論以法但降勅切責罪其下據惡尤甚者二人充遼東邊衛軍○甲戌貴州左布政使等官蕭儼等奏雲貴二布政司儒學共五十餘所而科額共三十名而貴州止得十名宜量增名數以勵士風禮部覆奏准鄉試舉人量增十名貴州六名雲南四名○乙亥封都督同知周壽為慶

雲伯○丙子命益實左衛都督僉事水當谷子三赤谷撒剌兒
衛指揮僉事兀不里子麥苦捏襲職陞忽魯曼等衛指揮僉事
谷當吉等二十一人俱一級○禮部奏各至節例賜百官宴
上令光宴賜以節錢鈔○丁丑命南京左軍都督僉事葉春子
盛中軍都督僉事戚斌子旺俱代父原職指揮使戴大同前衛
旺金吾右衛○朝鮮國陪臣工曹叅判南倫卒于京師禮部以
聞 上命給棺木遣官致祭并給驛送還本國○陞金吾右衛
指揮使鐵增著都指揮僉事以荆襄討賊功也○戊寅以明日
冬至節遣駙馬都尉石璟周景分祭 長凌 獻陵 景陵
裕陵文武衙門各分官陪祭○遣內官祭 恭讓章皇后陵寢
○都督僉事楊麟奏今年九月分官軍倒失馬二百六十一匹
兵部因劾麟提調不用心牧養不如法宜下法司究治 上命

姑宥之但罰俸一年○己卯冬至節 上詣 奉先殿 慈懿
皇太后 皇太后宮行禮畢出御奉天殿文武羣臣及四夷朝
使慶賀行八拜禮時 英廟宸妃在殯禮部以前此未奏裁減
慶賀禮儀至是始奏命從簡行之 慈懿皇太后 皇太后
皇后免命婦朝賀○遵府湘陰王貴媚薨王簡王簡王第十子
也母妃呂氏永樂癸巳三月二十日生二十二年冊封湘陰王
至是薨訃聞輟朝一日賜祭葬如例謚曰安僖○庚辰文武羣
臣朝親王于奉天門東廊○辛巳命故荊州衛指揮同知張翀
子高清浪衛指揮同知趙政子麟俱襲陞指揮使以翀政兩廣
東由殺賊有功也○禮科給事中成實等奏欽天監監副周昉
金吾右衛指揮同知高傑冬至節不赴 長陵 景陵行禮吏
禮二部俱無印信手本報名而屬司官員亦多不赴宜行究治

上付高傑于法以周昉奔喪宥之既而六科給事中魏元等復以其事違禮部尚書姚夔等併劾之上以事既處分俱置不問○壬午賜代府廣靈王庶第三子名曰成銘○乙酉提督軍務左都御史李秉靖虜將軍總兵官武靖伯趙輔道人未獻建州捷俘○召提督軍務都察院左都御史李秉還京○丙戌命陝西都指揮同知張傑子鏞代父原職甘州左衛指揮使○丁亥鎮守靖虜等處叅將劉清言靖虜衛城垣歲久坍塌欲計工修理從之○鎮守四川太監閻禮奏大壩山都掌蠻賊復聚衆爲惡攻燒九寨上下羅計一十三寨殺死人民虜掠男婦甚衆蹂踐田禾搶殺糧夫勢甚猖獗兵部覆奏宜行提督軍務尚書程信總兵官襄城伯李瑾督四川貴州總兵巡撫等官速爲勦滅之○戊子賜朝鮮國王成化四年大統曆○己丑復兵部郎

中沈敬官敬管被權姦石亨等誣與少保于謙等迎取外藩構
成其獄謫戍邊至是其事始白○海西區罕河等衛女直指揮
阿刺孫等兀刺河等衛女直指揮官音八等朵顏等衛女直指
揮末那孫等各來朝貢馬及貂皮等物賜宴并衣服綵段等物
有差○庚寅賜故奉國將軍佐真妻范氏食米歲二百石從靖
江王請也○辛卯命陝西帶俸都指揮僉事韓英協同寧夏都
指揮羅敬操備聽調○壬辰命 獻陵衛帶俸都指揮僉事鄧
斌子瑛代父原職指揮使

明憲宗純皇帝實錄卷之四十九

成化三年十二月癸巳朔 上稅郊祀牲○命湘廣金沙洲江西湖口所收船料鈔俱改收米以濟饑民從巡撫右副都御史羅麓言也○甲午貴州徭賊楊光顯等五百餘寇掠湘廣武岡州苗寨巡撫都御史羅麓以聞命麓等督軍捕之○乙未南京司苑局副使韋父田等有罪命韋父田米興降內使黃力遠韋陸王迪充淨軍 孝陵種菜韋住降奉御守東華門俱坐縱家人竊 太廟并內府財物也○丙申以四川右布政使鄭寧禹太僕寺卿仍支從二品俸○丁酉提督軍務右都御史李東等先奏於益州從州廣寧右屯三衛各摘二所官軍戍守鳳凰山等處關隘既而人情安土重遷多不樂從東等復請於奉集道達各立城堡摘遼陽招集土兵官軍守之且言守備梅順城指

揮蕭旭義州城指揮楚恩皆貪懦不勝任乞以都指揮白欽代
旭指揮徐珍代恩守備俱從之○磔毛憐衛女直指樺同知苦
女等三人于市以其妻犯違地○戊戌吏部言各處巡撫巡按
等官奏舉廣平府同知郭和等各有政蹟已行覆實例應旌異
請給誥勅進階并封贈其父母及妻謹具職名以聞和及南宮
縣知縣李聰邢臺縣知縣邢琬平鄉縣知縣王濬共四人詔可
○國子監助教李伸言二事一謂我朝 列聖相承御製書籍
如大明律大誥為善陰陽孝順事實五倫書諸書皆化民成俗
之道切於日用常行之實凡在臣民俱宜佩服乞勅該部行令
天下有司每遇朔望謁學督令師生逐一講說使在官人等悉
得預聞大義不惟官吏通曉法律而人皆敦崇孝道修行善事
以成丕變之風矣疏上下所司議之○己亥詔修 皇陵殿廡

從中都正留守穉盛等請也。○陞忽石門衛指揮使兀籠哈兀者右衛指揮僉事塔失塔木俱一級。○除河南按察司僉事宋榮名以受陽武縣知縣王佐餽遺也。○虞子臘郎賜百官宴于午門。○命都指揮僉事牛璽守備順聖川文宣守備蔚州。○命故定遠左衛指揮使張翔子俊襲陞都指揮僉事以翔慶雲堡討賊陣亡故也。○禮部等衙門會議訓導高瑤所奏追加景泰廟號事僉謂郕王繼位六七年間行事具在實錄其廟號非注下所敢輕議請自 上裁左春坊左庶子黎淳奏曰正統十四年八月冊立陛下為皇太子至九月羣臣又奉郕王即帝位改元景泰緣 陛下為皇太子在前郕王即帝位在後事理有礙至天順元年正月 英宗睿皇帝復位欽遵 聖烈慈壽皇太后聖旨仍復景泰為郕王詔告天下永為遵守然後人倫正天

理得名正言順而事成矣高瑤建言乃欲加郕王廟號臣惟朝廷既立皇太子則異時告天子之位乃皇太子也曾未半月羣臣又立一親王為天子則前時所立之皇太子將何為哉此景泰三年皇太子之廢有由然也在當時雖曰主少國疑四方多事然周成王之時姬旦實有功之叔父何不遂取天位雖曰神器久虛不可無人然共和之際周召皆王國之懿親何不共分姬室特以君臣有定分而不敢耳凡若此者皇太子為君親王為臣天經地義民彝物則截然一定固不待智者而後知之今多官會議依違苟簡略無定見猶欲煩瀆聖聽取自上裁豈臣愚之所能喻哉 先帝明並日月此事處置已父人心已定今若誤聽高瑤之言一加郕王廟號必將祭告 太廟改易舊制而行附廟承祧之禮焉必將遷啓梓宮改造山陵而加珠襦

玉匣之典焉必將追贈 皇太后皇后之稱焉必當盡後當特
所用之人所行之政焉且高瑤此言有死罪二一誣 先帝為
不明一陷 陛下於不孝古之聖賢經史具在魯隱公內不承
國於先君上不稟命於天子諸大夫扳己以立而遠立焉是與
爭亂造端故春秋首書元年春王正月而削公即位正大倫也
鄭王之即位內承國於何君上稟命於何主不過羣臣扳己以
立而遠立爾律之隱公允合無異為人君父而不道春秋之義
者必蒙首惡之名是故昌邑王既廢未聞復為漢某帝更始既
廢未聞復為漢某王誠不敢悖逆春秋移不明之過加於先君
而欲全孝道於子孫也 陛下昔為皇太子名正言順誰得私
議鄭王乃敢廢之易以己子至使 先帝久遭幽閉此非鄭王
所自為也當待館閣大臣陳循等貪圖富貴密運姦謀從吏為

之也至於天順元年鄭王有疾陳循自合迎請先帝授位却
乃率領羣臣進本奏乞早選元良正位東宮當時皇太子見在
欲選何人以立急先若非南城迎駕之功先帝終無出路矣
但此迎駕之人又皆貪國富貴之小人既效微勞氣盈志滿驕
奢淫佚靡所不為是故高爵厚祿封公封侯所以尊顯於元年
者賞其迎駕之功也嚴刑峻法或斬或流所以誅戮於後來者
罰其驕矜之罪也今流言國中必曰先帝怒此諸人迎駕而
罪之則萬無此理而不足信矣陛下即位之初有罪羣邪寒
心破膽及見取回商輅仍復舊職內閣辦事然後欣然自以為
得計又皆私竊效慕希求進用矣彼小人者但欲得官於己豈
顧貽患於人臣以謂高瑤此舉非欲尊禮鄭王也特為羣邪進
用之階也必有小人主使之者不然彼草茅疎遠安敢妄言上

誣 先帝之明使後世觀之以為口實而今之議者亦豈可不
察乎此隱忍曲從而猶欲煩 陛下之聽或疏入 上曰景泰
己往過矣朕不介意豈臣下所當言顯是獻諂希恩俱不必行
○辛丑以都察院左都御史李東為吏部尚書○命故廣東帶
俸都指揮僉事馬貴子常襲父原職神電衛指揮使○調翰林
院編修章懋為湖廣臨武縣知縣黃仲昭湘潭縣知縣檢討莊
景桂陽州判官特以明年上元張燈命翰林詞臣撰詩詞懋等
上疏以為 陛下張燈之舉或者 兩宮皇太后在上欲極孝
養奉其歡心然大孝在乎養志臣等伏覩 兩宮母后恭儉慈
仁之德著于天下坤儀貞靜豈以張燈為樂哉况今兩歲弗靖
四川未寧遼東賊情難測北虜尤當深慮江西湖廣亢旱數千
里民不聊生雖蒙優詔賑卹而公私匱乏計無所出可為寒心

此正宵旰焦勞不遑暇食之時 兩宮母后同優天下之日至如翰林之官以論思代言為職雖曰供奉文字然鄙俚不經之詞豈宜進于 君上固不可曲引宋祁蘇軾之教坊致語以自取侮慢不敬之罪臣等又嘗伏讀 宣宗章皇帝御制翰林院箴有曰啓沃之言惟義與仁堯舜之道鄒孟以陳今張燈之舉恐非堯舜之道應制之詩恐非仁義之言臣等知 陛下之心即 祖宗之心故不敢以是妄陳于 上且知其不可猶胸而為之是不忠也知不可為而不以實聞是不直也不忠不直臣罪大矣伏願採易羌之言於此等事一切禁止疏入 上曰元宵張燈儒臣應制撰詩歷代有之 祖宗以來不廢此典朕今視舊減省止存其槩以奉 兩宮聖母豈至妨政害民懋等不通典故妄言譏議難居文翰之職命杖之調外任○太僕寺丞

許顯到進以早朝入班次被糾命執送錦衣衛鞠之時馮驢
寺奉旨當整肅朝班違者許糾奏故一時於禮儀有所嚴慎云
○番僧法王劉巴堅叅西天佛子別寶巴國師鎮南堅叅端竹
也失禪師班竹星吉禮奴班丹以陞職奏乞誥勅印章與之○
壬寅錄故少保禮部尚書兼武英殿大學士楊溥孫泰為中書
舍人○以旱災召江西清軍御史楊琅還京命巡按御史兼理
其事○癸卯 上諭禮部臣曰京城內外居民輳集處所多有
內外官員人等增修寺觀廟宇禮部其嚴加禁約尚書姚夔等
請揭榜禁約繼今不許於原額外增修請顯違者許巡街御史
五城兵馬司擒治仍行順天府晚諭鄉村一體遵行○朝鮮國
王李瑛遣涪庄朴壹等齎表文及方物采朝賀正旦節○實授
試監察御史羅明姚明江沂江孟綸梁昉劉瑀李大綱李琮廉

文王哲郡智為監祭御史劉鑑以不諳法律改外任○鎮守遼東總兵官宣城伯衛穎奏謀報海西墩只刺河衛文直朵隆哥等言虜酋毛里孩糾合朵顏三衛頭目欲舉衆分寇遼東上勅遼東及諸邊鎮守總兵等官嚴為提備○甲辰賜秦府臨潼王子名曰誠性岷王第五子名曰膺鈔○巡按江西監察御史趙欽言近往南昌九江南康等屬縣巡歷鄉村場圃寸草無積所至百姓咸羣攔擁訴告備說今歲早傷特甚米價高貴幸荷朝廷寬憫今冬可保無虞來春必難度日必須多積糧儲庶免臨期有誤臣謹具所見以聞乞勅戶部定議一或化三年兌軍糧米戶部坐派四十四萬餘石然有徵者不過十九萬石爾其他存留折銀等米並無顆粒可徵請將有徵兌軍米容留奉布政司六十九縣倉分上納以備賑濟而各衛所運糧官軍遇此

凶荒宜暫休息一年少楚困苦一每年徵收戶口盜鈔多被包攬刁徒賄鬻吏胥里老先將已鈔扣數代納然後帶同里甲下鄉照冊多收監禁拷打將貧民子女牛畜田地房屋准折變賣往年有收尚且無還今遇饑荒愈加無措受逼不過不免逃移請將今年盜鈔通行停免戶部覆奏俱從之○乙巳命金吾左衛指揮同知任禮子忠代職武功前衛指揮使丘能子壘永清右衛指揮同知徐春弟泰義勇右衛指揮同知苗鍾子端羽林左衛指揮同知周源子剛府軍衛指揮僉事王銘子玉俱襲職○丙午鎮守寧夏總兵官廣義伯吳琮等奉兵部奏准事例分撥官軍修完寧夏三路墩臺二十二座關牆溝壘三百七十三處共二萬二千一百三十七丈三尺至是具實以聞○丁未禮部左侍郎兼翰林院學士致仕許彬卒彬字道中山東寧陽縣

人以舉人選入翰林譯字中永樂乙未進士改翰林院庶吉士
歷任檢討編修修撰正統丁卯禮部因福建請鄉試考官奏命
彬往明年丁父憂奪情起復歲己巳之變陞大理寺少卿尋以
四夷館譯書乏人提督轉太常寺少卿兼翰林院侍詔提督譯
書景泰初英宗自虜地將還奉使迎駕歸陞本寺卿 英宗
復位彬以嘗迎駕且素與石亨善得入內閣進禮部左侍郎兼
翰林院學士亨初與徐有貞同事既而交惡因擠之而波及於
彬調南京禮部既行降陝西叅政至則乞致仕許之成化初命
復其官仍致仕至是卒年七十六彬性坦率無拘檢廣交游而
不擇人一時放蕩之士多出其門吟詩飲酒以爲樂議論疊疊
而不切於用晚預機務方欲閉門謝客而平昔舊游惡其變態
率多騰謗云○戊申旌表孝子蔡廷琛等二人節婦金氏等十

七人廷塔浙江建德縣人父病篤露香黷天願以身代遂愈母
病盲乃竭產并妻奩具易穀以調貧者為祈福于天後母目復
明鄉人以為孝感駱森陝西涇陽縣學生父志仁母連氏相繼
沒哀慟幾絕躬負土為墳廬於側三年俱表其門曰孝行金氏
直隸休寧縣民謝德琛妻史氏當塗縣民涂增妻周氏民胡順
貳妻曹氏武進縣民白程妻錢氏江陰縣民沈頤妻凌氏常熟
縣民蔡克溫妻王氏定州衛官舍施安妻高氏南京金吾後衛
軍丘忠妻劉氏水軍左衛軍餘胡海妻劉氏福建閩縣民李岳
妻沈氏浙江建德縣民涂宗賢妻王氏江西安福縣民戴去別
妻丁氏豐城縣民熊煥妻吳氏民黃季遜妻李氏陝西涇陽縣
民張福妻劉氏直隸鹽山縣民崔祥妻張氏雲南前衛副千戶
魯忠妻皆登家守節孝養舅姑為鄉里所稱俱長其門曰貞節

○保定侯梁瑄卒瑄字惟善河南汝陽縣人保定伯銘之子宣德乙卯襲爵正統己巳福建鄧茂七反命克副總兵徃征之既奏捷旋師而餘黨復作言官劾瑄欺罔下獄論罪當斬命降為事官景泰二年韋同烈聚眾寇湖貴命瑄充總兵徃征之湖貴平三年進爵保定侯天順改元克總兵鎮守陝西二年虜寇涼州瑄單騎薄虜陣大軍乘後擊虜走之瑄在陝凡七年召還管左府事至是辛丑聞報朝一日遣官諭祭命有司營葬贈蠡國公謹襄靖瑄天資平恕數總兵柄未嘗妄殺一人其子弟從征以功授官職瑄皆辭而不受人類以為知足云○辛亥陞兵部郎中趙謚為江西布政司左叅議戶部郎中鄭和為雲南右叅議○陞福建布政司左叅政柳春為浙江右布政使○哥吉河等衛女直指揮色冲哥等海西屯河等衛女直指揮瓦里卷等

泰寧等衛指揮卮答兒等各來朝貢馬及貂皮等物賜衣服綵
段等物有差○壬子遼府奉國中尉憂璋生母鄭氏奏故夫遠
安王貴燮以罪降為庶人歲仍給米一千石夫故以後住支家
口無以養贍乞如先年給賜庶人賁哈妻曹氏例仍賜食米千
石 上命與六百石米鈔兼支○詔免雲南諸州縣及長官司
朝覲各府首領官有公事者亦免之特雲南連年災荒師旅數
興守臣以為言故有是命○陞萊州府知府熊贊為陝西苑馬
寺卿○陞元者衛指揮使鎮里必為都指揮僉事○癸丑詔給
朔馬都尉薛桓俸支祿米五百石桓以失朝住俸半年常德大
長公主為其陳情言俸祿先已闕過本府人衆食用掣難乞仍
賜給 上允其情○錦衣衛奏舊例凡各處械送囚犯至京者
歲終例於良鄉通州等處停止待新正朝賀畢入京然自永樂

二十二年有旨不必停止特送兩法司待大祀後問理後天順四年改鎮撫司請如例仍送兩法司為便從之○甲寅以河南左布政使楊璿為戶部右侍郎詹事府少詹事兼翰林院學士萬安為禮部左侍郎河南左布政使曾暉為刑部左侍郎山東左布政使彭誼為工部左侍郎○乙卯命故神機營管操署都指揮僉事呂巖子昂襲父原職天津右衛指揮僉事○丙辰先是監察御史康驥言京衛軍士在營操備者少官府私役者多乞命官清理上允之命兵科給事中崔儀監察御史溫琮等任其事至是儀等以所清軍士數目覆奏且請違治神武左等衛指揮使楊道真等役占罪上曰道真等作弊多端誠宜寔於法姑宥之繼今有踵前弊者重罪不宥時軍士多為中官役占費聞故驥雖言之而道真等竟蒙宥也○丁巳勅滿除在京

文武官過名仍命法司移文於在外諸司。○陞戶科給事中丘
私為左給事中劉吳為右給事中禮科右給事中魏元為左給
事中給事中霍貴為右給事中兵科給事中秦崇為右給事中
工科給事中高夔為左給事中。○禮部奏正旦節例賜百官宴
上令免宴賜以節鐵鈔。○陞山東右布政使雷復為左布政使
江西右布政使孫遇為河南左布政使。○增置山西布政司經
歷司郎事一員督理澤潞沁遼五州柴炭。○陞烏程縣知縣
翁經為南京鴻臚寺左寺丞施秉彝知縣李圭為光祿寺寺丞
○巡撫四川右副都御史汪浩奏四川重慶等府瀘州等州所
屬水旱相仍人民死徙兵食不足皆臣失職所致伏乞罷歸田
里。上諭以軍需宜從減措置所請罷歸不允。○御馬監太監
葉達奏臣先以征江西長河峒有功蒙賜寶鈔幣帛臣願辭還

乞陞臣兄錦衣衛千戶葉成官事下兵部以爲前無此例宜勿許上特從達請陞成原衛指揮僉事○壬午陞山東布政司左叅政葉冕爲右布政使江西按察使林鶻爲江西右布政使○朝鮮國王李瑄遣其陪臣高台弼等來奏祈獲建州賊屬上命厚賜瑒并台弼等且勅瑒曰董山等世受國恩以衛藩衛近者陽爲朝貢之名陰行盜邊之計朕宥之而愈肆不得已用兵致討惟王世守禮儀忠於國家王宜閉絕關隘以杜其奔逆之路更能遣兵相應伺便而戢之則彼之授首尤易而王之功愈茂忠愈彰矣朕豈無以報王哉勉樹勲名時不可失故勅○分守荆襄右叅將都指揮同知王信奏川江漢江廣闊相距各千餘里附近郡邑今歲荒旱民多流寓于此有爲饑寒所迫潛起爲盜者恐聚集既衆釀成大患請以守備指揮僉事高璘原

守遠安縣都指揮同黃貴薰巡二江勦捕盜賊從之○己未采
顏泰寧二衛徵於邊地市牛及農具鞍轡等物禮部奏惟許市
牛及農具從之○庚申烏思藏刺觀等寺塞番僧頭目畜吉星
吉等陝西岷州衛懲班等簇頭番人失落肖等各來朝貢馬及
毳氍毹甲等物賜衣服綵段等物有差○辛酉歲暮享 太廟
○遣太常寺官祭五祀之神○遣撰手衛官祭旗纛之神○以
明日正旦遣駙馬都尉石璟王增分祭 長陵 獻陵 景陵
裕陵○遣內官祭 恭讓章皇后陵寢○是歲天下戶九百一
十一萬一千六百八十八口五千九百九十二萬九千四百五
十五田地四百七十七萬八千七百六頃二十一畝有奇田賦
米二千一百九十五萬六千九百二十一石有奇麥四百五十
五萬三千一十石有奇絲九萬九百五十五斤一十兩有奇綿

一十萬五千兩絹二十七萬一百八十七匹有奇布八十二萬
七千五百十四匹有奇綿花二十八萬五千九百一十八斤有
奇折色鈔三十一萬三千五百五十二錠有奇雜課鈔二千六
百七十九萬六千四百五十錠有奇米四萬五千九百二十二
石有奇麥二千三百八十六石有奇布七百六十九匹有奇鹽
課鹽三百七十九萬一千三百三十三引米五千七百八十七
石有奇布四萬四千三百一十五匹二丈有奇茶課茶五十三
萬七千六百三十八斤一十二兩有奇折色屯田子粒三百八
十七萬六千一百九十三石有奇採納銀六萬九千二百八十
二兩有奇水銀二百二十九斤硃砂一十六斤八兩漕運京師
價運糧三百三十五萬石各處運納糧四百二十二萬三千七
百九十石有奇減免天下官田等項稅糧一百二十萬五千五

百八十石有奇

大明憲宗實錄卷四十九終

大明憲宗純皇帝實錄卷之五十

成化四年春正月壬戌朔 上詣 奉先殿 慈懿皇太后

皇太后宮行禮畢出御奉天殿文武羣臣及四夷朝使行慶賀禮 慈懿皇太后 皇太后 皇后俱免命婦朝賀○癸亥文

武羣臣朝親王于奉天門東廊○甲子 宣宗章皇帝忌辰

奉先殿行祭禮遣駙馬都尉石璟祭 景陵○命都指揮僉事

馮晉等分督奮武等營訓練軍馬○召湖廣清軍御史呂璿還

京以境內早荒暫停止也○乙丑立 春順天府官進春 上

御奉天殿受之文武羣臣行慶賀禮賜百官宴于午門○丁

卯孟春享 太廟○遣內官祭司戶之神○以山東壽張等縣

閒地四千一 百餘頃賜德王府從王請也○戊辰賜寧府庶

人募諭倉米月三石仍命江西布政司給房屋以居之○改湖

廣臨武縣知縣章懋爲南京大理寺左評事湘潭縣知縣黃仲昭爲右評事桂揚州判官莊棻爲南京行人司左司副時六科給事中毛弘等上言謂去歲五行失度災異屢見人情洶洶皆以爲變不虛生必將有不測之虞然頃者天象順序雨雪以時江淮賊徒就擒邊塞黠虜遠遁又有出於人心逆料之外者推原其故實由 皇上下責己之詔納善從諫物論歡騰所以變災爲祥如漢文帝能躬修德政節用愛人雖有災異而獨無其應也臣等切惟元宵張燈誠歷代所有 祖宗舊行今章懋等不仰體 皇上奉兩宮之孝心不思考崇代之故事輒肆己見過爲論言冒犯天威實同狂瞽然嘗內其言而察其心亦竊歎因事納諫之意蓋以天下尚有災荒之地北虜猶有窺伺之心兩廣蹂躪未寧四川苗蠻爲梗無非欲 皇上常存敬畏治

保邦可古人有言曰君明臣直今懋等出自葦茅初居翰林不願一身敢言直諫實由皇上聖明有以致之况彼以獻可替否為主以培養聖德為名言雖忤情意則可取皇上既不容納其言而又改調外任爾茲三人何足深惜惟虞千里之外四方之人不知懋等妄言受懲特謂道諫落職遠近流傳驚駭耳目又恐於近時之善政不無少妨也伏願施再造之恩開獎勸之路懋等甘免竄技從宜處之豈惟慰人心息物議而已而於國家大體亦未必無少補也章上遂俱改調南京○朝鮮國王李球遣陪臣高台弼來獻建州俘先使朝臣遣將征建州蹂因以其所獲賊虜遺台弼來獻上嘉之特勅球出兵以助征勦球遣其中樞府知事康純等統兵萬餘度鴨綠發豬二江攻破兀彌齊諸寨斬賊酋李滿住及其子古納哈等三百八十六

版生擒二十三人獲牛馬等畜二百餘焚其積聚二百一十七所至是乃遣台弼來獻俘命禮部從厚賞賚詔加賜錦四段西洋布十匹并賜領兵有功官白金綵段有差遣內臣金輔齋與之勅珠曰鴛者朕命將率師改討建州逆虜伴王協助天兵王遣中樞府官康純統萬衆入虜地斬虜酋李滿住古納哈父子獲其部屬頭畜焚其廬舍積聚得其所掠我東寧衛人口遣吏曹參判高台弼來獻已將王所獻賊屬依例處置人口給親完聚牛畜給單屯種良田王世篤忠貞故朕以尺札命王而王國之衆響應於海東朕之將士雷厲風驅內外合勢逆虜瓦解王可請能副朕所命矣朕與王君臣同心豈不美哉今遣內官金輔至王國賜王綵段白金錦綺其康純高台弼等亦各有宴賜以旌其勞王其欽承之○庚午添設河南睢州同知一員延津

新鄭鄆陵太康西華蒲川儀封鹿邑汝陽羅山十縣主簿各一員以戶口增羨事多故也○辛未以大祀 天地 上御奉天殿誓戒文武羣臣致齋三日○陞大理寺右寺丞宋冕為右少卿○申定監察御史殿中糾儀及丹墀賜晏班次中書舍人李惠預奏凡遇行慶賀禮奉天府預執事者給事中十員為導駕官於殿中東西立翰林院中書舍人各四員為侍班官分立於導駕官後監察御史四員為糾儀官立於侍班官下若慶成晏中書舍人位給事中御史前而晏品均一初無厚薄皆舊制也近時御史越班立導駕官下可謂失憲體而亂舊章禮部列晏席以中書舍人位給事中御史後及光祿寺設晏品亦於給事中御史序而於中書舍人簿可謂貽勢必而蔑禮法已各正其失禮科給事中參應補以小事清 聖聽宜究治事下禮部尚

書姚漢等議撤御史在殿糾儀有侍班官則立侍班官下稍南
無侍班官則立導駕官下稍南其丹墀宴序中書舍人從近例
坐於給事中御史後宴品亦當均一而於給事中之衆則漫不
可否 上既准撤且謂禮科挾私妄劾當治其罪姑宥之其宴
序可視正統年間例行既而獲後奏正統間文案不存無從查
考乞如今議爲宜 上亦是之○免兩廣府州縣官朝覲以地
方用兵也○壬申以上元節賜文武羣臣假十日○甲戌大祀
天地于南郊 上還宮謁 慈懿皇太后 皇太后畢出御
奉天殿文武羣臣行慶成禮○乙亥以大祀慶成 上御奉天
殿大宴文武羣臣并四夷朝使○丙子上元節以是夜月會免
宴○月會有陰雲蔽之不行救護禮○戊寅 英宗齋皇帝忌
辰 奉先殿行祭禮遣駙馬都尉薛桓祭 裕陵○應天府府

尹畢亨奏南京原差內外官於江浦等縣新採修造紅土擾民不便上命俱取回京今後只令本處有司陸續採辦○己卯朝鮮國王李瑑遣陪臣趙瑾等奉表貢馬及方物來朝謝恩賜瑾等及賀正旦陪臣朴萱等晏并金織衣綵段等物有差○童寬山等衛女直都指揮出養加等兀者等衛女直指揮納合木等塔麻速等衛女直都指揮阿木印等木谷里山等衛女直都指揮把卜沙等各來朝貢馬及貂皮等物賜晏并衣服綵段等物有差○庚辰命大同後衛指揮同知姜瑄守備威遠衛地方○兵部奏以兩京太僕寺孳生馬騾駒共二萬九千餘匹印記給空閒并新增戶丁牧養從之○提督兩廣軍務左副都御史韓雍奏上思州土官黃璣宣化縣墮民班刻記等互相讎殺各執一詞以告宜遣官勸慰兵部覆奏從之○兵部奏廣西鬱林

州沙胡山等處殘賊聽先期襲賊死援兵不至士卒死者二十餘人湖廣陽尚苗賊入興安縣縣丞傅琛戰死于融江。思恩府述昆卿賊入古邑堡百戶王祥戰死于東寨村請究守臣失機之由重者按治如律輕者停俸立功自贖其巡撫鎮守等官初御史韓雍等首薦重寄不得無罪併宜移文切責從之。○辛巳遼府輔國將軍豪整亡以原給儀從二十人易核尉五人許之。○巡按湖廣監察御史王璽奏右叅將都指揮同知王信并都指揮吉世英指揮朱傑等在巫山等處失機兵部行令勸其功罪今覈實信等十人俱有擒斬等功吉世英等違問未結無功者惟朱傑樂王及千戶柳琛三人。上從兵部議以王信等功可贖罪宥之朱傑等三人違問如律。○壬午陞福建按察司副使年休為江西按察使山東都轉運鹽使司運使董昱為

山東布政司左叅政吏部郎中鍾清為福建左叅政○陞廣東
封川縣學訓導為顯為封川縣試知縣以提督兩廣軍務左副
都御史韓雍言其保障地方民墮信服故也○提督兩廣軍務
左副都御史韓雍奏廣西左叅將都指揮同知夏鑑署都指揮
僉事汪奉廣東按察司僉事陶魯等各率番漢官軍於思恩潯
州等府博白武緣等縣追捕賊首黃公漢藍牧等屢敗之共擒
斬三百五十餘人追回彼虜男婦七百餘人然柳慶地方歲饑
餘寇散而復聚尤為可慮 上諭兵部臣曰雍既奏軍功又慮
餘寇復聚功可賞也餘寇復聚地方何由得寧爾等其速移文
覆甞有功官軍行當責罪等督軍滅賊無阻於小捷遂弛兵備
○朵顏衛都督某澤于裏脫脫失里等違都指揮脫脫河福餘
等衛知院可歹等違都指揮哈失帖木兒等各來朝貢馬賜宴

并衣服綵段等物有差其回賜加賜在衛頭日綵段表裏及初
付脫脫阿等領回給與之○癸未兵部尚書白圭奏臣先奉命
往征荆襄分遣都督鮑政哨守遠安遇寇于沙子嶺界山等處
屢報擒斬奮勇之功政上功次簿于紀功御史孫珂不乞所錄
政奏珂止居南漳一哨與政營隔遠八百里紀功多所缺遺已
查報禮部詔旨謂臣實所經理命從公議擬臣今查政所報功
次蓋實有之然荆襄功次禮部已定今若悉如所請恐至太濫
倘不量為區處則又無以激勵將來宜令原報陣傷并擒斬一
名類至三名類及奮勇當先者一百八十七員名俱量加賞不
禮從之○禁內外公差官員不得侵占官船夫并例外需索供
給時應天府尹畢亨奏上元江寧兩縣被內外往來公幹官
員多占夫役需索工匠器用供給折納銀錢留占驛遞夫船驛

授疎甚兵部言此天順初已有禁例後因內官秦剛家人給驛取錢事覺又復申禁今所奏無指實姓名難於究治宜諭所司再申禁革而有司官吏何附祇應者一體究問從之○甲申命分守荆襄右叅將都指揮同知王信兼提督南陽軍務時信言四方流民七聚荆襄者已二三十萬與郟境南陽皆寇盜出沒之所而下相統攝難於防禦兵部議請令信兼督之故有是命○乙酉辰時日暈生左右珥反背氣青赤色鮮明○給保定右衛右千戶所印原降印馬盜所竊大字部司屢以為請至是更鑄以給之○陞戶部郎中鄭為山東都轉運鹽使司運使○陞江西按察司僉事應欽為福建按察司副使○提督兩廣軍務左副都御史韓雍引疾乞致仕章下吏部言雍疾未劇且鎮守太監王定奏雍才識優長語曉軍務正月兵部賦之際宜留理

事詔從之○丙戌給大同買馬價銀二千七百餘兩○夜月犯
南斗魁第二星○戊子錄改兵部尚書兼翰林院學士苗棻孫
平爲國子監生○己丑遼府輔國將軍臺登奉國中尉臺端臺
縱各奏祿米於官倉支給不便乞與民免支事下戶部以爲無
例難從 上是之○庚寅命陝西守備紅城子堡都指揮僉事
趙英協同都指揮同知柳春管理陝西行都司事○勅大同宣
府兵互相應援禦寇時巡撫大同宣府等處都御史王越言大
同陽和天城宣府獨石等八城堡俱險隘難行且畜牧鮮少虜
所不由惟大同中路貓兒莊西路老毛河暖會川宣府萬金右
衛野狐嶺等處地勢平曠虜來寇抄恒必由之因邊軍寡弱不
支及清兵緩不及事每寇至輒自分彼此坐視成敗不相救護
乞勅兩處鎮守總兵等官彭武伯楊信都督顏虎等自今凡遇

小懲徑自勦除大敵須相會合處幾兵勢盛而功易成事下兵部言朝廷命將守邊邊警策應此其常也何邇來將臣各分彼此推避乃爾軍從越請降勅令其互相應援今後敢有違慢不相協濟者許越奏聞究治上曰大同宣府皆邊屬衝故命將屯兵保相應援信等何得自分彼此往者姑勿論今後敢有仍蹈前轍者必罪不宥論平遼虜寇功太監黃順米歲二十四石陞少監張璘為太監石監丞韋朗為右少監加左都御史李東太子少保仍舊職進武進伯趙輔為武靖侯轉右僉都御史張岐為左僉都御史支正三品俸陞都督僉事王瑛王鈺俱為都督同知署都督僉事武忠署都指揮使黃欽署都指揮僉事詳斌周俊俱實授理都指揮同知裴顯為都指揮使監察御史呂定遠鎬為南京通政司左右叅議孫珂崔謙為南京大理

寺左右寺丞遼東苑馬寺少卿馬進為山東左叅政其餘有功
將士俱令兵部視擒斬迨北虜寇例定擬以聞既而兵部言自
正統十四年虜寇也先犯順嘗令當先敵賊者量加陞授以激
人心然勢大事重不為常例至天順間累定征虜功次止以有
擒斬功者照例陞授餘若奮勇當先等功俱量給賞不陞已是
定例今征建州有功官軍宜准此例行慶恩賞公平不致冒濫
事體均一無復紛更 上悉從之○巡按廣西監察御史羅明
奏成化三年六七月間流賊攻劫蒼梧北流等縣村寨殺虜男
婦五百餘人牛羊錢穀無算哨守都指揮等官劉政等不能勤
捕後臣不以聞法宜按問兵部言兵典用人方急宜令提督軍
務都御史韓雍酌量重者按問如律輕者令停俸立功自贖從
之○大慈恩寺西天佛子劄實已奏乞以宛平縣民十戶為佃

戶并靜海縣樹深莊地一段為常住田詔許之不為例○事甲
命改南京後府右郡督杜志予森襲父原職羽林前衛指揮使

大明憲宗純皇帝實錄卷之五十

大明憲宗純皇帝實錄卷之五十一

成化四年二月壬辰朔以水旱免直隸高陸州成化三年秋糧六萬五百七十九石有奇馬草九萬五百餘包○癸巳命太僕寺於順天府所屬寄養馬內選大馬五千匹送御馬監牧養應用時御馬監傳旨欲選萬匹兵部以嘗遣官選給京營數多為言故減其半○湖廣總兵官右都督李震自陳天順六年率軍與總兵官顏彪等夾攻兩廣流賊有功彪等所領兩廣官軍俱已論功行賞止遺臣所部湖廣諸軍未及乞準彪事例陞賞章下兵部勅震以逐年功次滕腕希寵兵部亦欲選震赴京按問以為將官欺罔之戒上曰震邊將也所請不允亦不罪○夜西方流星大如盞赤色光明燭地自上台西南行至北河尾跡後散○乙未命錦衣衛左所副千戶王玠世襲玠尚書朔之子

翔存時乞恩得為千戶翔卒既其父軍功故得世襲○丁酉祥
莫先師孔子遣太子少保禮部尚書兼文淵閣大學士陳文行
禮○戊戌祭 太社太稷○遣順天府官祭先農之神○命武
靖侯趙輔掌左軍都督府事○命武定侯郭昌子良為錦衣衛
指揮僉事時良欲罷爵其家有與之爭製者事未得白故也○
陞掌太常寺事禮部左侍郎李希安為尚書帝女起樂舞生歷
官主侍即用蔣守約例得為尚書本朝革中書省立六部以分
掌國政今之尚書蓋前代宰輔而官雜流此景泰之失也一時
當道大臣不能執正遂為常例識治體者惜之○海西兀者等
衛女直都指揮巴孫撒赤哈兀里哈等木達河等衛女直都指
揮板荅哈等各來朝貢馬及貂皮等物賜衣服衫段等物有差
○陞童寬山等衛指揮僉事阿哈里克納河等衛指揮使者因

哥等七人俱一級時外夷入貢乞陞職者衆惟阿哈里四人有勅書可憑及者因哥等三人通事武忠等言其有撫諭諸夷功效特陞之○己亥遼東總兵官宣城伯衛穎等奏去冬虜寇入汎河城殺男子二人虜男婦四十餘人守堡指揮陳福不能捍禦提督署都指揮佟昱等率軍與備禦指揮王福追捕至土臺官軍被殺傷者五十人未幾虜復入西慶雲墩殺三人掠牛畜以去此皆分守關原副總兵裴顯所轄之地顯既不出兵救援又匿不以報且關原三面受敵最爲要地而顯不勝任罪固難容及福等失守昱等喪師之罪俱宜違問陣亡軍士乞加優恤兵部覆奏佟昱陳福等宜行巡按御史按問裴顯貪懦不職宜逮繫來京究治別舉堪任者代之穎等守土無狀宜加切責使馳圖後效并錄陣亡將士以勸來者從之○詠刻火星犯昴

宿月星○庚子鎮守陝西左少監黃泌奏都指揮同知司整俊
欺官物欲取軍錢整因奏沁占種田畝折收庫給并貪暴諸事
俱下巡按御史等官按問多實並擬罪以聞詔司禮監差人代
沁還京整令贖罪還職調貴州屬衛差孫○辛丑兵部奏先因
尚書王後體量道里遠近歸併邊軍數有多寡合於近衛補充
寧夏所少例應西安等衛選補甘肅所少例應洮岷等衛選補
今鎮守陝西寧遠伯任壽以腹裏各衛軍伍多缺無可調遣奏
欲於寧夏甘肅屬衛選舍餘補數給糧輪番操守且謂土著之
人尤勝遠調然邊戍艱苦多藉舍餘贍給難又重選而所少軍
士俱係各邊更互歸併之數煎邊方多警之時豈應減殺原額
宜行壽等斟酌於隣近衛所僉補勿悞邊備從之○刑科左給
事中毛弘奏刑部主事劉珙逞怒杖死指揮王勝百戶徐安已

得旨究問其原差相視御史王毓主事袁玘欺隱不發本部尚書陸瑜右侍郎董方本司郎中劉寅之不行糾正宜併罪之上以瑜等嘗舉呈參奏恣置不問特令毓玘其實自陳已而毓等具奏輸服命皆宥之○命法司第賭博囚犯輕重論罪時獲市井賭博者四十餘人命枷項示衆仍榜禁之已而犯者復三十餘人有不勝苦致死者刑科左給事中毛弘等奏今法司所論囚犯律應死罪決不待時者朝廷猶待霜降後命官會審猶有矜疑即從末減以此全活者多竊見近犯賭博枷項者幾百入然其中情犯亦有輕重被怙終之徒固不足卹恐愚昧小民不知榜例一時悞犯致罪深可矜憫乞勅法司并錦衣衛官審勘分爲三等庶幾刑當其罪於是命見犯者枷項止一月休舊例論罪後有犯者如弘奏○壬寅命都指揮僉事韓斌充副總

兵分守開原兼提督遼陽等處軍馬○政府軍前衛副千戶于冕爲兵部員外卽冕故少保兵部尚書謙之子以父功錄用爲武職天順初謙爲權姦所誣謫冕戍邊遇赦皆還至是自陳乞改文職從之○禮部奏本部主事高岡奏欲於會同館添設能幹官一員管理房屋鋪蓋廩餼務期完整然會同館今已有官不必添設宜責所司帶管點視從之○遼東總兵官宣城伯衛昫等奏虜衆屢入開原鐵嶺懿路等處掠軍民財畜副總兵裴顯者都揮佟昱都指揮康顯等各率軍追之生擒二人追回被虜男婦二十餘人牛馬九十有餘虜遂遁去兵部言顯等雖有微捷然沿邊警報日至而謀者猶備知虜欲糾結爲寇宜移文朔等益嚴守備從之○癸卯國子監司業張業乞歸省祭許之○南京刑部尚書劉孜乞歸養病許之○陞永平府知府周叢

爲湖廣布政司右叅政○禁京營原選二等官軍無令雜差以
總兵官孫繼宗等奏邊報方嚴正當訓練養銳之時而工部乃
已軍應修倉等役恐兵備廢弛過警有悞故也○延綏總兵官
署都督僉事房能奏頃緣尚書王復改築臨邊營堡而軍馬分
布不足遂增給以西安等衛原調鄜慶備冬及陝西守城軍士
四千并延慶土兵四千八百餘人來邊防守未幾土兵仍還延
慶西安軍士亦歸陝西後雖議以甘肅免回潼關衛二千八百
五人并鄜慶備冬軍士五百五人補充舊額然視四千之數已
少一千四百餘人未補恐悞邊守既而鎮守陝西寧遠伯任壽
等言四千之數蓋緣延綏有警擬令暫守難遂爲例事下兵部
言壽言固爲可據但守邊責重其已補者宜早督發未補者仍
於鄜慶數內更增給四百以往議上從之○提督四川軍務兵

却尚書程信等奏奉命出師以十二月至蜀之永寧衛會議蜀
自永寧抵江門戎縣一帶為川貴雲南三處水陸咽喉之會普
市芒部等處為三處肘腋背之所而都掌夷却播擾其中實
為大患宜速進兵以平之乃決策剋期令都督苗成由戎縣進
却御史陳宜參將吳經由芒部進却指揮崔昊由普市水腦進
留參將郭貴護守城池四川總兵官毛榮為左哨由李子關進
却御史汪浩參將寧用為右哨由渡船鋪進臣與太監劉愷總
兵官李瑾居中節制左右游擊將軍羅秉忠穆義由金鴉池進
是月二十三日毛榮進至李子關伐木開路疊石成橋遣將分攻
勇播等寨賊登高倚險鏢弩礮石亂下如雨我軍各用神鎗弩
箭仰射力攻賊被殺傷遁入深箐中我軍乘風縱火焚其屋廬
畜聚殆盡其各路兵進攻龍背豹尾等百餘寨一一皆克自二

十三日至二十八日共焚燬賊寨七百五十六處米倉三千八百一十一所斬首一千五百九十餘級生擒三百四十餘人俘獲賊屬八百餘口追還被虜男婦一百人馬牛羊豕三千餘頭鏢竿等軍器五千餘事 上命降勅獎諭所遣齋奏百戶陞副千戶舍人授所鎮撫○夜月犯軒棘左角星○甲辰陞監察御史孫達吉爲陝西按察司僉事○巡撫陝西右副都御史陳价奏陝西四川各邊鎮守總兵參將內外等官遣使入京齋奏往往多挾私貨重損驛馬且或改寫關文增添上馬雙馬者深爲民患已行禁治兵部覆奏從之○提督兩廣軍務左副都御史韓雍等奏成化三年冬流賊入石康縣執知縣羅紳掠男婦劫其縣印爲質索財以贖時居民多避寇移入廬州府城守備都指揮徐寧既失防守又不出救宜寃治僉事閩魯左參將夏鑑

等合兵追捕至石康隣境六菊山斬首一百九十餘級獲被虜
人口二百四十餘兵却言徐寧之罪宜行雍等酌量輕重或速
問或奪俸立功自贖其執縣官印記質以索財急宜救治以弭
寇安民從之○乙巳詔修徐王墳墻垣之坍塌者○居備禦潮
河川古北口等處都指揮劉清領兵還京以邊警漸息故也○
丙午翰林院修撰羅璋言六事一曰勵聖志以隆太平之業二
曰樂聖學以極正心之功三曰接羣臣以通上下之情四曰辨
別賢否以公用舍之權五曰優容臺諫以廣聰明之德六曰崇
尚節儉以厚天下之俗疏入 上曰所言有理朕當行者自行
餘令所司覆視以聞○南京國子監祭酒周洪謹奏伏覲 太
祖高皇帝勅諭國子監并監規極嚴重會饌之事永樂宣德以
來俱曾會饌景泰年間因缺禁薪暫且停止因循廢弛至今未

後所有饌壹器皿敗壞不堪已物所司休完仍復會饌又言舊例監生丁憂俱准坐堂月日出身祭酒李時勉奏監生居家丁憂多有詐冒不准坐堂後給事中胡清又奏如此恐有匿喪不舉者仍復准之如清言則士子或至於詐喪如時勉言則士子或至於匿喪檢之至理皆所未當事下禮部覆奏會饌移文南京禮部議行丁憂月日行所在官司保勘違者一體治罪從之

○丁未遣戶部尚書薛遠祭太倉之神○遣順天府祭宋丞相文天祥○以巡撫河南左副都御史王恕為南京刑部左侍郎

○戊申勅南京右僉都御史高明仍同太監王允中清理兩淮等處鹽法召錦衣衛指揮僉事馮瑄還京以明等奏沅江鹽徒巨盜陸續捕盡故也○鎮守四川太監閻禮等奏松茂等衛所屬白草壩等番糧米屢寇安縣棘門壩石泉縣大方關等處焚

廬舍被掠男婦二百餘人錢穀牛馬無算蓋因各城軍士俱謂
征御掌松茂等處關隘多失廵守而守安縣指揮王琮儀禦不
謹事下兵部言王琮并各關廵守等官宜行巡按御史逮問仍
移文副總兵盧龍等奏恭祈一人率兵協同關隘等禦寇從之
○己酉命歸右衛帶俸都指揮僉事馬繼子義代其原職本衛
指揮使貴州都司帶俸都指揮同知袁勝子剛代其原職大同
左衛指揮使○調金吾右衛帶俸都指揮使曹廣於廣東聽調
殺賊廣初以都督僉事充恭將鎮守遼東關原坐失機降都指
揮同知仍往遼東聽調殺賊尋以征建州功陞都指揮使至是
奏向守關原時部下將士今多進秩在上聽受節制為難乞調
別用故有是命○昏州火星犯天街上星○庚戌命改金吾左
衛帶俸都指揮使王晟子榮襲父原職指揮使○夜月犯房宿

南第二星○辛亥琉球國中山王尚德遣使臣程鵬等奉表貢
馬及方物來朝謝恩賜衣服練段等物有差○河南道監察御
史艾福等言近准掌太常寺事禮部尚書李希安經筵侍班臣
惟君道與先子聖學聖學惟在于經筵經筵得人則聖學進而
君德成矣故侍從之臣皆文行兼茂之士而非儒出身者不與
焉李希安發身羽士列職太常幸蒙皇上憫念供祀徽勞超
遷宗伯已出望外入侍經筵甚非所以崇聖德重儒道也會兵
科給事中董昊等亦以為言上曰經筵之設所以講明道學
闡繫甚重故侍從皆用文學之臣希安既非儒流可罷侍班但
令供禮官之職○命都督同知白玉兵部左侍郎李震簡點皇
城衛士之疲弱者更給鮮明鎧仗從禮部主事高岡言欲大儀
仗以壯國威也○壬子宣府總兵官都督同知顏彪奏萬全右

衛與大同東路接壤其西陽河等處係虜寇出沒要路曩因兩地守臣各分彼此故墩堡壕牆之類修葺苟且今多頽圯宜於無事之時豫為修葺且西陽河口內與順聖川道路相通川中軍民浩繁烽墩數多每遇寇警瞭望不及亦宜體量形勢添設墩臺况今春作將與虜寇未遠似應先事豫防從之○癸丑雲南總兵官黔國公沐琮奏太監羅珪梅忠二人同鎮雲南今珪卒乞免更差蓋二人同事往往相持不決反致違誤忠明敏不偏可以獨任事下兵部議其言可從有旨不必差官令馮勅與梅忠用心總鎮越四日內批召忠還而以御用監太監錢能往代之能迨北人先弟四人俱居內侍用計謀出鎮雲南自此多事夫○甲寅河東王鍾德為其長子奇准選婚已得請後教授李恭典膳李馨察知其女嘗許適邑人朱氏因以諫王王不聽

既而朱氏奏發其事恭摺皆問罪後職當調任王因奏二人嘗
勸諫且小心慎密而恭又訓誨其諸子不忘顧得留用 上重
違王意特從其請不為例○乙卯巡撫山東右副都御史原傑
奏德州為南北要衝軍民雜處姦盜叢多宜添差提督武備一
員事下兵部行令傑等會舉其人傑與巡按御史吳遠俱稱寬
州護衛指揮僉事鮑珣雖係王府職官然才能可用乞不為例
兵科舉傑遠違例舉薦之罪兵部言德州雖云要衝終係內地
提督之官不設亦可而傑等既被舉駁亦宜究問 上是之置
傑遠不問○丙辰命貴州布按二司進表官準雲南例往還得
馳驛給廩○命山東巡視倉糧按察司副使劉敬兼提督海道
修飭兵備因巡撫右副都御史原傑奏沿海衛所官吏貪虐而
巡守等官經歲罕到故也○敕戶部臣曰各邊糧草不敷皆因

鹽法廢弛弊出多端所致今後內外官員之家不許占中鹽引
侵奪高利虧損違儲其兩淮等處鹽法今遣太監王允中僉都
御史高明整治兩戶部還將興革利弊事宜逐一斟酌以聞於
是戶部奏鹽法之制自古有之我朝張官置吏督民煎辦以供
國賦以資邊儲取用充足近因豪勢攬中致令鹽法不通謹以
興革利弊事宜具奏請旨一在京內外官員如有家人親識以
軍民人匠投倚中鹽者聽戶科給事中舉劾通政司告送部者
亦如之事違於官則奏請違問若豪勢家人詐稱軍民者究實
枷禁一各違或急缺擇革聽鎮守總兵巡撫官具疏某處缺糧
或革若干從本部處分不許預聞鹽課之例違者衆寃一速東
各倉閘中鹽課三百八萬引其未納者移文到後限以六閱月
而完違者速問如法有告納者驗實方允歲終巡撫官具數以

開一兩淮行鹽地廣商人多利兩浙次之是以人皆趨請存
留成化三年鹽課待充邊方急缺糧草各邊閔無得預以擬中
違者忝問一正統時鹽法阻滯特勅內外重臣整治事許便宜
而行遂得疏通今已久廢今差官止於兩淮請于兩浙山東長
蘆亦如兩淮之例一鹽運并提舉司官吏分派商人多不以序
及有已派者又輒更動縱令胥役作弊分司鹽課司官吏人等
遇有竊課丁餉百端阻抑其各處鹽掣官員為害尤甚請令巡鹽御
史并按察司官嚴加禁約犯而情重者請戍邊方一各處鹽課
司竈戶中有逃亡死絕道下鹽課徃徃勒見在者陪補然其中
又有貧窮借貸於官豪之家為其占據徃使或遊重就輕投倚
總催人等隱射餉課請行整治鹽法官并巡鹽御史按察司分
巡官清理分給若有占據隱射者事發其罪一竄丁煎辦正課

有餘例送官給與直本但官吏先餌賄賂徵收不時致正課尚
猶不足客商經年不獲闕給不得已私市其餘冒為引鹽又賂
秤盤官吏互相欺隱是以私鹽橫行官鹽沮格請令整治鹽法
官并巡鹽御史按察司分巡官查問但犯二十斤以上賞者倍
追其數坐罪贖者問發充軍罪止本身若腹裏軍則發邊衛邊
衛軍則發邊東經過有司故縱者亦查究坐罪一淮浙鹽場有
上中下頃以分撥起訟令所司搭派恐經年久復踵前弊請行
整治鹽法官并巡鹽御史按察司分巡官禁約一河東歲額鹽
課三十萬四千引計歲可得銀十七八萬兩足供邊儲但其鹽
為蒲解等州縣人民及流民竊取以致私鹽盛行官鹽價賤客
商不中請令巡撫官嚴督緝捕犯者謫戍邊衛鄰保不舉亦坐
以罪奏入 上是其議命揭榜示衆其兩浙長蘆候兩淮等畢

以漸行之。○詔囚人例運灰炭及輸工作者量發其半運石俱
赴正陽門外交納所司仍斟酌其則例以聞於是刑部尚書陸
瑜等奏正統間工部議奏張家灣運磚止四十餘里馬鞍山運
石路倍之所運石比磚其輕重宜減半折運此雖舊例但囚人
貧富不同其所搬送必因其力可運者否則多致誤事宜令工
部准舊例視運石所在酌量輕重遠近定為中制行之便從之
○丁巳巡撫湖廣右副都御史羅麓奏湖廣荐罹水旱民飢糧
少請令江西九江府所收船鈔改納米運往被災地方賑濟已
而巡按江西御史趙欽又奏九江之旱尤甚他方宜存本處賑
濟如例加息還官秋成停止從之。○以貢州用兵免司府州縣
官明年朝覲。○開設河南鄧州道正司。○戊午鎮守遼東宣威
伯衛穎引疾乞退聞不允。○庚申陞羽林前衛帶俸都指揮使

阮泰遼東都指揮使夏霖俱為都督僉事以從征建州功也○
鎮守延綏左少監秦剛奏天順五年虜衆渡河剽掠躬督官軍
追討屢敗之乞視當時有功官軍事例陞賞 上以剛既自陳
督兵殺賊有功准陞一級

大明憲宗純皇帝實錄卷之五十一

大明憲宗純皇帝實錄卷之五十二

成化四年三月辛酉朔陞毛憐衛都指揮僉事劉里答木蘭河
衛指揮使撒赤哈古里衛指揮使亦兒兀里奚山衛指揮同知
程哥阿真河衛指揮同知阿剌阿答哈者帖列山衛指揮同知
鎖奴兀者右衛指揮僉事忽失答古里河衛指揮僉事鬼米等
俱一級以年久援例乞陞也○壬戌增置雲南布政司叅議按
察司僉事各一員管理銀場以丁憂起復山西左叅議楊洪字江西
僉事王春為之○癸亥安遠侯柳景印記應天并鳳陽等府州
縣成化二年分募生陪償馬騾駒七千八百六十六匹○夜南
方流星如盞大黃白色光明燭地自尾宿東南行至雲中○甲
子陞南京太僕寺少卿鄭悠為本寺卿○免湖廣荊州等一十
四府七十五州鹽井武昌等二十三衛所無徵田糶子粒一百

七萬三千二十餘石以去年夏旱故也○乙丑清明節遣駙馬
都尉石璟奏祭分祭 長陵 獻陵 景陵 裕陵文武衙門
各分官陪祭○遣內官祭 恭讓章皇后陵寢○建州左等衛
女直都指揮佟火羅等毛憐衛女直指揮魯充等各來朝貢馬
及貂皮等物賜宴并衣服練段等物有差○夜月犯五車東南
星○丙寅命故萬全都司都指揮僉事張壽子璽襲父原職宣
府前衛指揮使○賞四川東鄉縣左右溪等處救賊有功官軍
三十六員名都指揮鈔一千貫練段三表裏指揮鈔八百貫練
段二表裏千戶鈔六百貫練段一表裏百戶鈔五百貫絹三尺
旗軍民快鈔三百貫絹布各一疋理辦軍需等項布政僉事練
段二表裏主簿絹一疋○丁卯遣封內鄉王同銀故父鎮國將
軍子璉為內鄉王嫡母貞烈夫人蔡氏為內鄉王妃并賜諡號

冊寶如例從王請也○吏部左侍郎崔恭清明節陪祭 獻陵
禧陵不於糾儀官處報名禮科給事中張賓劾其不敬 上
宥之命禮部仍查舊例以聞既而禮部以正統十二年監察御
史萬節等奏准見行事例覆奏命如例行之○夜月犯五諸侯
南第一星○戊辰改戶部右侍郎楊璠為都察院右副都御史
撫淮荆襄南陽等處流氏○監察御史李獻南京太僕寺少卿
魯崇志分休應天等府縣天順八年分馬騾并駒八千一百四
十匹○巡按陝西監察御史胡深言致仕兵部尚書王竑歷事
累朝始終一節比因未疾懇乞休致如社者進則盡忠於國退
則守分於家今疾已平復乞起用以見 聖明圖任舊人之意
上命吏部知之○禮部奏長河西魚通寧遠等處頭目刺麻
番僧南合并烏思藏闡教王達刺麻領卜車等違例朝貢巡撫

四川右副都御史汪浩失于禁止宜降勅切責及責都布按三
司罪狀以後烏思藏番僧人等進貢務遵原定三年一次限期
額數審有番王印信文憑方許存留起送其圖師禪師闖入不
得徇情濫收所進方物仍須封記及長河西魚通寧遠等處每
年亦須量數放入務在撫馭開諭得宜毋得因而激變生患從
之○夜月犯鬼宿西北星○己巳命都督同知馬良佩征蠻將
軍印元總兵官鎮守廣西地方○太子少保戶部尚書馬昂乞
致仕不許○陞監察御史董廷圭為山東按察司副使王朝遠
為陝西副使○庚午夜月犯軒轅火星○辛未陞雲南洱海衛
署指揮使范宗為署都指揮僉事○都察院奏道政司右通政
劉昭丁憂守制時為鄉人奏其先體倚勢圖利及侵占草場廟
基等事皆昭使為之下巡按御史按問多實今昭起復還任請

連問如律 上以罪不因昭姑宥之○監察御史謝文祥等劾
南京叅贊單務兵部尚書李賓撰以庸材難居重任乞賜罷黜
召致任兵部尚書王竑代之 上曰賓舉自輿論竑累章乞休
文祥等不知大體任情要譽妄擬進退下六科議於是都給事
中沈瑄等覆奏如 聖諭 上欲罪文祥等以其言官命姑宥
之○壬申陞刑部郎中何喬新為福建按察司副使○鎮守遼
東太監李良自陳有疾不能任事乞遣官更代 上曰李良衛
類同守遼方如何相繼稱疾其令巡撫巡按官數實以聞○鎮
守四川太監閻禮等奏白草壩等寨番蠻糾合各種番族攻劫
龍州江油等處指揮陳琦等不嚴守備奏將李文等不時督視
關堡致賊劫掠事屬失机供當究問 上命鎮守總兵巡撫等
官嚴督所屬並兵撫勅之且命巡按御史連問琦等如律李文

等姑記罪殺賊○癸酉賜周府汝湯王第二子名曰同鏡第三子曰同鏡代府隰川王第十二子曰任壘博野王第二子名曰聰灑潘府唐山王長子曰詮鉞內丘王長子曰詮鉞鄭府溘湯王第三子曰見溢○命祭宋丞相李綱于邵武府學時邵武府學教授張濟奏本學明倫堂西有宋丞相李綱祠未載祀典考得綱本府邵武縣人當徽欽時金虜犯順國家多事綱盡心為國知無不言雖屢遭貶逐不改初心乞命有司春秋祭祀以褒忠義事下禮部覆奏謂宋儒朱熹謨綱祠堂記亦稱綱為一世之偉人宜如濟所奏移文翰林院謨祭文命有司春秋致祭從之○免湖廣戶口鹽鈔二年以戶科右給事中劉昊奏其地災傷故也○甲戌免皋府還官祿米七十三百五石有奇先是魯靖王亮其祿米已支費法應還官至是魯王泰燧乞恩故免之

○乙亥禮部奏西寧遊僧板尖恭尼麻緝夫吉藏卜等齋勸往
烏思藏闡教王等處開諭回還宜賜番僧衣鉢靴襪以酬其
勞其隨去徒衆貢馬亦宜如例給賜從之○烏思藏闡教王遣
番僧楚芹堅剌等闡化等王遣番僧領占把藏等各來朝貢馬
及遣總佛像舍利等物賜衣服綵段等物有差○丙子遣府校
江王豪瑩以祖母莊惠王妃馮氏卒乞祥地造墳遷改祖母莊惠
王合塋詔不必遷改只於王舊墳添壙合塋之○遼東自二月
以來寧遠鐵嶺懿路蒲河瀋陽前屯等處地方連有遼賊往來
窺伺欲乘隙入寇 上聞命鎮守總兵巡撫等官嚴督守備官
整兵防禦之○戊寅免應天安慶二府并安慶衛旱災無做田
糧子粒共六萬六千四百三十餘石草六萬三千六百一十八
包有奇○兵部奏建州三衛遣指揮阿魯力哈等四人入貢服

罪且請仍舊開設衙門釋放犯逆夷虜 上曰夷虜悖逆天道
大軍方討平之如何輒便求請兵部選集多官會議以聞其阿
魯力哈等禮部照例款待令其回還以便果能改過自新輸誠
致志朝貢以時朝廷仍與開設衙門未晚也○夜月掩心宿東
星○己卯陞刑科左給事中左賢為河南布政司右叅議少科
給事中劉吳為浙江右叅議○庚辰都督同知馮良奏臣奉命
鎮守廣西地方現今賊寇擾攘官軍調用不足乞于臣原管本
營內量選漢達官軍一千委都指揮三四員管領給與盔甲軍
器馬匹賞賜等項隨臣前去過警易於調度 上許之命于本
營內選帶漢達官軍三百人各賞銀一兩事平之日即令遣還
○巡撫陝西右副都御史陳份奏平涼延安慶陽等府所屬人
戶為因年荒賊掠逃移外郡十有七八所遺田土糧草鈔絹俱

責見存人戶代納存者被累亦欲息逃者惟慮追陪不顧後業臣愚欲將逃於河南山西湖廣四川地方者或行文彼處官司差人送回或令回文原籍府縣發人起取無分彼此悉與口糧其代逃戶陪納者悉與蠲除凡公私遺負一皆停免廢逃者樂於復業而存者不致思逃事下戶部以為逃民近而知所向者宜如擬起取遠而無定在者宜行各該巡撫官勸實遣回於糧差則實免二年於陪納則量蠲其半從之○奉已詔仍給德王府白熟粳米歲二百八十三石有奇初王未之國時歲給糙粳米三千石而是米特給于內府以供王食用及之國例常停止王以為請准雙給一年後王欲為定例 止許給糙粳米千石而白熟粳則不復給至是復以為請乃命就糙米千石內加數易給之○命以山東濟南府在城稅課之半賜德王為湯

沐之贖歲為鈔七萬六千八百三十貫有奇仍命寄飼馬草料三月蓋王初之國已嘗再請給以五月至是因其懇奏後命給之且令繼今宜自措置無再煩擾○命以順天府文安縣退糧空地三百六十五頃有奇賜嘉善長公主時公主已有賜地至是凡三奏故又給之○哈密忠順王母孛溫答失力遣都指揮阿都刺等來朝貢馬駝賜宴并衣服綵段等物有差○提督兩廣軍務左副都御史韓雍等奏廣西徭賦林裕肇等劫甯州柳城等縣越過廣米化歛二州兩廣會兵追斬獲賊二百二十八人奪回被虜男婦并獲賊屬一百九十九人及原劫高州陰陽學印一顆廣西官軍又擒斬賊二百七十八人奪回被虜男婦一百二十五人廣東官軍又擒斬賊九十人奪回被虜男婦一百五十九人并原劫石康縣等衙門銅印記四顆○建州虜

糾合朵顏三衛寇邊東關原等處邊境報至 上勅鎮守總兵
巡撫等官防禦之○癸未命番都指揮僉事許寧先遊擊將軍
往宣府統領官軍操練番都指揮僉事張順代寧守備崇溝堡
指揮使張縉代順守備萬全右衛○免直隸淮安府一州三縣
邳州高陸二衛災傷無徵秋糧子粒共二萬七千六百五十餘
石○甲申後施州衛經歷黃溥為廣東按察使溥先以忤石亨
謫官至是巡撫湖廣右副都御史羅虎乞擢用之溥亦自言其
情命復其職專注廣東○兵部奏陝西洮岷二衛地方番賊出
沒殺略人財分守千戶閻慶整饬兵備副使李玘守備都指揮
韓春指揮何英等防禦不嚴俱當究問 上命監察御史遠慶
問理玘等始宥之○賞沙子嶺等處殺賊有功官軍三百二十
員名指揮鉢鉢一表裏千戶鎗三疋百戶鎗二疋旗軍人等布

二死○戶科左給事中丘弘等言國本在於厚民生厚民生在於抑兼并切惟洪武永樂年間北直隸山東地方土廣人稀太祖太宗屢頒諭旨許民儘力耕種永不起科蓋欲地闢民聚以壯基圖 聖慮神謨深且遠矣夫何近年權豪勢要專利病民或稱爲退灘或指爲空地往往朦朧奏請遠者難以盡述近請以一二近者言之嘉善長公立累請久矣等縣開地西天佛子劉實已奏求靜海縣地及宛平縣佃戶俱家俞元天公主食祿之家也兼以駙馬兩祿猶稱日給不足劉實已佛之徒也乃反慈愛之教而以剝削爲事雖 皇上天地之量不啻其請然羣下竊望之欲必至無厭承行者受其徧討雖知非所當得略無執辦之詞勘報者畏其權勢雖知明有租稅亦作空開之數原其所由是皆無藉之徒竊以扳獻而漁獵其中姦佞者

校為營業而囊橐其內之新致也况地踰百頃古者百家之產也豈可徇一人之嗜好而奪百姓之恒產哉伏望 陛下均天地育物之心厚民生衣食之本收回前命遂給下民仍初該部痛革徃弊示以重法庶幾人知警懼民得聊生疏上詔以為田土除勘明賜給外自餘仍覆實以聞繼令凡有求者一切不許著為令○丁亥巡按廣西監察御史并布按二司官合奏梧州府事繁而知府表表治尚女督平樂府事簡而知府恭瑛才堪治劇二人之才各有所宜請兩易之 上從其議調瑛梧州表平樂○後談陝西同官縣金鎖關巡檢司初西女神水硤地據衝要舊有閘久廢而基址尚存至是有司請後設之○戊子命廣西著都指揮僉事張奇克右恭將分守柳慶地方○後命提督兩廣軍務兼巡撫左副都御史韓雍專一總督軍務以廣東

左布政使陳濂為都察院右副都御史巡撫廣東福建按察使張鵬為左僉都御史巡撫廣西以雍奏兩廣地方廣闊軍民事繁一人不能適歷乞各增文職大臣一員分理巡撫仍命文武重任各一員專在兩廣接界梧州府駐劄提督軍務總制軍馬兵部覆奏 上以為宜如所請於是命雍專一提督軍務其巡撫官兵部會同吏部推舉堪任者以聞於是尚書李東白並合舉濂鵬堪任故用之

大明憲宗純皇帝實錄卷之五十二終

明憲宗純皇帝實錄卷之五十三

成化四年夏四月庚寅朔東 太廟 遣 官祭司憲之神○
詔給愛雲伯周青順天府涿州莊田六十三頃有奇不為例時
方禁求莊田者而青乃 皇太后第冒禁以請 上不得已與
之○辛卯命故忠義前衛帶俸都指揮同知李成子俊襲父原
職指揮同知寬河衛帶俸老疾都指揮僉事常茂子昱代父原
職指揮使○給事中徐英御史柳彰劾京榮軍士有失伍者
劾奏把總指揮故恕等又坐營都督鮑政縱弛之罪 上命還
恕等于獄令政自陳政具奏伸理法司言其無罪免之○癸巳
詔錄故右都御史顧佐左都御史軒輅左副都御史馬謙禮部
右侍郎王士嘉南京刑部尚書秋九疇南京戶部尚書沈翼子
孫各一人入國子監讀書先是都御史葉盛建言錄月已故及

致仕大臣子孫有旨許其子孫自陳吏部列尚書李敏等二十
五名上奏詔既往者賢否已定非有顯績不足旌勸今所列太
濫宜擇其尤者以聞至是吏部疏操行端謹者八人顧佐軒阮
耿九疇馬護王士嘉沈翼王竑王宇政績頗著者二十二張
鳳李敏芮釗王禾壽孫時實諱韓福章敏焦宏張惠蕭恒王選
石瑁沈固王賢孫曰良孔文英王采石璞孟鑑鄒永學乞赦廩
上曰錄用大臣子孫當時朝有定論如何日久一察泛言於
中特錄佐等六人子孫一人入監仍戒以後不得濫及六人者
惟九疇不在盛原奏之數蓋盛乃九疇子婚章內所謂以嫌難
言者也又王竑以養病忤旨故恩止於翼說者又謂沈翼亦無
大過人者當道以其子璫見任言官而與之○兵部尚書白圭
等奏湖廣寶慶武岡彰寧等處苗賊聚衆搶虜人畜焚毀房屋

大肆凶惡。總兵官李震、叅將高端不能申嚴，疏令以敗失職。誤
事鎮守太監郭閔、贊理軍務都御史羅篔不嚴加督屬。况又徇
情隱蔽，請俱治其罪。上是之。姑宥震等，令盡心勦賊。○提督
四川軍務兵部尚書程信、總兵官襄城伯李瑾等奏，臣等奉命
徂征，恪遵廟謨，親至大壩，令南寧伯毛榮遊擊將軍羅秉忠、都
御史陳宜汪、浩叅將宰用、吳經都督，為成等分兵進攻山都等
處洞寨，殺敗賊衆。既而合兵攻山都，六鄉盡焚，其諸寨凡斬首
三千一十七顆，生擒九百五十三名，焚寨一千四百五十七處。
禾倉九百八十一所，獲銅鼓六十三面，并牛馬猪羊，盈甲鏢弩
牌刀旗號弓箭無算，餘賊奔迺山等者，仍督兵搜勦，并按問九
姓上獠，并皆為惡者，再行奏報。臣等伏惟數百載剝賊一旦殄
滅，良由皇上威震八荒，明見萬里所致。臣等復覩大捷，不勝

欣躍謹具以聞。上勅信等曰：此得奏板具悉，此皆爾等畫之良故，所向克捷，良用嘉茲，特獎諭以慰勤勞，其未盡賊徒，尤須督兵設策，勦捕毋得遺孽，後貽民患。其九姓土獮并內地所有劇賊，亦須求機撫捕，毋容滋長。若賊果寧息，爾其與鎮守總兵巡撫等官集議長策，或於某處可設置衙門關堡防禦，或於某所宜存留官軍，據守務在慮置，允當保無他虞，然後具奏。班師，其欽承之。○昏刺木火二星合於井宿。○甲午詔進封故贈都督僉事周能為慶雲侯，贈夫人甄氏為慶雲侯夫人，賜諡命。○免四川州縣官朝覲，以征勦山都掌蠻故也。○太子少保吏部尚書李秉乞罷，太子少保不許。初，秉督軍征建州，凡官軍奮勇者，例賚不陞，秉乃乞罷，所加官為官軍請陞，詔從其言。凡深入虜地殺賊者，陞署一級，不為例。然不言秉加官罷否，故秉復

有此奏○授進士曹宏爲福建道監察御史○陞廣東右布政使張瑄爲左布政使○乙未烏思藏番僧三竹藏卜等陝西河州弘化寺番僧工哥端竹等洮州藏撒寺下番僧板者等岷州添那等簇簇頭番人撒刺等各來朝貢馬及毯氍佛像明甲等物賜綵段鈔錠等物有差○賜武侯薛琮卒琮太保陽武侯祿之曾孫祿生勲熱生說說生琮景泰五年襲爵食祿不視事至是卒 上輟朝一日命禮官諭祭工部營葬事○賜晉府陽曲王第九子名曰鍾鐺十子曰鍾鏡代府昌化王次子曰成鍋○丙申陞廣東按察使夏瑱爲廣東右布政使○夜間方流星大如盞青白色有光自亢宿西南行至軫宿後二小隨之○丁酉夜月犯軒轅大星○戊戌帝五軍營都指揮同知董昇等七十二員三千營都指揮同知楊廣等二十八員神機營都指揮同

知李璣等四十二員俱添補奮武等十二營把總管操從兵部推選也○兵部奏南北直隸近年解送太僕寺轉發順天府寄養備用馬近歲折微價銀解部轉送太僕寺無官庫收貯且今御馬監并大同見缺馬尚未給領乞令太僕寺委官齎送價銀赴大同巡撫官處交收買馬其御馬監亦許支去易買庶為兩便 上從之命以後折微價銀令工部及順天府於太僕寺建官庫收貯之○已亥修築順天府順義縣土城○錄尚寶司卿朱全子宿入國子監讀書不為例既而罷之近例京官三品以上功績顯著者許錄子孫一人入監奎官反品冒請得旨於是科道交章劾奎書寫本流叨居近侍論等級既非大臣究素行實同凡庶乃敢故違事例罔上欺公不揣自己出身尚謀為子侍進命下之日物議沸騰伏乞斷自宸衷收回前命將奎寘之

於法以爲人臣懷詐不忠之戒章上 上曰廢叙子孫此朝廷
優禮大臣之典若槩而施之則名器混淆無優差等奎秩不應
廢而乃朦朧奏乞論法當治其罪姑宥之罷其子母令入監○
前刑部尚書俞士悅大理寺右少卿古鏞俱以天順元年除名
爲民至是各訴冤求復舊職事下刑部具二人得罪始末請會
議處分詔已之○庚子太常寺奏 天地壇外墻風沙堆積幾
與墻等內壇及 山川壇周圍蓋瓦俱被風損壞宜速修治工
部覆奏從之○免南京鷹揚等十一衛無徵子粒一萬四千五
百五十四石有奇以去年夏秋旱災也○戶科給事中李森言
在京文官三品以上俱令子孫一人入監讀書雖係議行革例
臣以爲各官子孫生於貴族鮮免日禮惟知驕傲是尚計以歲
月得官若槩將此等入監不無廢學怠志宜停此例事下禮部

請會官議。上曰：先王之政，任者世祿，京官任至三品以上，蓋亦積歷久而勞勩者矣。朝廷錄用一子入監，固未為過制。組宗明有故事，予李森林於古訓，持論刻薄，不體朝廷忠厚之意。朕所未聞，況古者賢延于世，所以報有功，自今三品以上官非歷任年久，政績顯著者，不許濫叙。其子庶幾人知所勸。○巡撫遼東參都御史張岐以挾私生事，酷害邊軍，為軍士所奏，命給事中鄧山刑部員外郎周正方往按之。○辛丑，復以番僧都綱鑿鑿列為佞，善衍教習，即賜誥命。○壬寅，荆王見瀟奏反，弟英山王見澤已受冊封，乞命撥校尉以備使令。上命所司如例，僉三十名與之。○癸卯，福餘衛都指揮司台道指揮亦達等達州衛女直指揮因八等各來朝貢馬及貂皮，賜宴并金織襲衣綵段等物有差。○四川鹽片衛軍民指揮使司土官副千戶劉

馬能造舍人徐麻折等貴州宣慰使司上馬橋等長官司長官
方勇等違頭目方光等各來朝貢馬賜絲段紗錠有差○甲辰
禮部尚書姚夔等言竊見今年自春徂夏元氣寒慘風靈陰翳
日色無光近一二日未黃露蔽天晝夜不見星日况今四月甲
旬雷不發聲考之傳記各有徵應邇者北虜屢寇邊境四方日
報災異人事如此天其或者仁愛 皇上有以警動之手伏惟
皇上當春秋鼎盛之日正嗣續繫銜之時奈何震位尚虛切
繫人望天與 祖宗之意固自有待然臣等區區忠愛之私有
不能已竊睹 英宗睿皇帝臨作以來克遵 祖訓以御家邦
而 慈懿皇太后 皇太后貴妃宸妃以下皆有闕雖之德愈
斯之美所以子孫衆多本支隆茂伏願 皇上修身養德感天
格祖思國本之不輕思宗社之至重思聖體之當慎惜思聖愛

之當均溥特見六宮各職則百斯男九廟降祥本走百世實天下之大幸也然此在聖心一轉移之間非求神奉佛之所能致若西山塔院勞民傷財所宜停罷阿叱哩之流惑世誣民所當斥回餘如府庫金帛皆民膏髓不宜浪以費用諸作匠役無大勞勩不宜濫授官爵先儒真德秀有言人主修德講學則天下安昆蟲草木亦得其所誠為至論伏望 皇上奮發乾斷痛自改省於每日視朝之後循 祖宗故事詣文華殿留心講筵裁汰政務開誠心布公道以來善言親君子遠小人以圖治化雖一服食一言勅之間皆遵成憲而行則天意可回而災異可弭矣跪上詔曰上天示戒實警朕心卿等所古足見忠愛內事朕自處置其政令之在外者當斟酌行之○乙巳 仁祖溥皇帝 息辰 奉先殿行祭禮○丙午 上諭禮部曰天久不雨無以

連日風霞朕心憂懼其以本月十八日為始致齋三日以答天
譴仍禁屠宰三日禮部請遣大臣一員祭告山川之神因言湖
廣江西四川河南山東浙江直隸等處雨暘不時多有災咎宜差
人各齋香祝遣使巡撫布政知府等官祈告嶽鎮海濱及各
境內山川之神 上從之遣英國公張懋祭告山川遣各堂上
官分詣京城寺觀廟宇行香○命大寧前衛指揮使紀俊等代
都指揮劉寬等把總三千營都指揮蕭英等代指揮同知楊敬
等神機營管操指揮使鄧英等代都指揮使黃欽等五軍營管
操○丁未浙江黃巖縣民鹿昌俞偕等因私怨聚眾各五百餘
次開扇司執四十一人坐以待巡按御史張敦謂情重法輕駭
之既而知府阮勳議比強盜得財律敦具以聞事下刑部以為
律有正條而敦等所議輕重失宜宜令重鞫必求至當從之○

戊申改工部左侍郎彭誼為右副都御史巡撫遼東時巡撫都御史張岐坐不法當逮問詔舉堪巡撫者二人吏部舉太僕寺卿鄭寧大理寺左寺丞田景瑞 上曰遼東巡撫官自王翱後累見更換甚不便可於在廷大臣中舉二人於是吏部復舉誼及邢部左侍郎曹暈詔用誼○已酉提督四川軍務兵部尚書程信等奏臣等奉命同總兵官毛榮等率統官軍深入賊巢搜勦盡絕地方寧靖請令所統軍馬各還原衛 上曰賊寇既寧其班師還京○罷修西山塔院遣番僧阿吒哩乘傳回本土從尚書姚夔等言也○庚戌賜提督兩廣軍務兼理巡撫左副都御史韓雍詰命雍父賁年八十四雍乞恩欲具父得生被榮封詔持給之不為例○安南國聚兵千餘立柵挑塹占據廣西憑祥縣地方提督軍務都御史韓雍等以聞 上勅雍及鎮守總

兵等官計議長策嚴督所屬整兵防禦○封西僧劉巴堅叅為
萬行莊嚴功德最勝智慧圓明能仁感應顯國光教弘妙大悟
法王西天至善金剛普濟大智慧佛剎實已為清修正覺妙慈
普濟護國衍教灌頂弘喜西天佛子大國師鎮南堅叅為靜修
弘善國師端竹也夫為淨慈普濟國師俱賜詔命西僧以秘容
教得享服食器用僭擬王者出入乘輿與衛卒執金吾杖前導
達官貴人莫敢不避路每召入大內誦經呪撒花米贊吉祥賜
予綺蕃日給大官酒饌牲餼至再錦衣玉食者幾千人中貴人
見既跪拜坐而受之法王封統有至累數十字者○陞西蕃列
取藏卜為都指揮僉事日共遣使入貢求請也○辛亥 仁祖
淳皇后忌辰 奉先殿行祭禮○陞府軍前衛指揮同知董晟
為指揮使晟以斬賊功當陞有司失於銓注至是始改正陞之

○壬子戶部臣言今年自春至夏亢旱不雨陰風晝夜不息其湖廣山東河南并南北直隸軍民所種二麥無收南京三月大雲盈尺鳳陽諸處被殄載道四川貴州用兵日費千金西北二邊寇賊征勦未已如以上年江西湖廣災傷餽運悉皆蠲免米價所在騰貴若非急爲之所切恐貽患匪輕宜通行天下巡撫巡按官各督司府州縣委官適諭鄉都村疇民庶善加撫恤曲爲咨詢其徵納除糧革絲絹軍需外自餘一毫不許擅科一夫不許擅役禁富民勿取私債數饑戶均受實惠如所賑不敷則從宜處置無令冒濫以干刑憲庶幾憂先天下患弭未然從之○昏刻金木二星合於井宿○癸丑命右叅將王安仍分守花馬池營調者都指揮僉事丁壇協同守備興武營者都指揮僉事鄭英同都指揮僉事袁政備禦寧夏○鎮守蘭縣都指揮姜

盛受所部毛揭車覺召其人還之巡按御史以聞置不問令自陳盛即首服遂宥之○遷瀘州衛於渡船鋪增置江門水汛崖洞掃茅處關堡改大壩為太平川設太平長官司時提督軍務尚書程信總兵官李瑾等以都掌蠻民素號難治非瓜分其地設官建治以控制之殊非久安長治之策舉下兵部覆奏以為宜從之○兵科給事中陳鶴言三事一民間畜馬多無生息往往鬻產業質子女以買補父解至京有不中者又稱貸增價利買以補之官司散依軍上騎操給與草料被其質錢私用以致瘦損倒死而不別給設有緩急何由得用請勅所司時行點閱驗馬肥瘠如有侵欺草料致馬做死者治以重罪一張家灣抵京城數六十里不運之徒往往肆行劫掠甚至京城內外暮夜亦自強盜交鋒明火持杖搶劫請勅所司計議於城外起瓦張

家灣一路每五里置一鋪每鋪撥軍十名守之每三鋪設一官總之而以指揮更相輪替置銅鑼軍器時行巡邏其在城地方乞勅錦衣衛多撥旗校分管各城每城設千百戶二員而總之以指揮一員亦更相輪替各隨城方分守該管官員往來提督遇有強盜捕獲一次者賞勞二次三次者陞遷疎虞一次者罪罰二次三次者降黜如此則防禦不懈盜賊自然知懼矣一宣府為北陸之重鎮西距大同四百餘里南距京城亦四百餘里其獨石馬營等處凡城洋河等口皆胡騎入寇之地然二鎮之城彼此隔越節制不又乞於大同宣府仍各設都御史一員各自巡撫一或有警督兵而出人莫敢不用命矣革下兵部議謂宜命所司恭酌舉行上從之命會官推舉堪巡撫宣府者以聞○甲寅靖遠伯王璠以刑部免隸有過之不引避者璠怒杖

之八十為其人所害刑部乃遠行杖者治罪因劾奏瑞詔宥之
仍俸俸三月○西寧侯家人陳剛及軍舍劉斌等十三人常在
京城內外白晝劫奪人財物或毆傷人為錦衣衛所執下都察
院鞠之擬剛傷人法當死餘悉杖徒例充邊軍者十人徒口外
為民者二人大理寺詳審以聞詔剛如律斌等仍枷項示眾一
月然後遣之○乙卯春王府長史劉誠趙銳以擅受詞杖為法
司所劾下獄罪當杖五具奏為請上皆宥之○刑科給事中
白昂以災異上言六事其一護命令以全大信皇上即位以
來首頓明詔罷土木絕貢獻取回織造段足官負侍進災傷地
方馬匹然行之未久俱復如舊乞賜申明俾遵成命他如戒飭
權豪不許中鹽禁約勢要不得乞地及禁京城內外不許修蓋
寺觀是皆所以革姦去邪而保愛元元之急也伏望保此大信

堅如金石信如四時不移於親愛不吝於近侍則法令嚴明而
彰信兆民矣其二修治化以止流民即今河南荆襄附籍流民
已有六萬三千餘戶未附籍者猶不知數 皇上簡任憲臣往
被撫治然而猶有仍前流往者蓋因新收逃戶既得賑恤復業
流民又免糧差惟安土重遷始終不逃者每代逃戶陪糧服役
及不能存今宜嚴加禁約府衛州縣務在教宣德化撫恤軍民
使之各安其業不致流移可也其三禁科征以甦民困前者光
祿寺下順天府鋪行買辦諸物不即開與物價市廛小人富少
貧多或典賣家貨或出息假貸竭盡艱苦方得完足又經月久
未得償值資本既失無所經營多至失所乞裁省冗費俾百司
度支量入爲出仍責各處嚴辦諸物務要依期輸納以備供應
共四專委任以革民姦今各處起解稅糧軍需等項有司多縱

茲民謀充解戶物經三五六年不得完納供應不敷多由於此
宜定立則例錢物多者必須委官督解或每府一員或每州縣
一員若物數少者亦令差吏管運俱要督令相應解戶依限起
解其五立期限以集點物今天下官吏軍民人等有因考滿給
由有因訴訟理冤事干在外提人照勘者在京各該衙門類行
該司府衛令其勘報所司奉行既久視為泛常初經年載不即
完報以致聽候人難今後宜量其事情大小驗其往來程途就
於勘合劄付內定立期限違者罪之其六止虛偽以息刁風今
各處軍民人等來京奏訴詞訟其中實少虛多刁猾之徒意欲
揀動官府往往駕空捏詞訴一事而添捏數端告一人而牽連
數人以欺誑朝廷下以冤陷良善今後一應詞訟奏本宜定
與計字則例或三百或四百詞狀字數亦宜依此有故違者通

政使司省令改正然後接受或出榜曉諭使之知禁毋得縱其
虛誕之詞 上覽奏下請司虛之○巡按福建監察御史涂棊
按泉州知府李宗學受財人命等罪宗學遂許奏禁事詞連而
京翰林院修撰羅倫命錦衣衛差官逮禁宗學等倫迺行取到
京都察院奏留之待對既而禁宗學等至問虛擬罪有差倫復
任○丙辰命錦衣衛指揮僉事朱驥提督五城兵馬緝捕盜賊
○丁巳 上以天旱不雨特降旨法司監問囚犯恐有冤枉宜
從寬恤遂命司禮監太監徐浩公同三法司堂上官詳審之其
重囚并情罪有可矜疑及見枷號者命具錄來聞徒流以下減
等就便發落於是罪當死而情可矜疑者枷號而期限未滿者
皆得充軍杖杖以下皆遞減一等即放遣之○以太僕寺卿鄭
寧為都察院左僉都御史巡撫宣府地方○刑科給事中虞瑤

言比者承運庫奏稱賞賜既不足今浙江福建又應天府存留稅糧夫買一萬贓罰等銀倍買是之夫稅糧與銀所以為賑濟之資不虞之備今乃志歸措買之用設再旱澇將何以為賑濟乎又言浙江處州府處於萬山之中地險民悍苟於生變往年陳鑑胡葉宗流之徒實為明鑒近數年間恬然無事正以銀場不開有司無擾故也近者太監盧永承命往開銀課由是有司不恤民艱乘時射利剝削無已寇盜復興或爭錮而殺人或出境而行劫意外之事不能保其必無也織造已有常數稅課亦有定額若陛下量入為出節而不費豈有不足之患哉伏望念天下之多事憫小民之艱難體大易制節之理以萬方惟正之供既足銀課暫且停止太監盧永即行取回則民困以甦國用自足矣事下戶工二部戶部覆奏以為京師及各邊費用

不給所出銀課恐難停止宜勅浙江布按二司選委廉幹官從輕採辦其取回大監盧采宜如所言工部亦以為欲如所擬恐嚴用不敷宜於本部原派買辦絲段共三萬疋內減其半議上詔盧采不必取回銀課依減稅則例採之其買辦段疋亦如議減半○太子少保禮部尚書兼文淵閣大學士陳大年之字安簡江西廬陵縣人正統丙辰進士及第授翰林編修充經筵官己巳陞侍講景泰庚午考順天鄉試是科廣舉子解額得人為多辛未用少保高欽薦擢雲南右布政使政尚寬平民以為便天順丁丑遷廣東左布政使以母喪不果赴戍寅驛召還京師拜詹事府詹事癸未擢禮部右侍郎兼翰林院學士入內閣參預機務甲申上嗣位改吏部左侍郎兼職如故同知經筵事修英宗實錄充總裁官乙酉陞禮部尚書丁亥實錄成加太子

少保兼文淵閣大學士尚書如故至是卒贈榮祿大夫少傅謚曰莊靖遣官祭葬官其子璋為中書舍人文體貌魁梧風采峻整早負重望其在雲南士大夫莫其必進用及入掌宮端乃好行郵事為春坊官使勢者所侮慢恒飲容遜避人頗致疑遠悅遭柄用與李賢同事事皆虛分於賢輒懷憤抗之賢卒首秉國鈞遂恣意徑行不顧大體尤不能諷子縱其僕隸大通賄賂名望大損人皆嘆其不如索科云○戊午命萬全都指揮僉事文宣守備蔚州○獲置寧夏衛大沙井驛○戶科給事中賀欽言今年自春徂夏災異迭作或風霾累日或黃霧障天或狂風怒號始恒陰而少晴繼久旱而不雨頃者禮部尚書姚夔等建言請修內外之政以為消弭之圖伏蒙綸旨獎其忠愛且曰內事朕自處置外事便對酌行此誠陛下遇災而懼應天以竇之

盛心也是以命下之日陰懷傾問既而又以久旱為憂躬率群臣齋戒顯禱則於次日微雨即降天人感應其速如此然而自是以來風霾擾作旱勢日增豈陛下應天之心勤於前而怠於後抑群臣徒事虛文無以為陛下助耶不然何今昔感應難易不同如是也伏望陛下念天變之可畏憂民命之將絕省公責已下詔求言絕遊宴之樂止冒濫之賞嚴君子小人之別通君臣上下之情於宮闈則正名溥恩以繫本支於經筵則延訪緝熙以通治道以至一政令云為之項一起居出入之微舉無少愆動罔或悖如是則有以篤格天之實心修格天之實德行格天之實政矣夫然後責群臣怠事廢職之罪示之以悔過自新之途懲其虛文勉其實效其或非修熙以為譽如是則君臣上下同一應天之實心矣時見天心之應必如成湯之禱

桑林周宣之訐雲漢不轉災而為祥者早而為豐未之有也既
上旨未及下同科給事中胡智亦以應天以實為言 上批答
曰言路未嘗沮塞修省亦未嘗敢慢朝廷凡事俱已從省矣君
臣上下仍須同加修省以回天意繼今言官有疏其參酌眾議
以聞不可各執己見欽等乃後上章自劾云臣等濫居言路平
時緘默取容以致災害荐臻曠職之罪無所逭矣伏願 皇上
將臣等放歸田里庶幾在位諸臣知所警懼修改以回天意是
臣等所冀始於昌進難無補於明時終於勇退尚少愧夫流俗
上不允○已未早朝鴻禧寺序班奏朝官數少命閱籍得不
朝者九十二人俱送錦衣衛鞠之○命故遼東都司帶俸都指
揮僉事劉慶弔恕襲慶原職府軍前衛指揮同知○鎮守延綏
總兵官著都督僉事考能等奏舊設忽都伯顏堡北去榆林城

二十八里南去魚兒河堡六十五里遠近不均遇警難於應援
欲將此堡改名歸德堡移於地名九股水寨在庶道里適均易
於防守事下兵部覆奏從之

明憲宗純皇帝實錄卷之五十四

成化四年五月庚申朔陞南京太常寺少卿陳俊為戶部右侍郎
常光祿寺事禮部右侍郎李春為工部左侍郎○命後府都
督僉事張鵬子遠代父原職大同左衛指揮使○兵科給事中
陳鶴言禮部奏准天下郡縣學校原增生員俱照舊額而革去
附學生員天地有廣狹所生之才有多寡猶十指然不能以一
律齊今一槩拘以定額不無遺才自今附學生員宜考其文學
不必拘其額數民間子弟取其俊秀不必拘其年歲借曰今之
入學者圖優免其家差役則不與優免可矣又况提調已有官
而又令市按二司兼督之則委任不專何以責其成效事下禮
部言古者十五而入大學豈可不拘年歲其大府州縣人才衆
多之處可於原擬增廣附學之外量增三二十名以備補缺至

若提調學校之官一時巡歷未易周徧若不許布按二司官提督勸勉學政不無愈廢及言生員不與優免差役亦非舊制俱難准行從之○辛酉陞四川按察司僉事顧正為本司副使整飭瀘叙邊備時山都掌初平提督軍務兵部尚書程信等建議設衛所增營堡及長官司衙門故令正統領瀘州等衛并戎秩等縣官軍民快往來調度修護城池清理河道整理屯種諸事○壬戌陞光祿寺署寺事右通政劉璉為本寺卿○遼東副總兵都指揮使裴顯分守間原虜寇入境不能禦罪當充軍山東都指揮石瑞鎮守涿州受人囑託罪當杖法司會審以聞顯降指揮僉事原衛帶俸差踪瑞罪鎮守隨操京營皆以寬恤恩也○癸亥陞京營把總署都指揮使韓忠為右軍都督僉事充叅將統理四川永寧等衛所軍馬從提督四川軍務兵部尚書程

信等請也○禮部主事陸淵之奏刑罰雖嚴可警於一時爵賞
雖重不及與後世惟美惡之議一定則榮辱之名永遠不朽我
朝 祖宗九重設法難以親王勳臣苟無善行亦不輕與之以
美諡比年以來故官子孫往往以私求而得美諡上之于之也
既無所擇下之得之也不以為榮適者太子少保禮部尚書兼
文淵閣大學士陳文在奏 聖旨諡曰莊靖莊靖美諡也陳文
何足當此迹其平生所存所行貪德彰聞汚風大著縱子為惡
滅裂義方繆君詞元贊化之任素乏經邦濟世之才生既逃于
重罰死又竊大美名殊失古人勸善懲惡之典乞勅廷臣會議
削其美名更以惡諡以服天下之心以為將來之戒段謂大臣
之惡不可暴之天下後世恐傷朝廷禮過之意則止而不諡於
義亦可奏入 上曰陳文在時不聞人言其過惡後循例加

以恩典事已施行如何方采訐奏不佳○甲子端陽節賜百官宴于午門○乙丑山西按察司提調學校僉事胡謚請頒大明一統志于天下禮部乞於司禮監關領原本付福建布政司下書坊翻劄印行從之○昏刻月犯軒轅左自星○丙寅命南京守備太監安寧成國公朱儀尚書李賓會同三法司審錄獄囚時南京亦久不雨應天府府尹畢亨以緩刑弛力為言故有是命○陞萊州府知府張諫為太僕寺卿○監察御史李傑有罪除名先是傑巡按山西市所部紙棗等物而不歸其且巡撫都御史李侃與傑以公事相惡遂發其傑亦撫侃事訐奏之命刑部員外郎孫瑜等往勘逮傑等至京傑屢訴寃并訐侃事不已至是因寬恤會審傑遂定罪除名仍命給事中蕭彥莊等往按侃事○丁卯工部右侍郎兼翰林院學士劉定之以久早上言

四字一曰求天地之心夫天氣下降地氣上升則陰陽和而雨澤降今久旱風霾天地之氣不和而致然也臣愚以為 皇上猶天 中宮正后猶地豈非正后禮遇稍踈而天地示戒若此乎由正后而又於妃嬪其進見先後悉循其序此誠古帝王修身正家之要道 太祖皇帝垂訓之成法 聖嗣由是而蕃昌宗社由是而永固惟 皇上其勅念焉不可以為細故而因循不改恐有後時不及之悔也其二曰體 祖宗之意自 太祖皇帝以來 列聖垂統本支百世子孫千億諒 祖宗在天之靈莫不仁愛慈惠之欲其存全也是以 英宗皇帝深體此意出遠年所幽建庶人等俾其配偶生聚今鄭處王妃女雖以蒙寬恩有素臣愚以為其公若已及笄 皇上宜命禮部依宗室諸王女例為之婚配此誠 祖宗列聖所望於 皇上者也

先王仁政使民內無怨女况於宗室親近乎無怨曠亦和陰陽
致兩洋之理也其三曰聖學宜法乎切近臣見伊傅之告商嗣
王必以湯為法且與之告周嗣王必以文武為法下至漢唐賢
臣之告其君必以高祖太宗為法何也以其取法尤切近也我
朝太祖皇帝德業隆盛超越商周之先王漢唐之先帝遠矣
臣願皇上取其御製諸書及史臣所纂述實訓與大學衍義
貞觀政要相間進講既覽於古又法於近若必待衍義政要終
篇而後御覽久此則在數年之後太遲晚矣書曰德日新萬邦
惟懷其可待數年之後乎其四曰聖治勿感于具端皇上自
若東宮即留心於聖經賢傳今日以之制治保印無不用此至
於佛老具端初無所用處未能盡闢去之於祖宗時有寺觀
塔院姑存其舊勿增廣可也誠以天下太平日久民生日衆物

產不足以供民衣食而內奉朝廷外給邊境其所用日增月盛若復糜費於異端民將何以堪之手臣既讀儒書則知侈奉佛老之教為非知而不言則負欺君之罪惟 皇上其俯察焉既入留中不下○戊辰遣陸平侯張祐鎮遠侯顧淳駙馬都尉石埭豐潤伯爵振為正使尚寶司少卿揚導兵科給事中蕭璿刑科給事中虞瑤吏部郎中倪輔為副使持節封鄭世子相鏜為鄭王肅康王庶長子洵陽王祿埤為肅王趙府襄邑王嫡長子見瀚為襄邑王秦王庶長子誠泳為鎮安王○禮科給事中成實言京畿之內天下商賈百貨之所聚近因內帑盈光祿寺缺羅段猪雞等物和買於市人甚苦之夫以天下之供為朝廷之費殆無不繼乞節浮冗之費使則用常充或有急缺亦宜依時價收買則天下之商皆悅而願藏於其市矣又言近禮部奏稱

該年歲貢生員若已行起送遇有事故或過一年之上者並不許補貢夫以堂堂國學雖納馬納粟者皆得肄業其中何獨於此數人不能容哉况其人遇有事故皆出於不得已乞自今不分年月久近准今次貢考廂庶使人材無所阻滯 上命所司議多從其言但歲貢生已到部而遇事故又遇事故而過三年之外者俱不聽補貢○己巳 大祖高皇帝忌辰 奉先殿行祭禮射馬都尉趙禪承命祭 孝陵○日本國遣使臣居座奇敬等來朝貢馬謝恩賜宴并袈裟綠段等物其存留在船通事從人各賞自差○陞雲南按察司僉事曹輔為廣東按察副使復除廣東僉事張珩於山東○庚午陞寧國府知府俞鐸為雲南布政司右叅政○山東費縣知縣教禮為人所事下按察司逮問縣民走京師伏闕訟其寃者前後數百人并列上其所行

便民二十二事詔都察院議之○先是四月十七日夜南京都察院重囚反獄者六十四人至是軍閫都御史林聰請逮署院事御史趙連及提監巡風御史王相張鸞等治罪後請移文南京守備等官督捕反獄者詔可○辛未 仁宗昭皇帝忌辰奉先殿行祭禮遣駙馬都尉周景恭 獻陵○壬申召遼東總兵官宣城伯衛穎還京○命山西都指揮僉事袁整子達代父原職威遠衛指揮同知○命都督同知趙英克副總兵鎮守涼州○命都督同知趙勝佩征虜前將軍印充總兵官鎮守遼東○四川都指揮同知高廣有疾命其孫睿代祖原職重慶衛指揮使○和故哈密等處指揮僉事黑的兒沙弟羽速夫沙襲職○月犯房宿第二星○甲戌詔順天府存恤孤貧先是給事中陳鶴言京城內殘廢無告之徒朔暮哀號排門乞食往往凍餓

死於道路見之悽然有足憫者乞勅有司添設養濟院給以粟布時刑部主事薛禔亦以為言 上是之命府尹收京城乞食者入養濟院外來者給口糧程送還鄉官司存恤毋令失所○監察御史謝文祥言聖人制為議法所以善善惡惡以公天下後世是蓋賞罰之尤大者近太子少保禮部尚書兼文淵閣大學士陳文卒正寔跡其行實之惡加以應得之謚可也曷期議謚者愈欲預為己地乃敢朦朧妄擬謚曰莊靖夫睿通免服曰莊慎以處位曰靖蓋謚之美者也陳文之為人天下庶民所共知以此謚之豈惟不稱其情伴繼之者必將曰立心不誠如文制行不檢如文貪墨莫比如文而猶獲此美謚一或慕而效之敢於肆行無忌則天下國家尚奚賴哉乞勅有司會議於謚法中別選惡謚與陳文行實相稱者加之使天下後世曉然知

陛下之大公難於輔近之臣尚不少貸則士氣振而公道行善者勸而惡者懼矣上以陳文乃先帝簡任輔導有年既有過失當時如何不言而於其沒後始言顯是畏勢要名法當究治但以言官始宥之○乙亥曉刻月犯南斗魁第三屋○命故保定侯梁瑤子博襲爵給祿米數一千石本色折色中半兼支○丙子賜代府定安王第三子名曰聰源遼府益陽王第三子曰恩鐵四曰恩鑿潘府永年王長子曰詮鑄次曰詮鑄○四川長河西魚通寧遠等處軍民宣慰使司康牙等寨頭目人等南各等烏思藏眉公等寺番僧領下車等陝西岷州衛高哈簇番僧札丹端竹等官耶等簇番人榮友等各來朝貢馬及進遞明甲等物賜衣服綵段等物有差○山西按察司提調學校僉事胡鑑言學官人之師範賢才興否係焉乞多取副榜舉人除授

著職學官考滿該陞願會試者不必限其年歲俱聽會試例當
考滿者一體考驗陞擢考中歲貢生員有願就教職者嚴加考
試果通三場文理方許受職其納草納馬等項未經科舉監生
不許濫就下禮部覆奏副榜舉人年二十五以上者不聽辭職
教官考滿到部惟年五十以上者不聽會試從之○丁丑命京
營都指揮使揚璜充左叅將分守遼陽等處地方○兵部左侍郎
兼翰林院學士高格奏臣以草茅賤質誤蒙 英宗睿皇帝
擢自甲科進內閣愧無勇退之決致罹讒譖仰賴 先帝天
地之量特從寬宥賜歸田里十年之間省躬念咎無復他望重
荷 皇上日月之明特頒召命復臣原職臣已乞辭不蒙俞允
惶恐受命倏忽逾年緣臣素乏才識良病早侵眼昏手顛難復
策薦厲鈍亦且妨政誤事竊惟士之所當明者君臣之義所當

審者進退之機當 陛下召命之臨臣若假蹇自居是不知君
臣之義今若貪爵寵祿是不知進退之機不知君臣之義為不
忠不知進退之機為無耻矧茲天意未順災變未寧四夷窺覷
百姓流徙致屢宸慮不遑寢食當此之時非有卓異之才何能
分 陛下之憂勞而輔其德治哉如臣碌碌實妨賢路伏望賜
臣歸老山林以延餘年別選才賢與之共治更望 陛下遵法
帝王近法 祖宗上畏天命下畏人心親賢納諫節用愛人日
御經筵以講明聖學屏斥異端以敦崇正道兢兢業業日慎一
日如此則天意自回災異自息百姓自安四夷自服臣幸目覩
太平雖布衣蔬食願無不足矣 上批荅曰朕知卿往年以非
罪罷官特加簡用今何嫌疑敵未退休宜勉副倚毗所許不允
○己卯大理寺卿王綬等言各處巡按御史及按察司等官節

次呈詳獄成罪因其間斬罪者三人絞罪者十有三人情可矜
疑宜從寬貸詔從之於是俱免死充軍其一人情頗輕而年老
特釋之○錦衣衛指揮安事馮瑄奏鹽徒出沒不常官軍疲於
奔走不能追捕蓋由長江萬里港汊非一故也且南京根本之
地大江乃南北之衝 太宗皇帝特設操江官軍以保障重地
鎮壓萬方慮深遠矣今宜令操江官軍照舊操守附近巡捕而
於鎮江儀真太平九江等要害之處各選老成指揮鎮守無同
巡江御史提督沿江軍衛有司多方緝捕所捕鹽徒及強盜務
須追問賣鹽場分并經歷地方一體治罪如此則操江官軍庶
免跋涉而不離重地沿江官軍得以坐鎮而無守地方矣奏下
兵部覆奏從之○庚辰禮部奏洮州起送歲撒下大索法王完
卜遣番僧葛竹瓦班綽等來朝貢馬及方物查無番王印信文

書且從洮州入境其賞賜亦宜從洮州例葛竹瓦斑緋等乃自陳所居地方遠過烏思藏二十餘程在途五千里之上方至京師又稱進馬數多乞給金寶禮部覆請以各僧到京者仍各賜僧衣一襲以慰遠人之意從之○宥鎮守山西都督王信罪信以嘗與巡檢御史李傑會飲又與王府親兵馬指揮楊敦相父結為巡撫都御史李侃奏又下部察院都御史林聰等請逮信及敦究治詔皆有之○昏到火星犯鬼宿西北星○壬午楚王均執奏本府內官內使數少乞於正旦冬至節遣儀賓指揮千戶等官齋進表箋從○改翰林院侍講陳秉中為南京翰林院侍講署院事○癸未旌表義民耿寬及孝子苾澤等二人節婦趙氏等十七人寬直隸旌陽縣人自七世祖大本至寬累世同居旌為義門澤直隸開州人由進士任監察御史陞廣西按察司

副使降滁州銜經歷君父喪廬于墓側負土築塚手植松柏有
蒼烏數百飛集其上二允常副逃墓傍青蛇或蟠於廬內周結
直隸鳳陽縣學生母沈卒哀毀骨立既葬結廬守墓有二鴟營
巢墳樹遇結悲號輒旋逸飛鳴又有異草叢生冬夏常青俱旌
其門曰孝行孫氏直隸靈壽縣民史政妻王氏清豐縣民趙宗
妻張氏民王俊妻王氏鳳陽縣學生張政妻趙氏浙江蘭谿縣
人知縣徐永縉妻嚴氏山陰縣民吳魯妻隋氏秀水縣人知府
常任昌妻謝氏鄞縣民張萬妻應氏民孫仲宜妻汪氏餘姚縣
民滑志能妻王氏慈谿縣民劉圭妻張氏河南蔡縣民宣仲名
妻陳氏安陽縣民李諒妻萬氏江西進賢縣民曾翔如妻俱夫
亡守節旌其門曰貞節胡氏直隸華亭縣民張璿妻翟氏璿嘗
璿妻楊氏璿從弟行妻俱夫亡守節旌其門曰三節○賜慶雲

伯周壽推誠直忠翊運武臣特進榮祿大夫柱國食祿一千石
子孫世襲給誥券本身免二死子免一死○免南京和陽金吾
府軍天策等衛無收屯糧一萬三千石有奇○命刑部郎中陳
儼等審錄天下罪囚嚴愷而直隸大理寺左寺正劉瀚北直隸
浙江等十三布政司委按察副使楊瑄等十五人會同巡按御
史從公審錄○昏刻火星入鬼宿犯積尸氣○乙酉南京都察
院右僉都御史高明奏罪囚六十二人皆下海叛鹽強劫拒捕
并巡避受昧私造軍器為賊囊橐者內當死者十四人充逸軍
者四十八人餘八人法當立功守贖而情罪深重併以上請詔皆
從所擬八人者亦發充邊衛軍○戊子太子少保兵部尚書兼
文淵閣大學士彭時等言廣東博羅縣儒學訓導游宣等奏乞
將先賢熊禾從祀下臣等議臣等會同本院學士柯潛等議得

舉祀典以崇有德，報有功，定治化之所關，人心風俗之所係。古今皆慎之。若孔廟從祀，必其人修行足以繼往，聖明理足以啓後人，著書立言足以羽翼聖經，傳之萬世而無弊。然後得與於斯。非止於一德一功之可稱者比。此尤不可不慎也。熊未福建建陽人，字去非，號勿軒，嘗受學於朱子之門人輔廣在家而仕入元，而隱其向道之心。出處之節，蓋亦有足取矣。然其姓名不載於史，傳學術未造於指微所立之言，雖間見於經書，然羽翼之功，則亦未甚著也。今訓導游宣謂其學問與許衡、吳澄不相上下，而過於馬融、范甯諸人，宜並升從祀之列。此但見其畧而未論其詳。蓋漢晉之時，道統無傳，所幸有專門之師，誦誦聖經以詔學者，斯文賴以不墜。此融、甯諸人雖學行未純，亦有取也。衡於經傳子史禮樂名物，足厝兵刑食貨水利之類，無所不講。

遭時得君道化大行濬早以斯文自任著書有易書春秋禮記
纂言議論詳密造詣精深恐皆非禾所能及矧儒先君子講學
修德可與禾並或優於禾者尚多以其同邑言之有若游酢蔡
元定及其子淵孫模以其同郡言之有若劉子暈劉勉之胡憲
胡寅胡宏以其同省言之有若楊時羅從彥李侗黃幹以天下
言之有若呂大臨謝良佐陸九淵金履祥許謙劉因諸賢皆不
得列於從祀奚宜獨進禾哉乞令禮部行下本府縣如舊有先
賢祠則增入禾致祭無則別立祠堂致祭為宜從之

賢臣雖散人亦效勞無偏信正爾登殿者悉置別之
數臣許疏引其詞曰其未端心今對時行下亦難吐結
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數
臣等亦許之大難謀其以新以假令其將得獻傳細數

明憲宗純皇帝實錄卷之五十五

成化四年六月己丑朔海西也孫倫等衛女直指揮也黑忒等
來朝貢馬賜衣服綵段等物有差○庚寅廣西南丹州土官知
州莫必勝奏強賊莫晚等百餘人在於大灣夾峽殺死護送部
糧頭日歐彥武等七人 上命兵部移文總督軍務都御史韓
雍等勦捕之○壬辰都察院左僉都御史張岐有罪除名岐巡
撫遼東出山海關以主事馮績慢已銜之未幾軍士須給冬布
於關庫布頗有惡者意或換易併欲以中傷績遂執領布委官
弄績左右物之一人被杖而死餘下巡按御史崔讓皆坐以侵
盜罪內三人走訴寃闕下命給事中鄧山刑部員外郎周正方
往按之具得其本末科道官遂並劾岐罪詔代岐還聽理岐在
道建三奏申辯且力許給事中毛弘又按己者事既至會官鞫

於廷乃伏罪當流例贖授官 上覽獄詞有未明者仍以山正
方置對已而岐所訴皆誣特黜為民讓坐贖徒還職初訴寃之
奏毛弘在刑科實參舉行之故岐之申辯許弘不已有旨命弘
自陳弘具陳其由乃宥之○癸巳酉刻金星晝見于申○甲午
湖廣都指揮同知王貴老疾命其孫憲代貴原職安陸衛指揮
使○乙未修葺南京歷代帝王等廟○賜故後府右都督贈大
同伯陶瑾謚武毅○丙申金星晝見于申○戊戌日本國通事
林從保等三奏原係浙江寧波等府衛人幼被倭賊掠賣與日
本為通事今隨本國使臣入貢將還乞各便道省祭從之仍禁
其勿同使臣至家又私引中國人下番如違聽有司治罪○陝
西按察司副使王凱按部至高陵縣召留平縣吏傳言知縣蘇
鑑市木修治公廨盤馭銀四十兩徃認其子受之事覺巡撫

都御史陳价并巡按御史俱歸罪其子而薄凱罪得還職都御史林聰等以凱居風憲而子受賊私亦當無罰以爲失職之戒宜令吏部降秩爲當詔可○己亥南京刑部尚書劉孜平孜宗顯孜江西萬安縣人舉進士授監察御史正統己巳之變有獻南遷之議者孜時巡按遼東馳奏乞斬言者以安人心既及明當代裂議以造務方股孜爲將士所憚遂更留一歲尋擢山東按察使再遷布政使薦陞右副都御史巡撫南畿浙西財賦自周忱後代者多有紛更孜下車首訪忱善政斟酌舉行不事煩擾民甚便之未幾遷南京刑部尚書孜懲而卻法令久弛一切矯之以嚴人多憚之至是卒年五十八訃聞賜葬祭如例孜庶慎精審然執法過嚴或流于刻不喜其人偶有過犯因事中之甚至深文巧詆云○庚子錦衣衛指揮朱驥同巡城御史胡靖

劇

等言禁盜安民六事一曰設軍馬京城之外東抵通州南至張家灣西抵良鄉北至昌平四路截路強賊多係騎馬巡捕官軍因是步行不能追捕今欲於四路各差千百戶一員率領馬軍三四十名分爲三班輪流巡視二曰增夫役各坊巡警鋪近奉勅旨不分官吏軍民旗校匠役之家俱要輪流守望今勇士人匠將軍廚役皆稱有例優免此等人役止當優免本身其隨往及另居人丁不得一槩隱占三曰責典守近日所獲強盜多係各營操軍乞勅總兵管操管隊官員務要用心鈐束所管軍士不得縱容爲非如後有犯即將本管官旗通參連坐四曰禁淫泆京城內外軍民多有買良爲娼覓取財物無籍之徒因而蕩費資本轉爲盜賊今欲令錦衣衛兵馬司緝捕治罪枷項示衆婦女離異歸宗五曰寬容隱近獲強盜多係賄博宿娼之徒無

有家業專在樂人之家寄賦宿教坊司官因見罪不累已法
不進職雖知盜賊亦聽容留今欲一體進職坐罪六曰清鋪舍
各城地方設立鋪舍以防姦盜已有定制然亦有舊有總甲而
無鋪舍者有舊有鋪舍而年久倒塌者有鋪多人少可歸併者
有人多鋪少可增置者欲令各兵馬司查勘設立增併則鋪舍
修飾地方嚴整矣詔下該衙門議多從其言○皆刻司捲墨宿
東崖○辛丑命故貴州署都指揮僉事趙道子俊襲父原職新
添衛指揮使○岷王府校尉廖顯多誘王為不法至倍收米價
官布茶芽皆以王令行之民不勝害儀賓憂隆因而加收折米
銀鈔拆毀公廨侵盜官糧長史潘瀛等亦受民賂遺不能輔正
事聞逮顯等至京師命都察院鞫之顯坐絞隆以下罪有差詔
顯如律隆常冠帶瀛除名餘從法司所擬○壬寅陝西岷州衛

占藏等簇簇頭番人千卜等芭羅等簇簇頭番人搜剽節等各
采朝貢馬及明申賜絲段鈔錠等物有差○山東布政司右參
政張紳令巡檢王重捕盜璽為盜所殺巡撫都御史原傑奏紳
處置失宜之罪都察院請命紳捕盜自贖從之○癸卯尚膳監
太監潘洪奏兩淮運司積有餘鹽五萬九千引乞令其姪潘貴
中納關支時已得旨戶部覆奏言先有詔旨禁防鹽弊凡內外
食祿之家不得占中以侵商利損過儲今洪所請不惟沮壞定
制抑且格在位逐利之心不宜賜允 上曰朝廷存積贖課以
待邊用 祖宗明有禁例食祿之家尚不可中况內臣乎為臣
給事內廷凡所以養生送死皆朝廷為之處置固不必營利以
殖生况乃擬圖課以益私家乎其勿與○工部奏官七事節昇
奏徐州洪勢最險自昔兩隄輒隘稍遇水漲每行無路往來甚

艱而開河上口一壩勢亦如之難頻年修築亦惟取辦一時殊非經久之策又如外洪翻船等石裏洪壩下一灣尤爲險惡屢壞行舟欲以大石修砌兩隄其外則銅以鐵錠其內則填以雜石而又鑿去外洪翻船惡石用石補平裏洪隄岸以便來往須勸率往來中外官員又遠近客商以給其費量值所屬各濠夫又本洪溜夫以供其役工部以聞詔可○甲辰命後軍帶俸都督僉事楊麟寶顯阮泰右軍帶俸署都督僉事張鏡洪註南京各府管事○陞戶部郎中王壘爲山西布政司右參議監察御史呂燦爲陝西按察司僉事○命南京廣洋衛帶俸都指揮僉事朱諒子雄代父原職指揮僉事南京留守前衛帶俸都指揮僉事劉璧子鑑代父原職指揮同知以諒等老疾也○鎮守廣東太監陳宣等奏今年三月十二日夜四更瓊州府地震未

震之先有聲從西而起遂大震既而復震良久方止輩下禮部
謂地道以安靜為體動則為異厥象為兵今廣東賊情未息不
可不為之備宜行鎮守巡撫等官戒飭所屬嚴加修省操練軍
馬守護城池堤防賊寇修明政事以消災咎從之○己巳以廉
州府試知府林錦為廣東按察司僉事錦先為靈山知縣有能
名比試知府蓋修厥職時領民兵往來巡歷屬邑與士卒同其
苦設累奮勇多所殺獲招集流亡勸以不計守臣交章薦錦於
朝請授憲職命於欽廉靈山石康諸州縣撫治夷民修浚城池
保障地方下吏卸覆奏從之○夜夕犯十二諸國秦臺○丙午
以旱災免江西南昌等府衛官民田并山塘屯田秋糧子粒凡
二百八十八萬六千三百餘石○丁未命湖廣老疾都指揮同
知李景子震代父履職荊州右衛指揮同知○遷除湖廣布政

司左參議曹銜于四川布政司以銜丁憂起復也○賜晉府西
河王嫡長子名曰奇沆代王庶長子曰勳沐潞城王第五子曰
仕登○戊申金星犯靈臺上星○己酉遣內官祭中霽之神○
命通銜帶俸都指揮僉事陸琳子昌代父原職指揮同知雲南
瀾滄銜守備都指揮僉事陸興子昇代父原職指揮使以琳等
老疾故也○庚戌湖廣施州銜施南宣撫司峒長叢懋舍人叢
彥章保靖州軍民宣慰使司長官彭勝祖舍人彭魁等各來朝
貢馬賜綵段鈔錠有差○監察御史鄭巳張誥謝文祥同劾奏
禮部尚書姚夔舉用張岐之罪乞寘于法且以岐之初進主事
彭詔獨言其姦及其被劾乞給事中陳欽與岐同鄉里獨不署
名併請賞詔而罪欽上以岐得罪除名不必免其事文祥近
言陳文舉岐之失今後以為夔罪均然妄誕命皆自陳於是已

語文祥各奏伏罪詔戒已等而宥之下文祥獄獲復具奏申理
謂文祥等有所爲而言臣忝大臣不當與辯乞辭職致仕詔諭
夔曰所言事不實朕已知宜勉盡職毋辭○辛亥故太子少保
禮部尚書兼文淵閣大學士陳文子琛奏主事陸淵之御史謝
文祥嘗爲庶吉士欲求留翰林臣父薄其爲人且無志讀書屢
試輒在人後不允因此懷恨肆言詆訐臣父乞加黜罰以懲言
者事下刑部刑部具三章通覆奏 上曰陸淵之謝文祥乃庶
吉士退出中間必有挾私情由但其事既處分不必問○鎮守
陝西太監劉祥等奏開城縣土達滿俊即名滿回等三百餘人
搶掠苑馬寺官馬殺死土官指揮滿靖所帶官舍十七人旬日
彌聚一千餘徒披甲執弓矢吹響器勢已猖獗 上命祥回
寧遠伯任壽右副都御史陳价等量度賊情速撫勅之○壬子

建州女直董山餘黨開原保等四人法當凌遲知其謀者納即
哈等六人并賊弟馬妙都俱當斬幼男十二人當為奴無罪當
留內地者七人獄具大理寺詳審以聞上以山既誅原保等
十人姑送錦衣衛獄馬妙都并幼男俱發充廣東邊衛軍無罪
七人聽留內地○癸丑命故羽林前衛帶都指揮使顧斌子
綱襲父原職本衛指揮使○甲寅慈懿皇太后崩遣詣內外
文武群臣曰予以菲德獲配英宗皇帝奉承宗廟輯寧印
家多歷年所不幸裕陵上賓于悫發鮮祐賴今皇帝荷天
之休光嗣丕圖海宇奠安于輿皇太后同愛天下至養又四
五載慈孝雍和亦既兩盡茲予壽命有期永終天年復侍先
帝左右於素願蓋無歎焉永惟祖宗創業出統弘大崇重
皇帝宜以萬幾為意不得過於哀戚成服三日後聽政中外文

武羣臣協志效勤助臻化理以求無疆大歷服喪制悉遵 太后遺詔以日為月二十七日而除若臣皆同母廢 郊社

宗廟百神常祀毋禁中外臣民皆樂嫁娶宗室諸王藩維攸繫不必赴京送葬但遣人進香在外大小文武衙門並免進香持茲詔諭其免遵行勿或有違乖了風志○丙辰禮部言孟秋享

太廟

大行慈懿皇太后喪禮哭臨未畢乞移至初七日

上命仍於初一日祭○禮部以 大行慈懿皇太后喪禮儀未進一自問喪日為始不鳴鐘鼓一在京文武官闕素服烏紗帽黑角帶自明日始至第三日每旦詣清寧門外哭退於本衙門宿欵不飲酒食肉第四日斬衰服至清寧門外朝夕哭臨三日各十五舉聲而止凡入朝及在衙門視事用布素紗帽素帶素履腰絰麻鞋退即服素服通前二十七日而除一文武官員

一品至三品命婦麻布大袖圓領長衫麻布蓋頭清晨由東華門入清寧門外哭臨三日悉去金銀首飾仍素服二十七日而除一在京以闋喪日爲始禁屠宰十三日一軍民素服婦人素服不粧飾俱以闋喪日爲始二十七日而除一外國四夷使臣行哭臨禮工部造輿素服隨朝官哭臨及行祭禮一聽選官辦事官監生人材史典耆老僧道闋喪即易素服自次日至第三日每日赴順天府朝闕設香案官各具斬衰服監生人等素服朝夕哭臨三日各十五舉祭而止仍各素服通前二十七日而除一在外諸王世子郡王及王妃郡主以下闋訃皆哭盡喪行五拜三叩頭禮畢並易素服第四日服喪服遵依遺詔二十七日而除一遺詔到日在外文武官員人等素服烏紗帽黑角帶行四拜禮跪聽宣讀訃舉哀再四拜禮畢各服斬衰於本衙門

宿歌不飲酒食內每日率各屬官僚人等就於本衙門內朝闕
設香案朝夕哭臨三日各十五舉聲而止自是素服通前二十
七日而除一在外官員命婦聞喪素服舉哀三日各十五舉聲
而止素服通前二十七日而除軍民男公止素服 上皆命如
儀行之惟屠宰止禁七日四夷使臣免哭臨○給文武百官素
服布○巡撫宣府左僉都御史鄭寧奏邊務四事一宣府見操
把總都指揮等官多不得人乞行鎮守巡撫等官從揀選其年
老及才力不堪者退回本衙所差操慎選年力精壯謀勇過人
者代之一宣府等城軍馬舊例每年四月八分下場二分存操
至九月以後方行通操乞行鎮守巡撫等官今後放馬之時分
為二班輪流下場多存操練以備不虞一萬金都司所屬八十
九衛所原額騎兵十有二萬二千五百八十六今止有四萬七

千五百九十七人乞行各處巡按清單御史設法清理見在者
不許於隣近衙所安插事故者即於本戶選丁解補一各城騎
操馬匹累經調往各邊策應多例死官軍無馬者三千六百四
十五員名乞以太僕寺寄養馬照數給與無馬官軍騎操征調下
兵部覆奏悉從之○詔禮部臣會文武羣臣議 大行慈懿皇
太后陵寢太子少保兵部尚書無文淵閣大學士彭時等言臣
等仰惟 大行慈懿皇太后作配 英宗皇帝正位中宮及
皇上嗣君宸極尊為 慈懿皇太后蓋 先帝全夫婦大倫
皇上全母子深恩天下後世無容議矣今位號彰著于海宇已
數十年則壽終之後所宜奉梓宮附于 裕陵奉神主附于
太廟此古今不易之理亦 先帝與 皇上全大倫深恩之初
心也今聞 聖命欲別卜葬地臣等竊切疑懼竊謂 皇上所

以若是者必以乎 皇太后千秋萬年之後當與 先帝同尊
于 陵廟自嫌二后並祀非本朝之制然有二太后方自今始
則 陵廟之制亦當自今日考諸古協諸義以行之臣等考之
前代一帝二后並祔陵廟者未易悉數只如漢文帝尊其所生
母薄太后然於其嫡母呂太后雖得罪于宗社尚且仍與父高
帝並葬長陵無所改易此文帝所以號為孝文高祖漢諸帝之
上也又如宋仁宗追尊其生母李宸妃為太后然於其嫡母章
獻劉太后雖本無子尚且仍與父真宗同祭太廟無所嫌忌此
仁宗所以稱為賢君高出宋諸帝之上也 皇上於 慈懿皇
太后昔日致其養今日盡其哀雖大帝仁宗無以加矣若 陵
廟之祔稍有未合於禮則致貽後議有捨前美况千秋萬年之
後乎 皇太后與 慈懿皇太后同在陵廟不相妨礙且愈足

以見 二太后生存之日雍和無間永久之後並美無窮載諸
史冊增我 皇明之光彰我 皇上之孝此 臣等所深願也但
臣等識見愚昧未敢以為至當伏望 皇上體 先帝之心稽
前代之制重念綱常之大以 臣等所言下禮部會呈親公侯謝
馬伯文武群臣議粉合天理允愜人心則國家幸甚天下幸甚
上命禮部會集 臣等定議以閏丁巳禮部會七月初一日成
服 恩臨已畢乞遵 大行慈懿皇太后遺誥於初二日早服衰
服御西南門視軍文武百官行奉慰禮 上曰朕哀痛方殷未
能臨對視軍所請不免

明憲宗純皇帝實錄卷之

明憲宗純皇帝實錄卷之五十六

成化四年秋七月戊午朔享

太廟○遣中官祭司門之神○禮部再上章聽政曰 陛下孝
心雖篤萬幾實重伏望節哀順變俯從所請 上批荅曰萬幾
雖重哀戚方殷未能遽出其待初四日視朝○禮部尚書姚夔
及在廷文武大臣翰林院科道等官九十九員集議陵廟禮制
奏云 大行慈懿皇太后作配 先帝二十餘年誠孝一心克
險一德孚于中外是以 先帝眷禮優隆始終無間 陛下嗣
位之初既致隆于所尊而加 慈懿之徽稱復推崇于所親而
上 皇太后之尊號兩宮之名號既同 二母之體位相等
陛下之孝養如一天下皆知 陛下克體 先帝初心以為至
仁大孝莫過于此夫善繼善述是之謂孝事死如生尤孝之至

也今 慈懿皇太后之喪與 皇太后千秋萬歲後俱合葬
裕陵 慈懿皇太后居左 皇太后居右配享 英廟禮亦宜
然是乃天理人情之至也萬一合葬祔廟之制少有疑沮不合
典禮關係非小在廷百辟將有言之天下之人將有言之宗室
親藩將有言之萬世之下亦將有言之安保將來終無據禮改
而從正者乎 上批荅曰卿等所言固是正理但 聖母在上
事有窒礙朕屢請命未蒙俞允朕平昔孝奉 兩宮如一若因
此違忤致有他虞豈得為孝今當于 裕陵左右擇吉地安葬
崇奉如禮庶幾兩全卿等其體朕意翌日唐事府少詹事兼翰
林院學士柯全暨園子監祭酒邢讓等三十二員上言伏惟
慈懿皇太后梓宮當合葬 裕陵內閣臣彭時等引漢呂后雖
有罪宋劉后雖無子猶得合葬祔廟為言此誠綱常所繫萬世

不易之論也 皇上是其言且下群臣議群臣皆言 慈懿皇
太后當祔左 皇太后萬歲後當祔右亦庶幾後宜而不失者
二后同葬 祔陵並祔 英廟于人心為安于 皇太后無
損 陛下何疑而不斷乎 慈懿皇太后在 先帝臨御之時
正位中宮歷年二紀曾無纖毫失德而 陛下繼統之初尊崇
聖母加號兩宮禮儀如一孝養無二今若合葬祔廟之禮有
缺則 先帝在 天之靈必有不安天下後世謂 皇太后與
陛下為何如臣等歷觀前代未有為 皇后又為 皇太后
始終無纖毫他故而不得合葬祔廟者也逢迎者或以 宣廟
胡皇后為言此其今日事體萬萬不侔 胡皇后乃 宣廟在
御之日已讓位于 孝恭章皇后今則 先帝臨御未闋 慈
懿皇太后之嘗退讓也且 先帝于胡皇后亦已復正尊號增

修陵寢一依后禮矣或又以為 慈懿皇太后雖未嘗退讓而無所出此又不通之論也禮有之妻與繼室雖無所出合祔其夫崇正體也然則 慈懿皇太后不可以無出而不合葬于裕陵也明矣繼使 皇太后意有不悻 陛下當念 先帝遵典禮為重而于 母后從義不從命可也矧 皇太后聰明睿知洞識倫理 陛下堅以為請理無不從此蓋人倫之本風化之原伏乞早降 諭音以慰 先帝之靈以全 母后之德以順天下臣民之心而 陛下至仁大孝真足以為法于天下垂訓于萬世矣明日魏國公徐備合公侯駙馬伯都督錦衣衛指揮等官三十五人復上言曰近因太子少保時彭禮部尚書姚夔等所議 慈懿皇太后合葬祔廟事昨日于文華殿面奉 德音事有空礙未蒙 俞允臣等至愚亦知 陛下純孝至情

有難處焉者然臣聞廷有諍臣實為美事而能從諫允合天經
伏望 陛下起敬起孝和氣婉容上回 聖母之心下慰群臣
之望禮科等科左給事中魏元等三十九員復上言曰臣等復
念父母有過為人子者若不以泣諫求其必改而後已是将陷
親于不義不得謂之孝子人君有過為人臣者若不以死諫求
其必從而後已是将致君于非禮不得謂之忠臣二者之間其
事相須所係甚重不可不慎仰惟 慈懿皇太后之喪廷臣所
議合葬祔廟之禮其名正其言順允合天理克當人心此萬古
不易之典今 陛下以為事有空礙欲于 裕陵左右擇地安
葬崇奉如禮臣等聞孔子有曰止事之以禮死葬之以禮祭之
以禮夫禮者天理之節文人事之儀則今欲置梓宮于他所必
將奉 神主于別室是于天理未安人事不順以是葬祭為崇

奉如禮此臣等所未喻也若以為出于 聖母之意當起敬起
孝悅則復諫不可因未得命而遽已內則曰共其得罪于鄉黨
州閭寧熟諫此特為一鄉之人言耳等而上之諸侯不諫使親
得罪于一國天子不諫使親得罪于天下今 陛下既知廷臣
所議為正理而未能諭諫 聖母以必從恐或陷于有過之地
而不得于天下之心未得為孝親之至臣等既知其非禮而不
能死諍是又將置 陛下于有過之地而貽天下萬世之譏又
豈愛君之道哉河南等道監察御史康永祚等四十一員謹上
言曰人君之治天下莫大于孝而孝莫大于愛親愛親者不在
于送命而在于從義蓋從命乃一時承順之私送義誠萬世至
當之公順一時之私孝之小者從萬世之公孝之大者遵者廷
臣進議 慈懿皇太后合葬祔廟之禮 陛下以為 聖母在

上事有空礙未蒙 俞允臣等有以知 陛下非不歡俯徇群
臣之議但以重違 聖母之命耳夫衆臣之議天下之公論也
聖母之命一時之私恩也從天下之公則綱常正倫理明慰
先帝之靈懼天下之望從一時之私則綱常數倫理虧違
先帝之意起天下之疑公私之間所係非小伏望 陛下斷以
大義俯從公議幸甚禮部尚書姚夔合六部都察院通政司大
理寺等衙門尚書李秉等四十四員復上言曰天下者 祖宗
之天下 皇上有 祖宗之天下當謹守 祖宗之成法我國
家立法垂憲一本乎三綱五常之道而議禮制度尤嚴于君臣
父子夫婦之間各有倫序莫敢踰越今于 慈懿皇太后之喪
禮宜合葬祔廟乃 祖宗之成法而 先帝之遺意也 陛下
重以 母后之命恐拂其意有所從違臣等以為 母后之命

國所當重而 祖宗之法尤所當重 母后之意固未可違而
先帝之意尤不可違 母后天性聰明敦厚倫理其意未必
不可回在 陛下處之而已 禮曰起敬起孝說則復諫若 母
后之意果不見從則當斷以大義亦在 陛下處之而已 時文
武群臣既上奏復跪伏文華門前以待必從而後已 上悉覽
其奏復懇請于 皇太后自己至申稍見從遂出數奏同詞批
答云卿等所言皆合朕意合葬之禮蒙 允行矣于是文武群
臣皆呼萬歲而退○祭歷代帝王陵寢遣太常寺樂舞生齎香
祝付所在有司行禮○己未夜北方流星如蓋大青白色光明
燭地自闕道旁西北行衝勾陳尾跡後炸散○庚辰禮部尚書
姚夔奏頃者監察御史謝文祥言臣濫奉副都御史張岐獲罪
是朝廷因臣而罪文祥此臣之罪也乞貸文祥俾圖自新仍乞

罷臣歸田里以謝言路詔以文祥累肆狂妄故罪之非為卿也
不允既而刑科給事中白昂等六言文祥論奏事情不實誠為
狂妄或因此而遂加竄逐則居言責者由此而解體乞赦文祥
以柔忠言亦不允○辛酉 仁孝文皇后忌辰 奉先殿行祭
禮遣駙馬都尉王增祭 長陵○制諭禮部曰朕惟有其實者
宜享其名其實尊崇則其名光大此隆以來至于我 大明莫
不由斯道也維我 皇妣大行慈懿皇太后當我 皇考英宗
睿皇帝臨御時天作之合曰嬪于京孝教仁順以奉 宗廟以
嗣徽音以儀于宮闈以御于家邦維予冲眇風受恩勤及獲承
統緒化洽堪輿亦維慈訓是賴既尊為天下母方期永膺天下
至養伴予並侍 西宮聖母以廣孝治豈非榮慶而昊穹降割
仙馭弗留哀曷如焉永惟 皇妣尊崇之實著于存時允若茲

矣今焉光大之名當有謹說以罔實告于 郊廟敷于寰海垂于萬億世爾禮部共群臣會議來聞欽哉是日早 上服素服御西角門視朝文武百官素冠素衣腰經行奉慰禮○巡按江西監察御史趙敷言府州縣官徵派糧差分理爭訟未免結怨于民朝廷建置風憲以糾察百僚振肅風紀先須激揚有道然後清濁分而公道明切見江西小民俗尚健訟有司官吏稍不順其情者動輒捏詞告害其風憲官之忠厚正大者必先察其賢否若果貪酷然後就逮黜罰若廉勤則極力扶持之其用意深刻者反是惟欲張威揚譽不復顧事體惜人材不問賢否是非一槩逮繫刑逼招承甚至刁民自知所告不實潛行遠避致將被告之人久禁不結官司莫敢分理平人受害殊甚誠恐各處亦有此弊請嚴禁之都察院議敷言有理宜行各處巡按御

史及按察司官今後按臨所屬地方務先詢察官員賢否體訪事情虛實不許逞威肆暴一察凌辱如此則賢否庶有分別而詞訟得以少息矣從之○蜀四川虧欠銀課二千四百五十七兩有奇時已閉場而應納歲額之半不及數戶部請俟開採之日追陪上曰免之○壬戌雲南都指揮僉事吳敏老疾命其孫鐸代敏原職雲南中衛指揮使○癸亥陞巡按江西監察御史趙敷為江西按察司使敷巡按江西將代值歲旱荒戶部請勅敷賑濟候事該代之會敷九年任滿請代而江西兵民多上奏請留遂有是命仍賜勅俾賑濟早日還京○命工科給事中王詔查勘牧馬草場○甲子禮部會文武群臣英國公張懋等上 大行慈懿皇太后謚議其儀注與天順六年上 孝恭章皇后謚議同其文曰臣聞天生聖君以主天下必有聖后悼化

源于六宮君得聖后以成治功必有鴻名垂光華于萬世簡冊
具載今古攸同伏惟 大行慈懿皇太后幽閒靜穆端一誠莊
德行之美本於性成禮度之純匪由姆教是以誕受 帝祚作
配 英皇六禮行而名正言順二儀合而理得心和克敬克誠
躬相祀于 八廟惟仁惟孝兼致養于 兩宮惟其有闕睢之
風故振振兮成麟趾之化惟其有摯木之行故螫螫然致齋斯
之祥懿範柔儀中孚外達此所以致 英皇極待遇之隆靡始
終之間迨乎 皇上嗣統 母儀益彰首致擁立之誠繼勤保
佑之力抑外戚未嘗私之以高爵熙內治必歆躋世於太平德
教溢于宮闈惠澤徧于寰宇仰稽前代若帝馨之姜嫄周文之
大妣漢之明德宋之章獻固可匹休儼美于千萬年無窮也是
以升遐之日臣民哀慟遐邇同情非有徽稱何以昭德臣等謹

采輿論參稽禮文宣 天錫之曰 孝莊獻穆弘惠顯仁恭天
欽聖睿皇后臣等拜手稽首謹議 上覽畢以付翰林院官
命撰謚冊文○是日曉刻土星犯天園西第一星○監察御史
唐震守制家居出入府縣請托及欺取官物誣陷人罪為其鄉
人所奏刑部差官按之皆實逮至京下獄坐贓革職為民震江
西新淦縣人○丙寅戶科給事中李森等言近御史謝文祥因
劾奏大臣下獄臣于此竊見 陛下有敬杜絕言路之意夫言
路者朝廷之命脉其有益于世也大矣古之帝王求諫如不及
納諫如轉丸猶慮善言不至惡言不聞又設散諫之鼓立誹謗
之木無非開納諫之門以廣求言之路也我朝 列聖相承成
因此道近明詔之頒亦拳拳以求言納諫為言今文祥歷任未
久恣其愚戇論列過情固宜加罪但原其初意不過欲稱厥職

而已 陛下若因此重遣之則違前日下詔求諫之意切恐大臣之中貪暴奸邪阿諛苟容者自慶得志大肆奸惡誰敢為陛下言哉疏入 上曰言官須用公正人文祥挾私言事因此罪之豈是杜絕言路森等所言無理本當究問姑宥之○秦王妃王氏薨妃西晏後衛指揮使徽之女天順二年冊立為秦王妃至是薨計聞賜祭葬如制○丁卯 上釋衣服易布翼善冠布袍腰經臨朝仍御西角門○己巳陞中軍帶俸都督僉事武忠為都督同知以忠自陳招誘建州海西乞等衛夷虜來貢及充叅將統兵征勦有功也○命翰林院侍讀學士陳鑑侍讀尹直為應天府鄉試考試官○錄故吏部尚書王直孫傑為中書舍人○朝鮮國王李孫遣陪臣金良瓚等奉表貢馬及方物來朝謝恩賜衣服綵段等物有差以恤不賜宴其歸也禮部請移

文遠東都司宴勞之。○裁革廣西興安縣縣丞主簿各一員以
戶口消耗故也。○太子少保戶部尚書馬昂乞罷不許時六科
給事中魏元十三道監察御史胡深等言 大行慈懿皇太后
崩勅令多官會議陵廟之事昂因事有難處當日託病不朝却
在部管事又本內僉名方衆論未定則竄身旁視以為得計及
睿斷已傾則覩面入朝恬不知羞似此不忠不孝之人難容
于有道之世且昂受濟寧知州于靜饒女二人及受西僧劄實
巴賂帶乞下法司明正其罪詔不問而昂上奏自辯言濟寧知
州無有所謂于靜者臣因無子娶妾在景泰間西僧乞田地實
出朝旨而給事中將臣辱罵比之犬豕乞放歸田里 上曰言
者過寔朕已置之卿當盡心職務不准辭。○降監察御史謝文
祥為直隸南陵縣縣丞文祥既下獄言者論救不已至是御史

楊琅等復言文祥一小臣不足惜所惜者朝廷大體乞霽雷霆之威曲賜保全以昭納諫之美作敢之氣詔文祥徇私植黨立心不正宜寘重罪姑從輕降用若更奏擾昏不宥○兵部尚書白圭等奏陝西鎮守等官復報固原土達滿俊等反半月之間遂有四千餘衆况陝西地方諸夷雜處恐其扇惑結構為患不細命鎮守太監劉祥繼兵官寧遠伯任壽巡撫都御史陳价會同巡按三司等官計議協從者設法招撫首惡者亟行勦捕○庚午德王見講奏慈懿皇太后崩誠念撫育深恩不勝哀慟乞赴京臨送上復書諭之曰得王奏欲來京赴臨致祭送葬具見孝心但道里遠遠宜上遵遺詔免來惟茅亮之○賜廣東廉州府知府邢正勅祖宗時凡大府知府之任多有賜勅然無常例至是正將之任奏廉州密邇珠池喉襟交趾近為廣

西流賊攻陷城邑生民凋弊乞照例賜勅庶易于治故從之○
陝西巡撫都御史陳价總兵官寧遠伯任壽奏六月二十五日
會兵征圍原反賊滿俊等臨敵之際統兵都指揮邢端退縮不
進又引兵先遁以致衆心潰散賊勢益張殺傷指揮王震等二
百餘人遺失軍器不可勝數事屬失機法當究治衆將劉清指
揮中澄鈴束不嚴及臣等志識不明用人不當亦合有罪事下
兵部覆奏得旨邢端令巡按御史問劉清中澄任壽陳价俱停
議戴罪殺賊○壬申中元節遣駙馬都尉石璟周景祭長陵
獻陵景陵裕陵文武衙門各分官陪祭○道內官祭
恭讓章皇后陵寢○癸酉命太監劉祥監督軍務巡撫陝西
右副都御史項忠總督軍務都督同知劉玉佩平虜副將軍印
充總兵官都指揮同知夏正劉清充左右叅將統調京營及延

綏寧夏甘涼等處軍馬共一萬三千征勦固原反賊滿俊先是
兵部已請命鎮守總兵巡撫等官相機撫捕至是廷臣會議以
為陝西重地賊漸猖獗宜別推文武重臣統兵勦滅以靖地方
故有是命○浙江按察司僉事吳璘以買盜所竊南京 太廟
金盆坐累贖杖還職○乙亥 太宗文皇帝忌辰 奉先殿行
祭禮遣駙馬都尉周景祭 長陵○遣戶部員外郎張賑督餉
陝西以出師討固原反寇滿俊也○丙子上 大行慈懿皇太
后尊謚冊寶是日早遣英國公張懋等祭告 天地 宗廟
社稷 上親告 几筵上尊謚冊文曰維成化四年歲次戊子
七月戊午朔十九日丙子孝子嗣皇帝臣見濡再拜稽首言臣
聞有明哲之君必有明哲之后以儆體宸極表儀宮闈幸修陰
禮弘助化源既盛德懿行之難名豈顯號徽稱之救後厥惟彝

典匪獨我家恭惟 皇妣大行慈懿皇太后秉心專靜處已齊莊禮度本于自然慈愛出于天性粵自作配 皇考正位枌房致孝以奉 慈闈竭誠以相 宗祀躬履勤儉博行睦雍慈訓諄勤母儀崇重願惟繼述之大實資擁佑之勞化洽邦家功存社稷升遐之日遠邁興哀宜薦徽章用昭懿號式咨典議請命于 天謹奉冊寶上尊謚曰 孝莊獻穆弘惠顯仁恭天欽聖睿皇后伏惟 聖靈在天俯垂鑒格永錫祚胤茂衍慶禧億萬斯年饗祀無極謹言○是日 命營葬事于 裕陵左開山破土道駙馬都尉周景祭告 長陵 獻陵駙馬都尉王增祭告 景陵 裕陵修武伯沈煜祭告 天壽山并 后土之神○丁丑賜代府懷仁王第十子名曰仕潘岷府南渭王嫡長子曰應鑑○戊寅南京六科給事中俞俊等言四事一策免大臣

古者遇災異必策免大臣今內外文武大臣其間蓋有懷奸迷國者緣隙倖進者尸祿偷安者乘時射利者妨賢罔上者恃才妄作者求其臨大事決大疑憂國憂民者幾何人哉伏願

陛下明上天遣告之意察諸大臣之中有如臣等所言者卽時罷黜選賢而代之則天譴庶幾可釋而天下蒙其福矣一進用賢能古者遇災異必詔舉賢良方正近年以來賢正之士或屈在下僚限于資格而不得大用者有之或素有人望而以疾去位者有之伏願陛下斷自宸衷有限于資格者進之素有人望者起之則天心必順而昇平可卜矣一考察郡縣古者遇災異必考察郡縣之吏者蓋民心怨抑則天災流行由親民者有以致之也今之郡縣吏或老疾罷軟或嚴刑貪賂甚至相載金帛進謁權門伏願陛下申飭撫按等官嚴加考察有如臣

等所言者印便違問更用稽良則民得以安其生而和氣應矣
一獎請直言古者遇災異必詔求直言者蓋以災異之來應于
政事政事闕失非直言之民無由達也方今以言事為職者舉
皆畏首畏尾不復進言是非不欲言也勢不敢言也伏願

陛下貸狂直之罪復已調之臣開衆正之路塞群枉之門則和
平之福降矣詔下其章于所司于是吏部尚書李秉等言進用
賢能不以資格為限乃見行例其言素有人望者起之無指實
姓名宜行撫按官詢訪該屬地方其中果有素為人望以疾去
位者明白具奏考察郡縣則成化五年朝覲在適宜候至日照
例考察其策免大臣獎勵直言二事則近年以來大臣中或留
或罷言官中或降謫或召還累有勅旨皆非臣下所敢定擬詔
進用賢能考察郡縣准擬其餘已處分者置之○已所以上

大行慈懿皇太后尊謚詔告天下曰朕稽古聖君致隆孝道周
謹于其始尤嚴于其終是以荐徽稱垂永世實今所當遵用也
惟我 皇妣慈懿皇太后配我 皇考英宗睿皇帝正位坤宮
殆將二紀逮于紹休 聖緒尊奉 母儀並膺至養亦閱五載
懿範仁恩自家刑國宜壽年而遽升遐思馨送往之誠惟崇媿
美之號是用博采廷議于七月十九日祇告 天地 宗廟
社稷恭上尊謚曰 孝莊獻穆弘惠顯仁恭欽聖睿皇后於戲
陵廟祔于 先皇允符 天地高厚之配聲名溢于中國施
及日月照臨之區播吉通遐咸宜知悉是日宣詔畢如舊制置
詔于櫃以繩懸之自承天門上領下執事者不恪以致繩斷積
毀御史劾之有旨皆宥其罪○監察御史胡請先巡視南城地
方時正陽門外有殺人者逃而弗獲請請究南城委官之罪

上曰靖非督捕官乎如賊不獲期滿不許更代至是竟不獲都
察院請究靖罪上乃宥之許代又請通行巡視御史并錦衣
衛嚴督官校密切體訪務在緝獲庶事有歸結死者得伸逆之
○庚辰賜從征陝西官軍人銀一兩○召太監王允中南京右
僉都御史高明各還京允中明被命清理鹽法利弊頗見興革
至是以歲旱河梗商鹽積滯居民窶戶多疫死者奏言宜加存
恤不宜用法逼迫恐致激變且乞令已還京上曰兩淮鹽法
既清理有漸可俱令還京○辛巳命故錦衣衛總官指揮俞
事王阿兒克從子瓚襲職○壬午上仍素翼善冠素服要經
御西角門視事文武百官素服烏紗帽黑角帶朝參俱不鳴鐘
鼓是日道政司始奏事○下宣城伯衛穎于獄穎為遼東總兵
官引疾還京兵科左給事中陳鉞等劾其鎮守遼方虜寇犯遼

既不能勦禦俘囚越獄又不能追防及聞寇黨侵掠之謀遂與
托疾避難之計乞正其罪以戒將來 命下都察院究治○宥
弛撫山西右僉都御史李侃等罪革職御史李傑許奏侃諸違
法事刑科給事中蕭彥荃等往按之得侃違例准僉都司首領
皂隸妄委都指揮劉源清理軍伍擅杖都指揮宮端濫罰犯人
銀兩公用及荐舉屬官不避親故數事上之山西都指揮使朱
忠布改使丘陵俱坐累 上以侃等無贓私俱宥之○癸未賜
江西言安府知府許聰勅聰將之任上言言安地方雖廣而耕
作之田甚少生齒雖繁而財穀之利未殷文人賢士固多而強
宗豪右亦不少或互相爭鬪或彼此侵漁麗訟大興刁風盜肆
近則投詞狀于司府日有八九百遠則致勘合於省臺歲有三
四千往往連逮人衆少不下數十多或至百千其間負固不服

者經年行提不出恃頑變詐者累歲問理不結良善被其枉害
小民不得安生況賦役浩繁路當衝要且遭饑荒之年若非請
勅權宜處置則法欲立而職有空礙志欲行而事有掣肘望其
興利除害得安民難矣吏部為言于 上特賜以勅○國子
監祭酒邢讓言南北西監教官俱府州縣學教官陞用近者在
外教官已蒙激勸惟兩監教官不預臣等先曾具題吏部議令
科舉出身滿考者許考驗陞用薦舉等項出身者不預未免事
體不一人心懈怠况各官亦曾在外任職多歷年所今若再待
九年衰老必矣乞勅吏部查照舊例不分出身但有學行超越
教有明効曾經考滿者量加陞擢以勵賢能仍委兩京堂上官
若有所知送公薦舉一體取用庶幾事體均一而人各知所勉
勵矣 上下其章于所司○乙酉擢進士林正魏景釗徐完葉

蔡楊溥李劉張岫錢山王浩徐英馬震鄒昱薛為學張玉吳禮
鄒儒監生李鑑王漢俱為試監察御史正浙江道景釗江西道
完崇俱湖廣道溥劉岫山俱河南道浩山東道英山西道震四
川道置為學士俱雲南道禮南京河南道儒南京四川道鑑漢
俱陝西道○丙戌太子少保兵部尚書兼文淵閣大學士彭時
等言翰林院所屬四夷館教習詳寫番字事雖輕而干係重凡
朝廷頒下撫諭四夷語勅及各處番文若詳寫不精或名物不
對非惟于夷情有失且于國體有損今在館人員固多新者志
不專一年深者業或荒疎若不預為作興豈不臨期悞事今將
合行事宜條具以聞一教習者詳全憑教師先時每館有三四
員或五六員即今事故數多惟回回館見有教師四員其餘多
缺今宜于達達女直西番三館文書繁冗各設教師三員百夷

等三館各設教師二員令提督本館郎中等官推訪不容濫舉
一譯字官陞遷俱有常例自景泰年來因序班王瓊等善楷書
取入內閣寫誥勅揭帖九年考滿皆得越次陞授其同類不由
此陞者反怨淹滯急于者譯令後不許取入內閣貼寫設或用
人貼寫至考滿陞授止循常例庶使人無捨此慕彼之心本業
可精矣一永樂年間俱于監生舉人內選取譯字以此凡遇開
科不妨入試許寫舊字于卷後以別提調官將三場卷封進內
閣委官考試中否仍送科場照依批語去取近年譯字人員俱
係民間子弟仍前考試事有未當既開辟門以示人孰不假此
出身其間固有文學宜在中列者而人亦察視為僥倖賢否混
淆亦復何益今後子弟入館俱令專習本業如有志科舉者宜
如科場例告試不必仍寫舊字送內閣如此庶習譯者不必習

舉而分其志中舉者不必兼譯損其名譯書科目兩無所誤若
係監生舉人選充者仍如前例從之○兵科左給事中陳鉞等
奏近光祿寺遣人于街方市物不復計直槩以勢取雖稱赴官
領鈔未必皆得縱有得者鈔皆破爛而不可用負販者不幸遇
之輒號呼痛哭如劫掠然臣惟國家富有四海凡光祿寺所供
用者既有天下州郡歲辦之額又有上林苑監進納之數自昔
皆是于用今何不然若非官掖之間宣索過額必是供應之人
侵漁伏望 陛下念京師根本之地憫生民負販之難自今上
供之數務從節約嚴飭供應之人不許侵漁及令光祿寺每季
內府預支銀錢收貯在寺遇有市買差各署公正官支領率人
依時估值兩平交易如仍前強奪許巡城御史訪察治罪疏入
上納其言 命戶部議行戶部以銀兩國用所需不宜輕動

惟錢鈔並行 祖宗定法請二者兼用仍委給事中御史各一人監臨估計扣數闕給如有前弊一治以法送之○夜東方流星如蓋大青白色有光自外屏東南行至天苑○丁亥命南京右軍都督齊同知吳良子鑑代父原職錦衣衛指揮使○提督四川軍務兵部尚書程信等奏分守貴州迤西叅將署都督僉事郭貴老竟無為遣領兵開通河道不能督軍集事乞革其叅將令開任永寧宣撫奢貴一介土官乃能率兵開通蓮河抵蒙斬獲賊首乞特降璽書獎諭量給賞賚送之○毛憐女直都指揮塔哈等建州左等衛女直都指揮重羊女直指揮阿隆哈等各來朝貢馬及貂皮賜衣服綵段等物有差以國恤免宴其歸也禮部請移文遼東都司宴勞之

明憲宗純皇帝實錄卷之五十六

明憲宗純皇帝實錄卷之五十七

成化四年八月戊子朔，詔封衍聖公孔弘緒以先聖廟。御製碑亭，修造軍奉表謝恩。○己丑，刑部奏以辨事進士丘俊等與見任官一體僉書，問刑候半年滿日，過缺于本部選用，送之。○庚寅，襄城伯李瑾平四川山都掌還京。命仍領五軍營軍馬。○陞兵科左給事中陳鉞為光祿寺少卿。○改南京大理寺右少卿夏時正為南京太常寺少卿。以丁母憂起復也。○癸巳辰刻，京師地震有聲。○甲午，命詹事府少詹事兼翰林院侍講學士李恭翰、翰林院侍讀彭華為順天府鄉試考試官，賜宴于順天府。○吏部左侍郎崔恭乞致仕，不許。○下懷柔伯施鑑于都察院獄。有錦衣衛校尉隨內官領靛青鞍紅細車，將出城道，遇鑑前呵，不避，鑑怒，杖三十。錦衣通卒執其行杖者，送浙江道治。

罪因奏違鑑下獄坐贖杖還爵詔免贖停祿三月○夜月犯房宿南第二星○丙申南京守備成國公朱儀等言南京今歲亢旱無收來春米值必至騰貴乞令南京各衛官軍子來年春麥俟浙江等布政司直隸蘇松諸府運糧至日免其腳價歸晒之費就于水次兌支正糧三月所省耗米令俱送納應天府預備倉待青黃不接之時平值糶賣以甦民困所賣錢銀仍候秋成糶米上倉事下戶部以爲宜行南京戶部會同儀等詳加斟酌果于軍民有益即聽施行遂之○丁酉 孝慈高皇后忌辰奉先殿行祭禮駙馬都尉植輝承命祭 孝陵○釋奠光師孔子遣吏部尚書李秉行禮以國恤免傳制○陞臨清衛指揮同知李章爲山東署都指揮僉事守備沂州地方○戊戌祭太社 大稷○己亥禮部覆奏國子監祭酒邢讓所言學政事

宜其一謂永樂間監生以病告歸者病已得復監正統間因而放還為民自是寧旅死不敢歸有足憫者今宜定例監生病滿三月保驗不誣許令還鄉一年之內復監不作坐堂月日若踰一年之外仍在為民之例其二舊制監生歲一簡選其有事故復監年深者未經選過不得橫磨殊為淹滯今宜定例每歲二次會官簡選庶便于權歷不至淹滯從之○南彙浙江道監察御史孔儒上言四事一任輔臣本朝不設丞相內閣之官乃相職也必精擇其人而用之既用之必信任之使倖臣不得以奪其權小人不得以撓其職清閒之宴時賜召對政治得失人材賢否生民利病皆咨訪而行之一納諫言近來言事之臣率被降謫諫臣杜口以言為諱伏望師大禹之下拜昌言法成湯之不吝改過言切而理直言必嘉納之識寡而詞拙者亦優容之

其以言降調者悉復其官則言路不塞而公道昭明一節財用
近年以來元宵端陽之節宮闈燕閒之戲浮屠不時之賞寺塔
無益之修所費不貲雖給於內帑皆出于民財國以民為本民
以財為命剝民以奉君尤割肉以充腹唐太宗之言不可不思
也伏望存心愛民務行節儉使財不妄費民得寬蘇一罷泛貢
國家貢賦已有常制近年內官在外者多取方物食品作貢其
于上貢者不過十之三四而為私饋者乃有六七採造之費轉
運之勞皆民財力不勝其苦伏望一切停罷 上命所司看詳
來其可行者行之○都察院右僉都御史盧祥卒祥廣東東莞
縣人舉進士授南京禮科給事中以父喪起復改吏科以言事
調山西蒲州判官天順改元敘選進擢禮科都給事中未幾陞
南京太僕少卿以母憂起復改順天府丞遷右僉都御史巡撫

延綏祥教修律舉止踈儻恒以氣節自負在延綏頗留心邊事
然南人畏寒不樂久窳邊地屢上封事乞休致不果後以言官
劾之 命致仕至家數月卒計開賜祭祥性坦率頗通術數好
議論亦有所見但在吏部時以吏部不見擢上疏詆吏部世以
此短之○免順天府通州今年被災夏稅五百八十六石有奇
○辛丑設順天府三河縣東關永平府新店撫寧縣西關三遊
運所○命燕山左衛帶俸指揮使伯顏子討兒襲職○命陝西
都指揮僉事彭程守備肅州地方○以旱災免直隸建德東流
二縣無徵秋糧五千七百一十餘石馬草七千六百五十餘包
○命鎮守山西署都督僉事王信移鎮代州提督雁門偏頭寧
武三關○甲辰祭太歲風雲雷雨嶽鎮海濱山川等神○遣旗
手衛官祭旗蠹之神○乙巳遣戶部尚書薛遠祭京都太倉之

神○遣順天府官祭家丞相文天祥○戶部等衙門上會議漕運巡撫諸臣建言事宜一南京倉廩數多散置不一糧草出納舊俱委部屬巡督類多新任不更事者用是多弊今宜如右都御史周瑄言推老成廉幹郎中一員公同監察御史巡視其員外郎主事專督出納有隋繼者明書以備滿考降黜一各處糧革雖嘗具奏得旨令各布政司委堂上官總部府州縣委佐貳官率領運納然而托改改委雜職小官如故宜如瑄言再行禁約務令司府州縣總部及部運官依期率領糧里運納違者治罪一山東在京位坐軍匠及京操班軍位往索取戶丁盤費或應辦稍緩輒被凌辱戶絕者訪及承買田土之家又有具名立約借貸于官豪而違償于戶丁累息數倍宜如巡撫都御史原傑言設有此弊即行禁止其所貸原物亦候量年取償不許違

禁多取敢有仍前不悛許巡按御史按察司官究治原債免追
仍乞通行天下禁約一山東所屬府縣有臨近河道者南北往
來馬快諸舡晝夜不絕起集軍民接連常以一二十計凌冒風
雨送往迎來艱苦萬狀而經過官舡往往附載私鹽客貨應付
稍緩輒將官吏高懸痛箠不徒索夫兼且求賄原其所由皆其
隨從僕隸指使之也宜如傑言禁約內外公差官員凡舡運載
官物不許附帶私鹽客貨其送人姓名及上水下水夫數悉予
闕文明白開寫敢有多索一夫一軍及分閔前驅逼取錢物者
許巡河御史按察司官將各人隨從并附舡客商擊問民編口
外軍叢民違鹽貨入官一直隸鳳陽府所屬太和蒙城亳三縣
舊制縣官全設後因事簡裁革縣丞主簿今人民增多里分加
倍宜如巡撫右副都御史滕昭言各須設縣丞一員一松江常

州等府倉糧多陳積寔如巡撫都御史邢宥言于米貴時每銀
一兩增米二斗糶賈候堂年糶米還官賈銀多者煎銷一半解
京備用一山海永平密雲等衛軍士月糧每石本色八斗折色
二斗上半年折色鈔一十八貫下半年胡楸蘇木三兩七錢四
分俱因給散不時又且數少軍士不願閱領多為分委官吏所
侵宜如巡撫都御史閻本言每歲于散布花時人加棉花一斤
疏上悉如議○戊申兵部尚書白圭等奏近勅寧夏延綏總兵
等官會兵征勦土達滿四而陝西總兵官任壽都御史陳价奏
將劉清一聞延綏調軍輒生疑忌又不待項忠等大軍會計乃
典寧夏總兵廣義伯吳琮輕進遇賊輒敗殺死都指揮蔣泰中
澄及官軍甚眾遺失火器及馬不計其數喪師辱國莫此為甚
請速壽及价清來京明正其罪吳琮輕進寡謀六當速問但比

壽等二次失機為輕宜令帶罪殺賊且官軍挫衄至再賊勢猖獗愈加宜更簡命遊擊將軍一員統京營兵五千赴之而勅項忠等相機協謀以收全功 上是之 命京營兵姑勿調但勅項忠等速議進兵仍推宜鎮守巡撫者以聞時武臣爭有出師意內閣學士商輅等議以為項忠既受命宜姑俟其區畫故有是命○己酉 命錦衣衛指揮僉事馮瑄緝捕沿江盜徒先是盜徒連艘數十乘風濤出沒殺掠行旅莫敢誰何累勅南京守備等官督捕至是賊徒益盛殺死巡江千戶巡檢官兵共二十四人事聞下兵部議以為大江東西一帶為南京腹心要害之地方禁明修明之日小寇輒敢橫行如履虛曠不早戢止勢恐蔓延宜速遣廷臣有威畧者一人付以重柄往為之所 上以瑄前論列盜徒乃勅瑄往捕勅曰江濱群盜糾集流亡初至賊

監射利獲至奪貨殺人或連艘數十鉦鼓相聞馳突風濤如履平地甚至一舟之衆敵殺官兵數十人南京守備等官玩寇長奸日甚一日究其所以皆由儀真瓜洲并白塔河東抵江陰通泰諸港泊墟市軍民雜處率多囊盜為利或有賊黨給役官府因之偵伺機宜亦或有巡哨官兵茹賂貪生縱盜自便弊源不塞盜弭何由令特 命爾率所屬緝事官校會同先遣都御史高明及總督操江成山伯王琮等從宜議處期于盜息民安其貧民私販行旅夾帶不係劫盜人數自有關隘盤詰及巡監御史管理不許官校一槩搜檢驚擾平民故勅○論平山都掌鑿賊功加太監劉恒米歲二十四石陞左少監趙永為太監歲加米十二石兵部尚書程信兼大理寺卿進襄城伯李瑾為襄城侯左都督都督同知俞寧羅秉忠等併有功將士各陞賞有差

○廣成巡按遼東監察御史侯英奏遼東備禦都指揮唐顯不能防禦致達賊搶掠人畜坐守備不設者律應誦戍 上宥之降二級帶俸差操○辛亥南京監察御史王相以囚人反獄械至京准贖杖還職○壬子以 孝莊睿皇后將祔葬 裕陵遣撫寧侯朱永告 天地駙馬石璟告 太廟是日 上詣几筵殿告葬期遣官分祭各門自是至二十六日百官及命婦俱素服詣清寧門外哭臨奉迎 神主還京日俱免朝○定議陝西納米例一陝西大小衙門三年六年考滿官納米三十五石于布政司給由止將牌冊呈緣吏部一陝西山西河南所屬兩考吏納米一百石者送部免其辦事考試就撥京考納一百五十石者三考滿日送部免考即與冠帶一陝西及各處軍民倉餘納米八十石者給正九品散官一百石正八品一百二十石正

七品完日就披冠帶一陝西附近山西河南間擬囚犯除真犯及官吏受財枉法例該充軍外其雜犯死罪納米八十石三流五十石五徒自三十五石遞減五石至十五石杖笞每一十納一石俱照時值折銀送布政司收用以調兵征勦滿四預積糧儲給軍故也○癸丑 上詣 几筵告辭○命都督同知白圭鎮守陝西地方○甲寅晚刻月犯軒轅右角星○乙卯定襄伯郭登奏征西總兵官都督劉玉聲望未著宜別選重將以圖成功事下廷臣會議 命撫寧侯朱永整兵操候啓行仍遣內官一員監軍

明憲宗純皇帝實錄卷之五十七終

明憲宗純皇帝實錄卷之五十八

成化四年九月丁巳朔兵部奏守備龍門所指揮閻敏等不能嚴督守哨以致守墩者用計殺賊邀功以招邊釁宜行法司違治及叅其叅將協同守備內外官李剛等并宣府鎮守總兵巡撫等官王受等不能嚴督之罪上曰閻敏等俱免違問令御史貢取罪狀叅將守備及鎮巡等官俱宥之○戊午詔減徵南直隸災傷州縣鹽鈔○兵部奏陝西布按二司布政使余子俊叅政龐勝僉事胡欽胡德盛俱職居方面不能撫綏防範以致土達滿四叛逆及與總兵任壽進兵又不能運籌畫策以致軍旅喪敗皆當究治上然之命傳子俊等俸○降備禦遼東鐵嶺衛帶俸都指揮使康頌為指揮使都指揮僉事陳烈并三萬衛帶俸都指揮僉事王福俱為指揮僉事鐵嶺衛指揮同知王

珠趙進遼海衛指揮同知張永俱為副千戶三萬衛指揮僉事宿吳為百戶顯等失機法司坐以充軍 上皆宥之各降三級

○己未夜客星見星五度東北行○庚申 孝恭章皇后忌辰奉先殿行祭禮遣駙馬都尉石璟祭 景陵○附葬 孝莊睿皇后於 裕陵○羽林前衛帶俸都指揮僉事李英有疾命其子清代英原職本衛指揮使○給事中王詔奏劾會昌侯孫繼宗撫寧侯朱永為五軍三千營總兵官各占黑洋淀牧馬草場與人佃而收其租違官勘實 上俱置不問但令草場盡還官牧馬戒毋再占○陝西守臣奏西安府諸州縣兵荒請免明年朝覲 上諭吏部臣曰用兵之際征斂轉輸民困極矣有司宜加意撫恤可從其請免之○辛酉實授試監察御史林誠張璋王賓楊守隨翟庭憲方昇戴用王濬張進祿王繼戴縉中綱

張傑程宏黎福吳文元董翰馬進劉謙魏東為監察御史○巡撫宣府左僉都御史鄭寧奏馬營大莽崖墩瞭見胡寇五百餘騎安寧墩瞭見一千餘騎東西往來又青石嶺墩瞭見一萬餘近邊駐劄上命各鎮巡官計議整兵隄備○詔發陝西預備倉糧以賑饑民時甘肅總兵官定西侯蔣琬奏甘涼之地形勢孤懸密邇朔漠其為控制自古稱難今見在倉糧止有二十萬石僅足一年支用自春夏以來風勁砂飛所種田苗秋成無望米價騰踊人心憂怖矧陝西復蒙亦遭饑饉百姓流移平涼以西赤地千里況有土達之變產業一空虜酋毛里孩控弦數萬遠與元良哈朵顏等處諸種夷人誘結勢既增大其心可知以臣愚見不如及今積糧務足五年之數以備不測之需仍勅陝西巡撫按等官親詣各屬踏勘被災之民速為賑濟務使得

沾實惠如此則儲積既廣而兵有所恃區區醜虜不足憂矣事
下戶部以為糧儲缺少本部已將江南折糧之銀陸續運赴陝
西備用其言畿民缺食宜行巡撫陝西都御史馮文升等賑濟
仍行巡撫甘肅僉都御史徐廷章查勘見在倉儲實數區畫以
聞從之○壬戌 孝莊睿皇后神主還京文武百官衰服出迎
于德勝門外行五拜禮從 神主至午門外 上及親王皆衰
服奉迎步導升 几筵殿奉安于靈座行安神禮○癸亥夜客
星色蒼白光芒長三丈餘尾指西南變為彗星○乙丑重陽節
賜百官宴于午門○巡按直隸監察御史陳相奏劾紫荆關守
備都指揮僉事張瑛主使賊犯妄舉平人而枉法受財及爭發
又捏詞掩飾若仍令守備則僉肆姦貪有負重寄乞治瑛罪令
帶休差孫別選智勇肅正都指揮守備從之○丙寅太子少保

兵部尚書兼文淵閣大學士彭時等言比年以來地震水旱相仍民不聊生邇者彗星復見災異尤甚皆陛下不職所致乞賜罷免上曰上天無戒朕自修省卿等皆職居輔導當講求缺失修舉善政加惠軍民庶可以回天意豈可捨朕而去所辭不允○丁卯吏部等衙門太子少保吏部尚書李秉等以彗星見俱引咎乞免詔諭之曰玄象示警朕惕然戒懼卿等正當竭誠修職共回天意不許罷歸○撫寧侯朱永奏臣今奉勅往勦反虜滿四請命在京各營選調精銳馬步官軍一萬給與盔甲軍器銃砲調去官軍乞照先年安遠侯柳溥征進涼州賊寇事例給賞庶使軍士不致饑寒而樂於趨事下兵部覆奏上曰官軍於京營內堂帶五千員名人賞銀二兩先次調去官軍俟永至日亦人加賞銀一兩就於彼處官庫給之○戊辰彗星晨

見東北方○太傅會昌侯孫繼宗等奏臣等俱以庸材繆膺重寄茲者上天垂戒皆由臣等不職所致乞賜罷黜別選賢能以興兵政詔曰上天垂戒實缺政所致朕已加警省卿等義同休戚正宜共修兵政以副委托所辭不允○復除劉峻為鴻臚寺右寺丞以丁憂起服也○己巳彗星象見西南方○六科給事中魏元等言竊見今春以來災異疊見近日彗星又見于東方光拂台垣人心恐懼皆陰盛陽微之證也臣等待罪言路固知言出而禍隨之然與其不言而得罪于宗社不若力言而得罪于陛下之為愈也臣聞君之與后猶天之與地不可得而參或者為外間傳聞陛下於中宮或有參或之者禮部尚書姚夔等書以為言陛下謂內事朕自處置屏息傾聽將及半年而昭德宮進膳不聞有戒中宮不聞有增夫宮牆雖深而

視聽猶咫尺也。衽席雖微而懸象甚昭著也。且陛下富有春秋而宸宮尚虛豈可以宗廟社稷之大計一付於愛專情宜之所而不求子孫衆多以固國本安民心哉。伏願陛下思祖宗傳體之重明伉儷之義嚴嫡庶之分以尊敵體以正宮闈使陰陽各歸其分日月相並而明宗社萬年之基將在於此。又言四方旱澇民困日急盜賊日盛荆襄流民所在劫殺人心搖撼且君者民之父母也子有饑寒疾苦父母必為之寢食不安。今陛下作民父母覽民饑之奏不蒙省懼尚循故事付部施行尚書馬昂等視為泛常凡有奏報遇喜則覆本曰行移彼處斟酌設法遇怒則曰事體窒礙難以施行微有利言則曰伏乞聖明區處待尋常活套之言為終身經濟之策是猶子訴饑寒而父母若不聞彼若棄父母而不顧則將何以過之乎。賈

官鬻爵徧于內外民間無可以為計者乞罪征稅之務發內帑之財遣官賑濟又言朝廷于僧徒過于信許每遇生愆之辰輒費無限之資財建無益之齋醮而西番劉富巴等又加以法王名號賞賚隆厚出粟稊輻輳用金伏其所奉養過于親王乞革去法王等號發回本國追回賞賜以賑饑民仍勅寺觀不得請建醮修齋又言天下之財不在官則在民今則公私俱困矣蓋由賞賚無節玩好太多或印施經懺或填寫佛經或為繪畫之像或造寶石之具夫自古人君未嘗不賞但賞合於理則人心喜賞當于功則人心勸賞不考得則人心榮伏願屏絕玩好罷黜游賞及諸不急之務其雲南等處鑛場採辦悉置停止又言大臣者君之冢子而羣臣則衆子也若冢子懷奸而衆子效尤為父者恬不之治則家必敗矣今兩京文武大臣多奸貪蒙弊

之徒 陛下勿謂其位高而不忍遽去勿謂 先朝舊臣而誓
且寬容宜令自陳休致以全大體會戀不去者令科道糾舉而
臣等濫居言路無補於時亦望罷歸以戒不職 上曰所言有
理宮中事朕自處置其餘所司即擬行之爾等宜勉於修職不
允辭十三道監察御史康永韶等亦奏竊聞天心仁愛人君乃
出災異以譴告之比者雷震殿門風拔陵木旱澇遍於寰宇地
震見乎中外呈象甚異密邇三垣况今西兵失利南北荐饑以
此人事遇此天時誠可懼之甚也顧茲災異之來必有以致之
竊見大本未建異端太盛進退賞罰未公財用工役未省賑濟
無策備禦無方天心譴告豈在此歟伏惟 陛下剛斷而力行
之則天災可弭大業可安若復因循苟且視焉泛常臣等雖愚
竊恐凶之安危未可知也且太子者天下之大本也古者人君

一娶九女所以廣繼嗣也今前星未耀 宗廟神靈之所托四海民物之所賴竊切憂惶伏望均六宮之愛協宜家之祥庶幾
蠢斯繩繩麟趾振振而大本立矣佛自漢明以來始入中國崇
武事之甚謹得禍尤慘今朝廷罷遣番僧有佛子國師法王名
號儀衛過于王侯服玩擬於供御錦衣玉食徒類數百竭百姓
之脂膏中外莫不切齒特朝廷未知之耳又况其間有中國之
人習為番教以圖寵貴設真是番僧尚無益于治道况此欺詐
之徒哉宜令所司查審果係番僧資遣還國若係中國者追其
成命使供稅役庶不蠶食吾民而異端斥矣人才之用舍關天
下之安危近年內外羣臣賢愚不辨輸忠効力者少懷奸挾詐
者多望嚴加考覈其有老疾無為貪淫豪著者內從吏部都察
院外從巡撫巡按從公考察其兩京大臣許令自陳休致其有

懷祿固寵及考覈不公者許科道劾奏其庶能公勤屈在下僚者許大臣薦舉量為陞授則賢否不至于溷淆矣賞罰者國之大柄賞罰不行雖堯舜不能理天下近邊將失機律有定罪今乃或薄示貶降或戴罪立功進戰則有死退走則得生人孰肯用命哉臣以為有失機者即依律治罪毋事姑息如有冒報功次繩以欺罔之罪則賞罰公而人人樂於効死矣易曰節以制度不傷財不害民 祖宗以儉立國嗚笑不輕近年嘗既過濫用亦太奢一美珠而償銀數百一寶石而累償鉅千傾府庫之財務無益之物設有緩急何以備之况後宮供奉倍增光祿常供不足以給則又和買於外如唐宮市民心惶惶怨言盈路伏望節珠寶之費減宮闈之供則民心悅矣昔漢文帝輟百金之露臺惜十家之常產 陛下即位之初放鷹犬罷土木海內欣

欽近日以來似聞稍異土木既已漸興鰲山又聞預建勞民傷財亦召天變伏望痛自損益於凡不急之務悉令罷去其採辦銀鑄印馬內臣已去者取回未去者停止則民困可舒矣天災流行國家代有惟先備禦則不為害近來旱傷幾遍天下而荆襄南直隸尤甚人民流移盜賊縱橫殺傷官吏而所司方且急於徵稅是猶民在膏火之中又加煎熬之苦萬一其中有盜弄潢池之兵則不免勞師動衆其視賑濟蠲免所費孰多言曰事乃其有備有備無患近年邊將率多庸品紀律不嚴號令不明惟知掊剋其下今西師失利此明驗也伏望疏邊臣姓名察其知愚別其勇怯罪其不勝任者推選知勇者代之優恤邊軍盡心所事則邊備可飭矣凡此八者 陛下斷而行之則災異可弭天心可回臣等職司耳目不能盡言聞導乞罷歸田里別

選賢能以充任使 上曰所言有理所司即議行之爾其勉盡
言職以稱朕意不准辭○追回西天佛子劉實巴所求田地歸
之於民劉實巴先因造寺奏討河間府靜海縣地為寺田仍乞
宛平縣民十戶為佃戶 上皆許之既而戶科左給事中丘弘
等劾其妄請之罪 上命戶部覈實至是戶科覆奏以為田皆
民間地宜還民耕種詔是之仍追其佃戶令當民差○庚子監
察御史胡深等六人言適者天出彗星昭示鑿戒 皇上夙夜
兢惕不愴寧處臣等亦皆憂畏寢食不寧既之畧陳愚衷上塵
天聽 皇上不以所言為妄詔議行之仍慰臣等勉盡言職以
稱 聖意此皆成湯罪已宣王懼災之心也臣等敢不彼肝瀝
膽用副 聖意竊惟應天以寬不以文今日雖云上下協修君
臣交省亦徒為虛文而已似未得弭災之實夫上天言戒意者

乾綱下移奸惡未去故耶且乾綱人君馭世之大柄也近日以來無功者或因請託權貴而蒙非分之賞有罪者或因攀附左右而脫重死之刑人心憤怒衆論喧騰是以思歸臣下怨在朝廷伏望 皇上重自奮勵總攬乾綱凡大賞罰大機務必面召內閣大臣之賢者與之高決可否然後斷自 宸衷毋令左右之臣竊之以市恩則威權總於一人而天災可弭矣若夫姦惡國家醜毒也醜毒不去而能安者萬無是理如兵部左侍郎兼翰林院學士商輅乃 先帝親擢恩俸無比當 皇上正位青宮御卸密謀廢立彼以內閣大臣畧無一言正收方且自圖富貴徇其邪謀是乃賣國之奸竇 皇上之罪人也兵部尚書兼大理寺卿程信頃承朝命督師四川聽嚮權豪之子弟多分首級以報功禮部尚書姚夔用私減公貪財賈貨比因度僧受銀

鉅萬故京師有反賊劉千斤受賊官姚萬兩之誑太子少保戶部尚書馬昂不學無術妨政害民納餽送之女結勢要之人四方水旱賑救無方三邊軍餉調調無策凡此數人皆足致變上天責戒職此之由乞賜顯戮用答天意疏入上曰如今全才難得取其所長皆有可用况急切用人之際豈宜求備所言不允翌日早朝兵科給事中董吳等三人亦具疏於御前面進

上曰朝廷進退大臣自有禮體吳等不循規矩紊亂朝儀本當治罪姑宥之前此奏勅之疏非宜讀于廷則封進于內未有不讀而面進者故聖諭云然○遣英國公張懋告太廟以

孝莊睿皇后神主將祔廟也○昏刻慧星犯三公星○辛未祔享孝莊睿皇后神主于太廟上詣德祖以下八廟暨英宗睿皇帝神主前行禮如儀百官陪祀○禮部尚書姚慶自

陳有疾懇乞致仕 上曰卿年未老朕亦任用不准致仕○戶部尚書薛遠以星變乞免不許○昏刺慧星犯北斗搖光星○壬申 上仍具黑翼善冠淺淡服黑犀角帶御奉天門百官行奉慰禮自後悉從吉典○勅諭文武群臣曰朕自守丕圖惟天地眷佑是賴然勿克正于心修于身近無以御于邦家遠無以寧于海宇將美以格高厚神祇乃今年八月癸巳京師地震九月初以來慧見北斗朕既齋心滌慮以改過自新祇咎天地非徒言之罔將躬行之爾文武群臣輔朕猷為受朕委託分職布任於中外者尚各警其怠忽因循之習革其欺公徇私之弊堅其忠蓋不移之操固其庶慎不汙之節豈惟爾之功名無玷天將鑑之以不致許朕將資之以撫世御宇不負所使朕之兵民將由之以不失其所遂圖強固而闡里殷富三光全于上九域

安于下豈非君臣同德之效歟爾文武群臣其圖利之○兵部尚書兼大理寺卿程信乞休致不許○癸酉兵部左侍郎兼翰林院學士高翰懇乞休致上曰朕用卿不疑何恤人言其勿再辭○太子少保戶部尚書馬昂乞致仕許之昂為科道所論再疏以請上以其舊臣慰之使去○戶部左侍郎楊鼎以災異乞致仕不許○免河南潼寧府諸州縣正官明朝覲以旱久民饑而多盜賊也○禮部尚書姚夔等言近給事中魏元監察御史康永韶等言脩德弭災及番僧服用僭擬臣以番僧者異端外教益惑人心汙染華夏宜從所言施行詔曰番僧在祖宋朝已有之君一旦遣去恐失遠人之心踰制服用別行禁止○楚府永安王季堅薨王簡王之第二子也母王氏永樂己丑生宣德丁未封為鎮國將軍正統丁巳進封永安王至是薨年

六十卦間輒朝一日賜茶藥如制謚曰莊惠○甲戌禮部尚書
姚夔再上章求去臣聞大臣與國同體有調元之責有贊化之
寄有心膺之託有股肱之任苟幸于埋道諄於政原則災異召
焉古者或以日食策免三公或以地震辭避相位蓋以此耳適
者慧出軒轅犯三台仰文昌北斗皆有開于大臣之象臣備員
禮官位列尚書既不能脩明禮樂治神人和上下又不能以告
帝王之道輔 聖德致 陛下于免瘳之上徒以給度僧道崇
侈邪術惑惑 聖心天災之來職此之故臣之罪過豈能逃遁
竊念臣年近六旬百病交作勉強履雖若無恙然隱疾生于
腹心日覺沉痾比御史掖拾流言指臣過惡雖未得真而欲屏
歸田里不使妨賢實為當理臣已嘗具疏乞免荷蒙 聖恩慰
諭勉留天地大德何以云喻使御史不言 陛下無以知臣之

罪臣不去。陛下無以回天之變况以多病衰朽之材無所裨補乞早賜罷免以回天戒以塞群口以全廢軀臣不勝幸甚

上曰朝廷需才之時如卿者正當典禮輔政豈能罷去所辭不准夔素以才氣自負至是為御史胡深等所劾心不能平故力求去。上特留之。○巡撫甘肅右僉都御史徐廷章乞歸養疾不許。○命南京金吾後衛指揮使劉瑄子方代其父職。○吏科左給事中程萬里言陝西重鎮之地國初以來安置土達於寧夏甘涼等處承平日久種類蕃息往年虜賊侵擾今歲亢旱饑饉有司失於撫卹是以滿四等提險哨聚黨類益繁臣恐各邊土達因之自相鼓惑不早防範恐生他變况今黃河欲凍虜酋毛里孩去邊不遠比年關陝無事尚欲深入一或間此寧無姦計且兵荒之後民窮盜起勢之必然在彼守臣恐不躬親巡歷

轉委所屬以應故事乞勅有司存者賑贖仍於在京選大臣二員奉勅往彼守臣會議招土達中年高有識衆所信服者宣上恩威諭禍福使之各率其屬守分安生無自疑或不能為生者斟酌周給之且罷一切苛政庶足款動其心潛消其患矣臣又見毛里孩等久不朝貢窺伺邊境往來宣府大同其情巨測萬一有變警捷幾內臣急意其有可敗者三近找邊方遠終二三日程是彼為客而我為主以客就主以勞待逸一也目恃強衆弄吞諸部志滿氣盈兵騎者敗馳驅不思人馬疲勞二也北來邊報見賊烟火有一二百里者有三五十里者散逆水草兵力四分三也為今之計宜選京師騎兵一萬宣府大同各一萬每三千人為一軍以驍將十人統之嚴其賞罰器使人探毛里孩所在出其不意晝伏夜行徑搗其壘破之必矣昔李靖

以騎兵三千破突厥大衆我今宜及其未發早為之所欲戰則
關方畧欲守則飭兵力毋祇憑文移致誤大計詔下兵部計議
以聞於是兵部為廷臣議請勅寧夏等處守臣撫卹各處土達
或起陝西數任兵部尚書王純德被巡邊密切防範不必尋以撫
安土達為名毛里孩自前歲朝貢後不復犯邊今無故興數萬
之師遠涉沙漠前有勝負未必之形後有首尾難收之患殊非萬
全之計請勅東北一帶沿邊守臣戒嚴以備 上是其議惟寧
夏甘涼番夷就勅巡撫官各隨所部撫安之○宥巡撫四川都
御史汪浩等守備永寧都指揮林晟罪先是最許奏浩以計殺
都守夷人聽撫官激變地方而又妄報軍功希求愷賞及誣陷
貴州副總兵李安逼死經歷胡鐸請不注事給事中張鐸等往
按之多不實鐸等劾浩同上殃民有乖憲體晟恣肆貪誣奏

風憲請各治其罪 上以浩任巡撫重寄晟訐其罪難以反坐
俱宥之○乙亥命武成後衛帶俸都指揮僉事周海充恭將鎮
守靖虜地方○丙子太傅會昌侯孫繼宗奏天象垂戒邊務方
殷臣年踰七十日就衰老非惟久妨賢路誠恐有誤國事乞罷
兵柄以終餘年 上曰卿勲戚老臣朕方倚重不允辭○兵部
尚書兼大理寺卿程信以疾目陳乞休欽 上曰卿才堪任用
不允所辭既有疾待調攝平復理事○丁丑昏刻慧星犯七公
西第四星○吏部左侍郎崔恭以災異乞免不許○戊寅陞錦
衣衛帶俸都指揮使白金為右軍都督府僉事武成後衛帶俸
都指揮使白玘為右軍都督僉事金吾右衛帶俸都指揮使王
受湖廣都指揮使汪澤俱為全軍都督僉事以全等克平勦掌
鑿賊功也○禮部尚書姚夔奏御史胡深等劾臣度僧受銀鉅

萬者臣不歆辨隱忍辭運大臣之體固當如是故兩疏引咎乞
罷 皇上慰留至再不得命天地大恩萬死莫報今又為給事中
董吳等所論情不容已伏念臣有當去者三素無才德當去
多病衰朽當去為權勢忌嫉當去負此三當去而立於朝危乎
難矣夫官可休也身可殺也汗名不可受也與受汗名以生寧
潔己以死且度僧距今三年何當時不言而今始言之何六科
十三道不合言而胡深等數人言之言之不根事起讎怨盛明
之世不意有此 祖宗之法匿名文書有禁成周之世流言之
罪必誅此風一行是使小人之得志也臣雖不肖頗知大節伏
望 聖明矜之察之早賜罷歸以泄小人之憤以謝言官以回
天意 上曰此事虛實朝廷已知卿不必辯亦勿再辭○己卯
掌太常寺事禮部尚書李希安奏 孝莊睿皇后已附廟今孟

冬享 太廟几筵告請詣廟享祀祝版宜言 九廟太皇太后
詔且仍舊只增言 皇妣孝莊睿皇后○賜秦府保定王第四
子名曰誠汲第五子曰誠源代府隰川王第十三子名曰仕剛
○實授試監察御史劉仁馬監察御史○兵部左侍郎兼翰林
院學士高輅言比臣以疾在告忽奉宣喚諭臣入內閣供職臣
即附奏再乞調理臣竊思比來四方多事天象示戒上勞 宸
慮不遑寢食皆臣下輔導無狀所致雖言者論臣景泰事誠如
聖諭不得其實然謂災異由臣所致未必非是况除舊補新更
化善治以消天變以蘇民困此正 皇上乾綱奮發勇於有為
之時不宜徒示姑息遏抑人言臣衰朽之餘妨賢誤事雖極知
大恩不敢有負但於自處不可不審乞特賜睿斷放歸田里以
應除舊布新之象然後與廷臣朝夕講求庶政善者行之必力

不善者改之勿吝使政事修明無可疵議則災異自消福祿自來矣 上曰朝廷修舉政務自有次第卿宜逸出效用不可改違○監察御史左鈺言比者六科十三道因是變陳言款革番僧名號斷天下之疑絕後世之惑 陛下謂所言有理及禮部款行發遣 陛下又謂番僧在先朝已有發遣恐失遠人之心臣以為 陛下不忍失遠人心乃忍失邇人心乎伏望思周孔之格言行克齊之常道佛若有知必以臣言為是乞以臣所言付廷臣計議可行則行如其不可乞罷臣歸田里以戒狂妄之罪不報○致仕都督僉事顏通卒通宛平縣人父為千戶陣亡通襲陞羽林前衛指揮僉事調運東左衛景泰初陞署都督僉事尋實授於中府帶俸坐神機營管操成化三年以年老致仕至是卒訃聞賜祭葬如例孫景襲授羽林前衛指揮同知○

辛巳翰林院檢討張順上言八事一曰溥恩澤以廣後嗣二曰求賢才以圖治道三曰開言路以達適情四曰接群臣以察庶政五曰罷冗食以蘇民力六曰節賞賚以豐國用七曰擇將帥以恤邊軍八曰去異端以崇正道命下其奏于所司○兵科給事中蕭璿上言修政弭災三事其一復諫官謂南京給事中王徽王淵朱寬李鈞李翔以劾太監中王之罪謫調外任宜皆召還復其官 上以在京在外皆為朝廷任用不必召還○致仕廣西右布政使夏時卒時字以正浙江錢塘縣人舉進士初授戶科給事中陞江西按察僉事尋陞江西參政久之陞廣西右布政使致仕家居年七十有四卒時所建明十年均徭之法利害相半行之至今民頗不便云○壬午昏刻慧星入天市垣○癸未命全給德商軍校月糧米一石常例王府軍校尉役月支

本色粟米六斗折色四斗王以各人衣食不給代為陳請政有是命○甲申命會官廷鞠給事中董昱等三人監察御史胡深等六人先是昱等以慧星見各上疏請罷兵部左侍郎兼翰林院學士高輅禮部尚書姚夔兵部尚書兼太理寺卿程信上皆留之輅等不自安各上章求退夔奏多詆言者於是昱等復言輅等求退之章皆有欲進之意飾非強辯決當罷黜而攻夔猶切謂先王之世米民謠以觀政而夔以為匿名之書有禁祖宗之制許言官風聞言事而夔以為流言之謗必誅其欺天罔人肆無忌憚如此蓋欲激發朝廷之怒以箝言官之口其奸惡暴可見矣乞早罷之以應除舊布新之象如以臣等所言為不足信亦乞曲為保全出補外任別選賢才以居言路上震怒謂祖宗憲綱凡糾舉官員主殺予奪悉聽上命若命既下

不許再劾今乃改遣有何主意命錦衣衛三法司執昊等同多
官廷鞫之會監察御史林誠又言臣以病軀勉強供職近劾尚
輅當卹卹廢儲之際不能正敕今復起用不合人心蒙 聖諭
以輅自居內閣累有諍言非外人所知朕以此任用不疑言者
不得其實置之臣思言既失實宜加罪謹幸蒙曲貸不勝感激
但病勢日臻自揣難居言職乞放歸田里 上曰唐太宗用王
珪魏徵朕用尚輅有何不可而屢奏獲亦命廷鞫之○丙戌以
明日十月朝遣駙馬都尉石璟楊偉分祭 長陵 獻陵 景
陵 裕陵○遣內官祭 恭讓章皇后陵寢

明憲宗純皇帝實錄卷之五十九

成化四年冬十月丁亥朔享太廟○遣內官祭司井之神○
錄工部尚書兼大理寺卿趙榮子珰為中書舍人○己丑命廣
平侯袁瑄駙馬都尉周璟度雲伯周壽為正使尚寶司司丞薛
胤禮科給事中張賓吏科給事中李和為副使冊封伊簡王庶
子勉冊為光陽王伊安王庶子謨冊為方城王謨缺為西鄂王
謨錡為郟城王韓府褒城昭裕王子徵為褒城王夫人田氏進
褒城祀兵馬副指揮艾溥女為廣安王妃王庸女為弋陽王妃
○復給事中董昱等三人御史胡深等七人官昱等既廷鞫下
獄給事中毛弘等上言畧曰朝廷設立言官正欲使之言爾今
因言之煩瀆遂加罪責流傳四方恐傷仁化憂國之人無不抱
腕伏誦皇上念四方多事之秋值修省弭災之際宜擴天地

之量而寬貸之繼而內閣學士商輅亦上言畧曰臣自揣年力
衰邁學識短淺無益于事無補于時宜罷歸田里以弭人言蒙
賜容留方圖報稱不意言官煩矯誤犯天威若卽加罪臣恐將
來以言為諱倘有國家政務闕失大於此者孰肯言之疏上未
從會問擬吳等贖杖還職 上乃曰吳等故違成憲屢方上命
本當重譴且從輕發落各杖二十復官三人者吳及陳鶴胡智
七人者深及陳宏鄭已何純方昇張進祿林誠也○總督軍務
右副都御史項忠等奏奉命征勦反虜滿四尋蒙勅諭慮恐官
軍數少令臣等所調各處官軍土軍京軍及招募義勇人等三
萬三千四百四十六員名足以滅賊況今秋深寒冷若又調在
京并各處官軍路遠徃復恐冬初河凍賊得遠適邊軍難以久
留今擇九月十九日總聚官軍申嚴號令臣等分領而進各離

賊巢一二十里俱要烽砲彼此相接聲勢遠近相應必先絕其
水泉燒其野草扼其要路招其協從至期又各隨機應變務圖
進取以收萬全之功事下兵部議以忠等破賊方畧甚為周密
虜亡可待京營官及各處所調官軍宜暫停止仍行太監劉祥
及忠等早圖勦滅以收成功 上從之○庚寅太子少保吏部
尚書李東乞辭職以消災異詔曰卿年力未衰宜勉修職務以
副委任所辭不允○辛卯增設兩淮都轉運鹽使司副使一員
判官二員先是南京右僉都御史高明等奏兩淮運司自正統
以來戶部及遼東巡撫官阿諛邊方鎮守及在朝權要派與淮
監以至京師豪猾之徒勢逼官吏監以二百斤為一引倍又四
百斤者有之六百斤者有之富商因見權豪過支斤重亦朋合
為奸侵盜圖課積弊多端查得兩淮鹽課司大使副使例以九

年通考因是年又漸生奸弊及監運司額設副使一員判官二員分管所轄場分官少不周乞於兩淮運司添設副使一員判官二員其場官照倉官事例三年為滿庶監課者守得人稽考自然嚴密而國課無虧矣章下戶部以官多民擾非便且祖宗舊例未可擅更請勘之而後行上曰高明等奉勅整理鹽法彼既奏欲興利革弊宜從其請不必行勘於是吏部請添設運司副使一員判官二員惟場官三年為滿則兩浙福建山東河東陝西河間長蘆五鹽運司雲南四川廣東三鹽課司事體相同必皆比例奏稟宜仍照舊九年通考則官無冗員事體歸一從之○鎮守金齒都督僉事胡誌卒誌鳳陽定遠縣人襲父職金齒指揮使隨征麓州陞都指揮僉事進署都指揮使未踰年陞署都督僉事命同沐璘鎮雲南後加實授命同南寧伯毛

晟鎮金齒騰衝至是卒計開賜祭墓如例子亮仍襲原職指揮
使○癸巳故工部尚書謹身殿大學士高穀子峘習字期滿授
中書舍人○巡撫宣府左僉都御史鄭寧等奏彙願衛千戶奄
可帖木兒傳說十月間款與毛里孩擊殺上命沿邊鎮守巡
撫官整飭邊備以防之○甲午賜大興宛平二縣養濟院孤貧
四百五十人白綿布人一疋○丁酉太子少保吏部尚書李東
晉奏近雖兩奉詔旨國子監生有不能出仕願告回家者與冠
帶閑住奈何監生之中甘於恬退者少本部記名聽選者見有
八千餘名而逐年各衙門送來者尤多於每年所選之數以致
積滯數多賢否淆混其間衰老者銳氣已消庸懦者素志不立
加以特選年久度日艱難一旦授以府州縣官不免漁獵于民
以為家計歆有司得人而民受其福難矣茲款將該選監生考

選年貌精壯文理平順行移通曉寫字端正四事俱可取者居優等選用或三事或二事可取者量才授任其三事俱無可取而年貌衰老者依詔書例全斥閑住則任用得人而不才不得以倖進選法疏通而人心不至於壅滯矣從之○己卯毛憐等衛女直都指揮亦里哈王苦赤等各來朝貢馬及貂皮賜衣服絲段等物有差○吏部以修德弭災考察內外聽選官為三等主事楊紹等六十九人給陞授散官致仕郎中鍾成等二百六十五人致仕驛丞鄔棖一人行止不端給冠帶閑住棖後更名存敬以異端賞錄入內府廬官近侍云○巡撫山東右副都御史原傑乞罷歸以弭災異詔傑年未衰老不准罷歸宜勉修政務以副委任○贈四川夔州府通判王禎為府同知賜誥命以禎率民兵拒襄陽流賊于大昌縣沒于陣也○庚子 皇太

后聖旦 上率親王上壽受命婦朝賀賜百官宴于午門○辛丑兵部右侍郎王偉奏患病三月未愈乞賜骸骨還鄉或容住俸在京調治命在京調治俸不必住○壬寅魏野龍加麻刺麻都綱著思吉堅參等三十九族來朝貢方物又管民萬戶舍人阿哈來朝貢方物自稱其祖合丹思以所轄地方十七其印猶元至正間所授乞換印襲職開設衙門禮部會議以遠人貢獻因募義而來而換印襲職開設衙門別夷情邊務所係事雖違制宜移文四川鎮守等官遣官出境勘其地方與何地相鄰原係何人管轄自洪武至今百有餘年何今日方來貢獻合丹思以既有前元符印授以萬戶國初何不歸附即今阿哈與合丹思以是何親屬緣何纔要換印襲職所襲是何職事所設是何衙門都綱著思吉堅參既於正統間授職何二十餘年不來貢

獻而與阿哈同來或是近邊軍民舊與烏思藏及長河西魚通寧遠等番僧混回來貢近因有禁例不得似前濫進冒賞遂撰尋前元舊印引詐冒生番又開一路進貢以爲冒賞之階務令勸議明白回奏不得徇私不實以啓濫放之弊亦不得非理沮抑以失遠人之心從之○三法司會官審錄重囚刑部都察院各奏年例于霜降後會公侯駙馬伯五府各部通政使司大理寺錦衣衛及科道官審錄死罪重囚有旨稱寬宥詞者即與從公辨問毋令受枉於是刑部尚書陸瑜等會魏國公等官徐備等於承天門外審錄之刑部得情真無詞者五十六人情可矜疑者十三人都察院得情真無詞者二十六人情可矜疑者一人勘辦減死者一人前後各以具獄上請上覽獄辭於情真罪當者俱令處決情可矜疑十四人中減死充軍者十二人杖

而釋之者二人一係婦人又有一人當辦者准辦○癸卯定襄伯郭登奏臣年力衰憊不堪任使乞退居閑地以養餘年上曰卿才智老成朕所簡任不允退閑○甲辰 誠孝昭皇后忌辰 養先殿行祭禮遣駙馬都尉周景恭 獻陵○命協同分守大同東路叅將都指揮僉事張瑛充右叅將分守大同西路地方○琉球國中王尚德遣使臣讀詩等來朝貢馬及方物賜衣服綵段等物有差○滿剌加國頭目八刺思通事無沙等來朝貢象及龜同等物賜八刺思無沙冠帶并番伴人等衣服綵段等物有差○陝西岷州衛刺叅等簇番人相中等鐵立等簇番人煙班等惡由等簇番人豁陸等西卜等簇番人尖班等各來朝貢馬及明甲賜綵段鈔錠百差○吏部尚書李秉侍即崔恭月是戶部侍郎楊鼎陳俊禮部尚書姚燮侍郎萬安葉盛

兵部尚書白圭侍郎李震工部尚書王復侍郎李春李顯六科
給事中及刑部大理寺官俱于左掖門外候午朝期已久以高
尚早誤不及入侍聽名上奏待罪詔爾等常以勤政為言及朕
視午朝却有怠慢論法本當違問既引咎姑悉宥之○監察御
史劉仁傳備劾奏尚書李東等於午朝不及入侍之罪 上以
李東等已區處御史後時始劾命錦衣衛杖之○大同叅將都
指揮使秦傑卒傑壽州蒙城縣人父暉任千戶陣亡傑襲陞指
揮僉事尋遷指揮同知進指揮使天順元年征倚山城蔣家也
三家村諸處進都指揮同知八年用薦為大同左衛叅將成化
二年勅充遊擊將軍征延綏事平陞都指揮使至是卒賜祭子
恭襲其原職大同後衛指揮使○乙巳賜靖江王府政奉國將
軍佐誠妻女養瞻米歲一百石從王請也○慧星出天市垣其

體漸小○丙午巡撫宣府左僉都御史鄭寧以災變自陳乞致仕詔不允命用心整理邊務○提督松潘等閩四川都指揮僉事馬雲因督兵護送給糧旗軍至北定閩為守閩指揮郭英歎飲醉歸被番賊掩襲殺虜軍夫騾馬時浦江閩亦被番賊搶劫殺傷旗軍雲隱蔽不報俱為總兵官所劾奏下御史鞠治賄杖獲職○丁未朝鮮國王李瑋遣陪臣權格等奉表貢馬及方物來朝賀 萬壽聖節○吏部以修德弭災考察京官羊貌衰憊不堪任事致仕者戶部郎中邊永等十二人操行不謹冠帶間住者刑部郎中高閏一人○貴州宣慰使司土官宣慰使安觀等遣把事王源等四川天全六番招討使頭目舍人柳智等各來朝貢馬賜綵段鈔錠有差○戊申賜晉商寧河王第五子名曰鍾錕六曰鍾鑒七曰鍾銍八曰鍾鋼九曰鍾鏐○山東德平

縣民張中因遊會臨清遇民人孫榮善說佛法得金鎖洪陽大
策等妖書遂刺左右肩臂各二龍左右手掌山河二字更於左
臂刺排王計三字白號白毛祖師四散始誘得瓢氏為妻復誘
民王聰言其四外招集已有萬餘人款伺秋冬攻河南城池聰
知其詐奏聞捕獲都察院問擬坐斬至是遇赦復請區處上
以中情犯深重命禁錮之餘黨從輕發落中尋死于獄○庚戌
禮部欲清理番僧及中國冒充者法王劄已堅參引永樂年間
事例陳請詔曰中國人先習番經有度牒者已之無度牒者清
出今後中國人不許習番教非僧道食米者皆住支○雲南按
察司提學僉事劉倫正初携家住雲南時誤獲事例某傳會廉
道遇鄉人挾以抵任俾充龍里衛學生應貢御史黜之倫正懼
且覺其傳會之誤遂依律檢舉納米入雲南倉以償而貴州驛

適有發其事者巡撫等官以聞 上命巡按雲南御史接治之
坐常人盜倉糧律當絞除名倫正懇辭其誤復命御史之代巡
雲南者再鞠之乃坐贖杖還職倫正安福人其得脫罪也所親
侍請彭華蓋有力焉○辛亥詹事府少詹事無翰林院學士柯
潛奏比以災異勅吏部都察院會同各衙門掌印官公同考察
所屬官員本院屬官俱以文翰為職侍讀等官彭華等見在經
筵講讀及纂修實錄其帶俸郎中等官吳謙等并四夷館譯字
官俱在內閣書寫詔勅翻譯外夷文字無事請文案可考乞如
天順八年考察官員事例止令本院學士公同內閣學士考察
詔從之於是華等一百二十六員俱照舊任事四夷館帶俸官
二人以素行不謹冠帶間住時尚寶司左右春坊及六科給事
中亦援此考察取旨詔昏留任事云○癸丑勅陞兵部左侍郎

兼翰林院學士高輅為兵部尚書工部右侍郎兼翰林院學士
劉定之為禮部左侍郎俱兼職如故仍舊辦事輅定之俱上奏
辭免 上皆不允且曰卿等輔導有勞特茲陞用何以辭為○
給致仕禮部右侍郎倪謙詰命從其子編修岳之請也岳三年
考滿例得推恩吏部持之不行岳上奏自陳詔下其章于吏部
尚書李東等言謙先任學士時曾犯贖罪充軍原授本身并封
父母妻誥勅俱已追奪既後雖遇赦陳情復職又陞任致仕
間住終係犯贖之人於例難以推封 上曰謙已陞任致仕因
子推恩亦何不可其與之不為例○吏科給事中毛志言適者
京師地震妖星示警監察御史康永韶等奏稱兩京大小衙門
官員果係老疾無為貪淫素著從公考察黜退以消天變奏旨
有堂上官者還會掌印官公同考察為大臣者當念上天譴告

之重分 陛下宵旰之憂同心協慮務去取合乎衆論却乃朋
奸欺罔虛應故事且如戶部郎中邊永以六十有五被黜而年
過於求素行不端如兵部員外郎蕭繼者尚留工部郎中鍾成
以有疾被黜而又病曠職清譽無聞如本部郎中彭盛者尚在
於公論何如也至於主事陳瑾行人馬桓之貪名素著員外郎
歐賢徐敏之清譽無聞皆所當黜此而可恕人將效尤乞將五
府六部等衙門堂上官曾典考覈者明正其罪以為大臣欺罔
之戒仍勅吏部會同都察院再行公同考覈庶幾事歸一體賢
否昭明士風丕振災眚可消詔考察事已處置矣但今後諸司
官考滿者吏部都察院務遵成法嚴加考覈不必一槩紛擾○
甲寅禮部奏 萬壽聖節例賜百官宴 上令免宴賜以節錢
鈔○陞戶部左侍郎楊鼎為本部尚書○賜楚府輔國將軍均

鑑夫人沈氏米歲二百石均鑑故夫子及幼子訢其衣食不給
楚王以聞故賙之○詔免遼東瀋陽等衛屯糧一萬三千石有
奇以成化三年夏秋河水漲溢所漂故也○慧星犯天屏西第
一星○乙卯太常寺少卿孫廣安寺丞朱福銘以九年考滿詔
復任各陞俸一級○監察御史康永韶等言近者地載不寧星
象生慧臣等陳言請考察庶官荷蒙采納命吏部會各衙門掌
印官考察不意各官心懷顧忌止將丁憂在家并各衛首領官
聊退數員虛應故事見任部官惟退年老郎中邊永一人如陳
瑾馬桓彭盛余璞余志孫瑜俞溫素著僥倖被留歐賢劉瑛酷
暴已露實緣不黜庸懦似湯懋趙繼先猶有糜祿罷黜似朱璣
冉信尚且尸位乞勅吏部會同都察院嚴加復考果有如陳瑾
湯懋之類悉宜黜罷若再不從公嚴考仍聽科道糾舉其考退

官敢有裡詞撫俗者俱問罪如律則責有所在事體歸一庶政
修舉災異自弭矣吏科都給事中沈瑤等亦以高言詔既已會
官考察不必覆考有不當者待考滿日吏部具實奏請處置○
命燕山右衛指揮使張能子興金吾右衛指揮同知苗貴子鳳
彭城衛指揮僉事楊詵子真俱代職

明憲宗純皇帝實錄卷之五十九終

明憲宗純皇帝實錄卷之六十

成化四年十一月丁巳朔致天監進成化五年大統曆 上御
奉天殿受之始賜親王及文武群臣頒行天下○以 萬壽聖
節遣駙馬都尉周璟蔡震謁告 長陵 獻陵 景陵 裕陵
○提督兩廣軍務左副都御史韓雍奏蠻賊擁衆攻切峒心巡
檢司營寨殺死男婦十餘虜去者倍之事下兵部覆奏以都指
揮李玉梁泰指揮張瑛分守地方不能督軍禦賊宜行巡按廣
西監察御史連問都御史韓雍張鵬總兵官歐信左參將夏鑑
不能嚴督所屬亦宜究治但地方未寧姑記其罪令勦賊自贖
從之○八月 萬壽聖節 上詣 奉先殿 皇太后宮行禮
畢出街奉天殿文武群臣朝服行五拜三叩頭禮以有國恤禮
從減殺也○庚申泰寧等衛王免例等遣指揮三保等各來朝

前馬賜衣服綵段等物有差○毛憐衝都指揮吉亦等奏本地
路遠款於遼東人買一牛馱載行李許之○山西道監察御史
王宥言二事一汰冗官近年以來畫工賤後多授官職於各衛
門帶俸糜費國用甚非崇本節用之道乞勅該部通查革去一
便民賦舊例戶口食鹽止全納鈔而支鹽景泰初乃令納米大
戶口不得食鹽而虛全納鈔已為損民今又轉令納米實所不
堪乞勅戶部仍如舊例驗口納鈔為便 上命所司省之○夜
華星滅○辛酉進內官祭 恭讓章皇后陵寢以是日忌辰也
○復除陝西布政司右叅政殷謙于山西○壬戌陞戶科左給
事中丘弘禮科左給事中魏元兵科右給事中秦崇刑科左給
事中毛弘工科左給事中高斐供衣科都給事中戶科右給事
中劉吳禮科給事中霍貴兵科給事中崔儀刑科給事中白昂

工科給事中王詔供本科左給事中戶科給事中李和禮科給事中李森兵科給事中張宥刑科給事中蕭彥莊工科給事中陳峻俱本科右給事中○命東勝右衛指揮使李勝代都指揮蔣源守備遵化○命故廣東署都揮指僉事王英子佐襲父原職廣州左衛指揮使○命故貴州金筑安撫司安撫金徵子懋襲職○巡撫山西右僉都御史李侃奏乞罷歸不許○禮部奏朵顏衛右都督阿兒乞蠻等奏款於邊地收買耕牛農具等物宜從所請其所乞織金膝襖段并帳房鞍轡無例難許從之○總督軍務右副都御史項忠奏臣等奉命征勦逆賊滿四以十月九日軍分七路臣與太監劉祥總兵官劉玉都御史馬文升等由金佛溝進都衛史王銳參將胡性等由李俊溝進伏菴伯毛忠等由木頭溝進右參將夏正等田亂麻川進都指揮姜盛

由黑城子進副總兵林盡由好水川進都指揮張瑛由驪母川
進賊衆來禦臣與諸將夾攻賊大敗進斬賊首二百二級中傷
逆崖洞死者甚衆拿還銅砲神鎗以千計牛羊馬騾二十餘屯
忠軍趨占木溝水頭擒斬奪獲數多翼日毛忠督精銳四千進
至石城砲架山北率勵將士及其姪毛海孫毛愷奮不顧身躬
冒矢石先登遂奪砲架山北三峯頭衆勝上攻又奪山西四峯
頭適臣與各路官軍俱會遂攻石城東西二門及山之東峯克
之焚賊窩鋪百餘處擒賊二十四人斬首七十三級墮崖死者
甚衆奪獲神鎗火砲弓箭牛馬等物賊窘迫皆號哭有自縊元
者毛忠為流矢所中回至山半而卒事聞上以毛忠奮勇死
敵忠義可嘉命禮部與贈諡蓋祭頃忠劉祥劉玉等皆降勅犒
諭之令用心平賊毋或因勝而怠毛忠涼州人高祖哈刺歹洪

武中歸附起戎伍為千戶忠襲職初名哈刺累功至行都司都指揮同知始賜毛姓又以功陞都督僉事賜名天順初以征福運反賊功陞都督同知充左副總兵鎮守甘肅復以勦虜寇功特進左都督年及七十乞致仕充西侯蔣琬等言其雖老未衰仍留守邊忠先副重城伯術額統兵殺敗番賊論功陞賞願以流伯侍世襲忠獨不與賞例授例以請加忠祿米百石既而所司奏都督所支者月俸無加祿例有旨毛忠在邊效勞日久特陞伯爵仍守甘肅至是死于滿回之難忠生長西陲知虜情由小官至大將屢經戰奮勇當先但勇而寡謀賊所畏者惟忠聞忠死益倡叛子倫早卒孫銳嗣以忠元事功得世襲伯爵○癸亥賜朝鮮國朝賀陪臣擅恪等金織衣綵段等物有差○命故廣東都指揮僉事陳智子暉襲父原職廣海衛指揮使○命

三法司同錦衣衛廷鞫寧遠伯任壽右副都御史陳价都指揮劉清罪初滿俊反价撤清督西安等衛官軍勦之為賊所敗官軍死傷者凡三百餘人事聞過赦兵部乃奏調綏寧等處兵命寧夏總兵官吳琮領之與壽等會勦復敗官軍死傷者共五百餘人遺棄器械輜重無算事聞徵壽等三人下獄至是廷鞫撤罪壽為首斬价為從時流清罪經赦以奏不甯坐徒且請還琮治罪然恐有枉請行陝西巡撫鎮守等官劾報上曰价罪當與壽同清令監候○甲子銓注效勇營把總署都指揮同知鄭賢於福建都司提督巡視銀場○遼東總兵官都督同知趙勝奏謀叛虜賊二百餘由鴉鵝關向哈合里入境寇掠都指揮俞事莊鑑把總指揮傅斌率輕騎四百追至境外喜昌口擊走之奪回所掠人畜事下兵部言莊鑑等不能嚴督備禦賊去始追

雖有微績終係失機宜行巡按山東銜史逮問從之○巡按福
運銜史吳璘奏聞浙之交有賊徒三十餘於浙江泰順縣長山
降尾新坑強採銀礦殺民快十五人劫官庫器物及掠沿村居
民財畜擄害地方乞勅浙江都布按三司速為撲滅勿使滋蔓
事下兵部覆奏上命太監盧永鎮守浙江吳昱鎮守福建仍
兼理銀場會同三司等官設法撫捕○丁卯命修武伯沈煜佩
征西將軍印充總兵官鎮守寧夏○南京十三道監察銜史揚
智等言妖肆示變災異迭至自非君臣恐懼旁求直言改革弊
政進君子退小人不足以應天之寶宮闈之事臣不敢為言但
望陛下深自省察裁處之而已其在廷大臣如南京守備成
國公朱儀叅精機務兵部尚書李賓俱以猥瑣之才濫膺根本
之寄設有警急曷能支持吏部右侍郎章綸從事先朝雖有

可取及任吏部以來功名大損如以子玄應冒賈京衛軍餘饒
倖京闈薦書敬求事君而先欺君可乎教子如此事君可知刑
部右侍郎王恕刑名生疎不顧名節到任半月即託本部郎中
黃紱娶已故劉指揮妻文氏為繼室以大臣而偶夫節之婦可
乎家如此為國可知工部侍郎范理外似純朴內實姦貪大
理寺少卿金紳背公營私詳敬失當應天府府尹畢亨善政未
聞實緣陛下用衍聖公孔弘緒恃恩驕恣荒淫無度凡此皆妨國
病民法所難違者也伏望 陛下奮乾剛之斷據日月之明嚴
加黜責庶可以答天戒安人心轉禍為福不難矣南京六科給
事中朱清等亦以為言事下刑部覆奏命禮部右侍郎葉盛刑
科都給事中毛弘往按之○遼府新水王耆燁薨王簡王之第
二十子也母妃呂氏永樂甲辰生正統丁巳冊封新水王至是

夔年四十五計聞報朝一日賜祭葬如制諡曰靖和○戊辰命
巡撫貴州右副都御史陳宜子楓巡撫四川右副都御史汪浩
子松俱爲國子監生時南京太僕寺卿鄭悠亦援例以請詔以
悠陞官未久不許○朝鮮國陪臣李石亨等來朝報其國王李
瑄薨賜石亨等衣服綵段等物○行人司行人于坦言臣惟擅
入內府得有明禁况又節蒙 聖旨禁約近見市井無知之徒
貪圖小利輒將私貨布帛酒食等物進入買賣且皇城 聖天
子萬乘之所居宮禁庫藏於是乎在禮法制度自此而出臺市
井小人營私買賣之地哉宜令守衛官負并錦衣衛官嚴加緝
訪等送治罪貨物沒官又言鄉飲之禮乃先王敬老尊賢之遺
意近年以來各處有司鄉飲罔遵總意所請賓客不察賢否雖
強梁豪橫姦頑素著者皆與坐列其甘貧守分節義廉退之人

反不與焉是豈先王垂世教之良法國家厚風俗之本意哉乞
勅該部行移天下有司凡遇鄉飲務清年高有德素無過舉及
以禮致仕官序坐共器盜詐偽過惡顯著者不許干與如有司
阿附苟容一体治罪庶幾人知勸戒而風俗自厚矣奏入詔付
所司議行○己巳朝鮮國以 慈懿皇太后崩遣陪臣卞袍等
肅奉慰表并香禮祭文來獻時 梓宮已葬命陳獻於 几筵
殿賜袍等金織衣綵段等物有差○命故四川都指揮僉事呂
昇子祥襲昇原職成都前衛指揮使○陞毛儀衛指揮僉事速
苦捏吉俱為指揮同知○庚午命故廣東參將署都指揮同知
王瑛子欽襲父原職南京府軍左衛指揮使○辛未總督軍務
石副都御史項忠等奏賊滿四固守石城砲架山我軍四面攻
圍勢雖窮蹙然衆尚二萬恐河凍衝突而出我軍一哨不支則

勢去矣乞調原擬宣府大同官單於偏頭關提浴未提反勅撫
寧侯朱永統率精銳坐未固原同臣等相機攻守事下兵部以
為宜從所請上曰東營官軍未宜動可勅遊擊將軍許寧統
大同宣府精兵三千往助之向京都察院右都御史周垣奏
乞罷歸詔勉留之○陞監察御史李冕為雲南按察司僉事○
行人于坦言原籍山西石州城下有河一道流入黃河遵者河
路崩塌約長二十餘丈遇天雨水溢崩塌之數復倍于昔請疏
通舊河以固城垣事下工部請命三司勘實臣度從之○南京
史料給事中王謙言南京戶部收糧委官周恆民因專務剝削
每于收受正數之外又行加罰甚至縱容官斗肆害百端民因
於下悉歸於上召災致禍未必不由于此乞勅都察院轉行總
督糧儲都御史嚴加禁革具實奏聞臣度年春夏南京宣決

重囚甚衆甚非法天用刑之意已勅刑部等衙門凡遇該決重囚除謀逆不拘外其餘務俟秋後會審度快詔下其言于所司

○甲戌翰林院習字民主蔣銘奏臣父琳先任兵部主事歷官左副都御史累樹軍功後被石亨誣陷廢死臣因避害回家今幸雪父冤乞仍送翰林院習字以圖補報 上准令中書科習字

○賜山西蒲州知州徐孚吉州知州伍秀湖廣龍陽縣知縣李泰直隸和州判官張紳山東臨朐縣知縣卜釗淄川縣知縣劉文陝西寶雞縣知縣馬傑誥勅往其善政○日本國王源義政遣使臣清啓等奉表來朝貢馬及聚翁扇甲刀劍等物○乙亥關中兩淮長蘆河東運司鹽課五十三萬二千餘引於陝西平涼等處召商上納兩淮鹽每引米五斗五升長蘆鹽米二斗五升河東鹽米一斗五升時以官軍灶滿四供餉不給故

也○南京太僕寺依適應天府成化三年孳生及陪償馬驟并
駒一萬一千一百餘匹○丙子選摘岷州衛官軍六百洮州衛
六百蘭州衛六百五十二甘州中護衛五百五十河州衛五百為
二班往涼州分番操備○遼東總兵官都督同知趙勝奏十一
月初六日虜賊千餘主幹羅討改指揮傅斌營指揮胡冷率軍
未後被賊射死既而都指揮莊躒等領軍二百赴斌營併力禦
敵至暮賊退軍下兵部請移文趙勝等度量賊情緩急運謀戰
守以圖成功其夫機官令巡按御史速治之○己卯禮部奏令
主節例賜百官宴 上令免宴賜以節錢鈔○兵部覆奏南京
給事中朱清監察御史楊智等言守備成國公未儀恭督機務
兵部尚書李賓等乞罷免二人以沮笑異 上以朱儀李賓皆
廉謹可用但令移文使之盡心訓練兵馬整理機務毋仍因循

怠慢○鎮守松滿副總兵都督僉事盧能奏巡視指揮閻斌等
領軍巡視邊境至廟十溝番賊三百餘突至斌等與賊接戰殺
衆我軍兀者亦相當事下兵部覆奏宜行能等遣人往番寨撫
諭使歸所屬單氏仍以首賊依夷俗處治以警其餘若賊冥頑
弗率即相機剿捕以清地方斌等失機罪宜令巡按御史速治
從之○庚辰命改陝西都指揮僉事焦政先改陝政原職西安
前衛指揮使○辛巳賜唐王第五子名曰志圻邊府松滿王等
三十名曰恩鑑曰曰恩錕曰曰恩鈴○賜朝鮮國成化五年大
統曆○壬午大寧都司都指揮使常廣營納部下重賂且侵盜
官物為千戶字忠發其事御史黃棟聞擬坐斬令納未贖罪既
又遣立功廣奏樂重科已罪會赦還戍例當差採廣輒擅守司
印奪指還其贖罪未且云天綱既闕吞舟是漏法繩尤察刺骨

求死輕百死軍功贖五刑律例事下都察院劾廣安言請下御
史究其擅穿司印之罪 上是之。日本國使臣麻谷二郎于
市買物使酒手毆傷人禮部奏其強橫行兇宜加懲治 上以
違夷免下獄付其國正使清啓治之啓奏欲依臣俗事例處治
但在禮表之地不敢妄為俟臣還國依法治之且引伏不能鈐
束罪 上嘗宥之既而兩傷者死禮部極奏麻谷二郎行兇傷
人致死非免問罪宜依例追銀十兩給死者之家埋塋仍省諭
各夷使知朝廷寬宥懷柔之意從之。癸未以明日冬至節遣
駙馬都尉石璟祭塞分祭 長陵 獻陵 景陵 裕陵文武
衙門各分官陪祭。遣內官祭 恭讓軍皇后陵寢。甲申冬
主節 上詣奉先殿 皇太后宮行礼畢出御奉天殿文武群
臣及四夷朝使行慶賀礼 皇太后 皇后俱免命婦朝賀

己酉文式群臣朝覲王于奉天門東廊。四川總兵官右都督
尚成等奏謀叛苗賊欲攻小壩關守關官馮和率兵探捕至西
雲與賊遇戰敗之奪回被虜人畜牧單欲還而賊五百餘突出
殺死百戶曹大等三十二人溺水死者十二人虜去十二人奪
回人畜糧為所掠。上命兵部移文成等令盡心勦賊仍令巡
按御史速分守地方官鞠治之。丙戌陞翰林院修撰王獻為
左春坊左諭德仍兼修撰以九年秩滿也。

明憲宗純皇帝實錄卷之六十一

成化四年十二月丁亥朔 上視郊祀柱。○巡撫貴州右副都御史陳宜奏鎮遠黎平二府糧儲積多恐歲久腐爛緣二府與湖廣鎮遠五關二衛各共一城請令二衛官軍支給移支湖廣布政司撥所屬州縣杖糧解貴州捕殺其二府糧自今歲後以十分為半黎平但收三分鎮遠四分餘亦均價庶糧不積于無用戶部以貴州夷苗弗靖歲運湖廣四川之糧給軍尚且不足今柴折收恐致誤事宜仍徵本色撥納決糧各分從之。戊子陞貴州都司衛指揮陳使屠莽岩都指揮僉事守備本衛地方。○順天府學主馬瑛痛父真從征滿四死于賊上章乞同兄瑄往討賊為父復讐 上憐其志從之命馳驛而往。○罷大同副總兵都督僉事張瑄以年老也。○延綏總兵官都督僉事屠能奏

謀報虜賊千餘圍沙家守散既而散去又往往瞭見或三二百
或五六百騎守或近遣出沒 上曰此賊探知我軍洞征滿四
意欲乘隙入寇宜切各邊鎮處官嚴備之○詹事府少詹事兼
翰林院學柯潛聞父喪守制且乞葬祭 上念潛久侍經筵命
特異之不為例○己丑置崇王府官屬以翰林院檢討馬誠景
翰為左右長史侍詔何壁周謹為紀善中書舍人孫迪審理正
易謙審理副誠等舊皆特選為近侍官從王讀書習字者也其
餘官屬如刺賜舍庫名曰豐積○贈翰林院侍讀尹鳳岐正五
品階熟侍讀如故鳳岐永樂中舉進士選入翰林為庶吉士授
本院編修歷陞修撰侍讀至是其子昭而東昌府同知以年勞
賜浩命鳳岐當贈官昭以侍讀品級雖下嘗經筵清秩若改贈
同知乃似左遷乞視同知階贈以近侍之職 上不許故有是

命。冊與御封拜。但率檀陽武侯祿之子尚常德大長公主景
恭問檀于公主有不遜語。天順初。吳廟後辟公主入訴。下禮
于徽。承成湯出之。主是年報朝。一日賜葬祭如例。○辛卯。授進
士周鑑為通道縣知縣。先是鑑坐訖疾不赴選。為王府官。除名
為民。主是有詔。諸司官非以貪濫罷去者。悉原其罪。鑑自陳狀
故。優用之。○中書令人黃埒等奏。本朝置中書舍人。紀錄綸命
書。寫誥勅。在朝廷為近侍之臣。永樂宣德間。皆以進士監主為
之。陞擢亦異。比年未有由熟舊錄用者。有由後行乞恩。獲勅者
。保以白丁。冒君清扶石苑之濫。莫此為甚。請自今除中書舍人
一如永樂宣德間例。下吏部覆奏。從之。仍定其陞進之格。進士
舉人出身者。陞員外。即監生。陞主事。其他无祿守署。正大理事
寺副者。為令。○欽天監五音堂。即貝琳。上言。弭災鬪治。故事。

其一謂滿四攻逆罪固不容于誅然推其由必有激變之人雖
詔使勘問竟不舉發前後將帥失利又未見悉造軍法處置臣
惟福德久在秦分難以加兵況近日又有秦地兵強之占雖調
兵征勦未見其利用兵之道在順天時察人事以臣愚見莫若
先將激變失利將帥悉置重典以堅將士之心別選文武重臣
委以便宜之任召募陝西勇敢之士持福德順行以秦兵而攻
久寇勢必有功非徒殲滅此賊亦可以防範他虞揆之天時既
順驗之人事亦宜其二謂 祖宗酌古準今制為律令增以條
例行之既久事使人安近年法司往往以私意出入增輕作重
以致咨恣傷和臣候占書有人君理冤寃息除咨之象又有大
臣背公向私兵刑夫理之占今犯罪官員多有因公致罪律應
復職而法司乃奉旨發落加之以不當加之刑乞勅法司務依

律例間擬罪名必依萬世經常之典而弗拘一時喜怒之情如
此則刑當其情和氣自臻而災易為祥矣疏入 上付共言于
所司于是礼科劾云滿四款逆罪惡盈貫法當剝滅烏可坐視
故天討一加即已克平貝琳却乃奏稱福德又在秦分未可如
兵頭有肆為妄誕眩惑人心之罪宜舉正之琳上此奏蓋有為
風憲官犯罪不至革職而奉旨發落者故假滿四為由以上此
奏然琳有內援雖為禮科所劾有司亦不復舉○壬辰朝鮮國
遣陪臣張進中等貢馬及方物來朝賀明年正旦節○復遂安
伯陳韶爵聞佳韶先以受賕枉法謫遼東廣寧衛立功至是蒙
恩宥還○癸巳命南京試監察御史蕭蒼陳廷玉彭頌俱實授
監察御史○甲午臘節賜百官宴于午門○命遼東副總兵都
指揮僉事韓斌分守遼陽等處右叅將周俊分守開原左叅將

楊興分守寧遠先是興守遼陽斌守開原俊守寧遠總兵官趙勝等以斌後才優于興而遼陽開原比之寧遠尤為要害上車請更其任故有是命○參贊機務南京兵部尚書李賓乞致仕不許賓先為科道所劾至是復以星變求去 上以其并未衰老姑留之○乙未吏部奏各處巡撫巡按等官奏舉直隸真定府知府邢簡等六人治行可稱已行覆實例應旌異請給誥勅進階并封贈其父母妻 可六人者簡及濟南府同知王璟滁州知州周正永平府通判段璣新樂縣知縣韓文長洲縣知縣蘇鐸○命都督僉事徐恕充副總兵協同鎮守大同○丙申工部右侍郎李顯子文琮巡撫貴州右副都御史李浩孫欽乞為國子監生許之○命故四川都指揮僉事李鑑孫堂襲祖原職松潘軍民指揮使司指揮同知○雲南右布政使胡淵奏阿拜

井源生於溪澗且距安寧路遠煎辦鹽課甚艱宜令封閉沙石
甸白石泉二井內必有源計歲可辦鹽四十五萬六千餘斤宜
開二井以補安寧課額其不敷者仍取足於安寧鹽戶而以空
閒窻丁補之又阿陋猴井歲課事簡其副使亦宜裁革戶部覆
奏從之○丁酉授翰林院庶吉士傳瀚為檢討○陞禮部郎中
陳綱為山東布政司左叅議帶俸順天府仍於內閣書辦○巡
撫荆襄右副都御史楊璠奏德安等府官倉俱無積糧官府雖
為設法糴運不能周給是以流徙四散盜賊因之而起荆襄安
瀉之間流民亦不下百萬設又迫於饑寒為患不小請給內帑
銀并發附近倉糧賑濟下戶部議以湖廣官庫所貯銀一萬一
千兩賑之仍令議多方區畫以聞詔如其議○提督兩廣軍務
左副都御史韓雍奏廣西恃白等縣蠻賊流劫鄉村聞大軍將

至遂踰山劫廣東地進擊將軍廉忠孝統軍倍迫進至蒼梧縣之中嶺山反斬首七十四級奪回被虜男婦一百四十餘賊奔道事下兵部覆奏宜移文雍等設策勦滅餘賊毋貽地方患從之○戊戌巡按浙江監察御史張敬奏奉都察院移文該給事中俞俊等建言欲起素有人望而緣疾去位者以弭災異大臣議行巡撫巡按官詢訪臣訪得所部海寧衛有汀州府知府張寧者先為禮科都給事中多所論奏素有人望比陞知府以疾去任今已平復可應明詔 上下其議于吏部○湖廣武昌寺前地震○己亥賜故朝鮮國王李瑋謚忠莊襲封朝鮮國王李暉并妃韓氏誥命三道○庚子巡按遼東監察御史侯英劾奏遼東總兵官趙勝太監葉達左叅將楊璉驍令不嚴以致指揮胡珍等為虜所害宜速治其罪兵部覆奏以為巡撫都御史彭

誼亦宜并遂 上曰葉連趙勝彭誼楊璣皆始省之口雲南道
監察御史敷同言六事一屬實行謂通者妖星示變 陛下聽
言納諫日御經筵可謂憂且勤矣然天道難知禍福倚伏不可
不益圖治理伏望於聽講之時義有疑難少垂辨析語涉治亂
深思體認及令講官目采古今故事故 祖宗寶訓數條進講
以廣聰明講畢復留內閣大臣出諸司章奏商榷可否如有重
難事機兼召該部堂上官參議則勵精有實天意可回二精考
察謂朝廷舉錯不可不精今在內官員雖詔大臣考察但點三
五老疾以應故事具在外者雖於朝覲考察然止憑上司關報
賢否多有不公故點者累訴冤枉宜勅吏部都察院省令來朝
各該上司從公開報所屬官員賢否酌點退仍行各該巡撫
等官備別體訪究治廢考察當而人心服三公薦舉謂曩者兩

京堂上及方面正佐官遇有員缺吏部依例會同在京各衙門
堂上官推舉令乃一歸之吏部然知人則舊從古為難況存心
廣狹好惡各異心知莫而口不敢言者多矣宜勅吏部照正
統年例遇有員仍會內閣并堂上官推舉舉非其人者連坐
庸賢路大開而不才者不得以倖進四均爵賞各屬官資秩相
等而陞授不同如吏部主事商及三載輒陞員外郎或署郎中
郎中未及考滿有陞在京堂上或方面正員而他部官員鮮能
及此是豈以吏部屬官之才行果高于他部之屬官特由吏部
自重其衙門回護其屬職故往往驟遷爵賞不均莫此為甚宜
勅吏部今後郎中員外郎有缺請於各部主事員外中陞調而
吏部主事員外郎亦調陞別部不許久擅要地其郎中有陞移
從各部堂上官公同推舉庶陞授適均人知警勸五弭盜賊古

昔人民所以輯睦而無虞者以其隣里有相保之意也今京城內外軍民裸居有夜放強盜將一家網縛或盡殺死劫財而全無顧忌隣人佯若不知此非首善之比所宜然也乞勅法司行仰巡捕官員令將京城內外軍民之人每十家編為一甲懸書姓名互知丁業如一家被盜九家俱出截捉違者治以罪則人皆懼而盜賊可息六軍宿弊出內帑以贖軍者此帝王盛德事今京衛軍士歲給冬衣布花鈔錠乃內帑所儲而守庫官員每過軍士開領需索科送否則不得開領以致軍士衣不及時甚則捐借出息物歸債主而軍士終不得用宜勅該部行仰該差給事中御史等官親詣該庫帶領委官依次開領及時給散別軍文實惠而宿弊可除疏入

上曰所古有理屬實行朕自處蓋今後兩京四品以上官吏卽其缺朕日間除方面官照正統

開例保舉條付所司計議以聞於是吏部議考察之制舊例朝
覲官從本部會都察院堂上官據各該上司開報以憑點退今
款將已考過者復行巡撫等官隔別詢訪則事體不一起人紛
投合仍依舊例考察於內果有貪暴者許科道官指實具名劾
奏將實之法本部奏准各部屬官俱於本部轉陞而六部未嘗
不一前此部屬亦嘗有推舉侍郎都御史通政少卿布政使
參議等官者而六部亦未嘗不同今款以本部屬官與別更相
調陞則於例有碍紛更不便其推舉部中合遵今款依事理三
品堂上官保舉權用戶部議軍士間領布花兩京皆有此弊請
如其言行移各處倉庫慈著為令三注司議京城軍民不係一
方之人往來不常遠徙不一今款編定為甲隸書姓名不無時
常編換甚為煩擾况有欽定條例不為不重合再行申明敢有

故違者治以重罪。上俱從之。壬寅崇王出所詔百官十七日朝春華詣府朝王。○癸卯寧夏總兵官吳琮奏近摘官軍修寧夏三洛波堂三十七座閭牆溝塹二百一十一處長二萬二千一十二丈六尺。○甲辰賈穰南京試監察御史陳惠毛存誠為監察御史。○命巡撫蘇左僉都御史邢宥清理兩浙鹽法。○戶科給事中彭序上疏言十事以冒保邦之事莫先于端身心以立治本崇儉約以厚民主審時政以急先務却虛名而修寔行備大臣以固根本勸節義以敦風化臨午朝以諏治理謹門禁以防不虞時稽考以通選法清啟藉以均賦役制治保邦莫此為要弭災消變莫此為急奏入。上命所司知之。○乙巳賜晉府王成王弟四子名曰璉玘。○命錦衣衛指揮僉事劉資弟及羽林衛指揮僉事重聚子昇向白金吾左衛指揮僉事木

埃弟亮俱襲職守軍前衛指揮同知吳澤子忠羽林前衛指揮
同知申賁子麟俱代職。丙午戶部奏即中是實上言謂我朝
罷熟中書而改歸六部權統于上而綱舉目張收朝廷自尊而
網紀以立獨在外司府之制與祖宗時不能無積習之弊都
司武備既弛布按二司勢均力等不相統攝宜選都御史一員
統制一方則可以責成而無意外之虞復寅所言亦為有理但
今天下四方多有郡御史巡撫無巡撫處不過按覈然亦有撫
治鎮守等官惟浙江福建見之盜賊聚衆劫掠銀礦其勢頗熾
賄惠不遠各節惟已者勅有付巡撫官恐其力薄不是以制各
准所言先于福建浙江二處選都御史二員控制地方調兵撲
滅快寧清之日再為臣覈上曰巡撫官不必設惟命鎮守三
司巡撫官撫捕之。丁未南京吏部右侍郎章倫戶部右侍郎

黃琛刑部左侍郎王恕工部左侍郎范理大理寺左少卿金紳
俱以呈覽乞去位不許。命收陝西都指揮周和胡傑子志堅
父原職肅州衛指揮使。江西按察使趙敬奏江西豪民多因
爭占田產裝裝相殘殺死人命姦行妻女及至告官拘提則拒
捕叔奪其被繫門者則展轉奏懇遷延待故冀得脫免乞出榜
禁約真犯死罪者監候呈詳雜犯死罪并坐控者發一千里外
充軍仗罪以下照常例發落庶使豪橫知警免貽後患時監察
御史戴用亦以爲言及欲請勅康能有風力堂上官分行緝訪
事下刑部都察院會議以爲宜如所請于是勅放督同所司理
之。○己酉陞武成後衛帶俸都指揮僉事馬鑑爲都指揮同知
府軍前衛指揮使兵備爲都指揮僉事南京興武衛指揮同知
張鑑金吉左衛帶俸指揮同知宋重神武左衛指揮同知張權

燕山右衛指揮同知劉吐俱為指揮使燕山右衛指揮僉事張
永為指揮同知以征山都掌切也。○贈四川慶州府通判王煥
廣東雷州府通判王麒各為本府同知四川叙州府戎縣知縣
李吐為本府通判賜給勅三人皆死于賊故優贈之。○平四川
都指揮僉事郭瑾獲賊瑄以都掌蠻賊作亂生失機戴罪捕賊
至是有功故優其職。○旌表節婦王氏等二十五人王氏直隸
長垣縣民蕭鳳妻石氏民甘唐妻祝氏范山縣民錢歲妻申氏
邢臺縣主簿高理妻梁氏民李春妻喬氏臨城縣民王祥妻李
氏民王慶妻李氏涿水縣民魏增妻金氏阜城縣民熊信妻李
氏民宗礼妻張氏保定中衛官舍李俊妻朱氏湖廣武昌護衛
軍餘郭英妻劉氏隨州民朱王妻孫氏雲南晉寧州軍校懸妻
董氏浙江蘭谿縣民徐保妻胡氏山陰縣民張棗妻王氏定海

縣民郭仕謀妻劉氏民黃信妻胡氏東陽縣民盧文翁妻趙氏
桐鄉縣民徐宗妻朱氏江西女福縣民王美會妻范氏豈城縣
民李聰妻徐氏民周咨謀妻羅氏新昌縣民陳韞玉妻劉氏新
建縣民錢仲樞妻皆蚤寡守節為鄉里所稱詔俱表其門曰貞
節○虜賊二千餘寇延綏遊擊將軍署都指揮僉事許寧擊敗
之事聞 上賜勅獎諭○庚戌命右叅將李榮光左副總兵鎮
守甘肅都督僉事日全克右叅將○南京禮部尚書鄒幹以是
變乞致仕 上曰卿宜勉修職務不允所辭○監察御史劉璧
等奏比因監察御史戴用等陳厲舉之事 聖諭謂自今兩京
四品以上官吏部具缺朕自簡任方向官場正統間例保舉歷
等項有以知陛下求賢圖治之盛心即古帝王求俊方立賢無
方之心也然于此猶切有疑焉何則克舜之聖尚以知人為難

故必明目達聰以天下之聰明為聰明今 陛下選任廷臣乃
欲獨斷于己吏部不得預則臺諫不敢言為一有夫誰任其咎
又曰吏部之選舉雖下僚末職亦不通其寔奏聞上請裁處未
嘗故自專為或為非其人士論得以改之臺諫得以言之朝廷
得以罪之庶幾正其事而救其失 祖宗列聖之立法所以不
自簡除正以此耳且以充弊之世猶有四凶之惡當今百僚之
中豈能人人皆賢 陛下雖曰明見萬壑果盡知其孰為賢而
可用孰非賢而不可用耶萬一知有未盡則必詢諸一二近侍
大臣然能保其果無受賄市恩而所舉非所用乎在外者以為
孝主于 陛下而不故言其失彼自以為得計方且賞緣作樂
實官鬻爵無所不至則其為患也又夫且君上之職與臣下不
同君總其綱而臣任其煩君享其逸而臣分其勞若使在京四

品以上官 陛下悉自簡除非惟勞煩 聖體之所當慮無乃
以萬味之尊而行有司之爭乎臣等竊以為此非出於 陛下
之本意其必有不愜國體偏為身謀之人歟假 陛下之尊以
塞天下之口竊朝廷之權以濟一己之私耳又曰今吏部之官
即成周之冢宰在 陛下慎重其人委任而棄死之若保舉之
說蓋一特權宜之術而非經久常行之利向使舉之悉待其人
猶恐有政出多門之患向或受囑徇私各舉其所親厚以分植
其黨與則請託之風益長賄賂之門大開其弊殆有不可勝言
者矣德尚節義而崇廉退者 陛下安待而用之哉又曰 陛
下妙選天下之賢以司吏部之職彼必顧天下之公議以副
陛下之任使兩京大僚及方向有缺先由吏部或會內閣或多
官計議或徑自推舉堪任之人以聞 陛下然後從而裁決之

則無獨斷之名而享成功之利又令間行保舉以收兼聽之明
仍嚴連坐之法以防舉主之偏若居吏部者徇私曲法弗稱其
任則必重其罰而然其人可也會吏科都給事中沈璠等亦以
為言 上曰特旨擢用大臣與大臣保舉方面皆 祖宗舊規
吏部可且疏永樂以後勅旨除授在京堂上官并宣德正統間
保舉方面等官事例明白奏聞已而吏部悉如 聖諭上之詔
以前事既有 祖宗舊規壁等頗敢徇私背公妄言沮止其間
必有主之者可自陳狀違者俱論以法○周府遂平王子熈堯
王悼恭王之長子也母妃李氏王永樂士寅正統四年襲封遂
平王至是薨年四十七計聞輟朝一日賜祭葬如制謚曰榮靖
○辛亥初滿除在京文武官過名仍命該司移文在外諸司○
士子禮部奏正旦節例賜百官宴 上令免宴賜以節錢鈔○

調監察御史詔有良為四川蒲江縣知縣時有良巡視光祿寺以光祿多積弊帶出無經諭所司具報實數署吏避之不以報有良杖之中官回保素惡有良執法不便其私誣奏有良已歲稱心索報各官日用之數事涉不敬上大怒令自陳狀有良具道所以 上以其不諳大體且不輸情引罪命杖之調外任

○ 上遣大監鄭同崔安往朝鮮國冊封故國王李瑠世子李晚為王太監沈繪致祭既行也接遼東監察御史侯英奏遼東連年被建州虜寇侵擾去歲東征至今倉廩未起民窮財盡今復木橋不登米價踊貴軍士飢食大監鄭同等所領隨從下人沿途屠費百姓臣查得先年曾遣翰林院編修陳鑑等素有學行聞望者出使其國今同與安俱朝鮮人相宗嫡藩父兄宗族皆在其地於其國王未免行跪拜之禮進囑托之辭殊輕中國

之體且朝鮮雖稱外國其人多諳書知禮苟使臣非人必為所輕伏乞追寤成命於翰林院官或六科給事中推選一員及行人司官一員往使為便會山東分巡遼海按察司僉事俞琛亦以為言禮部以聞上曰英所言良是今後齋貢遣內臣兵冊封等禮仍選近臣有學者老正副使庶不使中國大體而亦可服遠人之心○四川龍州宣撫司土官副使李胤實奏蠻賊三百餘累掠大隆舊州諸鄉本州四臨賊寨原額土兵一十五百永樂以來止守備本土景泰中提督松潘左侍郎羅綺奏分土兵為二班更戍松潘以致要害關隘缺兵防守始為賊所侵故請以松潘備冬土兵留守地方保障居民仍乞令總兵等官率兵勦滅為要書賊以息民患事下兵部覆奏番賊為要宜移文總兵官為戒等督軍撲滅其款以松潘備冬土兵存留操守

地方宜令總兵巡撫等官覆實以聞從之。○癸丑旌表福建上
杭縣故民邱縉紳妻陳氏弟縉縉妻黃氏貞節同安縣故民葉
秉乾忠義巡按福建御史涂非言正統十四年鄧茂七作亂攻
上杭縉紳兄弟俱避難遺二婦奉姑胡氏時陳氏年二十黃氏
年十九同居金山岩穴間為賊所執欲犯之二婦始曰幸存殘
喘過河人家可從賊信從之行二婦附姑耳語曰我等寧死不
受辱因灑淚各抱兒行至梅路渡俱投水死越三日二屍浮出
兒尚在抱人咸痛之又同安亦有賊陳敬德攻縣治掠鄉村乘
乾募義兵十餘人從主簿蔡選禦之民賴以安海賊張秉彝等
圍永寧衛中左十戶所乘乾率兵却之賊退再犯高浦所復率
兵與戰擒賊首鄭尾仔等十餘人斬首數百級兩城俱保無恙
賊怒其得已乃合眾圍之恃兵寡無援為賊所獲寘營中欲脅

以從秉乾誓曰元即死豈從賊奴反邪賊愈怒遂分兵屍當此
捨擯之時而二婦及秉乾皆能死於節義宜旌異之以勵風俗
禮部以聞詔表陳氏黃氏門為雙節秉乾門為忠義○乙卯歲
暮享 太廟奉 孝莊睿皇后神主詣 廟享祀○遣太常寺
官祭五祀之神○遣雅手衛官祭旗纛之神○以明日正旦遣
駙馬都尉周景王增分祭 長陵獻陵 景陵 裕陵○遣內
官祭 恭讓章皇后陵寢○是歲天下戶九百一十一萬三千
六百四十八戶口六千一百六十一萬五千八百五十口田地
四百七十五萬五千三十一頃七十二畝有奇田賦米二十二
百四萬七千九百七石有奇麥四百六十一萬六千四百石有奇
絲九萬二千五百九十六斤有奇綿一十萬五千兩絹二十八
萬四千四百七十六匹有奇布八十六萬二千七百三十七匹

有奇綿花二十八萬一千一百二十八斤有奇折色鈔八十三萬四千五百二十一錠有奇雜課鈔二十六百一十三萬六千五百七十九錠米五萬三千二百六十石有奇布七百六十九匹有奇鹽課鹽三百七十九萬一千三百三十三引一百九十九斤有奇布四萬四千三百一十四匹有奇茶課茶五十六萬三千八百二十八斤有奇屯田子粒三百八十九萬九千八百四石有奇採納銀八萬八千七百五十九兩水銀二百二十九斤硃砂一十六斤八兩漕運京師饋運糧三百三十五萬石各處運納糧四百二十六萬三千八百四十石有奇減免天下官田等項稅糧一百一萬五千八百七十九石有奇

明憲宗純皇帝實錄卷之六十一終

明憲宗純皇帝實錄卷之六十二

成化五年春正月丙辰朔 上詣 奉先殿 皇太后宮行禮
畢出御奉天殿文武羣臣并天下朝覲官及四夷朝使行慶賀
禮 皇太后 皇后俱免命婦朝賀○丁巳文武羣臣朝覲王
于奉天門東廊口夜有流星大如盞青白色光明燭地自星宿
西南行至近濁○戊午 宣宗章皇帝忌辰 奉先殿行祭禮
遣駙馬都尉周景祭 景陵○六科十三道官具奏認罪 上
宥之先是給事中沈珪等及監祭御史劉璧等陳言公薦舉事
奉旨命吏部考求樂以後勅旨除授并宣德以後保官事例未
聞既而吏部覆奏 上責珪等令回話於是珪等言臣等伏觀
諭旨措躬無地仰惟 皇上德同克禩納諫如流通因終總揖
災免命臣等勉于修職臣等感激思欲仰副 聖心少霽犬馬

之誠乃以公爲舉事會令具奏實出衆情今 皇上欲邊 祖
宗簡賢任官舊規舉而行之蓋所以圖治理也但 宸衷淵默
非凡庸所能仰測况學識膚淺昧於典故輒陳迂言冒瀆 聖
聽差等不勝戰慄待罪之至 上曰爾等違 祖宗舊制欺誑
朝廷本當違問但既引罪姑宥之仍各停俸三月○辛酉孟春
享 太廟○遣內官祭司戶之神○壬戌以大祀 天地 上
御奉天殿誓戒文武羣臣致齋三日○左軍帶俸督都僉事
婁霖奏乞仍在遼東操備遼東都司亦奏留之兵部言都督乃
在京武職重臣况已註左府帶俸宜令來京差陳詔可 乙丑
大祀 天地于南郊祭畢 上還宮謁 皇太后出御奉天殿
文武羣臣行慶成禮○夜月祀五諸侯南第一星丙寅以上元
節賜文武羣臣假十日○以郊祀慶成 上御奉天殿大宴文

武舉及天下朝覲官四品朝使○丁卯南京吏部右侍郎章
綸都察院右僉都御史高明會各衙門掌印官考察廢官奏罷
老疾罷黜貪污官戶部郎中潘孟時等九十六員 上曰既會
官考察何以各掌印官不同僉名事有未當宜令侍郎葉盛都
給事中毛弘持今次考選官再從公體勛應否來聞時盛弘奉
勅往南京按他事因以命之綸又言會官考察時惟南京六科
給事中王讓等不赴考察夫給事中雖曰職掌糾劾然銓選考
滿皆屬吏部况朝廷設官各有攸司吏部有不法等事別
行糾劾自不相妨蓋緣王讓等平日藐視公卿舊例法司會官
審問給事中皆傍坐而讓等乃與公卿並列上坐不顧名分委
自尊大以此羞與庶官為伍不來赴考讓等聞之亦與御史李
英等奏綸素不知人兼考察之權為報復之舉乞明正其罪別

選公正大臣重覆會官考察詔俱下吏部尚書李東等請亦付
侍郎葉盛等通勳覆奏從之論又言通者命三品以上官舉廉
能公勤屈在下僚者量為陞擢臣竊見南京吏部郎中車寧刑
部郎中章格工部郎中何經禮部司務項麒禮科給事中常顯
監察御史顧以山等二十五員年深績著堪以舉用其南京刑
科給事中王徽等五員先以建言調各邊州判官原具本心終
是愛國今尚屈在下僚亦乞舉用之詔所舉大泛不許論又言
項會官考察具考是之中若戶部員外郎蘭諧年六十三郎中
潘孟時年六十四錦衣衛經歷關亮年六十平日廉能公勤精
力杜便今舉作年老無用人材可惜又訪得具當退而未退者
若左府經歷吳宣之貪淫酷暴監察御史方進戶部郎中方朝
宗署員外郎沈暉之行止不謹兵部司務張琰郎中黃鑑之年

貌衰憊刑部郎中傅詔主事張同之貪暴刑部主事計禮大理寺
左評事戴昇之貪淫監察御史李璫陳燮洪楷刑部郎中黃綬
署員外郎王霽之暴吏部司務孫諶郎中劉春刑部郎中廖俊
員外郎李牧主事戴賓郎中黃會之貪明有實證衆所共知其
各堂上官或初任或含容當會考時多不從臣言而右僉都御
史高明剛愎自用於凡應考官員六十以上者不分贖否衰壯
一槩黜退六十以下者雖貪暴酷虐亦多容留且其所屬十三
道御史中豈無一人可畏者哉高明心懷不公黜陟不當難居
都憲之職而臣柔懦不立居銜衡之任不能進賢退不肖願與
高明俱罷 上曰論所所言亦令某盛等從公體勘是否來聞
於是吳宣等各上章自辯為論所誣詔俱下吏部以便時高明
亦言通者奉命考察已會奏訖然明於考人不可昧於自考臣

年近五十精力衰邁妨賢誤事臣爲之懼幸遇朝廷有許心上官自陳致仕之例乞降大恩令致仕無任至幸詔不許○巡撫貴州右副都御史陳宣奏少監鄭忠南軍伯毛榮各帶京官舍人隨行縱其役占軍伴辦納月錢奴辱有司營求貨賂大爲軍民之害頃者太監錢能出鎮雲南道經貴州從行官舍怙勢橫行需索百端民吏駭竄道路如此屬境可知且雲貴居民半係蠻獠威刑所迫恐致驚疑宜將忠等所帶官舍悉取回京兵部回言近奏准鎮守內外官許帶隨從人皆有定數在雲貴者五人惟錢能十人乃特旨所定難以取回宜行令二處巡按御史嚴加禁治不許數外多帶及禁約勿使仍前恣橫爲害從之○戊辰吏部奏點浙江等十三布政司按察司并南北直隸府州縣未朝并在任官布政司左叅政鄧義等官二千五百六員命老

疾者致任罷輟無為及素行不謹者冠帶閑住貪暴者為民○
己巳賜朝鮮國朝賀陪臣張進中等宴并金織衣綵段等物有
差○夜月入鬼宿犯積尸氣○庚午立春順天府官進春上
御奉天殿受之文武羣臣行慶賀禮賜宴于午門○命遼東分
守義州等處右副總兵都指揮使林宏分守寧遠前七等處左
叅將都指揮楊興遠京備禦瀋陽等處都指揮李貴武振李璽
李倘李英選廣寧俱帶俸差操時暫理軍務左副都御史彭誼
等初宏等七員庸懦貪盜難以委任故有是命既又命誼擇遼
東都指揮之有勇略者二人代宏興守備而以誼所舉都指揮
孫能周容劉球江福指揮楊政代青等五員備禦○夜月食既
○辛未南京吏部右侍郎章綸請罷職任詔下其章于吏部先
是南京給事中朱清監祭御史楊智等劾論之子玄應冒籍入

試岳舉貪濫兵馬陳瑛為應天府治中行事借做考語不公及
縱下人賈土壑荷葉諸細故論上奏自辯且言給事中御史汪
指之由賈以南京吏科給事中王讓三年考滿本部考其初任
言官亦能言事稱職是與大體宜知蓋因其藐視公卿過審因
日並列上生不知大體也又南京浙江道監察御史孔儒三年
考滿本部考其清軍為職酷民有聲宜考平常乃合衆論蓋因
其浙江清軍無故董民多有致死也夫言官風聞言事要在得
實果係大姦理當糾劾不宜懷私減公証指排陷毛舉細事煩
瀆 聖聽臣敢再乞罪職庶免玷汙名節奏上士論多不且讓
等○士申 英宗睿皇帝忌辰 奉先殿行祭禮遣駙馬都尉
楊偉祭 裕陵○命晉府奉國中尉鍾缺襲封永和王鍾跋奏
臣永和昭定王濟煥之孫臣父美鳩行逆降為庶人臣父得罪

之日臣方幼齡未有知識嘗以此情上奏伏蒙 英宗睿皇帝
憫念宗親賜臣令職然臣尚念臣祖生受王者之爵死不得享
王者之祭日夜憂惶伏見 皇上自即位以來屢赦天下凡有
罪犯俱蒙宥免文武官員降調者多復舊職近時弋陽王亦以
罪廢其子覲錄陳奏許令襲爵謹援例以請 上特免之○禮
部奏湖廣容美宣撫司及五峯石寶長官司土官回保富等遣
人進貢方物秤較不足蓋其所遣之人侵盜宜停其賞以贖其
罪仍移文布政使司俾懲其後從之○癸酉天下朝覲官陞辭
賜以勅○南京守備成國公朱儀等奏南京英武等衛屯田早
災無收具地與鳳陽府相連今鳳陽饑民皆渡賑濟軍民同體
亦乞給糧拯救從之○甲戌命署都指揮僉事都勝鎮守侯真
并提督揚州通泰等處軍馬將兵部因錦衣衛指揮僉事馮瑄

言沿江上下諸郡宜置武臣。鎮守行令南京守備內外官安
寧等舉可任者。寧等言沿江巡視各有官守。惟儀真控臨長江
爲四方商旅之會。寇盜出沒之區。宜得人。性鎮時勝。方總南京
諸衝。漕運食謂勝。廉介有守。都御史。陳昭嘗舉。鎮其地。用勝爲
宜議。上從之。○乙亥。巡撫南直隸。右僉都御史。刑宥。以陳言。擬
災例乞。蘇不許。○設河南。確山縣僧會司。○韓王。徽。卦。堯。王。靖
王之子也。母妃彭氏。正統庚申生。景泰改元。襲封韓王。至是。堯
年三十。計閏。朝三日。賜祭。葬如制。謚曰惠。○丙子。禮部奏。日
本國所貢刀劍之屬。例以錢絹酌具。且自來皆酌時宜。以增損
其數。况近時錢鈔價直貴。賤相。起今會議所備之數。以兩計之
已至三萬八千有餘。不爲不多矣。而使臣清啓。猶援例爭論。不
已。是則難傾府庫之貯。亦難滿其。豁。整之欲矣。宜裁節以抑其

貪。上是三仍令通事諭之使勿復然。刑科給事中蕭彥莊等劾奏太子少保吏部尚書李秉任情行私事多不法其大罪十有三其掌銓選也進士鮑克寬失朝有過而以補戶部主事李冲連姻王府而選之選為禮科給事中具司考察也存留汚濁奏改張樞老儒布政孫遇貪諂布政丘陵僉事陳良弼老疾如操舉使吳中僉事李齡皆以親原之私不在黜退之列至於都御史執法之大直也而攀私昵之張鵬布政使方面重臣也而用老懦之柳春監生初入仕原無考退之例乃俾之勤勞平生而不沾一日之祿保舉之奏章原有辨印之比乃俾之禮入選調而致有冒濫之失任情喜怒有一言不合而便去其官恣意選除有三年未滿而即遷其秩且言其暗結平深御史附己專權條其罪以聞。上曰秉原是名官所舉保如何乃有許矣

違法事情三法司可會多官議聞於是六部等衙門尚書陸瑜等議東叨膺重任不自檢束行事任情衙直沽名顛倒選法東亦自引伏不知人冒舉之罪詔曰東徇私變法有負任使姑宥其罪革太子少保令致仕克寬冲調外任和陵良弼魁帶聞佳遇齡春致仕餘置不問其所言暗結牟深御史仍命彥莊指實回奏秉性狷介素拒請謁其為尚書左侍郎崔恭以次當得心願不平右侍郎尹旻嘗受學於秉東皆屈意下之有所商論多見從既而有譖之者曰吏部權悉在侍郎旻秉是信之自是凡有言皆不聽二人者亦不以誠待及銓考多所偏執行事或不近人情朝覲考官大學士彭時第侍讀彭華有所囑竟黜其人富道中貴欲用其卿里於美任者不聽陞補外郡由是內外推怨大理寺卿王榮彥莊同郡人且有連欲謀逐東而代之或言

是奏駭所授也彥莊私署同官二人各以進改東之去世頗惜
之彥莊既被旨誥御史杖不輒具實上怒不解乃以劉璧吳
遠馮銜對蓋以璧等先嘗建言請舉舊制大小推舉官志歸吏
部也遂俱下錦衣衛獄贖杖還職惟璧調福建漳浦縣知縣而
修彥莊俸三月彥莊奏辭多文職其所劾退如丘陵孫遇李齡
亦多誣枉陸累懇辭不已乃命會官并彥莊鞠于廷彥莊坐奏
事不實上曰彥莊言官妄奏枉人豈可留居近侍降四川永
寧水驛驛丞陸既無貪讒實跡仍復布政致仕因命自後言官
舉劾必須指實彥莊江西泰和縣人天順甲申進士為人陰險
附勢至永寧未幾署大寧縣事以科罰過重為怨家所從聞者
悅之陸字志高河南蘭陽縣人負氣豪邁中乙榜歷官教諭知
縣擢知真定府事尋改淮安府革弊戢姦威惠大行歲庚辰來

朝吏部奏旌異之賜宴并賜衣寶鈔陞湖廣右布政使未幾轉山西左布政使至是被劾致仕家居十年卒陵才長於治劇所至有聲然類剛愎自用不恤人言人以是少之遇宇際時山東福山縣人舉進士授戶部主事以大學士楊溥薦為知徽州府平易為治休寧有饑民聚黨劫糧御史欲興兵補滅之遇為力辯解單騎往諭賊相率來歸婺源有處女以其母為強民所脅詒去之被縊死是後府廷有呻吟聲如訴冤者遇廉得其狀為伸其冤聲遂息陞江西布政使時造紙廠甚為民病遇會計一年上供之數徵價易紙而免從夫厚歛疫死之患又得餘銀三萬兩助供軍需尋轉河南左布政使踰年被劾致仕家居以書終遇慈祥愷悌坦懷待物言出而人信之所至著聲譽而尤得徵人心至今祠祀之三子珪珂琰皆第進士齡字景齡廣東潮陽

縣人由舉人授學政進國子監學錄擢御史提調北直隸學校
景泰中陞詹事府丞天順初改太僕寺寺丞陞江西僉事仍
提學給嗜學好問兼通手醫以是在太學時見重於徐溥李時
勉為之廷譽為御史時都御史王文掌憲權馭屬如東濕獨信
任給其得為宮僚文有力焉又遷補史事在江西進退諸生一
以公不受屬託至是被劾去抵家僅七日以病卒○丁丑禮部
奏湖廣施州等衛散毛金峒施南忠孝龍津忠路東鄉五路桑
植八安撫司各奏成化五年朝覲進馬已付邊衛騎操而諸衛
牧馬文移不至恐有虛詐宜勘實而復如例賞賜虛則究治庶
實不妄費而虛詐者知所警也從之○戊寅夜月犯心宿○己
卯詔知府員昶聽吏部推舉堪任者除補時科道建議會官舉
保方面官吏部請知府有缺亦舉詔不許仍令本部推舉○

調戶部山西司主事鮑克寬為山西大同府通判禮科給事中
李冲為湖廣均州判官以給事中蕭彥莊等劾之也○福餘等
衛和院可台遣指揮卜倫等弗提等衛野人女直都督帖塞苦
等納刺吉河等衛女直都督赤奴等海西木蘭河等衛女直都
指揮撒赤哈等忽石門等衛女直都指揮管克等野兒定河等
衛女直都指揮實虎失等失里木等衛女直都指揮早花等各
乘朝貢馬及貂裘等物賜宴并金織衣綵段等物有差○夜有
流星赤色尾跡有光自底宿東南行至近濁○庚辰併廣東茂
名縣學于高州府學以具地棍賦而學舍焚燬也○賜西僧清
心戒行國師桑節卷丹等七人詔勅○辛巳陞吏部左侍郎崔
恭為本部尚書○命灌頂國師蘭化王桑兒結聖參叭兒藏卜
男公葛列思巴中素領占聖參巴兒藏卜蘭教王領占叭兒結

聖宗男領占聖宗八兒藏卜輔教王南葛聖宗八兒藏卜男南葛
劉失聖宗八兒藏卜各襲其父王爵○日本國使臣清啓等將還
賜宴及金織衣等物有差其回賜特賜國王源義政綵段二十
表裏紵羅各二十匹錦四段白金二百兩王妃綵段十表裏紵
羅各八匹錦二段白金一百兩并初諭俱付清啓等領回復遣
官伴送設饗待之出境初諭國王源義政曰惟王聰明賢達教
天事大以福一國之人良用爾嘉朕恭承天命嗣登大寶主
宰華夷王特遣正使清啓等齎捧表文并以馬匹方物乘貢具
見王之勤誠茲因使回特令齎初諭王并賜王及妃王其體朕
至懷故諭○以湖廣旱災開中兩浙及福建運司存積官鹽兩
浙一十六萬六千八百六十一引每引硬粟米小支六斗福建
二十萬引每引硬米小支四斗○癸未四川播州宣慰使司宣

慰使楊輝遣頭目趙舉等天全六番招討使司招詔使高文林
遣舍人高玉明等龍州宣撫司土官舍人王鈇及明月關土官
巡檢王永政雲南灣甸州土官舍人景拙法遣陶孟刀胡猛等
孟養地方恩洪發遣陶刀白變等各來朝貢象馬并金銀器
四賜宴并衣服綵段等物有差○乙酉降湖廣都指揮使吉世
英為指揮僉事世英初守禦歸州後調守巴東縣俱為流賊劫
掠擁兵不進致賊殺死指揮巡檢等官及延蔓別境奏下巡按
御史問擬坐斬至是御史樊英辯其擁兵不進者以衆寡不敵
恐顧此失彼也罪回難辭情有可矜遂降為湖廣屬衛指揮僉
事俸差操

明憲宗純皇帝實錄卷之六十三

成化五年二月丙戌朔陝西北州番夷擁衆掠鐵城後川二寨
指揮同知張翰等率兵御之斬首十二級追回被虜男婦事聞
上諭兵部臣曰番寇失利而去宜移文兵備等官防其復來有
功將士令巡按御史覆實行賞○丁亥釋奠先師孔子遣兵部
尚書魚翰林院學士商輅行禮○戊子祀 大社 大稷○遣
順天府官祭先農之神○賜撫寧侯朱永勳附誥券爲奉天明
衛推誠宣力武系特進榮祿大夫柱國子孫世襲伯爵本身免
二死子免一死○以陝西叛寇平命復布政使等官婁良等俸
○復除陝西陝寧使劉福于河南山西副使滕佐于雲南○調
山西太原等衛馬軍三百赴代州操守以鎮守代州署都督僉
事王信奏代州軍馬調遣故物乏餘不及千人不敷操守故也

○總督陝西軍務右副都御史項忠等奏固原地方延袤千里水草豐茂畜牧蕃多內為土達巢穴之所外為北虜出沒之場守城惟一千戶所軍少勢孤是以滿四陸梁捍禦無策州北有西安廢城相距三百餘里虜每入寇由此長驅宜於本川添立一衝又於西安廢城創立一所以扼其要衝陝西州縣全清出湖廣逃軍見有三千人寄操西安等衝者乞以一千立為新所而以二千增蓋固原所軍通為三千以屬於衝操守又守備固原指揮同知馮傑與平涼等衝係屬職位相埒威令不行陝西都指揮僉事樊盛才力可用以繼烟秦府帶俸閒居然隔遠府第三百里之外者例所不拘今固原去府不啻千里乞令傑代馮傑守備事下兵部議如其言俱從之○己丑賞遼東建州等處捕虜有功官軍六百四十四員銀絹布各有差共計銀八百

五十二兩絹二十六匹布一千九十九匹○庚寅停錦衣衛指揮僉事朱驥御史張進祿何純偉各三月時京城盜賊滋蔓同夜劫劫二家驥奏劾各城兵馬等官上命鎖項捕賊因咎驥等巡捕不嚴各俸其俸○免四川瀘州及營昌夫足銅梁榮江安納溪六縣稅糧共六萬八千一百餘石以水旱災故也○陝西都指揮僉事韓春守備岷州番賊百餘突入三岔寨劫掠春不出策應按察副使李紀劾春請下御史鞠治詔姑置之但令御史責春罪狀○辛卯平江伯陳甄乞護母喪歸葬南京不允以兵部言坐營將臣無奔喪事例也○壬辰命太常寺卿兼翰林院侍讀學士劉珣翰林院侍讀學士劉吉爲會試考試官賜宴于禮部○特賜帑提等衛都督帖思古都督僉事塔失各織金麒麟柵欄絳絲一匹從其請也○癸巳晚刻金星犯牛宿○

命雲南貴州湖廣四川廣西等處番夷進馬印給邊軍騎操○
廷總兵官督都僉事房能等奏正月虜衆三千餘批掠迤西
泥濶難等處分守西路左叅將凱初率軍與戰於孤山川斬首一
級獲虜騎二十并被虜男婦十一口馬牛等畜二百六十餘十
五日復有虜衆三千與遊擊將軍許寧戰於迤東沙河墩能引
兵援之虜勢益衆我軍結營禦之遂引去獲其馬七匹箭十枝
官軍陣亡者十五人時巡撫都御史王銳亦奏是夜有虜數十
入焦家川殺掠男婦并牛羊數百以去瞻望軍士畏避失報事
由坐堡指揮戴真提督不謹章俱下兵部言能等雖屢稱虜衆
失利引去然實出沒邊境剽掠自如宜責令勿事重營並修兵備
戴真罪宜究治姑使寇寧之日施行奏入從之○甲午日本國
使臣清勝船凡三號具一號二號俱已回還其三號船士官亥

樹等奏樟海上遭風喪失方物乞如數給價回國庶王不見其罪事下禮部言回夷朝貢到京有物則償有貢則賞若徇其請給價恐來者倣效捏故希求查無舊例難以准給 上曰方物喪失本難憑信但其國王致順可特賜王緡一百匹綵段十表裏既而玄樹又奏乞賜銅錢五十貫禮部復執奏不與且欲治其通事閻宗達教誘之罪宗達本浙江奉化縣人先年負義逃入島今隨使來朝 上曰玄樹准再與銅錢五百貫速遣之去宗達不必寬治若再反復族其原籍親屬○陞河南右布政使章繪為本司左布政使戶部郎中馬馴南京工部郎中何經刑部郎中王佐為布政司左叅政戶部郎中趙昌禮部郎中杜謙為右叅政兵部郎中盧雍為左叅議戶科給事中黃縉兵部員外郎杜鈺工部郎中段慎刑部郎中劉寅之為右叅議監察御史

史潘祖南京吏部郎中彛寅爲按察司副使刑部員外郎周正
方御史徒由大理寺左寺副郎宗南京刑部主事張子言工部
主事吳智保安州和州俞澤浙江嘉興縣知縣童軒爲按察司
僉事馴鉉子言四川經貴州佐廣東昌龍種福建譚正方浙江
縉縉江西慎寅之由琮湖廣智陝西澤軒雲南種專管銀礦寅
軒提調學校從御史戴用言吏部會在京三品以上見任官舉
之也○復除湖廣左布政使王允于山西右布政使劉載于浙
江○調刑部主事余志爲廣東廣州府通判御史康永韶爲福
建順昌縣知縣降御史馮徽爲山西潞州判官吳表爲湖廣莫
陵州判官時朝廷以彛星見命吏部會官考察諸司既而永韶
等言所考不當且言如志等素貪淫者亦倖免欲覆覈之詔不
許令候各官秩滿具奏處分志以將滿懼點上章訟之且歷訟

求韶徽遠姦利事永韶等亦訟辨不已俱下錦衣衛獄置對永韶等言志貪淫事風聞無左驗志所訴永韶等姦利事皆涉虛妄又徽遠嘗與石給事中蕭彥莊言朝廷欲自簡除兩京大臣我輩持事不便請仍歸吏部彥莊劾尚書李東遂及徽遠至是并具獄取旨志求韶以妄奏調外任徽遠積前釁故降之○乙未陞南京戶部左侍郎陳望爲本部尚書○禮部奏會試副榜舉人聽望歷曹及坐監五年以上者在其告辭教職坐監五年以下及年二十八歲以上者不准告辭其下第有領就教職者照例送翰林院考試果通三場量爲除授從之○兵部右侍郎王偉以病去任○丙申夜月犯木星又犯魁宿○丁酉遣戶部尚書薛遠祭京都太倉之神○遣順天府官祭宋丞相文天祥○提調直隸學校監祭御史陳燁奏原奉勅內生員考試不中

者充吏臣惟生員吏典地位懸隔其中者充吏以辱之是誠
激昂振勵之良法但其中頑愚不立者反幸此以爲進身之階
以致干幻質敏者亦被誣習倣效成風恬不知耻乞勅該部定
議今後廩膳生員考選者不分年歲久近俱免充吏悉發爲民
禮部覆奏謂宜從所請 上是之命仍追具食過糜米○山東
濟寧州老人李歇奏外毫朝貢經過有司驛遞被其擾害乞勅
該部計議遣官伴送爲使事下禮部覆奏謂不必遣官宜令原
來伴送之人用心管束并行沿途官司嚴加禁約違者治罪如
律從之○己亥命錦衣衛帶俸連官都指揮使賽弗刺子阿力
遜必失襲父原職本衛指揮使仍帶俸○輔聖夫人魏氏卒賜
葬榮如例○童子陞戶部郎中張彥南京戶部員外郎朱德爲
都轉運鹽使司運使遂兩浙總福建○陞內閣書辦鴻臚寺序

班陳經周璋爲中書舍人各以九千杖滿授例乞恩故也○逆賊滿俊等三百五十七人伏誅俊行第四平涼府開城縣回原里土達曾祖巴丹也有衆七百洪武中歸附授正千戶俊居三岔溝掃滿家營集衆於六盤山行劫都督張泰有牛羊千餘爲虜所劫意土達張把腰等詐取之非虜也以告巡撫都御史陳价屬按察僉事蘇定治其事把腰誣服與俊同劫官捕之俊逃去會參將劉清指揮馮傑皆虛喝俊求財物俊厭苦之時有李俊者亦以殺人行劫爲人所訟詞連俊因與李俊及馬驥面斗大四咬哥滿能等謀搗石城爲亂石城疑即唐吐番石堡城王忠嗣所謂石堡險固非殺數萬人不能克者也山上有城皆四面削立惟一徑可登中鑿石爲五井井各闊丈餘以貯水先是賊據地得前代行元師印遂以是都署與其徒謀設有不勝即

遣人出境外約北虜毛里孩合兵期以六月十一日舉事其謀泄平涼僑官遣人捕之賊遂集衆拒捕書殺捕者其徒即日相率僞尊俊爲招督王李俊順理王散遣其衆劫甘州羣牧所等處旋攻回京十戶所李俊先敗死俊復糾陞德靜寧會寧等處土軍軍民等男婦二萬餘累敗官軍朝命陝西寧遠伯任亨寧夏廣義伯吳琮合兵三萬擊之失利袁近驍然乃命都督劉玉等統兵率京營及三邊七郡兵八萬餘平之俊專守石城不親自陣其黨楊虎裡等聽招給之出戰官軍佯敗俊來追伏兵四起遂擒之至是命官會訊俊等二百六十八人坐凌遲處死餘九十一人坐斬○癸卯南樂王祁鏞以內使蘇買的兒觴酒縱肆乘怒杖殺之入奏請罪 上宥之仍賜勅戒諭○陞四川按察司副使王用爲河南右布政使刑部署員外郎主事張悅方

沁南京刑部署員外郎主事汪寬監察御史馮斐王墳李志綱
南京御史王經順天府寶坻縣知縣葉洪爲按察司僉事悅江
西寬湖廣經四川整飭兵備沁廣東斐墳俱陝西志綱雲南淇
廣西從吏部會在京三品以上官舉之也○賜西僧闡教王領
占聖叅以兒藏卜誥命○命故金吾左衛帶俸都指揮同知昌
八十子得襲父原職指揮僉事○海西塔麻達等衛女直都指
揮阿木郎等忽失木等衛女直指揮炊刺兀者等衛女直都指
揮阿都哈等益實左等衛女直都督三赤哈等毛憐衛女直都
指揮阿鞏等各奉朝貢馬及貂皮等物賜宴并賜服綵段等物
有差○總督陝西軍務右副都御史項忠言岷州番四散出沒
焚燬營寨殺重軍民急民被擾指揮僉事劉璋都指揮韓春按
察副使李玘巡守地方撫捕先職罪宜寬治兵部議以邊守方

急璿等宜令巡按御史還問韓香李玘姑宥其罪令嚴兵捍寇
從之○夜流星大如盞自西北行至井宿○甲辰勅巡撫陝西
右副都御史馬文升等撫綏固安土遠給之衣糧農具時滿四
平後其餘黨雖已寬宥然產業破蕩反側未寧須曲加撫治巡
按御史江孟綸以為言故勅文升等撫安之○賜秦府邵陽王
第六子名曰誠濠沂陽王考子曰誠浙○省南京刑部左侍郎
王恕工部左侍郎范理大理寺左少卿金紳等罪初南京科道
因天變劾恕等及南京吏部右侍郎章綸越禮犯法等事上
命禮部右侍郎葉盛都給事中毛弘性按之俱得實奏請區處
事下刑部尚書陸瑜覆奏章綸縱子冒籍入試事在革前宜行
禮部改正王恕不顧名節范理行事欠謹金紳參劾失當伏乞
宸斷將各官或調用或罷黜還問上曰王恕范理金紳既事

在革前始宥之○乙巳以邊報漸息召都督僉事昌英統領京
營守備古北口等處軍士三千還京○左春坊左庶子兼翰林
院侍講學士徐溥乞還鄉省親許之○丙午陝西階州知州楊
冕陞陝西按察司僉事專於同原高橋等處管理土民從總督
軍務右副都御史項忠等建議增設也○丁未禮部以會試天
下舉人三場已畢奏請正榜額數 上命取二百五十人○總督
陝西軍務右副都御史項忠奏陝西屯駐軍馬比之他處數常
加倍然糧草有限供給不敷功見慶韓二王府俱臨極邊宗支
繁盛轉輸為難乞將二府郡王遷移腹地地方以便供給事下
多官議奏韓府襄陵王宜遷鳳翔慶府直隸王宜遷慶陽從之
○賜廬西田川府土官知府岑福誥命先是大學士李賢等以
福傳仁濟條陳事宜奏准土官加倍起兵聽調殺賊從成功之

日重加賞資給以誥勅至是總兵官趙輔等奏鑄能加倍起兵
依期赴軍謁誠盡忠領兵當先勦勇可嘉宜如濬言給以誥命
吏部核文數實覆奏從之○戊申先是成化元年詔書內開兩
廣地方賊情未息除授官員除府正外其餘職事不拘鄉貫就
將本處相應人員除授地方稍寧仍如舊例至是巡撫都御
史陳瀛等奏土著之人自臨鄉里情弊非一今賊憤稍寧請復
舊制從之○琉球國中山王尚德遣長史蔡璟等奉表來朝貢
馬及方物賜宴并綵段等物有差○雲南平崖宣撫司土官遣
副使刀思忠等貢州宣慰使司土官遣舍人安覺等各來朝貢
象馬及方物賜衣服綵段等物有差○己酉岷府儀賓夏隆坐
侵盜官糧革職貶民中至是思敏岷王奏乞賜冠帶從之○庚
戌遼府益陽王豪熾薨王安僖王之子也母妃鄭氏正統戊午

生景泰三年襲封益陽王至是薨年三十有二計開報朝一日
賜祭葬如制謚曰懿簡○太子少保兵部尚書兼文淵閣大學
士彭時等以行聖公弘緒犯法得旨械至京理問上奏弘緒
貪淫暴虐事已彰聞依法提問固所當然但弘緒為宣聖嫡孫
宣聖乃萬世名教宗師歷代崇尚有隆無替待其子孫既常人
不同今弘緒有罪毒之亦從^奪伏望 皇上念先師扶世立教
之功免其提解寬其桎梏之刑待取至京命多官議罪奏聞然
後處置為當蓋律有八議弘緒正係合應議之例如此處之於
法而不礙於理為宜疏入 上曰宣聖子孫朕素所優禮今弘
緒自罹于法殊玷家聲卿等欲俾其散行就逮雖非所以處弘
緒而於待凡氏之道則得矣其頌繫之○辛亥命四方巡撫都
御史等官覓赴京議事以時多寇盜災傷也○壬子禮部主領

會試舉人貴閭等二百五十人陛見○癸丑 英廟德妃親氏
薨妃世為邳州人父思錦衣衛帶濬都指揮同知母張氏宣德
丙午生正統壬戌選入內庭天順改元冊為德妃德妃性柔和
為六宮所敬仰生子一徵王女二長封宣興公主次殤亡未封
至是薨年四十有四諡曰恭莊端惠 上輟朝五日自閤喪至
掩殯喪儀祭葬如制○甲寅秦王公錫以妃王氏薨奏款於墳
前立石鐫錄諭祭文并紀封冊以昭恩命禮部覆議宜令王自
備工料鐫刻且戒不得生事擾人從之○擢進士張廣李顯為
翰林院檢討教官李傑施增為侍詔監生李晟施昂為中書舍
人侍言王讀書習字○關中淮浙等運司鹽課十八萬引於荆
襄而陽等處賑濟兩淮鹽每引納糧粟米小麥八斗兩浙鹽六
斗長蘆鹽五斗山東福建鹽俱四斗河東鹽三斗五升○乙卯

楚府輔國將軍臺堪隰川王府鎮國將軍仕聖仕剛交城王府
輔國將軍奇沈俱乞以儀從二十人易校尉五人命各易三人
如舊○夜南京大雨雷震山川壇具服殿之獸吻○戶科給費
中彭序言五事一端身心以為治本二從儉約以厚民生三都
官名而務實行四勸節義以敦風化五臨午朝以諏政理事下
禮部覆奏 上曰所言有理係朕躬行者自有處置其餘所司
舉行

明憲宗純皇帝實錄卷六十三終

明憲宗純皇帝實錄卷之六十四

成化五年閏二月丙辰朔○丁巳陞四川按察司僉事沈琮爲副使撫治松潘等處差免○增秦府鎮安王誠沐祿米本色二百石從秦王公錫請也○戊午忻王持冠禮部上親王冠禮儀注命如舊制行翰林院編修焦芳謝鐸乞還鄉省祭許之○設四川資陽縣僧會司○掌京衛武舉事國子監監丞聞高錫言三事一古者學必有廟定成獻敵於中欲其先禮義而後勇力也今本學見有空室數楹乞勅所司改爲文廟庶使學者有所觀瞻和禮先勇後之義一兵部事例內外武職舍餘爲舉至部試有弓馬策畧者署陞官職今本學應襲子弟筆文之餘亦皆習聞武藝將來襲替之時乞如舊舉事例亦試藝量陞庶幾俊傑效心而人和所勸一天下各府州縣儒學生員學無成效者俱

有以民充吏進糧之例今本學民生皆膏粱統騎之裔玩愒歲
月糜費庫者多潛心詭器思圖補報者以乞勅所司每於歲終
嚴加考試入學二年以上學無可取者計進食過庫米還官送
營糧練庶幾不肖者有別而人知所警奏入下所司議行之○
己未雨雹天氣昏蒙黃塵四塞是夜月犯昴宿○庚申以四川
簡縣南洋馬驛仍銀資陽縣徙資陽縣巡檢司於南洋際地以
巡撫都御史汪浩言驛去簡縣太遠司距資陽甚近也○大理
寺左評事申安言旌異官員朝廷激勵有司之良法比來朝廷
屢嘗舉行令巡撫巡按并布按二司官詢察有司之賢能者異
具以蹟以聞賜之誥勅增其祿秩激勵乎官所以嘉惠乎民也
奈何所舉多有不當廉能者未必旌異旌異者未必廉能和紹
興府知府吉惠先為上虞知縣由旌異而陞今官到任未及二

年貪酷百狀幸而敗露却使者方且庇之令其復職縱惡長姦
一郡之人莫罪焉乞詔大臣議自今旌異必待三年考滿之後
若有舉不公後或以姦貪敗者連坐之庶幾吏稱其職民安其
業矣下吏部覆奏從其議○巡撫廣西左僉都御史張鵬奏馮
梧等府陸續千百成羣攻劫州縣殺虜人民平南洞心寨居民
幾二十人殺虜殆盡勢甚猖獗兵部言流賊久未獲平實由巡
守官等不能申明諭令嚴督所屬梓御所致宜姑記其罪後文
功責其分守符佐官行巡按御史還問從之○襄城候李瑾奏
言京營都指揮等官白金等十四人俱以驍勇選征山都掌擒
斬有功凱旋論功止得給賞乞在荆襄建州舊例一人獲功三
名類者量與加陞卓下兵部駁議以都掌功次已有例四功以
上方陞一級瑾違例奏陳乞加寬治詔宥之○辛酉 天壽山

守備太監周常奏長陵等三衛官軍共二千八百四十九員
名歲分二班調黃花鎮守備但山後火起無人撲滅乞自復每
班止輪五百赴鎮守備餘留永安城操練及備修理工役遇警
易於調遣兵部言邊關陵寢俱不可缺人防守宜量存八百
守陵餘仍輪番守鎮上令三衛官軍仍委永安城內外守
臣管領操練如舊輪番守鎮○陝西岷州衛拱卜等寺刺麻番
僧聖的剽藏卜刺丹等來朝貢馬并佛像等物賜珠段等物有
差○陝西整飭兵備按察司副使李玘奏岷州番人入境掠火
溝寨守備都指揮僉事韓春失於追捕事宜究治兵部議以春
固可罪但令禦寇之際方急用人上命宥之○壬戌裁革潯
州府同知通判經歷司知事照磨所檢校桂平平南二縣縣丞
主簿貴縣主簿各一員以民少役重故也○巡按陝西監察御

史江孟輪奏岷州番寇抄掠縱橫村堡空虛軍民荼毒頃令岷州衝指揮后泰與其弟通於今年正月間深入要寨開諭再三其生番思藏占藏割工三十餘族番酋一百六十餘人熟番衆林等一十四族番酋九十一人轉相告諭悔過來歸歸我虜人財至當應辦糧投宰牛設誓不敢再犯已令副使李紀從宜賞勞諭以朝廷恩威皆歡躍而去中惟熟番祿圓一族罪逆深重不服招安兵部因言番性無恒朝從夕叛未可輕信以弛防禦宜行令巡守邊臣向化者加意撫綏犯順者剋期招捕諜上報可○登亥賜沂陽王公緞本色祿米七百石王初封歲給祿米二千石內五百石本色餘皆折支至是以日用不給乞增本色二百石如臨潼王例從之○廷綏遊擊將軍署都指揮僉事許寧奏勇寇掠康家岔等處躬率官軍追出境外一百五十里勞

益力戰拒之守備馮家堡指揮隋能引兵來援奪獲虜馬兵
二十牛羊千餘及其弓矢等物兵部言虜既失利而去必圖報
復宜移文寧等益加嚴提備從之○夜月犯積薪及木星○甲
子南京都察院致仕左都御史石璞卒璞少仲玉河南臨漳縣
人由貢士授監祭御史克振風紀 宣廟東征漢庶人擢江西
按察使遷山西左布政使正統十三年拜工部尚書尋命贊理
軍務討雲川叛寇克之命兼大理寺卿景泰中加太子太保改
兼兵部尚書巡撫湖廣天順丁丑 英宗復位罷歸更辰復召
為南京都察院左都御史成化丙戌復致仕歸至是卒僅賜以
祭璫在江西振揚風紀斷決疑獄甚有時譽雖兒童婦女皆知
有石廉使名後遷山西太監王振蔚州人也乞恩祭掃祖塋璞
極力奉承之振遷陞為尚書天順初隨例勒致仕四年復起

長南京都察院堯荒繆濫始終如二人焉○逆賊苗老潭伏誅
老潭初隨賊首偽平定王苗彘等謀反爲官軍所敗潛遁清
水江其黨執送于官下湖廣巡按御史鞠治至是以聞命誅之
○夜月犯軒轅柳女星○丙寅翰林院編修倪岳乞歸省親許
之○陞和州知州劉隆爲南雅府知府從巡撫都御史滕昭薦
也○丁卯鎮守廣東太監陳瑄等奏兩廣稍寧從征達軍思歸
乞令分班赴廣揮守脚力口糧有司供給事下兵部議可 上
曰賊未盡寧遠軍豈可分班宜俱留聽調給與田屋差人并治
途應何口糧脚力送具家屬完聚令鎮守等官加意撫恤之兵
部位言達軍家屬多在南北直隸境內創買田屋撥之人情不
能不安土重遷乞遣官審問具不願者聽其棄乞量與絹布賞勞以
慰兵心 上是之復曰今既有家業不願者聽其達軍從征日

久敢若仍令鎮守等官量給官錢賞勞待賊平之日具聞○已
已貴州總兵官南寧伯毛榮等奏大霸王等寨久叛苗酋喬果
銀帶普朝六等俱以聽撫向化辦納糧馬兵部言屯海縣敵乃
其常事今雖暫聽撫安知其不而從心異宜移文內外守臣加
意安撫 上是之○磔達賊字哥羅於市以其犯邊抄掠罪也
○興化府知府岳正乞致仕許之正字季方順天府涇縣人家
世武職至正折節讀書進士及第授翰林院編修陞春坊右贊
善改修撰 英宗復辟吏部尚書王翱薦其可用召見命入閣
參預機務正辭不許因感激盡言不量可否然多泄于外時曹
吉祥石亨怡胤作威福勢焰熏天正極言不可不早圖且請自
往問二人以計去之二人聞而憾之適承天門災下詔正視草
有自責語二人遂指摘以爲訕諤貶欽州同知正母老不忍別

留滯旬日始就道被先所與爭田怨家囑行筆者發其事復還
繫錦衣衛獄備拷掠論戍鎮粵吉祥等敗治釋爲民 上復位
用御史言復還修撰充經筵講官入纂修史館兵部舉正性職
清理武選貼黃當國者惡之內批出正和興化府至是來朝親
乞致仕家居五年卒年五十五正家雋負氣博學多才識爲文
善煅鍊嚴整有法慨然欲樹功業于時守興化之所興作莆之
士夫多謗之始正遭際僅踰月每與人言恒自誇詡若柄用數
歲者及顛躓不偶識者謂浚恒起凶不容失身正得善終亦未
爲不幸云○辛未清明等遣駙馬都尉石璟蔡震分祭 長陵
獻陵 景陵 裕陵文武衙門各官陪祭○遣內官祭 恭
讓章皇后陵寢○帝西鎮安府龍州并上石思州各遣官族岑
景趙海壽來朝貢馬及方物過期賜詠幣等物例減其半○壬

申命右軍左督都劉玉前軍都督同知歐信仍掌府事○巡撫
廣西左僉都御史張鵬奏潯州府桂平縣地逼斷藤峽賊巢居
人連年被害事聞官乞將本縣儒學教諭訓導裁減生員併
入府學隸業使事平之日復設從之○登酉老憐衛女直指揮
勉力赤等來朝貢馬賜衣服綵段等物有差○命都督同知歐
信署都督僉事劉清生營管操○乙亥程廣西柳州府洛容縣
治於縣北之米寨○巡撫廣西左僉都御史張鵬以災異自陳
乞致仕不許○戊寅降南京兵科給事中朱清為四川布政司
照磨清生擅害軍職下獄奏上 上曰朱清以酒妄為難居近
侍可降二級調外任○兵部奏南京錦衣等衛共倒死官馬一
千二百餘匹宜選指揮使周海等二十五人究問為後秋成責
令買補從之○成安伯郭昂卒昂父亮以靖難功封伯加派候

兄歲饗時 仁宗皇帝特命製為候歲辛無子天順三年昂
仍襲伯壽六年命往南京管後軍都督府至是辛報朝一日
賜祭葬如例○己卯日色變白土霾四塞○禮部右侍郎葉盛
奏臣與刑科都給事中毛弘奉命會勘南京吏部右侍郎章綸
許南京都察院右僉都御史高明考察不公及南京給事中王
讓御史李英等劾論諸不法事具得其實當會考之時章綸不
能對衆執論從公考察後乃編執已見展轉頌讀高明亦不與
章綸誠心商確以致積念猜疑再三許奏既而奏覆之時又不
與諸司掌印官僉合同進二人俱宜建問其論所言欲留考退
卽中者孟時等三人黜見留左府經歷吳宣等十九人但考察
已定恐難紛更至於讓等劾論事亦皆不實俱下吏部議擬以
聞議入 上是其言章綸高明始置不問○庚辰修理南京承

天門○禮部奏本部右侍郎葉盛奉命體勘南京吏部右侍郎章綸所奏南京六部堂上官與六科給事中會官審囚坐決議得凡法司審囚三日給事中與公卿並坐於各分大體誠有未安但因仍之弊傳襲已久非止於今日王謙等之失宜禁革其將來查得在京法司凡遇會官審錄重囚俱於朝天門東西分為四行列坐公侯駙馬泊列于東班前行都督等官列於東班後行尚書都御史侍郎等官列於西班前行通政司大理寺佐貳官并六科掌科事給事中列於西班後行及禮部會議民情俱於闕左門東瓦房中序坐尚書左右都御史等官列於上坐侍郎副都御史等官照席對坐通政司參議大理寺寺丞等官列於東傍六科掌科事給事中列於西傍俱有次序南京法司衙門會官乞如北京舊令宜依盛等所擬程文南京文武衙門

遵守從之。○壬午賓四川松潘靖夷堡等處官軍人等十二員各賞欵絲幣等物有差以殺番賊有功也。○工部奏南京綸班各色人在難皆取以供應朝廷造作之用中間諳曉本藝者十無二三。以此先准南京工部左侍郎范理奏奪出備工價雇覓在京高手造作供應。經令三十餘年從此兩得其便。近該南京兵科給事中朱清奏更其例本部詳議以爲不諳匪藝之人若又容留在班不惟不得實用抑且有誤供應合仍舊爲便。仍行各處有司知會今後督令匠戶務要子孫世守其業。敢有似前仍解不堪供役重應故事者合先次議擬勘合事理問發化外乞軍從之。○癸未工部奏先因成造上用九龍九鳳搭亭并硃紅戲金膳盒等器本部一時造辦不全已依例奏推分半南京工部成造今南京奏稱地方災傷欲得量減乞從所言暫

使秋成陸續成造庶供用不缺而民間亦甦從之○巡撫山西右僉都御史李侃請回議事回京省母許之○湖廣荊州衛指揮使姜昇等奏都指揮使汪澤北以功陞都督僉事應取回京然澤蒞事久頗愜衆心乞仍留之兵部言都督係京官况澤已註前府帶俸宜令來京差操從之○夜廣東瓊山縣雨雹大如斗○甲申太僕寺奏六安州同知郭聰等因有詔宥免四年八月九月例死馬匹輟於兩月之間重報二十餘匹假以請囑爲各擅歛民財乞明正其罪兵部覆奏命逮聰等究治焉使杖成以漸追補從之○四川行都司都指揮僉事宮恒等奏屬衛所俱乏種馬此嘗議令軍人計丁買補終不及萬額無以孳生遇警缺用兵部回言馬政雖有例三年比較積弊多端其調愈虧是宜移文各都司衛所查覈洪武永樂間舊額并見在及新牧

增損之數或不足照依軍馬各寡買補應用如恆所奏舉行限
明年十月具實以聞報可

明憲宗純皇帝實錄卷之六十五

成化五年三月乙酉朔命故帶條大寧前衛都指揮同知王諒
子璽襲父原職奉衝指揮使○松潘副總兵都督俞璽能等
奏白馬路等處番賊頻年聚眾攻圍關堡劫奪人財阻塞糧道
請勅所司計議多方撫捕 上命四川鎮守總兵巡撫等官嚴
督所屬設法撫諭之如或負固不服量調官兵相機勦捕○丙
戌歲革貴州思州府照磨司撤各一員先是思州府知府王常
以本府要侵賊害事簡民稀乞併於附近銅仁府帶管事下巡
撫等官會勘民情多有不便者遂止裁革其官屬○湖廣荆襄
等處強賊殺掠人財燒燬房屋敵傷巡捕官軍巡撫都御史楊
瑄等以聞 上命瑄及分守左叅將王信嚴督所屬官軍設法
擒捕○戊子連賊潛伏河套出沒欲東隙入寇報至命正錄寧

夏日蕭亨處巡撫總兵官嚴督所屬整兵防禦○庚寅錦衣衛
帶俸都指揮同知俞哈剌老疾命其子興代其原職指揮使仍
帶俸○辛卯右軍都督同知盛廣老疾不任事命吳第惠代廣
原職大同後衛指揮使○命錦衣衛鎮撫司帶俸都指揮會華
馮晉子騰代晉原職本衛指揮使仍帶俸○命故隸州衛帶俸
都指揮會事張雄子雲金吾右衛帶俸都指揮會事許誠第清
俱襲原職本衛指揮使○錄平逆賊趙鐸功陞陟亡官軍七十
四員各俱一級賞滿斬賊級三各顆官軍一百一十六員各擒
斬賊級二各顆官軍一百八十三員名有差時趙鐸平已久而
行文考其功次冊未久報至是始以乘上故陞賞之○兵部尚
書白圭等奏寧夏左前二衛指揮仇理楊整領軍殺賊臨敵而
逃致賊徒死都指揮焦政等請下巡按監察御史究問 上曰

邊報方殷用人之際姑絃之待稍寧息完問○北虜幹失帖木
兒部下生亂其黨拜亦撤哈平章等率衆攻哈密任牧事聞兵
部恐其東掠入寇請命甘肅鎮巡等官嚴督所屬整兵提備從
之○士民琉球國中王長史蔡璟以祖本福建南安縣人洪
武初奉命於琉球國導引進貢授通事父襲通事傳至璟陞長
史至是奉旨照例賜誥封贈其父母下吏部以無例而止○擢
浙江淳安縣知縣鄧廷璿直隸刑臺縣知縣邢琬為太僕寺寺
丞直隸直定府推官吳冕為南京太僕寺寺丞○己未烏思藏
輔教王下薩藏等寺番僧鎔南倫竹等來朝貢馬及佛像等物
賜絲段數段有差○命太子少保吏部尚書兼文淵閣大學士
彭時吏部尚書崔忠戶部尚書楊為太子少保兼兵部尚書白
圭兵部尚書兼翰林院學士周輅刑部尚書陸瑜工部尚書王

復節察院右都御史林聰項忠禮部左郎中翰院學士劉定三
通政使司左通政楊樾大理寺左少卿舒輅翰林院侍講學士
丘濟為殿試讀卷官○南京大理寺右寺丞崔讓以母喪去任
○禮部奏陝西都司送到哈密等地面使臣哈只兒等各來朝
貢例應給賜但正統年間哈密使臣每下許朝一次多不過二
百人亦力把刀等處使臣三年或五年一朝每處不過十人已
勅所在官司及省諭其國王知會令遵例來朝不當給賜然既
到京宜量為處置以慰其心請勅賜其國王并行陝西鎮守等
官一體禁約從之○丙申免湖廣保靖宣慰使司土兵成化二
年實徵七分稅糧八百五十三石有奇以養調廣西及荆襄貴
州征進故優之也○丁酉修金山懷獻世子墳所香殿并囂垣
○戊戌賜故撫寧伯譚撫寧侯朱謙謚武襄從其子撫寧侯承

奏請也。○滿利加國王滿速沙兒遣使臣端亞媽刺的那答等
奉表來朝謝恩貢方物賜宴并綵段衣服等物有差仍命詹勅
及綵段等物歸賜其王及妃。○賞少監鄭忠南寧伯毛榮右副
都御史陳宜并旌校官軍及隨征文職官員人等綵段鈔緡有
差以貴州等處殺賊功也。○南京刑部左侍郎王恕以父喪去
任恕奏臣先任都御史巡撫河南適三年考滿蒙陞今職就使
赴任應得誥命未曾請給時臣父年八十有三且奏乞恩欲得
生前一日之榮吏部以臣未曾給由而止今臣父果不能有待
欲再求一日之榮不可得矣然人子之情寧能自己伏望 皇
上天地之心憫臣恩相給臣先任左副都御史應得誥命則臣
父雖沒亦得以所贈官題寫銘旌榮于殯葬光于泉壤矣詔特
免之。○已亥 上御奉天殿策試舉人費闈等二百四十八人

制曰朕紹承大寶圖底石手雖宵旰勤勵然績效罕著畧舉其
端詠爾多士擇材於文以理民拔功於武以馭兵也今銓衡空
壅衡所冒濫美以甄通之昔人所謂右利相均虛實相濟可推
廣而施煦歲無常祗者天之道土有常懷者人之情也今歟則
雜賈而則民徒美以綏輯之前代所行常平有法均田有制可
稽倣而為與夫兼賈文武以周一世之用哉成天地以遂萬姓
之安固濟時切務也若乃致治大道必有至言古之臣獻言於
君或得聖道之經而流於迂或得聖道之權而流於詠或辯美
而術不密或智矣而文不及今爾多士陳四者之務必宜于時
矯四臣之偏必合于道朕特覽而資治焉○命豐潤伯曹振永
順伯薛輔安表侯柳景都督同知鮑政佐近畿草場提督牧放
馬匹○辛丑 上親閱舉人所對策賜張昂等二百四十八人

進士及第出身有差○壬寅賜晉世子奇源嫡長子名曰衣榮
代府襄垣王第六子曰成鈺○宴進士於禮部命撫寧侯朱永
待宴○癸卯賜狀元張昇朝服冠帶諸進士贊執各五錠○衍
聖公孔弘緒有罪革職弘緒初為南京科道所劾下巡撫山東
都御史原傑按之悉得其非法用刑姦淫樂婦四十餘人勒殺
無辜者四人杖以聞命官會問坐以斬 上念宣聖之後特從
寬革職為民仍命巡撫等官會勘族內應襲者奏聞區處○夜
五色雲軒明暈月良久漸散○甲辰狀元張昇率諸進士上表
謝恩○陞南京總督糧儲都察院右都御史周瑄為南京刑部
尚書命南京戶部尚書陳翌代瑄總督糧儲仍理部事○乙巳
狀元率諸進士詣先師孔子廟行釋菜禮○丁未廣西鎮安府
等衙門遣官族黃輝等來朝貢馬過期禮部請照例減半給賜

從之。工部奏自通州抵天津衛河道淤塞漕運不通宜加疏浚。其自天津迤南直抵揚州一帶河道亦有淤淺宜勅總督等官通行疏通以便漕運。從之。戊申授第一甲進士張昇爲翰林院修撰。丁漕董越爲編修。其餘分撥各衙門辦事。賜福建按察司副使錢進山東布政司左參議江圻衢州府知府王高德安府知府周鐸誥命旌其善政。從巡按等官奏請吏部移文叢寶故也。改立南京上新河欽關於河北岸以舊閘近江泊舟風浪不便故也。命廣寧管操都指揮焦貴代都指揮崔勝備禦廣寧遼陽管操都指揮憂寧代都指揮王階備禦海州。兵部尚書白圭等奏四川雙橋兒等寨番賊聚衆入寇攻劫人民阻絕糧道皆守備指揮便節明不領軍應援提督都指揮龐福不用心巡督所致。其總兵官盧能參將周貴李文整師兵備

副使王用不能運謀設策俱當究治。上命巡按御史違問龐
福等能等姑宥之令用心撫捕番賊。○降監察御史胡深為湖
廣黔陽縣縣丞深巡按陝西適秋道縣民遺驢等捨擄私茶被
害者告于臨洮府追償而驢子自縊死驢弟誣府吏逼之以慰
于深深檄府究其事又為知府錢懋律非法杖其弟死驢慰于
朝乃二次朝乃大怒驢等為知府不為檢驗死者而執驢高杖
之亦死於獄事發有旨旨深不與伸理致杖死申訴人輩下刑
部以犯在革前請復職。上曰深酷刑如此何得復任憲職降
二級調外任仍如律追理葬銀付死者之家。○己酉忻王加冠
命太傅會昌侯孫繼宗持節兼掌冠太子以保兵部尚書白圭
贊冠兵部尚書兼翰林院學士尚書宣戒勅。○庚子孫平並試
滿四等口加太監秦剛米歲一十二石陞右副都御史王既為

大升俱為左副都御史都督同知白玉署右都督署都督僉事
林盛魯鑑俱實授都督僉事鑑仍署都督同知署都指揮同知
胡愷實授都指揮同知仍署都指揮使陸紀功員外郎劉洪為
兵部郎中支從四品俸價運糧儲署員外郎主事張眼為戶部
郎中隨軍監察御史鄧本端為陝西按察寺副使任佐江志綸
兵部主事閻諷俱俸一級其餘擒獲賊首從弁前後擒斬首級
都指揮僉事官舍等一十三人俱二級指揮使官旗人等二十
八人俱一級加賞擒斬賊首級陣亡被傷五百三十六人亦俱
一級前後擒斬賊首級奮勇當先被傷一千一百四十九人俱
署職一級加賞者二百人給賞者七千一十三人○禮部奏廣
西太平府龍英等州頭目趙四武等各奉表賀成化四年 萬
壽聖節冬至及今年正旦俱過期當治其罪 上曰主官係邊

方衙門姑宥之。禮部尚書姚夔言臣一歲喪父賴母甲屠氏撫教成人致有今日乃與妻子安享厚祿而置父母墳塋于荒煙敗草之間忽然忘情虐心誠有所不忍也伏望容臣給假一祭以展孝思依限供職庶得色於松楸之懷罄心畢力以圖補報詔曰國家政務責在六卿况卿老成富朝夕輔朕未可言私所請不允。○涼州右副總兵都督同知趙英奏先臣會川伯安正統間鎮守涼州蒙賜織金蟒衣猶在欲服之以壯邊人之觀上念其邊將特免之不爲例。○辛亥命楚府已故輔國將軍均璉均錦支過祿米俱免還官從楚王請也。○進士張壁贊閩陳斌蕭巽吳澤尹龍馬蘭喬維翰陳紀張晟李介王臣尹仁王錦徐諲方珪謝顯吳祚改庶吉士進學于翰林命侍讀學士陳鑑侍講學士丘濬教習文章大學士彭時等提督考校務令成

效以需他日之用命所司給紙筆款牒燈燭等物如舊例○命
南京福建道試監祭御史李錦實授○癸丑兵部奏成化四年
蠻賊糾衆往來兩廣地方行劫巡撫廣西左僉都御史張鵬會
同提督兩廣軍務左副都御史韓雍等統領官軍勦殺之由平
山廬村佛子峽口及六龍搖大山追勦搜捕斬獲賊首二百三
十四顆追回校勇男婦一百九十一人馬牛器械俱以百計上
以殘賊根株未拔仍命鎮守總兵巡撫官督同叅將守備巡視
等官嚴謹提備相機勦殺毋以小捷忘於防守

明憲宗純皇帝實錄卷六十五終

明憲宗純皇帝實錄卷之六十六

成化五年夏四月甲寅朔享 太廟奉 孝莊睿皇后神主詣
廟享祀○遣內官祭司竈之神○勅巡撫永平等處贖理軍務
右僉都御史閻本兼巡撫真定保定等府仍提督倉糧屯種時
大寧都司奏保定等府外道邊境內輔京師軍民降虜混處漫
無統攝卒有非法勢難禁戢乞設官巡撫事下戶部會廷臣議
宜命本自永平山海涿州抵真定保定閭隘營堡并河間天津
等處俱屬統理從之○乙卯復故前太子少師戶部尚書兼翰
林院學士蕭鐻為戶部尚書兼翰林院學士賜祭一壇天順初
鐻為權姦石亨所誣除名還鄉里至是卒其孫僕請視于謫例
優卹之故有是命鐻事實已見 英廟實錄○哈密王母孛溫
答失力自陳患病乞藥 上念遠夷特賜之○丙辰賜江川王

衛燭內使二人從其請也○毛憐等衛女直都指揮哈兒禿等
采朝貢馬及貂皮賜宴并襲衣綵段等物有差○廣東市舶司
奏有番舶被風吹至九星洋審知是琉球國所遣使臣來貢者
皆欲貿易土貨往福建造船回國禮部覆奏宜移文廣東巡撫
等官嚴加譯審果無虛詐方許貿易仍諭各夷今後進貢務由
福建故道且禁約下人不得因而侵損失彼向化之心從之○
丁巳江川王徽燭言庶子音堉音塾歲祿各一十石米鈔兼支
但武岡邊境鈔關不行乞全給米事下戶部議湖廣連歲早饑
稅入數少全給為難 上命於折色內各增給米一百石○賞
巡按陝西監察御史江孟綸整飭兵備按察司副使李玘守備
岷州都指揮僉事韓春各綵段一表裏并有功官軍七十二員
名指揮每員鈔六百貫綵段一表裏千戶鈔五百貫綉三匹百

戶等官鈔四百貫緡二匹總小旗鈔三百貫緡布各一匹軍舍人等鈔一百五十貫布一匹奇功者本賞外加賞一倍以平陝西岷洮州番賊功也○兵部奏廣西斷藤峽等處及廣東木頭等峒強賊流劫燒燬公廨殺虜人財及古田靈川等縣強盜作亂鎮守太監王定巡撫右僉都御史張鵬等督調官軍截殺未見奏功宜通行鎮守總兵巡撫等官設法撫捕務靖地方毋貽後患從之○戊午械正一嗣教大真人張元吉至京下刑部獄法司擬罪凌遲命監候處決元吉凶暴貪淫專恣不法僭用器物擅考制書以威其鄉族左右承順其意徃徃強奪良家子女詐取平人財物其尤甚者有小忿輒指以為偽造符籙箬之至死不死下之私獄其獄幽暗備諸慘酷或縊殺之或囊沙壅面壓死之或縛而投諸深淵前後凡殺四十餘人至有一家三人

者人畏其威莫敢控訴有縣學生蔡讓者不勝憤怨因巡按御史趙發策詢及民瘼遂以元吉過惡條陳故亦未敢問也元吉蓋無忌憚為惡滋甚其族人張留煥輩自度必死其手因赴京具奏 上特命官往勘俱實械送元吉等至更命法司會官廷鞠之元吉具服於是刑部尚書陸瑜等奏張氏遠祖道陵自以修鍊為術清虛為宗主張玄教其言無稽天豈有師繆崇其其號子孫相傳遂為故實至援引漢張良以為所出自前代間有官封然亦不常至宋以來加以真靜先生等號而猶未有品級胡元入主中國始有封爵令視三品戎朝革去天師之號止稱真人延至于今子孫不肖往往爭襲致成齟齬今元吉所犯律當凌遲處死其妻子當流其黨有當斬絞者且其先世無功於國無補於世宜絕其蔭封以扶植正教仍籍其族而徭役之

無令印行符籙以誣惑斯世并毀其府第革其所設管勾都目諸人奏上上以元吉情犯深重如法司所擬監候處決其妻吳氏革玄君之號與其子玄慶俱免流惟廢封焉祖宗舊制仍擇其族人以授後敢有妄稱天師印行符籙者重罪之不宥說者謂張氏之禍起於符籙禁之誠是非但正元吉之罪實有以杜後來惑世起亂之端惜當時失於執論不能絕其根源其徒奉行自若也○庚申賜濬府遼山王子名曰詮鎖○開設四川樂至縣僧會司○贈國子監祭酒李時勉為禮部左侍郎改謚忠文賜諡命時勉先謚文毅至是其孫顯奏時免歷官四朝曾效勤勞請如吏部侍郎曹鼐之例改謚加贈上曰時勉在先朝直言敢諫於忠無忝矣毅不足以盡之具改謚曰忠文加贈如例雲南緬甸宣慰使司宣慰使卜刺浪遣陶孟判牙

等來朝貢金銀器皿象牙等物賜宴及襲衣綵段等物有差仍命刺牙等齋勅并文錦約絲紗羅等物歸賜卜刺浪及其妻○辛酉命以龍江鹽倉檢校批驗所收集餘鹽四十五萬二千餘斤折充南京文武百官俸每米一石折鹽八十斤○壬戌詔給還代王要家莊地三十一頃有奇先是代王言曾祖代簡王開墾城東要家莊荒地三十一頃二十畝起坡莊地二十頃五十八畝永樂十四年俱併入牧馬草場今馬不復出牧乞仍給還事下戶部言牧地已改置屯田起坡莊有東西二處王已占種西莊地其頃畝與東莊相等不須別給所請要家莊地可於屯田隙地內如數給還故有是命○兵部尚書兼大理寺卿程信乞歸養病詔令在京調理不必停俸蓋常制京朝官以疾在告踰三月者皆停俸去○癸亥建州三衛達賊糾衆欲入境搶掠報

至 上勅鎮守總兵巡撫官整兵防禦之○甲子陞吏科都給事中沈珪為大理寺少卿○錄工部右侍郎黎叔林子世榮為中書舍人叔林交趾人父澄季榮之子蒼之弟以倭至 大皇帝赦之授以官專督造兵仗局銃箭火藥終工部尚書叔林繼之仍督造軍器至是請官其子世榮于京便養 上念其遠人俯從之○乙丑兵部奏陝西都指揮使鄭雲指揮僉事苗玘請虜衛指揮使常瀟都指揮僉事羅敬韓英署都指揮僉事黃玘俱以征勦土達滿四等獲功例陞賞但雲等先因失機令賊罪殺賊至是有功仗乞裁處 上曰雲等既係殺賊贖罪該陞者給賞該賞者罷○御用監左監丞龍閏娶南和伯方瑛妾許氏為妻事覺 上曰在昔帝王以內官給事內廷以其絕生道無外覲也今閏在外娶妻何異常人其即離異閏仍送司禮監

虜治之○遼東都司都指揮同知白欽守備撫順城虜數入寇
殺掠人畜甚衆坐不能制禦降二級本衝帶俸差操○丙寅兵
部右侍郎王偉卒偉字士英湖廣攸縣人隨父伯靈謫戍宣府
年十四 宣廟北巡獻安邊頌命補保安州學生舉正統丙辰
進士改翰林院庶吉士授戶部主事甚有時譽正統己巳虜
犯順命偉行監察御史事糾集民壯守廣平遣兵部職方郎中
時邊圉多事文移填委偉援筆立就皆中機會少保于謙專任
之引使佐己擢兵部右侍郎命出視邊常器具方畧以上虜有
小田兒者本中國人降虜虜為邊患多出其計偉受謙密計至
陽和城見其隨虜入貢行差後仗勇士于道執而斬之給虜曰
彼思其親亡去矣自是邊患稍息天順初偉為石亨所構免官
歸成化三年復召為兵部右侍郎初亨攝于謙等黨逆鑄板榜

示天下至是偉以為言乃并毀之五年以病乞歸命還家養疾
疾已復來道濟寧卒年五十三賜祭葬如例偉性穎敏善議論
尤熟於邊事但頗任智敏而急於仕進在兵部嘗揚于謙短謙
語人曰王士英寧憂不得吾此位耶何用汲汲如此○丁卯給
四川太平長官司印先是其地為流賊所據至是削平建官故
給之戊辰詔給恭順侯吳鑑全祿鑑襲曾時年八歲命給祿米
之半至是出幼其母李氏自陳故全給之○命故福建都指揮
同知劉寬子欽襲父原職福州右衛指揮使忠義後衛帶俸都
指揮僉事魏德子滌直隸廬州衛帶俸都指揮僉事劉廣孫瑛
俱襲父原職本衛指揮使○己巳 仁祖淳皇帝忌辰 奉先
殿行祭禮○朝鮮國王李暉遣陪臣洪允成等奉表來朝首馬
及方物謝恩賜宴并金織衣綵段等物有差○庚午命故府軍

右衛帶俸署都指揮僉事徐榮子立襲父原職指揮使○烏思藏吞藏王南渴堅梁遣番僧南倫竹等由陝西洮州入貢至是連章乞如四川入貢例賞賜奉下禮部以烏思藏經陝西入者賜例從輕若從所請恐乖禁例失信外夷合量加到京番僧衣一襲鈔五十錠茶五十斤存留番僧有馬者紵絲一匹茶二十斤移文彼處鎮守等官省令各夷今後務遵勅書榜例不得仍前故違從之○虜寇入大同境殺傷官軍許海等三人射傷千戶李劉等三人巡撫都御史王越等以聞 上命大同宣府鎮守總兵巡撫等官嚴兵防禦勦殺之○辛未陞錦衣衛百戶田廣總旗胡禎等七人俱一級以擒獲妖賊于文演等功也○命榆林城把總都指揮使神英充右叅將分守延綏東路地方○命四川龍州宣撫司副使李胤實分守大慶衛州等處地方僉事王

鑑分守白馬路等處地方○壬申命貴州都指揮僉事王通掌都司事守備清等衛都指揮僉事張驥同理司事都指揮僉事王聚守備平越清平興隆新添龍里黃坪六衛所都指揮事李順守備普定普安安南安莊威清平壩六衛都指揮僉事趙晟代李順管操從鎮守等官推舉也○龍州宣撫司番蠻頻年出沒巡撫四川右副都御史汪浩等以聞上命留松潘備冬土兵操守本州賊平之日仍往松潘備禦○刑科都給事中毛弘等奏張元吉朋擬獄或與其黨胡老仔等俱奉旨監候處決切惟祖宗舊制凡犯十惡強盜決不待時今元吉于十惡之內干犯四五加之殺人數多貪淫無比使監候日久萬一死于獄中全其首領恐無以泄神人之憤乞即押赴市曹誅之庶足以明朝廷之法不少假借奏上命監候如故○癸酉命故錦衣衛

帶俸都指揮僉事他那帖木兒子長受襲父原職指揮僉事仍帶俸○甲戌巡撫四川右副都御史汪浩等奏白草孳蕃蠻糾合黃頭勒都等竊蠻二百餘殺虜人財欲行攻劫龍州等處分守都指揮劉端守備指揮王瑁等不能嚴謹防守擒勦俱屢失機請究治之上命巡按御史完朋劉端知律仍命鎮守總兵巡撫等官并鎮守松潘副總兵副使等官嚴督所屬官軍用心撫捕○乙亥 仁祖淳皇后忌辰 奉先殿行祭禮○命故陝西署都指揮僉事周璽子堂襲陞西安前衛指揮同知璽原任指揮僉事以於固原殺賊陣亡故堂以例襲陞一級○丙子夜東方流星如盞大光明燭地自天津東行室宿尾跡炸散○丁丑命故伏羗伯毛忠孫銳襲爵歲給祿米一千石本色四百石折色六百石○授胡恭為申書舍人恭以母恭聖夫人乳保功

奉旨於中書舍人召守至是期滿自陳故有是命○戊寅中書舍人黃程等奏朝廷頒賜中外諸司官誥勅所以報其勞而勵其後也見今收貯永樂宣德間以來寫完誥勅一千餘道年久蠹損濕氣蒸腐蠶卷有剥落者乞令所司查照各官子孫并親故俾代領之下吏部覆奏從其議○己卯給遼東備邊銀四萬兩及合廣寧等倉開中長蘆福建兩淮運司鹽五十九萬引每引米豆中半輸納廣寧前也等倉則例長蘆鹽三斗福建四斗西淮一石二斗其定遠寧遠三萬遼海鐵嶺等倉各以其道里遠近增損有差從巡撫右副都御史彭誼言屬境饑荒軍儲缺乏改也○庚辰賜滿刺加國正副使端亞媽刺的那答等十二人金銀帶紗帽有差○南京監察御史楊智以郊祀赴內府光祿寺覲視齊宿時日已暮禁門閉不能出有內臣邀宿其家飲

酒明日始出門官發其事守備官具奏有音械赴京問擬如律
上以祭祀重事而智不謹有玷風憲特降三級為廣西布政
司照磨○山東氏劉得雲以賣藥為業嘗從妖人孔景順得金
璋紫綬等書及龍鳳勘合符印與州人傅觀謂人藏此能免災
難後復誣仇家孫智欲聚兵謀反諸繆妄語遁者獲之以為己
功且謂其別有妖書數種同上至是獄成併其黨擬罪○皇子生
賢妃栢氏出也禮部奏春秋子同始生即書于策重國嗣也
皇上即位六年于茲天下臣民宗藩親王仰期聖嗣非一言矣
國家根本端在于此宜詔天下用慰人心 上曰姑置之○改
陞金吾右衛指揮使蔡英為都指揮僉事以英斬賊獲功當陞
而有司失於銓注故也○司禮監奉御韋貴奏奉勅修理太徽
太和山宮觀及橋梁道路乞免守禦所旗軍差役兼同餘丁專

給工役 上允其奏仍勅貴及叅議王豫督工務在完固其調
用官軍一應差役悉與優免

明憲宗純皇帝實錄卷之六十七

成化五年五月甲申朔遣隆平侯張祐駙馬都尉周景富陽伯李輿懷柔伯施鑑保定伯孟昂爲正使工科又給事中陳峻戶科給事中鄧山刑科給事中王誼戶部郎中劉友禮部署郎中事員外郎彭彥充爲副使持節封河南登封縣主簿馮清女爲伊王妃晉王第四子奇澗爲襄陰王周府原武安懿王庶長子鎮國將軍同繼爲原武王韓王第三子偕澗爲彰化王岷王第三子齊銀爲充城王河內祥符縣致仕僉事李彬女爲上洛王妃西城兵馬副指揮梁紀長女爲魯陽王妃西城兵馬副指揮任賢長女爲內鄉王妃○乙酉吏部尚書崔恭以母喪去任○丙戌楚王均鉞奏弟東安王均鈺與幼弟鎮國將軍均鈞同居均鈺性躁急凌侮均鈞及其生母吳氏至使衣食不給臣不忍

其母子失所欲暫移就府中閒第居之撫養教誨俟至長成出
閣議會庶不失孔懷之義 上允之仍降勅戒諭東安王曰得
禁王奏知爾視弟均錮母子藐如途人雖爾母兄勸諫亦不見
從孝友果安在哉宜痛加修省速改前過不然罪將及身悔之
晚矣爾其戒之○陞南京府軍衛正千戶趙鍾高指揮僉事仍
于本衛帶俸鍾駙馬都尉輝之孫輝自陳歷事六朝屢劾勞動
故有是命○覆考黜退知州余靖等三百三十五員留巡檢聶
再昌等九十一員先是吏部奉詔考察官員而靖等方待次吏
部各以年貌衰憊素行不謹退之或給散官或令致仕閒住而
再昌等累奏尚書李東偏執已見任意黜陟連章不已甚至數
十成群號呼道路至是侍郎尹旻等請會都察院覆考再昌等
年力未至衰老故留之○陞胡廣房縣千戶所小旗艾能試所

鎮撫先是賊首石和尚劉長子就擒能誘劫之功為多紀功者者失於闕報止以健步給賞至是能愬于朝令撫寧侯朱永勸實永言能誠有功宜量陞以為後勤從之○廣東南海衛指揮同知周瓊守廣西藤縣因公致死撞兵二十二人御史羅明生以故殺斬都御史林聰言其情有可矜宜量為降調上從之降為涇州衛正千戶○乙丑命故浙江都指揮僉事高舉孫山襲其原職杭州衛指揮同知○革貴州鎮遠府司獄司以邊方訟簡從守臣所奏也○庚寅陞南京錦衣衛冠帶總旗李智所鎮撫智太監李秉弟先以軍功得總旗至是秉言智嘗入粟授從九品散官乞量授武職事下兵部言智所授散官非實職今獲功一級於例止宜陞冠帶總旗而以散官終身上如秉所乞陞之○甘肅右叅將都督僉事白金初往甘肅時奏帶食茶

往用其從行者因各齎私茶以求售中途為人盤詰巡茶御史
奏發其事命俱宥之沒其茶入官○辛卯陞吏部右侍郎尹旻
為本部左侍郎改禮部右侍郎葉盛於吏部陞都察右副都御
史原傑為戶部左侍郎陳宜為兵部右侍郎翰林院侍讀學士
劉吉為禮部右侍郎仍侍經筵左布政使翁世資秦敬為右副
都御史仍食從二品俸世資巡撫山東敬貴州○命應天府以
官庫銀百兩給南漳郡主上言臣父郅王及母妃薨時臣年甚
幼 太宗皇帝有旨郅王餘貲恐為外人所侵命有司取而藏
之待郡主長成給與是時遣內官至府籍記金銀器物進入寄
留內帑宣德間蒙選儀賓周顛成婚後累章上請未蒙給與乞
命典藏者檢籍給賜庶得養老以終餘年 上以內帑寄物久
難稽特命應天府官庫給與之○復漢陽府知府孔公恂為南

京唐事府少唐事先是公恂高少唐事言事為科道所劾下獄
調知漢陽府尋以父憂去任後學士商輅建議自元年以來凡
以言降調者皆復其職吏部舉奏公恂亦係因言降官之數有
旨公恂既守制且罷至是公恂起復至京因復其官○命湖廣
都指揮僉事范琦子鑑代父原職為衛州衛指揮使○壬辰禮
部左侍郎兼翰林院學士劉定之以久病陳乞致仕 上不允
日卿宜調治俟痊可供職○癸巳 太祖高皇帝忌辰 奉先
殿行祭禮駙馬都尉趙輝承命祭 孝陵○乙未 仁宗昭皇
帝忌辰 奉先殿行祭禮遣駙馬都尉石璟祭 獻陵○太監
許安傳奉 聖旨譯字教師光祿寺署丞梁能陞禮部員外郎
鴻臚寺主簿張春沈達譯字官沈銓俱書舍人○宣府副總兵
都督僉事張瑤老不任事命其子副千戶錢代父原職大同後

衛指揮使○丁酉賜秦府沂陽王第三子名曰誠洙○錄平兩
蠻賊功賞太監陳瑄王定右副都御史韓雍右都督和勇都督
同知歐信都督僉事廉忠都指揮夏鑑葛宗蔭僉事陶魯俱從
厚餘獲功陣亡被創官軍土兵民快人等凡四千二百六人陞
賞有差時兩廣地方連年用兵田里荒蕪人民凋弊蹂躪千百
成群如入無人之境而守土官軍動以捷奏虛張名數陞賞日
加而盜賊縱橫如故云○戊戌陞錦衣衛帶俸指揮僉事李謙
署中都副留守○命故陝西行都司回回都指揮僉事哈三子
法虎兒丁襲父原職甘州中衛指揮使○己亥申明大理寺叅
朋刑官舊制南京大理寺左評事張珏陳言大理寺之設所以
審錄刑部都察院鞠問罪因其間或擬罪不當者一再駁還並
令改擬或仍不當許叅朋刑官此係舊制近見南京法司多徇

私意或執偏見動輒嚴刑以威囚犯平人畏懼輒相誣服或本犯後至逼就成獄往往情罪不合致人稱寃追及駁改而其人受淹禁迫切之苦亦甚慘矣刑官玩忽舊制恣意出入至於不可掩飾亦止於改正而無罪乞自今許本寺叅問大理寺卿王際震奏從之○兵部奏去年冬虜寇入河套時延綏精兵調征固原未返宣府遊擊將軍署指揮僉事許寧提孤軍猝與寇遇於孤山堡等處三敗之自是賊勢稍衰竟渡河以比時太監秦剛署都指揮僉事房能率兵策應戶部主事李雄奮勇督陣其餘斬首當先陣亡被創官軍共二千五百人俱宜論功陞賞上命實授寧都指揮僉事賞秦剛房能及李雄其餘官軍俱陞賞有差○辛丑命禮部左侍郎萬安兼翰林院學士入內閣叅與機務○賜故太子太保吏部尚書燕謹身殿大學士王文祭

時文之子戶部主事宗彛奏臣父與故少保兵部尚書于謙俱被石亨等挾私誣陷以死今謙已蒙朝廷昭雪賜祭獨臣父未蒙恤典章下禮部覆奏以文與謙事體相同亦宜與祭 上命賜以祭其文曰爾歷長憲臺庶能素著迨遷館閣秩位益隆頃罹誣構事久乃明追念前勞宜中恤典特茲遣祭尚克欽承○賜改都察院左僉都御史楊信民謚恭惠信民正統中任廣東布政司叅議甚得民心黃蕭養之亂拜僉都御史討賊未幾病卒廣人祠之至是其子瑗陳乞贈謚事下禮部覆奏特賜焉○甘肅總兵官定西侯蔣瓌奏有男子自虜中走還云有瓦刺虜酋拜亦撒哈率衆四百人皆披甲至哈密城中屯聚令哈密人奉使入貢私覘虛實約寇赤斤肅州先是瓌等又言以加思蘭率回萬騎至把思閣屯駐其拜亦撒哈及弩温答失力之人俱

已服屬欲令二酋鈔畧沙肅諸州兵部言卽加恩蘭縱橫諸番
中實西北勁敵近年踪跡無聞今一旦傳報糾合醜類屯駐邊
境哈密九刺二部既聽指揮蜂蠆之毒必逞于我不可不為之
防 上勅鎮守總兵巡撫等官飭兵防禦之○浙江定海衛副
千戶王鑑言倭夷姦諳時來剽掠海邊見官軍追捕乃陽為入
貢伺虛則掩襲邊境往者大嵩嘗被其毒近見使臣清啟入貢
臣恐使回客有異謀或為掩襲之計乞勅鎮守總督巡海等官
設策防禦之兵部因言邇者倭使清啟凌轡館僕殘殺市人迹
實繁驚鑑言誠當宜移文備倭巡海等官令督綠邊官軍務振
軍容嚴斥候以防其姦從之○壬寅成山伯王琮卒琮成山侯
通之子通坐交趾事除名正統己巳復起為都督同知景泰辛
未卒琮襲為 景陵衛指揮僉事 英廟復位詔天下凡功臣

失爵者皆復之。琮襲封其祖真。當降一等。為伯。五年充總兵鎮守遼東。補立戰功。成化三年署南京後軍都督府事。兼理孫江。至是卒。遣官諭祭。命有司營葬于鐘嗣。○癸卯復元臣賽典赤廟祀于雲南。元時賽典赤守雲南。興水利。以溉田。崇學校。以勸士民德之。其沒也。廟食其地。國初平雲南。有司不廢其祀。迨正統間廢之。至是鎮守總兵三司等官言其有德於民。宜在祀典。事下禮部。覆實請修廟。復祀從之。○甲辰都督僉事常榮卒。榮濮州人。襲世職。為大興左衛指揮使。六年討麓川有功。進都指揮僉事。尋陞同知。景泰元年禦胡寇于真定。陞都指揮使。天順五年誅曹欽。陞都督僉事。佐理前軍都督府事。至是卒。賜祭葬。如例子。鑑襲其原職。指揮使。○乙巳宣府總兵官都督同知顏彪等奏。韭菜洋川諸墩。驟見虜騎。千百成羣。出沒境外。亦有近

墩通譯言高桑顏衛奄可中 兇隨草逐獸者 上命兵部移
文鎮守總兵巡撫等官飭兵防禦○義勇左衛指揮使孫寧等
後占軍士幾百人為屬吏所發命執付法司究治生罪如律○
丙午復瑞州府同知趙昂通政司右叅議開住昂以交結內侍
王綸罪調瑞州至是援錢溥朱奎復官例奏請故有是命○丁
未陞保定後衛帶俸都指揮使馮昇為都督僉事前府帶俸以
從征斷藤峽功也○迨西運魯檀阿力王及倒刺坎妻各奏求
海青鞍馬蟒龍衣綵段器用等物禮部奏以違禁之物與非土
產者難允其請其餘惟 上所命因命各賜之綵段布帛有差
○巡撫南直隸左僉都御史邢有奏近奉勅往兩浙清理鹽法
披塩商皆稱嘉興人張宗亮等二十餘人號稱把頭老虎白賴
等名目專制鹽倉批驗所事例分財物有七八犯者此輩挾持

官府朋害客商阻壞鹽法累惡不悛不可以常例處乞併其妻
子逮發徼外爲便從之○庚戌復除福建按察司僉事朱殺于
于山西管理屯田○宥都督僉事盧能罪能鎮守松潘巡撫都
御史汪浩劾其貪懦無爲而瀘州衛千戶夏正許其受屬衛私
賄諸狀能因令吏馳懇朝章下兵部言能不改行思報而乃誇
誕文過輒用印記起符驗遣吏馳奏請究治其罪 上是其言
既而宥之○壬子增設陝西延安府清水倉

明憲宗純皇帝實錄卷之六十八

成化五年六月癸丑朔日食先是禮部舊例遇日食救護則免朝是日日食在午時早朝免否未敢定擬上仍命視朝○南京大僕寺奏印記過應天鳳陽諸府滁和諸州成化三年分孳生追償馬驪并駒一萬六百餘匹○甲寅遣內官祭中雷之神○謫寧遠伯任壽右副都御史陳价廣義伯吳琮成邊都指揮劉清指揮馮傑俱處斬琮以會征土達滿俊臨陣先退被逮至京與壽等通問會陝西鎮守巡撫等官勘至壽等失機事皆實清等先激變且失機法司重鞫俱坐以斬罪獄具上命壽琮价免死械送兩廣貴州邊衛充軍清傑依律處決○乙卯禮部奏宗室本支蕃衍每有喪禮所用謚寶冊銘旌明器俱下工部妾所司制造累月不成比成遣官齎送或已不及葬期虛糜工

料有孤恩與今古倉都御史李保言各王府表具絡繹道官道路供億甚為煩費欲併與掌行喪禮等官順齋事體為便宜從定擬凡親王郡王謚寶冊仍下工部所司促辦付掌行喪禮等官齋去其明器宜令工部具例品式下所在有司就彼製造給用庶事易就緒人不煩擾詔可○賜故南京刑部尚書耿九疇謚清惠九疇子裕為翰林修撰上言先臣歷事四朝出入中外三十七年廉潔忠誠始終一節憤惡疾和奮不顧身以官以行法應得謚乞下所司議擬定謚以彰國家激勸之令與於是禮部覆奏上命與之因諭禮部臣曰謚法當時自有公論今後已往者不許陳請○丙辰翰林院修撰陸欽奏乞還原籍養病許之○丁巳兵部奏虜入遼東寧遠灰山堡殺掠人畜備禦都指揮田剛等怠於防禦當坐以失機罪其備禦都指揮僉事崔勝

號令不嚴宜令戴罪殺賊以贖前過從之○己未改直隸保定府廣盈倉為清苑縣預備倉廣盈左倉二處為左右二倉廣盈右倉一處為草場以便積儲從巡撫右倉都御史閻本奏請也○庚申以禮部尚書姚夔為吏部尚書夔上奏辭免上曰卿才識老成特茲簡任宜勉修職業副朕至意所辭不允○召南京禮部尚書鄒幹至京陞國子監祭酒邢讓為吏部左侍郎翰林院侍讀學士陳鑑為國子監祭酒改南京工部左侍郎范理為南京吏部左侍郎陞南京吏部右侍郎章綸為南京禮部左侍郎通政司左通政蕭葵為南京工部右侍郎南京大理寺少卿夏時本寺卿○辛酉上諭法司臣曰今天氣炎熱兩法司并錦衣衛見監刑罪囚凡徒流以下宜即時處治其罪其罪犯深重情可矜疑并枷項示衆者並具錄以聞○癸亥封前軍

左都督和勇為靖安伯歲支祿米一千一百石本色五百石折色六百石先是勇自陳充遊擊將軍同總兵官都督同知趙輔等征勦西廣流賊攻取斷藤峽等處賊寨擒斬賊衆并奪回被虜人口已經捷報班師獨留臣在彼駐劄一年斷藤峽賊首侯鄭昂復叛臣仍統領官軍親臨賊巢斬獲賊級生擒鄭昂等又俘獲被虜男婦四千三百餘人并奪回印記五顆亦已捷報召臣回京今趙輔加封伯爵臣與輔等効勞相同而又多後項功次止陞一級乞憫臣微勞量功陞授詔兵部看詳以聞於是兵部言輔等封爵出自特恩勇先若都督陞左都督加俸一百石近又從厚給賞未敢別有所處 上以勇兩次有功乃封流伯○甲子復除按察司僉事胡榮于廣東仍提調學校○廣西流賊入廣東陽春縣城燒毀廬舍倉庫殺虜官軍人民鎮守廣東

右都督馮宗以聞兵部言失機指揮僉事李斌等俱宜論罪如律其馮宗及巡撫都御史陳漁鎮守太監陳宣游擊將軍都督廉忠覽全嚴罪亦難恕 上是之惟馮宗等姑記罪令用心勦賊再犯不宥○乙丑禮部奏海西考郎兀等衛野人女直都督撒哈良等貢海青及鷹令內府鷹坊司辨驗海青四十一連乃免鶻鷹二連乃鶻鶻宜量給絹布以勞之仍令通事戒諭撒哈良等今後不許仍前冒進希賞從之○南京右僉都御史高明言竇者鹽徒王胡子艾英就擄實鎮江衛正千戶李隆小旗董思之功宜量加陞用以為將來之勸命各陞一級○夜北方流星大如盞赤色光明燭地自勾陳旁西行至天紀尾跡炸散○戊辰戶科右給事中李森言伏見今年六月朔日有食之又聞廣東瓊山縣閏二月中颶風橫發雨雹如斗此皆陽微陰盛之

徵上天垂戒之意惟修德圖治克謹天戒則雖有其變而無其
應矣臣謹據一得之愚條陳十事惟 陛下留意焉其一曰正
心二曰講學三日親賢四日無逸五日納諫為修德之要六曰
重民七日恤軍八曰用賢九曰選將十日抑奢為行政之目疏
入 上嘉納之己巳陞雲南布政司左叅政張軾為江西右布
政使陝西右叅政朱英為福建右布政使監察御史袁愷為廣
西左叅政廣西按察司僉事袁凱為本司按察使刑部署員外
郎謝陞南京監察御史顧以山監察御史王瀛俱僉事潤浙江
以山河南瀛陝西從吏部會三品以上官舉也○南京錦衣衛
百戶袁宰奏南京近多賊盜守備等官別有職務乞命大臣一
員專理其事下刑部議頭盜安民守備等官先務也乞移文諭
之仍選巡視御史一員嚴督五城兵馬司并錦衣衛軍校緝捕

一如舊例或守備官別有長策自當議行從之○太僕寺奏金
吾等衛并直隸河南山東成化四年分羣生追償馬騾駒之數
凡二萬九千二百五十匹○壬申巡撫陝西右副都御史馬文
升奏岷洮二州竊遁蕃族寇入之路頗多而寨隘空闊難於防
禦其屯住軍民亦各散亂寇輒乘夜剽掠或白晝於僻地邀劫
行旅岷洮二衛官旗坐是失機左降殆盡然情實可矜今隣住
多那諸簇雖已聽撫然夷情巨測不可不防請於緣邊蕃寇出
沒之地修築寨隘及軍民屯堡有警互相應援併力邀擊則守
禦有方而官軍可安其職詔從之凡新 堡五十餘所○癸酉
南京工部右侍郎范理奏乞歸原籍養病詔以理年未衰老不
聽○甲戌旌表孝子吳宗等二人節婦尤氏等三十四人宗山
西壽陽縣人父母沒各廬墓三年焦鑑大同府學生父沒廬墓

有白狐遊狎墓側野蠶作繭離落間俱旌其門曰孝行尤氏應
天府上元縣民唐思敬妻馬氏民徐善妻李氏民全鏞妻杜氏
直隸內丘縣民劉廣妻張氏民喬景宣妻鄭氏縣學生段福妻
余氏祁門縣民汪舍芳妻陳氏民汪軫妻杜氏民汪永祥妻汪
氏民張希用妻陳氏民程克良妻浦氏長洲縣民陸墳妻矯氏
吳縣民郁信妻於氏當塗縣民朱恒妻周氏繁昌縣民徐晉妻
張氏望江縣民王寬妻蕭氏涇縣民趙敬忠妻史氏潼關衛官
舍吳錦妻周氏浙江慈谿縣民沈愚妻沈氏民周迪妻黃氏奉
化縣民韓彬妻丁氏餘杭縣民盛治妻劉氏麗水縣民王漢妻
胡氏江西豐城縣民龔大邦妻趙氏福建泰寧縣民江顛妻石
氏河南歸德州舉人范俊妻梅氏湖廣龍陽縣民伍景妻孫氏
山西五臺縣民陳紀妻焦氏大同縣民高景妻信氏開喜縣民崔崇妻

張氏民崔振妻武氏路州衛百戶王榮妻王氏陝西平涼衛軍張旺妻
祿氏秦州衛軍尹政妻皆以早寡守節而祿氏尤峻夫亡時年
二十五既葬其夫鄉人屢勸其他適至剪髮刺目堅執不從俱
旌其門曰貞節○巡按直隸監察御史張璉奏居庸關隆慶涿
鹿中衛守禦白羊口後千戶所其地俱近京師軍人少有爭訟
輒相走告所逮人衆久未結證有妨守備乞自後詞訟俱送巡
關御史問擬事下刑部議以其言可行但其間有不妨守備者
仍須本部問擬或事係違法重情及預巡撫鎮守巡按等官者
本部叅詳處治為便從之○乙亥靖江王佐啟薨王悼僖王之
子也母妃朕氏永樂甲申生九年襲封為靖江王至是薨年六
十有六訃聞輟朝一日賜祭葬如制謚曰莊簡○陝西都指揮
使王裕為事革職其子英例應代其原職涼州衛指揮同知兵

部以英嘗生宿娼奏降一級為指揮僉事於邊衛叙用○丙子錄大同殺賊功陞奉御張普林都指揮僉事張瑛俱一級賞太監覃幾章正彰武伯楊信銀十兩綵段三表裏都督僉事徐恕右副都御史王越銀五兩綵段二表裏都指揮以下官及旗軍人等共三千八十六員名各陞賞有差○毛憐等衛女直都指揮額黑充及兀罕住等來朝貢馬及貂皮賜宴并襲衣綵段等物有差○宣德總兵官都督同知顏彪奏修築諸邊墩臺邊牆壕塹之數新墩六舊墩一十有三邊牆壕塹凡為丈十一萬四千六百有奇○丁丑土魯番等使臣亦馬黑麻等來朝貢駝馬賜宴并衣服綵段等物有差○戊寅 孝莊睿皇后忌辰 上詣 几筵行祭禮遣駙馬都尉石璟祭 裕陵

明憲宗純皇帝實錄卷之六十九

成化五年秋七月壬午朔享太廟奉孝莊睿皇后神主詣

廟享祀○遣內官祭司門之神○增給遼府鎮國將軍豪邦本

色祿米一百石從其請也○癸未修山川壇正殿兩廡拜殿及

神厨之損壞者○吏科給事中趙侃言二事一吏部聽選監生

待次日久可令給假回家定限赴部過期三年以上者寘于法

歷事監生給假者亦如之一聽選考滿起復等官年及六十二

三以上精力衰憊不堪任使者黜之六十五以上者不得入選

中間五品以上官如有才德出衆精力未衰者奏請裁處下吏

部覆奏從之○欽天監監副呂慶周昉以受賄枉法下錦衣衛

獄具伏刑部論罪當絞例減等充軍詔免之但奪其官仍充天

文生○甲申命工部左侍郎蒯祥陸祥復職吏部言二人三年

考滿年皆七十之上例當致仕特命復職○復除都給事中潘榮于吏科以丁憂服闋也○復除河南布政司右叅政賈傑于陝西○吏科給事中毛志上言乞講學納諫任賢以保王業復言會昌侯孫繼宗以外戚之故致位上將久握兵柄而老疾日侵宜俾遡望朝各國有大事則使與聞 上以志所陳多已行者繼宗雖老精力尚未衰皆不聽○鎮守雲南太監錢能奏雲南所屬衛所軍馬錢糧屯田之屬自來任官分理必由總兵官會議而行比耳掌印管屯管馬管操官員獨令巡按御史推選及邊夷土官襲職布政司徑為處置總兵全不得與深為不便奏下吏部尚書姚夔等覆奏謂先有詔雲南貴州廣西湖廣四川土官襲職者本部移文三司覈實定名會奏方許職如有徇私不公聽巡按御史糾舉罪坐原覈官道奉詔首行之已久今能

又以為言請進止。上曰：仍如詔例行。○乙酉，仁孝文皇后忌辰，奉先殿行祭禮，遣駙馬都尉石璟祭長陵。○丙戌，命故遼東左叅將都指揮使孫璟子文毅襲父原職，瀋陽中衛指揮使。○太傅會昌侯孫繼宗以老疾乞休。上曰：朝廷正用老成人，卿精力未衰，尚堪任事。言者過當，朕已處置矣。所辭不允。○詔常州應納南京各衝倉夏稅改徵銀價，以水災從巡按都御史邢宥請也。○四川都布按三司奏保縣僻在極邊，永樂五年開設雜谷安撫司，授以印章，俾安撫本司舊維州等處番寨。凡有進貢，從保縣以達，後與董卜韓胡宣慰司讎殺，舊維州等處俱為奪占，貢路隔絕。今雜谷舍人耿著思吉集衆復取舊地，遣番僧朶兒監藏等來貢馬甲，等物因久不通，無年貢例，未敢發遣。禮部言：朝廷撫馭四夷，來則不拒，况雜谷宣撫司係

先年開設亦累曾進貢雖隔絕年久然能輸誠納貢較之為惡
作耗者不同乞許其來貢以後仍令遵三年一貢之例從之○
丁亥實授雲南等道試監察御史薛高學張玉鄭昱魏景釗林
正傅羅馬震王浩葉廷榮邊完李釗錢山張岫楊溥李鑑徐英
蘇盛俱為監察御史○兵部奏廣西斷藤峽及忻城八寨等處
流賊累次攻劫鄉村殺掠人畜總兵官都督同知馬良左右叅
將夏鑑張壽鎮守太監王定巡撫左僉都御史張鵬不能據忠
效力息盜安民俱請罪之 上曰馬良等坐視寇盜縱橫本當
連問姑記其罪令用心勦賊若再誤事不宥○戊子浙江淳安
縣民項宜奏臣父文曜先任吏部左侍郎為石亨誣陷為于謙
黨連坐充運今謙等已蒙昭雪復職賜祭臣父過宥原籍為民
病故乞視謙等加與恩典 上令所司如例行之○庚寅巡撫

四川都御史汪浩等奏松潘建昌各有參議一員提督邊儲官軍以參議非風憲官多易之請轉寔職庶可禁革姦弊戶部議欲增置按察司副使僉事各一員專理其事而取回參議謝綬周達別用吏部覆議官不必增置但請賜綬達二人勅俾便於行事從之○以陝西固原等處殺賊功賞官軍人等自四年十一月二十二日以前獲功者五千一百四十五員名如殺賊例生擒斬首為首併被傷及奮勇當先者指揮銀三兩綵段一表裏十百戶銀二兩絹二匹旗軍人等銀二兩布二匹生擒斬首為從者指揮銀二兩絹二匹十百戶銀二兩絹一匹旗軍人等銀二兩布一匹二十三日以後獲功者二千二百員名如殺番賊例都指揮鈔八百貫綵段一表裏指揮鈔六百貫綵段一表裏千戶鈔五百貫絹三匹百戶所鎮撫等官鈔四百貫絹二匹

總小旗鈔三百貫布一匹軍舍人等鈔一百五十貫布二匹其
叅政如都指揮例典仗懸丞等官如百戶例監生吏典人等如
總小旗例民壯方兵人等如軍舍例共鈔四十六萬八千九百
貫銀一萬二百六十兩絹一千二百八十六匹布八千八十一
匹其在京及陝西者於內帑支給河南山東者各從便於所司
支給從戶部議以省轉運之勞也○辛卯命隆平侯張祐新寧
伯譚祐印記南北二太僕寺成化三年四年募牧馬駒○夜東
方流星如盞大青白色光明燭地自大陵東北行至雲中後三
小星隨之○壬辰夜月犯南斗魁第三星○癸巳復除起復知
州秦紘于秦州先是紘以憂去任已除黃孟麟代之撫字無方
州人思紘計其服當闕相率詣京奏保會巡撫都史馬文升等
亦言于朝遂調孟麟隴州而復除紘秦州○丙申中元節遣駙

馬都尉石璟楊偉分祭 長陵 獻陵 景陵 裕陵文武衙
門各分官陪祭○遣內官 恭讓章皇后陸寢○兵部奏四川
安化關守備官軍赴倉給餉不嚴哨備為賊所截殺傷數多鎮
守副總兵都督僉事盧能左叅將署都督僉事周貴瓚令不嚴
軍威不振俱宜究治 上命俱停俸三月仍推堪代能鎮守者
以劑○巡撫永平真定等處右僉都御史閻本奏畿輔之地內
屏京師外逼虜境城垣不固遇有邊警人心易搖真保定及定
州河間等府俱有磚城久而剝落若易涿趙等州武清良鄉等
縣俱係土城為兩類地過半不堪保障請於無事及農隙之時
量借兵民以漸修甃 上諭工部臣曰本所言誠固根本防不
虞至計但興大役動文衆須令本計議斟酌民情事宜以漸修
葺如或借猶堪保障及地方災害宜俟豐^年為之○丁酉移置河

南高縣巡檢司於譚頭保增民兵五十巡察白家溝虎窩山馬槽里三銀洞寇盜○四川都司奏烏思藏贊善王等遣舍人阿別等率各寺寨番僧一百三十二起不依年例入貢兼無番王正印文書今已量留十數名在被守視方物餘皆遣回乞定議令各照年例進貢或各具印信文書會同進貢禮部言烏思藏地方廣遠番王數多若令各照年例進貢則往來頻繁驛遞不息若令會同進貢則地方有遠近難以齊一宜令各王各具印信文書於應貢年分陸續來貢不許人數過多仍諳勅各番王知會令其永遠遵守所貢方物既至宜令四川三司遣人省諭准作成化六年分進貢起送赴京或以禮發遣令其依限前來務在處置得宜以盡懷柔之意從之○戊戌右軍左都督劉玉奏將士論功例均爵賞今征西官軍分別日期陞賞不一如

十一月二十二日以前斬獲一功者蒙加陞以後斬獲二功者
止給賞輕重未均將士歸怨乞量陞授以勵將來 上從之命
俱陞著職一級○女直都指揮阿古哈以逆送使臣往來劾落
奏乞陞秩命陞一級○乙亥 太宗文皇帝忌辰 奉先殿行
祭禮遣駙馬都尉石璟祭 長陵○命都督僉事湛清充副總
兵代盧能鎮守松潘地方○夜東方流星如盞大青白色尾跡
有光自井宿東南行至雲中○辛丑斬逆賊李洪火聰於市二
人皆滿俊黨也後既伏誅乃獲法司論罪當凌遲詔斬之且免
其孥○壬寅賞從征四川貴州官二千七百五十九員名鈔幣
有差鈔二十八萬七千八百貫兩二千六百九十餘匹布一千八
百餘匹○癸卯大寧都指揮同知王昇老疾命其子義代昇原
職保定後衛指揮同知○命陝西按察司僉事楊冕專撫固原

等處土達協同鎮守守備等官整飭兵備從巡撫都御史馬文升等言也○夜月犯昴宿東北星○甲辰陝西按察副使李玘劾守備洮岷都指揮僉事韓春失誤軍機之罪奏送撫記事訐奏之事下巡撫都御史馬文升同巡按御史布政使司官鞠得其實并得春貪婪不法狀玘亦處置頗失宜各有罪奏至都御史林聰請行文升等究治如律從之○乙巳毛憐等衛女直都指揮阿失帖木兒等違州左等衛女直都指揮買禿等速平江等衛女直指揮速古等各來朝貢馬及貂皮賜宴并衣服綵段等物有差○命故武成後衛帶俸都指揮使尤榮子斌襲父原職武成後衛指揮使○建州左衛都指揮佟那和劄等奏乞命都督董山子脫羅李古納哈姪完者禿各襲其父伯之職事下兵部尚書白圭等言董山等世受國恩享有爵土罔思敬順自

取誅戮脫罪等乃叛逆遺孽法當誅夷然既聽其悔過來朝待以不死矣予奪之宜惟 聖明裁處 上曰虜酋背負恩義罪當族滅今首惡已誅餘皆悔過向化朕體 上天好生之德悉加寬宥脫羅等既 衆人奏保其授羅都指揮同知完者禿都指揮僉事令統束本衛人民依前朝貢再犯不貸○丙午陞松潘軍民指揮使司指揮同知堯或署都指揮僉事充左叅將代周貴鎮守松潘地方既而兵部言右叅將劉芳見任都指揮使或乃其屬官今陞署職不宜即居其左請改芳為左或為右庶衆名分正而體統不紊 上以芳被訐奏未結命改或為右而推代芳者以庸○丁未命故金吾左衛帶俸都指揮僉事周寬子劉襲父原職指揮使○總督南京糧儲南京戶部尚書陳昱奏勅南京工部奏准法司所問囚人當納未贖罪者改納反丸

等料以佐修理之用今修理漸省而倉廩已虛欲令因人杖以下納料徒以上仍舊納米刑部尚書陸瑜請行南京戶工二部會法司議行之詔可○戊申賜襄城侯李瑾勲階誥券為奉天翊衛推誠宣力武臣特進榮祿大夫柱國子孫仍世襲伯爵本身免二死子免一死○命故南京前軍都督僉事常榮子鑑襲父原職南京留守衛指揮使金吾右衛帶俸都指揮使盧勝子昂襲父原職本衛指揮使老疾廣西都指揮僉事陳綱子瑄代父原職桂林中衛指揮使○四川總兵官右都督芮成奏巡撫都御史汪浩專權貪暴及巡按御史馮斐受賂害人共三十三事命給事中虞瑤刑部郎中何衷錦衣衛千戶金璋往按之成繼上二奏皆訐浩浩逆奏成貪濫不法四十四事下刑部覆奏會都察院議請推選廷臣代回二人聽理詔錦衣衛差官逮之

○己酉曉刻木星犯軒轅大星○黔岷府南渭王庶三子曰膺
蝕四子曰膺鈔靖江王庶子名曰相緯曰相紱曰相練○庚戌
府軍前衛掌衛事都指揮穆寘貴因所委指揮徐隆等侵尅軍
士月糧為人所告事下刑部詞連寘貴刑部遂劾其罪 上以
寘貴無受賄情貸之○廣東守珠池奉御陳晏奏今歲五月有
黑船十餘艘泛青嬰楊梅池竊採蚌珠聞其語音乃交趾夷人
請勅安南國王禁治戶部議以所云夷言得於剽聞未可遽信
降勅宜令所在有司禁防既而巡撫都御史亦以為言遠安南
國王黎灑遣使朝貢曰就令齎勅往諭之

明憲宗純皇帝實錄卷之六十九終

明憲宗純皇帝實錄卷之七十

成化五年八月壬子朔○癸丑翰林院修撰鄭環乞歸省親許之○甲寅命湖廣都指揮僉事劉寧子鏞代祖原職岳州衛指揮同知○命四川協同鎮守叅將都督僉事寧用充左叅將代劉芳鎮守威遠邊溪等處地方○乙卯省直隸太和縣知縣界溝二驛及界溝遞運所○丁巳釋奠先師孔子遣禮部尚書姚夔行禮○戊午祭大社大稷○翰林院侍講學士丘濬以母老去任濟泰臣幼喪父母李氏守志不嫁以教育臣已蒙朝廷旌表從以臣任職推恩封太孺人今在家病故乞賜諭祭從之不為例○廣西道監察御史李瑄言臣是視甲字等庫者得各處解納錢糧有數少而其來自遠者如四川保寧縣解成化四年分生漆二斤五倍子十斤其直為銀不踰四錢而問關道

路凡四閱月共費將十倍請自今凡課程數多者許州縣徑解
少則送府或布政司類解又言甲字等庫大使雷銘告稱比者
天剛庫夜嘗有盜蓋因各庫不用庫夫之過庫人之技所以使
之出納錢糧悞同防守其額多者百二十八少亦三四十人舊
嘗有兩番直宿之令今存者無幾而夜宿每庫不過一二人過
有出納令解戶在積市并無頓號為小脚搬運窺闕竄錄為盜
請檢將原額庫天清出給與印烙字號木牌牌之搬運防守則
盜賊可息而積弊以消事下戶詳議以為宜從之遂又言臣觀
內庫所藏弓矢動以德萬計其副弓之漆角脫解矢之翎輪蛀
蠹者既多積於無用而有司積解者亦惟取其文移以致吏民
並錄為毒弓矢多不犀利有警何所資藉以為用哉臣請申飭
所司必使用心如式造解仍於歲解額內量減什之一二或取

其直解庫馬修整之費或徵其材歸公為成造之資庶上下財
用不乏而內外之無弊可除久事下工部覆奏以定制不容增
損惟命新司如式督造而已○已未刑部都察院各奏天下都
布按三司并直隸府衛當次重囚總一百十有八人請移文各
處三司直隸並刑部官俱會同巡按御史詳審無寃依律處決
詔可有寃者仍聽辯理○開任陝西苑馬寺卿邵進怒其子辱
罵以財賄人殺之既而官獲謀殺者進遂告言子不孝實已子
刃之河南按察司鞠得其實既呈殺者以謀殺之罪仍請鞠進
都御史林聰等請下巡按御史會按察司官速進等詳審之詔
可○庚申南京禮部尚書鄒幹以召立命函禮部尚書○辛酉
奉憲高皇后忌辰 奉先殿行祭禮駟馬都尉趙揮承命祭
著陵○丙寅吳海守恤永寧法從遊軍多餉賄略又令家人以

布分所部而倍收其粟指揮千百戶劉謹等四十九人皆為之
出納同守倫指揮馬剛定從史之為千戶邵銘所奏事下是撫
都御史鄭寧委巡按御史速治剛等乃劾海等根當速治都察
院以聞詔海自陳謹等四十九人命會鎮守等官各杖三十梟
之○禮部左侍郎兼翰林院學士劉定之卒定之字主靜江西
永新縣人正統丙辰會試第一是試進士及第授翰林院編修
秋滿陞侍講景泰壬申陞司經局洗馬丙子進右春坊右庶子
天順紀元改通政司左叅議俱兼侍講是冬改翰林學士甲申
進太常寺少卿兼翰林院侍講學士充國史副總裁成化丙戌冬
入內閣叅預機務明年秋陞工部右侍郎兼翰林學士又明年
陞禮部左侍郎仍兼學士以疾乞致仕不允辛未六十一贈資
善大夫禮部尚書諡文安賜祭葬給驛舟還其喪定之少孤敏

敏人日記數十言父覽嘗頗稱薦不求仕家居按從博通古今
知定之為偉器俾之博考群書而禁其作之一日見其所私作
驚曰此子有八面定敵之才既而累以元章取高第名聞天下
兩人坦長言動前直不事翰翰已已之從上書陳十事皆切當
時之務總裁國史發凡舉例剛繁撮要其功居多入內閣不久
然一時制作多出其手為之授筆主就未嘗屬稿而偉恩殊情
形生現其自出一家機軸論者謂國初以來館閣能文之士博
洽如定之者治不數人但顧況古范之於事或不通云○壬戌
遣戶部尚書許遠祭京都太倉之神○遣順天府官祭宋丞相
文天祥○命陝西節指樺使劉晟協同右副總兵節督同知趙
廷鎮守涼州地方○癸亥命陝西按察司副使謝本瑞整飭岷
沈等處邊備○甲子歲羊廣西博白縣縣丞主簿二員縣萬編

子三十三里為賊殘破僅餘七里故裁革之○直隸蘇州府長洲縣人俞璋奏臣父俞士悅先任刑部尚書天順元年以各臣石亨誣陷兵部尚書于謙謀逆坐臣父知而不舉故累充軍後還宥原籍為民病故今謙等已蒙昭雪則臣父之冤不辯自明乞如例復職賜祭下禮部覆奏許之○岷府江川王微煇薨王莊王之子也母妃趙氏永樂壬辰生宣德四年封為江川王至是薨年五十有八計開敷朝一日賜祭葬如制謚曰恭惠○乙丑命故貴州都指揮僉事何瑛子鍾堯父原職平壩衛指揮使○丙寅兵部奏四川重慶叙州二府雲陽等縣屢報強賊聚眾殺掠民財三分逃官及衛府州縣捕盜官各因循怠忽致賊滋蔓請奪其俸俱令戴罪擒賊以靖地方從之○丁卯正月生左右珥赤黃色鮮明良久漸散○戊辰祭太歲風雲雷雨嶽鎮海

清山川等神○造旗手衛官祭旗壽之神○已乙雲向木邦軍
民宣慰使司土官宣慰使罕樂法等遣陶派練等鎮康州土官
知州刀門覺等遣陶孟嗣蓋等各來朝貢馬及金銀等器物賜
衣服絲疋等物有差仍以羅疋付陶孟嗣蓋等賜賜其土官及
妻○辛未但夏官正李登冬官正許恪五官靈臺郎田恭俱為
欽天監監副○命故福建都指揮僉事錢輅子堂襲父原職泉
州衛指揮同知○工科左給事中王詒言比奉詔遵正統間舊
例今在京三品以上大臣推舉方面今天下諸司朝覲吏部既
奏罷其不職者仍會官推補其缺間有方面缺滿者亦在舉中
臣愚以為國家法古為治有九年黜陟之典方面官初授時皆
由大臣推薦今復援例保舉其間未必一一秉公為國如古人
之為者恐奔競之徒夤緣得地害治不小乞自今罷會保之例

止令吏部覈其殿最嚴為黜陟詔方面知府秩滿仍視正統間
舊例行之○癸酉 上復御經筵視午朝○增設固原馬驛○
鎮守松潘署都督僉事周貴分守雅州四川都指揮使劉芳俱
無故輒遷成都私家指揮黃正等從之留旬餘始去為巡按御
史所劾時貴適以年老有疾兵部奏令開任都察院併以開請
皆治罪詔可以肯既開任特免之○山安按察司奏六月二十
四日夜山西行都司死囚十五人越獄絕城以適都指揮畢英
馬欽及指揮董謙等聞防踈畧城禁不嚴乞正其罪都察院請
下巡按御史逮治英等如律并移文總兵等官督捕詔姑不問
英欽等停俸謙等革冠帶預項同總兵等官所差人捕之至因
獲日以聞○乙亥征討兩廣遊擊將軍都督僉事廉忠年老有
疾命都督僉事馮昇代之○復廣東都指揮同知徐寧休寧先

以失機奪俸至是巡撫都御史陳源等奏其守備公勤功可贖
罪復之○丙子命京營都指揮使黃欽提督守備洮河岷州等
處地方○丁丑戶科等科右給事中李森等言者奉 英宗睿
皇帝勅諭皇親多有舍家人強占軍民田地者事發重罪不宥
投獻者悉發邊衛永遠充軍當時貴戚罔敢犯法軍民不至流
亡比自本朝始事中立弘建請不許權貴奏求田地荷蒙

聖諭今後奏求田地者一切不允中外臣民莫不忻忭鼓舞奈
何權豪親辟猶復恃恩恣橫不已如錦衣衛帶俸指揮同知周
或洲聖夫人劉氏屢蒙 聖恩給賜田地其數不貲今或又求
武強武邑二縣地共六百餘頃劉氏又求通州武清縣地三百
餘頃俱蒙俞允蓋 陛下念及親親保佑之功不忍拒之曲從
所請殊不知其裕整之欲無厭畿內田地有限而小民賦稅之

食皆出於此一旦奪之何以爲生且入 皇朝來百年于茲民
生日衆安得尚有不耕不稼之閒田名曰求討窳剛強占也伏
望 陛下法祖而治出令必行毋以私恩廢公義時勅有司仍
將給賜二家之地與民爲業今後敢有投獻者悉發戍邊奏求
者許轉通官勅奏治以重罪剛強豪畏治小民被患
宗社之幸也 上以所言良是但已給賜者置之餘待勦報區
處○河南都指揮夏忠林深高福俱以歲造軍器過期爲工部
所劾下巡按御史運治如律○戊寅安南國王黎瀨遣陪臣楊
文且等奉表來朝有方物賜宴并衣服絲段等物有差仍以勅
并絲段文錦付文且等歸賜其王○斬內使杜衡匠人繆諒於
市先是衡盜內府金二兩銀二百兩有奇諒知而爲之贊錦
衣衛鞫得其實送都察院擬罪都御史林聰等論衡罪當斬例

得贖詔當從例拘彼奏上命皆斬之○己卯命改浙江都指揮
同知沈良子恭整父原職杭州 衛指揮使○庚辰廣東肇慶
府知府黃瑜九年考滿賜勅諭勉之得復任先是巡撫都御史
韓雍薦瑜才誠老成詔如從三品俸至是九年滿巡撫巡按及
三司官連章薦其公勤有勞乞陞方面之職仍理府事吏部請
先賜勅諭勉令再歷三年然後擢用從之○理廣東按察司會
甫戈立正四品散官改任巡撫都御史陳源等交奏立任九
年出入戰陣始集流亡累著功績今以疾求免廣退可嘉乞特
進散官致仕以勵士風懲員進者下吏部覆奏故有是命○翰
林院編修高良臣乞歸展祭許之○安南國王黎瀾奏廣西鎮
安府土官岑祖德及廣東欽州里老黃靜男等越境侵擾事下
兵部議尚書白圭等以其國膏無故聚眾爭奪廣西德祥縣界

又嘗縱人越海竊珠璣池令其所奏恐假詞誣罪請命兩廣鎮
守總兵巡撫等官覈實處治仍勅其國王守法保境毋縱姦生
事從之

明憲宗純皇帝實錄卷之七十一

成化五年九月辛巳朔

壬午命中書舍人解禎亮復職禎亮故翰林院學士縉之子九年考滿時已六十八歲久例不復選用禎亮自言父縉被遇

太宗權居內閣每預密謀頗效忠勤乞仍舊職 上特許之○

南京翰林院修撰羅倫以疾去任倫字應旌江西永豐縣人少清苦力學成化丙戌舉進士第一授翰林院修撰甫三閱月適大學李賢聞父喪力求終制 上不允命奔喪復任倫首上疏勸之反覆數千言然頗不近情俄有旨羅倫羸率離居近侍調外任乃除泉州府舶提舉既而言者多言宜召倫復其官歲戊子同大學士高輅言改南京翰林院修撰逾年解官解學者多從之游邑有小名金牛在萬山中非人所居倫與從學者築室

請書其中至未數日中嵐氣而辛倫性直慤不甚曉世務與人
言竭盡底衷無察言觀色之慮臨事任意自是堅不可回家居
行解約時或致人于死有訟于官者適倫卒而止倫為文率意
而成勅以古人為說然亦無所根據為人雖迂僻然無他腸其
視飾虛偽以盜名假恬退以營私者剛有聞矣○癸未刑部評
中陳佩雷錄南直隸獄囚死罪之有究者十人有二人為人駕
舟舟覆區溺水死者之皆其同行以謀殺人告又五人內二人
有罪典史徂捕之糾四人以拒捕時適有劫盜遂以坐之又一
人為強盜所指計其行劫月日其人方以他事繫縣獄又婦女
二人夫謀殺人事覺結其妻自承於官夫亦入獄疫死遂併坐
其妻徂皆為辯明具敘上請從之○甲申
奉先殿新祭禮遣駙馬都尉王增祭

景陵○革職入理者去少卿古鑄自陳由進士累前官天順初與于謙等俱為石亨誣陷今謙等皆得洗雪乞照例復職致仕詔不允鑄山西祁縣人正統丙辰進士累官至山東按察司擢大理少卿天順初石亨以鑄乃壬文所舉者奏免其官鑄為人便佞收利自用權勢所在必趨附之比家居尤放縱不檢為鄉里所薄云○乙酉戶部會同各部劾察院漕運總兵等官議行各處巡撫及漕運官所奏事宜一遵糧旗軍規若逃竄所司亦相隱蔽收用須連坐禁革之其應給行糧如湖廣布政司每米一石止折布一匹值銀二錢五分每軍行糧三石給銀七錢五分估以時價計米八斗身是致軍士重困乞令有司給以米毋以他物為折所司有違急者許總兵漕運等官劾奏完治一

南陽襄陽荊州德安四府沔陽安陸二州地大物衆雖硤瘠汗

募之地亦漸為居人及流民墾種成田但無徵科定額多致紛
爭乞許令開報定則每畝科糧一升小川水灘畝科五合一
凡軍馬錢糧等急務公之人違者動輒經年方到事多稽悞乞
令六部都院公之凡孫軍馬錢糧河渠賑荒軍弊等務遇有馳
驛便令順齋一廣西布按二司官進表赴京者宜遵官制程限
事完亦要嚴限回任如乘機回存籍曠職廢事者停俸仍令赴
撫等官查考動怕給由未京以憑點陟一安慶衛官軍行糧准
令安慶府所屬倉分存留糧內開給一京通二倉補放板木蘆
葦俱係運糧官軍隨糧帶來成化六年以後該納者以十分為
率各收三分暫先七分以備鋪放支用議上俱從之○丙戌復
除左叅政魏琳于山東布政司○甘肅總兵官定西侯蔣瓌等
奏赤斤蒙古衛指揮班等齋番書五紙入闕報成化五年七

月初六日瓦剌頭目拜亦撒哈擁衆至苦峪地方抄掠敢班等亦率衆追至莽來川互相讎殺恐此賊因而得計窺犯我邊不可不嚴為之備上命玩及鎮守太監顏養巡撫都御史徐廷章同議方畧整飭邊備以防禦之○獨石馬營等處瞭見虜寇或百餘騎或六十騎近邊自稱係朵顏衛朵羅干部下逐水草牧放者不敢犯邊總兵官顏彪以聞

上諭兵部曰庸情譎詐當移文宣府獨石鎮巡撫守備內外官防禦之○四川石砫宣撫司宣撫馬黼馬湖府平夷長官司舍人王子昂廣西沱陵縣官放黃明貴州宣慰司長官謝富湖洲寨巡檢岑即各奉朝貢馬賜絲段鈔錠有差○丁亥命錦衣衛帶俸指揮同知孫瑄理本衛事既而罷之時六科給事中秦宗十三道御史丁川等奏會昌侯孫繼宗叨居戚里掌握重兵

皇上廣親親之愛又命其子璿理錦衣衛事是雖出自寵恩而繼宗父子即當有躬加茂累膺連章以求辭避可也今乃處之泰然若所固有任以繼宗既握五軍大權而璿又司親軍禁旅內外之權歸于一門謂之寵愛則可矣然非所以保全之也疏入 上曰朕念

皇祖妣道德故特用璿今爾等陳保全之道深得治理其即寵之○河南都指揮使夏寅有疾命其子忠代父原職宣武衛指揮使○己丑以錦衣衛官校捕盜功陞十戶旗校王英等十人各一級提督指揮朱驥查例給賞○命歲給光祿寺厨役人布一匹以供役艱苦也○辛卯命故陝西都指揮僉事蔣恭子璩襲父原職西安前衛指揮僉事羽林衛帶俵老疾都指揮僉事常興子政代父原職本衛指揮使○南京光祿寺寺丞武安有

罪除名安以厨役供私家使令又多索賄賂為給事中朱清等所劾而著丞張禮亦奏其事下南京刑部都察院會鞠之具得其實例贖杖為氏○壬辰巡撫山東右副都御史翁世濟言山東沂州縣比年饑窘新稅或蒙減免舊逋仍復追徵宜起運京餉及徐州德州臨清諸倉照舊徵米其有留者乞令通查果可給三五年免費則將成化五年以前逋欠者暫折收銀布每米一石折銀二錢五分或大綿布一匹或錢三百文開月准作軍衛有司官吏月休六年以後仍舊徵米又言諸倉存積米麥恐日久紅腐宜俟來春青黃不接之時散給貧民俟秋成如數徵還為便市下戶部議成化四年五年沂州縣存留之數宜仍徵米以備饑荒折收銀布可自元年至三年止其言諸倉存積餘糧宜以帳給貧民或不係缺食之處亦難驟給止可右手糧之

法為是 上以其所疏詳悉俱從之○改南京都察院右僉都御史吳琛于都察院命巡撫廣東○甲午巡撫廣東都御史陳濂等奏去布使張璉在任九年吏民懷服當軍興之際整飭戎務除歷艱險至是秋滿而地方尚未寧乞留再任而璉以應得誥命吏部覆奏璉雖歷任九年而未給由赴部例准闕給誥命宜得再任三年從之○河南衛輝府知府趙文博以左布政使章繪省已考語無裒辭及連年巡按御史報于吏部不以實乃上奏自薦因試紙繪及御史布批二司官列郡知府共十有二人該受暎違法市市下刑部併劾奏文博且請遣部中同大理寺官往按之徵其繪及批察副使歐陽照會事李勝俱坐杖之博坐徒各時選職○戊戌巡撫陝西左副都御史馮文升奏致治莫先安民安民在擇守令今之守令由進士舉人出自者僅

陞得人由監生條授者多不稱職換其所自監生出身年多五
十之上志氣昏倦雖有吏部考察黜退之例然送舊迎新徒尚
勞費以進士而任守令迨晚古今且有精力他日或補內任或
陞藩臬輔世長民必有餘裕是亦作養人才之一端也乞勅吏
部自今於聽選舉人不分年月遠近及監生中年未老而沒廢
英俊者通行考選學問老成之移補通堪任正官者并觀政進
士相兼條授知州知縣其進士到任之後果有廉名政績胎著
者不分三年六年仍以次擢用知州量陞郎中員外郎知縣量
陞主事御史評事或令巡按御史并布按二司官於所屬官山
廉名素著才能出衆堪任知州知縣者各舉其三五月具奏吏
部定擬授職若有貪濫者發還坐舉主事下凡錄從之○己亥
增給南涓工音裁木色絲木一百石從其請也○廣東順德等

縣民姚銘等七人渡海劫掠文陞永安州燬其民居遷撫等官
勒得其情以聞請斬之梟首欽州境上報可○辛丑陞通政司
右各謀王詔為工部右侍郎仍督理易州山廠柴炭○禮國子
監助教李仲為監丞○錦衣衛副千戶杭昱子錦告襲父職兵
部以呈孫王親非軍功例無承襲請令原衛聽繼戎位 上特
命為新鎮撫○開雲州黃河東岸七田七百餘頃從巡撫寧夏
右副都御史張登言也登言寧夏等處七田多巖薄收及濱黃
河者又被水衝沙壅田廢既存軍士受累惟雲州黃河東岸七
果園沙井等處有隙地六百頃肥饒可耕如得濬渠以通水
利開墾成田給與無田軍士耕種以補陪納之數庶公私兩便
從之○壬寅刑部郎中彭韶監察御史章瑛下錦衣衛獄劾錦
衣衛指揮周武奏請武強武邑二縣空閒地事下戶部差主事

戴士會巡按御史黎福按視皆民所重開輸賦者因據籍步之
每畝百步之餘皆沒入為餘田得七十四頃有奇或不滿復言
於上改命詔璽珠覆按詔徃不復步田但以前占田賦不實
罪其民并罪或承僮之任其事者以聞因言田皆貧民恒產近
在京畿之內不當動擾以失其心況土多瘠薄尤當使其得以
歲代培養地力豈可從而奪之且自初不能步田之罪詔以田
歸諸民因有詔等語名方永昧於大體命錦衣衛速治之○癸
卯浙江都指揮僉事劉源以整點軍器至海門衛指揮使李定
安劾所部內銀二十兩銀之衛有前指揮李昇者先以罪充邊
軍遇赦未歸與軍舍買三等八人常以兵衆泛海為姦利定安
不能制事端遂及源受賂事也按御史會三司鞠昇等以其獄
未且請逮源等部察院議擬以聞詔李昇買三依律處絞餘六

人從充邊軍劉源李定安等十二人遇治如律○大寧前衛旗
軍于得水等二十二人結為死黨縱橫近京東西二壩間以小
忿輒毆人折其手足或毀撤廬舍掠奪財物恣肆無忌事聞命
歸衣衛捕得水并其黨下都察院鞫之具伏雷死者二人餘杖
徒有差大理寺以其獄奏詣從所擬仍命項示衆滿三月然後
斷之○甲辰復設河南鄧州豐寧倉及嵩縣倉二倉皆洪武中
設後革今州縣官帶領至是從巡撫都御史王恕請復設之○
乙巳復除監察御史戴珊于四川道○福建都指揮僉事王雄
受所部賂聽其與島夷燕闌互市及領軍出海遇番船逗遛官
軍遂為所傷鎮守巡檢等官各奏其罪下巡按御史鞫之俱雷
耗例立功五年都御史林聰等言其情罪深重難以常例處分
上以為然降指揮僉事從廣東遼海衛帶俸差徭○山西都指

揮僉事羅俊有疾命其子紳代原職元成衛指揮同知○戊申
贈故湖廣歸州中口巡檢司巡檢劉滿施南宣撫司經歷賜之
勅命錄其子杞為國子監生先是荆襄賊石和尚等屯聚巴東
縣之平陽壩滿率眾拒戰而死時提督軍務尚書白圭等既覈
實至是杞復援例奏請故有是命○己酉以明日十月朔遣駙
馬都尉石璟蔡震分祭長陵 祿陵 景陵 裕陵○遣內
官蔡恭讓章皇后陵寢○南京給事中常顯御史王綸等奏
劾禮部左侍郎章綸吏部左侍郎范理次雷進 聖節表綸以
給由理以表服為解辰轉移之推避請究其罪請令綸理自陳
既而綸理上疏服罪皆貸之

明憲宗純皇帝實錄卷之七十二

成化五年冬十月辛亥朔享

太廟奉 孝莊睿皇后神主詣廟享祀○遣內官給司井之神

○於且晉前臨泉王鍾鍾堯王能簡王之子也母妣狄氏正統
辛酉生景泰三年襲封為臨泉王至是堯年二十有九計開輟
朝一日賜祭葬如制謚曰悼昭○甲寅實校南京四川等道試
監察御史鄒儒共裡王漢俱為監察御史以試職一年考稱也
○占城國王葉羅答悅遣使臣布沙怕婆羅始等奉表來朝前
象及方物賜宴并衣服蘇段等物有差仍命齋勅及羅既之錦
賜賜其工及妃)乙卯代前定安王成鎮堯王德王之第二子
也母妣楊氏正統丁巳生景泰改元冊封為定安王至是堯年
三十有三計開輟朝一日賜祭葬如制謚曰悼德)丙辰定城

工範增春原定祿米一千石本色折色中半兼支食用不足
上命於折鈔內改與本色米五十石。增給岷王音速本色祿
米一百石從王請也。○湖廣都指揮使汪澤奏臣以徂山都督
有功陞前都督俞事願辭新命仍守舊官以圖補報不允時
取澤來京帶休聽用澤不欲行故上此奏。○戊午命故留守中
衛帶休都指揮使陳善子雲襲父原職指揮使。○己未請江王
孫規裕遣官奉表箋賀。皇太后聖旦及冬至節禮部言故事
親王世子未襲王爵表箋必先奏請令規裕未奏而進宜正長
史不能輔導之罪詔奪之。○命故大學前衛帶休都指揮同知
董忠子智襲父原職指揮使。○復除福建按察司副使俞洵于
湖廣以丁憂服闋也。○遼東總兵官趙勝等奏虜入平頂山墩
百子營勝并其子皆被執我軍追之從墩西北坍塌處逸去其

守選指揮馬興等失於防禦宜治其罪分守各將周俊據令不
嚴毋當究治 上是之惟周俊始宥其罪墩臺不修令鎮守等
官其實未聞○辛酉鎮守福建太監吳呈奏後州流氓越過福
安壽寧等縣盜銀礦稅傷民狀鎮守浙江太監盧永亦奏賊徒
千餘往温州泰順等縣玩塲竊礦劫掠事聞

上命呈等回巡按御史并三司等官會謀撫捕方畧及嚴謹守
格地方○癸亥命故南京留守後衛帶俸都指揮僉事朱斌子
輔襲原職指揮使○甲子 皇太后聖旦 上率親王上壽受
命婦朝賀賜百官宴于午門○丙寅陞高寶司丞李木為本司
卿○戊辰 誠孝昭皇后忌辰 奉先殿行祭禮遣駙馬都尉
石璟祭 瀛陵○命老疾全吾左衛指揮使銜任子福安府軍
右衛指揮同知寧海子璽俱代職○旌異雲南左氣政路崇直

隸松江府同知傅愷開州知州謝鳳真定府推官吳箴無極縣知縣石倫武邑縣知縣楊瑋臨城縣知縣張佐河南新安縣知縣魏益山東按察司知事楊昇俱給以誥勅從巡撫巡按官奏其政績卓異故也○己巳國子監祭酒陳繼泰南北兩監官與在京諸司官悉敘事體未始有異然拘於發司限於秩滿今兩監官七十餘員未敘一人深勸之與未濟乞命吏部詢請稱職者但補王府長史及府州正佐之缺以示激勸事下吏部覆奏從之○辛未兵部尚書白圭等奏安遠侯柳景置潤伯曹振承順伯薛輔都督同知宛政奉勅領軍牧馬提督無方紀律不嚴以致馬匹倒失軍士逃亡禍遇有警必誤調用俱索速治以戒將來上曰柳景等姑置不問馬匹令速買完具實回奏○癸酉賜歸府廣安王僧沆米二百石○擢進士伍鍾許進何淳素

芳沃賴王德業桐本敬屬瀛魏富甄希賢沈浩李聰戴祐蔭澄
萬績汪俊行人鄭恭為試監察御史聰祐澄繡俊恭南京○復
除南京山東道監察御史林璧于南京浙江道以丁憂服闋也
○丙子恭寧衛都督脫脫字羅等遣指揮把克不花等來朝貢
馬賜宴并金織衣練段等物有差○陞陝西固原千戶所為衛
設經歷一員增置西安千戶所盈邊倉隸布政司永寧馬驛隸
平涼府開城縣○調四川道監察御史傅鶴為陝西同官縣知
縣鶴母李氏訴鶴妻陵已法司坐妻不孝為罪當杖右都御史
林聰言鶴辱及其親有乖子道夫節既虧難居風憲
上曰鶴為風憲官既不能正己何以正人其送吏部調外任○
丁丑禮部奏萬壽聖節例賜百官宴上令免宴賜以節錢
鈔○戊寅靈丘王廷烜奏臣子三人仕宦仕遊仕墾俱位鎮國

將軍歲給祿米各一千石米鈔中半兼支近人口漸增食用不
給遇有婚嫁多於民間借貸乞將折色祿米五百石抵實米三
百石或二百石以資用度 上命於折色內改支本色米五十
石○己卯朝鮮國王李曉遣陪臣尹容等奉表貢馬及方物未
朝賀 萬壽聖節○附中兩淮兩浙河東鹽于陝西蘭縣總八
十萬引有奇是歲陝西旱荒人民飢食巡撫都御史馬文升奏
請附中引鹽召商於蘭縣欲糧倉分上納戶部定議准鹽每引
米一斗麥五升○命鎮守代州等處署都督俞全事王信守備偏
頭關都指揮使馮慶守備寧武關都指揮同知田春俱仍舊鎮
守守備地方以巡撫山西都御史李況言信等可任故也○初
哈密王母并土魯番送糧何力王及瓦剌斜亦撒哈遣使二百
餘人入貢三甘肅守臣以聞事下禮部會吏部尚書姚薊等議

外夷入貢已有定制今哈密土魯番等使臣在京未回而各夷
又邀結瓦剌遣使來貢既遣奏定額數又非常貢時月若聽其
來京以後冒濫難拒若驅使空還又恐招怨啟釁且瓦剌乃強
悍醜虜今却依託殘破小夷混雜來貢若非哈密挾其勢以求
利必是瓦剌假其事以窺邊中閒事機頗難測度宜令兵部詳
度庶不墮其姦計奏可於是勅鎮守太監顏義等曰各夷朝貢
俱有年限今非其時爾等具論以朝廷恩威就彼宴賚遣回所
進馬駝卻遂之聽其自嚮以爲已齊其果有邊情不得已起送
三五人來京至是義等奏使臣馬黑麻滿刺禿力等論遣之不
聽因欲親見朝廷及哈刺忽思不受賜又云彼處兵糧道路不
通亦無由歸雖死於此可也禮部覆奏請每入十之一以安遠
人之心從之

明憲宗純皇帝實錄卷七十二

明憲宗純皇帝實錄卷之七十三

成化五年十一月辛巳朔欽天監進成化六年大統曆

上御奉天殿受之給賜親王文武群臣頒行天下○以明日

萬壽聖節遣駙都尉周景揚傳謁告

長陵

獻陵

景陵

裕陵○壬午

萬壽聖節

上詣

奉先殿

皇太后宮行禮畢出御奉天殿受文武群臣及四夷朝使朝賀

○癸未官軍赴教塲爭門而出有躡蔣死者事聞 上以總兵官疏令不嚴命杖把總官張曾等○甲申命故金吾右衛帶俸都指揮使吳信子成整父原職指揮使○巡撫廣東右副都御史陳源等奏高廉雷蒼四府及連州容通廣西流賊出沒調遣官軍動輒歲月且或規避隱匿行伍無定勞逸不均以故將不知兵兵不識將臣等議欲分兵為四哨新興瀧水碣江新會等為左哨靈山永安為右哨石城信宜并雷州為前哨德慶抵連州為後哨每哨以四千人為率用都指揮按察司僉事各一員統之分為八班常以一班守廉州一班守高雷互相策應半年以次受代夫班二班在邊而六班休息或賊勢衆則調一班或二班協佐若大江迤南迤北有警則調六班赴之如此則勞逸均將士專戰勝攻克可以為經久之法事下兵部請仍行各官

履巽從之○朵顏衛都督阿兒乞蠻及平章扯扯土知院卯牙
指揮卜爾等遣右丞還吉台等奏乞織金段絨纓等物并欲於
邊地買耕牛農具 上性許其耕牛農具與民交易餘不准○
乙酉遣內官祭 恭讓章皇后陵寢以是日忌辰也○陞高州
府知府孔鑄為廣東按察司副使鑄以進士知連山縣權知府
事廣西蠻賊犯境輒以先士卒徃禦之不避艱險或躬入賊巢
撫諭之多所感化至是廣東巡撫都御史等官文章請授憲職
專守高雷二府撫治民夷修浚城池遇廉肇鄰境有警率兵應
之下吏部覆奏從其議○丙戌命鎮遠侯顧瑄駙馬王增永順
伯薛輔吏部右侍郎葉盛戶部右侍郎為正使尚寶司司丞蔣
敵刑科給事中雷澤禮部郎中孫洪刑部郎中陸景工部郎中
蔡誌為副使持節冊封封丘康懿王庶長子子望為封丘王永

和昭定王孫鍾欽為永和王夫人張氏為永和王妃鉅野王妃稷山莊靖王庶
王長子陽葵為鉅野王夫人孔氏為鉅野王妃稷山莊靖王庶
長子詮葵為稷山王新州知州何克中女為新府都梁王妃韓
州所知府謝景女為樊山王妃○賜朝鮮國朝賀陪臣尹峇等
宴并金織衣絲段等物○雲南隴州宣撫司遣舍人多立法等
貢象馬并金銀器賜宴并衣服絲段等物有差○戊子以明日
冬至節遣駙馬都尉石塔蔡震分祭

長陵 獻陵 景陵 裕陵文武衙門各分官陪祭○遣內官

祭 恭讓章皇后陵寢○己丑冬至節 上詣 奉先殿

皇太后宮行禮畢出御奉天殿受文武群臣及四夷朝使朝賀
○庚寅吏部文選司郎中陳雲員外郎劉恒主事乙瑄陳道為
吏訂其受賂故吏事刑部請逮雲等下獄通科道官劾吏部尚

書姚夔等秋貶屬官刑部高善陸瑜等朋比故縱并掌通政司
事兵部左侍郎張文質停留吏部奏本二日使雲等得以為計
上以雲等既下獄夔等俱置不問刑部以彼劾涉嫌乞調別
衙門問理仍改下錦衣衛鞠之既而都察院擬罪例贖杖還職
上命調雲等於南京雲瑄禮部恒道刑部其告訐吏孫慶等遣
為民○辛卯興安伯徐賢卒賢襲父亨爵為伯以病足朝廷給
以半祿令后第讀書不任以事至是卒賜葬祭如例子俄嗣○
乙未賜晉府臨泉悼昭王嫡長子名曰奇渾庶長子曰奇濕岷
王次子曰膺錄○賜故遼府輔國將軍豪打夫人樊氏食米歲
二百石從逢王請也○命大同叅將都指揮范瑾充游擊將軍
以倫在餒等處策應時字羅部落自相讎殺分分為三字羅
人為姓驪駒河哈答卜范姓西北故已里孩子火赤兒往西人

小石并脫火赤駐紮見海西使河凍欲寇大同脫脫字未寇遼東於是都御史王越奏大同宣府虜寇出沒固為可慮而黃河套虜之巢穴延綏一帶尤所當備宣府有許寧為游擊而延綏獨無宜推智勇兼濟者任之詔可於是邊臣僉舉瑾故有是命○設總府於梧州府總制兩廣地方時都御史韓雍以憂去兩廣賊勢復張僉事陶魯言兩廣地勢猶一人之自今軍政分而為二如頭目受害而手足不可運使近賊寇廣西臣同廣東三司謀調兵一月未能決以是賊入城池掠鄉村無人任其責者乞勅大臣一人總督兩廣如馮昂萊或韓雍故事庶事體歸一巡按御史龔晟亦言自雍去賊復倡倣事體乖制迄無成功宜立總府於梧州簡命大臣一人兼制兩廣則事統于一而甯有新歸兵部亦言兩廣互為唇齒廣東藉廣西之兵力廣西藉廣

東之糧儲今巡撫等官名位頗疏謀論之際甲可乙否宜如魯
等所請便 上命兵部會官議舉其人以聞○唐復寇延綏副
都御史王銳等奏延綏東接山西偏頭關西連寧夏花馬池沙
漠二千餘里無險可守祈立營堡二十餘處地勢隔絕軍力寡
弱欲乞濟師兵部言虜往年入河套深入腹裏沿邊被其荼毒
今又入河套其勢可慮若非大挫其鋒則邊患何時可息宜勅
都御史王越總制兩游擊之兵設策相機勦之詔可○丙申瑯
球國中山王高德遣使臣查農是等來朝貢方物賜宴并錄旼
表裏等物有差○戊戌錄兩廣并固原陣亡將士功錦衣衛千
戶伯里可赤等六人子弟進賊有差○己亥禮部奏
萬壽聖節福建行都司并直隸和州等衛門俱不造堂上官慶
賀及四川馬湖等府過期方至宜置手法 上供宥之○以成

府固安郡主下嫁保寧王憲時郡主年已長母妃不欲離之故
不及奏請內閣臣以為言上欣然從之命資送悉如制從厚
仍以故高書憲義賜第改賜之○命太監陳瑄總鎮兩廣起復
右副都御史歸莊陞右都御史總督兩廣軍務兼理巡撫南寧
伯毛榮佩征蠻將軍卬克總兵官鎮守兩廣陞都指揮夏正署
都督僉事克副總兵鎮守廣西都指揮同知楊廣充左叅將分
守高雷廉肇馬良代毛榮鎮守貴州馮宗台選巡撫都御史吳
琮等俱令選京都察院理事兵部尚書白圭等言近設總府於
梧州以大臣總督命臣等會多官議且舉其人臣等會太保會
昌侯孫繼宗吏部尚書姚夔等議廣西潯慶等處宜立副總兵
一人雷廉高肇宜設叅將二人總兵馮宗馬良宜各選別任且
舉副都御史韓雍等以聞故有是命○魯王春堪妃趙氏薨妃

知縣趙毓之女也宣德二年用為魯王妃至是薨計開賜祭葬
加制○庚子地撫延綏都御史王銳奏虜寇榆林迤南臣等遣
都指揮陳輝指揮僉事劉寵與戰於焦家川既又令總兵房能
等於驕馬川伏兵扼其歸路腹背夾攻生擒七人斬首六百奪
還人馬衣甲詔賜勅獎諭○壬寅平前軍帶俸都督僉事汪澤
理南京右都督亦事○初有勅宣府選兵三千赴游擊將軍許
崇統領都御史鄭寧以宣府總鎮之地兵不可減撤懷未獨石
等處兵赴之鎮守獨石叅將李剛言獨石孤懸絕漠東西延袤
六百餘里控帶宣府屏蔽懷來葫蘆相去咫尺况其地苦寒土
產多乏內地就近食者今先後撤去六百餘人且保障之道宜
推外以衛內未聞去唇而補齒也兵部以聞詔調還其軍且蒐
補其逃亡者○兵部上馬州府軍前衛及行太僕寺所屬四十

三衛馬死者一萬三十匹，匿者四百三十九，不殺者五百九十。因劾前軍前衛指揮使郭泰等之罪。上曰：官吏且俱宥之，不報及德，匿者即令追完。○登州代府博野王成鎮薨，王德王之第四子也。母杜氏，正統壬戌生。景泰五年，用封為博野王。至是薨，年二十，有八子。聞報，朝一日賜祭葬，如制。謹曰：悼恭。○南京右軍都督僉事張銳卒，銳臨淮縣人。襲世職，保定前衛指揮使。宣德三年，隨征迤北，陞都指揮僉事。尋陞都指揮同知。正統十三年，充右叅將，征雲南。景泰中，征播州。草塘等處有功。累陞都督僉事。至是卒。遣官祭葬，如例子。溇襲原衛指揮使。○乙巳，陝西布政司右叅謀崔忠按察司僉事胡欽巡守涼州。地方以反賊滿四坐，累城互京下都察院議各免贖運職。○丙午，賜朝鮮國成化六年大統曆。○丁未，命指揮同知錢亮充右叅將，分

守延綏西路○命故福建都指揮同知馬雄子澄襲父原職建
率右衛指揮使○錄征靖州功將士陞賞有差褒贈陣亡鎮遠
府通判楊瑄錄其子為國子生○占城國副使阿高等奏乞給
賜冠帶禮新言阿高及舍人翁木等五人宜如所請其通事周
公保并舍人翁貴等六人先已給賜不可再給 上是之○已
酉守永清縣皇莊奉御于忠強占民田逼佃之代出牛具耕種
事覺下獄贖徒還職○巡撫廣東右副都御史陳灑奏海南海
圮二道地里虧遠邊方多事按察司官更番出巡者多托故遷
延或到彼即回以致所司事有申達者徃復旬月動失機宜自
今各官承委一月之上不行及一年未滿或年滿不俟交代擅
回者俱停俸一年其分巡任內姦嫻怠事者罪之事下都察院
覆奏如灑所言非但廣東為然各處訴訟節行各按察司并分

此官勘問者毋慮數十年未元報宜通行查考并行巡撫按今
後委分此官必須同才幹之優方酌事勢之緩急均其勞逸稽
其勤怠限以程期以憑考覈如此則官無曠職事無廢弛久從
之○海西忽石門等衛女直都指揮兀籠哈等蘇溫河等衛女
直都指揮八只奴等毛憐等衛女直都指揮似申八等成討溫
等衛女直都督妻得等各來朝貢馬及貂皮等物賜宴并賜衣
服絲綵等物有差

明憲宗純皇帝實錄卷之七十四

成化五年十二月庚戌朔

上視郊祀牲○辛亥遣英國公張懋撫寧侯朱永武靖侯趙輔
祭告天地社稷山川先是禮部奏今歲自十月無雪當寒
反煥恐來年二麥不登有失農望宜擇日齋戒祈禱故有是命
○工部左侍郎陸祥卒祥直隸無錫縣人初以右工隸工部鄭
王之國選授工副後有薦其有異技者召改工部營繕所丞以
營作稱旨祥有老母病或以聞命先祿日給酒饌并鈔五錠以
為養權工部主事進郎中以主侍郎祥有巧思嘗用石方寸許
刻鏤為方池以獻凡水中所有魚龍荇藻之類皆備曲盡其巧
然為人頗謹慙士夫不以其出自雜流而棄之子華以詳虎字
造館閣歷官至先諫寺署正○壬子賜蜀府華陽王庶子名曰

申鑒○丙辰河內汝寧府湖廣武昌漢陽岳州等府同日地震
○復除浙江布政司右叅政萬自于山西雲南按察司副使呂
洪于廣東以丁憂服闋也○戊午陞提督四夷館事吏部評中
劉文為通政司右通政仍舊提督以九年秋滿也○己未禮部
尚書鄒幹等奏海西等處并朵顏等衛如直達子朱貢內開指
揮等官并帶進馬數多舍人達子及自進馬數少緣指揮與舍
人達子膏賜有輕重自進與帶進馬回賜有厚薄中間有無職
事之人詐作指揮等官名色并自進馬詐作帶進妄報入關多
圖賞賜及詢知朵顏三衛達子貢回於薊州等處收買耕牛農
具諸物過多宜行彼處總兵巡撫等官嚴加審驗禁約又詔書
令天下勿貢花丸鳥獸此蓋

皇上宵旰圖治不事遊畋不高珍禽異獸之盛心宜令通事都

齊氏忠等晚諭各夷除馬及船走常前外其海青充鷲今後不
許來進 上是之○庚申復湖廣都布按三司分巡分守官係
先是湖廣盜起分巡分守等官俱任休職罪緝捕至是盜獲兵
部以聞詔復其俸○金各後衛帶俸都指揮僉事張通求索所
部財物下刑部獄坐贖杖還職○平西陞雲南布政司左叅政
路壁為本司右布政使兵科左給事中崔係為福建右叅議監
察御史張海山西僉事呂正俱浙江按察司副使監察御史侯
英羅明趙文萃俱僉事英四川整飭建昌兵備明廣西文萃陝
西從史許會三品以上官推舉也○慶王秋烜薨王靖王之子
也母妃湯氏永樂乙未生十九年封為世子正統四年襲封慶
王至是薨年五十有五訃聞報朝三日賜祭葬如制謚曰康○
壬戌太醫院辦事兩同知吳衛乞致仕詔不許仍性順天府治

中入御藥房初衛以崇仁縣醫官入太醫院後陞翰林院典籍
天順初清翰林院官屬陞補外任衛得處州府同知改徽州以
朝覲被考老疾致任太監許安傳奉 聖旨留衛大醫院辦事
尋請給俸戶部議如同知例於本院給之至是乞致仕而又得
陞職云○癸亥開設河南新蔡縣僧會司○甲子廣西副總兵
右軍署都督俞寧事夏正奏洪武永樂間兵戍廣西至十五萬近
逃亡物故十去其九乞後有降虜及謫戍者俱發廣西補役京
營指揮張欽及達舍西番二十五人舊嘗隨臣出入行陣乞許
臣自隨兵部言例止五人詔特許之不為例○韓府通渭王範
暨薨王恭王之第七子也母妃丁氏宣德丁未生正統二年用
封而通渭王至是薨年四十有三計開教朝一日賜祭葬如制
謚曰莊簡○逃撫延綏右副都御史王銳奏虜萬餘騎分寇進

南又往來境外不知其數詔沿邊防禦之○乙丑朝鮮國畧國
事李藝遣陪臣吳伯昌等奉表貢馬及方物來朝賀正且節○
六科給事中劾奏道錄司左云義許祖銘奉勅祈雪職言愆天
仗劍斬風癘天慢神英此為甚乞將祖銘明正典刑以謝神人
之怒及乞勅禮禁約各觀道主不許擅自祈禱以奪神明庶天
意可回而雪澤自降矣疏入上曰許祖銘祈禱不誠非理安
為未嘗速治今姑宥之自後再犯不宥○守倫萬全右衛少監
顏稚言臣守倫萬全右衛而所隸城堡亦名守倫職任不同而
媿於同名乞為鎮守以別之上命兵部以例開邊詔萬全右
衛懷來獨石散浪涼州內外官俱改為分守仍聽宣府甘肅鎮
守總兵節制○丙寅免順天府薊州等處糧五千二百八十石
單一十六萬三千四百二十八束永平府深州等處糧六千三

百五十八石馬草五萬一千四百八十束大寧營州中屯等衛糧一萬六千三十八石俱以水災故也○四川都指揮同知趙端守隘安輯等處不設餉數番賊入境抄掠敵傷官軍下巡按御史秦徽請成邊衛從之○丁卯設河南確山縣竹溝巡檢司○戊辰太子少保兵部尚書兼文淵閣大學士彭時等奏今冬臘將盡雨雪缺少非惟寒在野無潤澤之入抑恐春氣相乘有疫癘之變 皇上精誠祈禱固宜有感而至今不應臣等考諸傳記凡言旱災者必曰下民以怨咨之氣感動天變而致拒言及此今我有之蓋京師居民不下數十百萬初無恒產以養生惟營小利以度日近年以來官商買辦過多抽分過重以致小民生業不遂困苦日甚謹陳一二之舉伏惟 聖明採而行之一先祿者所用猪羊鷄鵝等物自有派辦常數今鋪行買辦

委用小人做公營利入于官者少入于私家者多小民營利度
日一旦盡為所奪嗟怨何堪伏望 聖明躬符節優減省浮費令
本寺查照宣德正統年例斟酌供用禁止買辦其餘各衙門有
新增買辦物者一體禁止以蘇民困一舊例抽分商貨自有定
規今聞軍民買賣供給家用之物入城者守門官軍輒便攔截
抽分下氏甚為不便請令錦衣衛官校并巡街御史禁約糾察
除常例抽分外不許妄取一毫若珍珠寶石又買辦之大者下
人一關朝廷好尚此物輒增價數倍以要利徃年當者與估者
通同作弊多取府庫銀兩請稍加裁抑奏入 上曰朕不德不
能感召天地之和以致雨暘不時冬令無雪歲事甚可慮之朕
雖有病况未獲嘉應今覽奏所言皆是宜速行之庶民無
怨咨和氣致祥以獲豐年之慶○增給遼南鎮國將軍濠瑤本

色祿末一百石從其請也○己巳命陝西都指揮同知申澄子顯襲父原職保定右衛指揮僉事○禮部尚書鄒幹等奏天順年間因建州等衛野人女直來朝日衆供給浩繁勅令一年一次來朝其數不許過五十人其後本部復會官議建州毛憐等四衛每衛歲不過百人海西兀者等衛每衛歲不過四五十人已經通行遵守然今年自正月起至十二月止海西等處女直人等進貢到者已有一千八百三十二員名未到者尚多供給愈難宜勅遼東鎮守總兵等官照例驗放仍勅通事都督同知武忠等省諭夷人使知此意從之○壬申禁京城九門并通州等處抽分内外官不得違例多取商稅違者治以重罪命都察院榜示之○暫停追較民間馬舊制民間草牧兩歲一比較責限府州縣正佐以下官兵部言馮政固不可緩而民隱尤所

當恤今年山東河南兩直隸多水旱艱食宜輕之以待來年從之○詔黃花鎮一帶官軍仍聽居庸關守臣統領初居庸迤東黃花鎮驢鞍嶺分京軍一千五百守禦而統於居庸關給事中程萬里奏罷之以長陵三衛士卒代戍既而天壽山守備太監周常言陵寢危重逆命還駐永安以次分戍黃花鎮至是鎮守居庸關太監崔保奏兵不專一難於調遣兵部尚書白圭等言邊務委任貴冑一軍而兩屬恐緩急誤事惟聖明裁處詔仍令居庸關內外官統理周常等毋有所預○析浙江台州府黃巖縣地設太平縣先是知府阮勣奏黃巖縣地廣民繁賦號難治兼瀕海居民去縣治遠時儉盜肆遇有徵逋捕亡徃徃於拒其太平鄉居民頗稠宜分本縣三十都至五十都民隸之於此設立縣治名以太平戶部議如所請從之○四川長河西

魚通寧遠等處軍民宣慰使司雜道長官司以刺等寨者土官
番僧人等汪束等貢瑪瑙等物賜宴并錄段鈔錠有差○南京
吏科給事中王讓以疾去任讓在南京雜屬有陳奏然剛愎自
用大臣中有少忤之者必拈撫其過立見論列或受人囑而陰
為之報復朝廷以言官優容之讓益肆每會議必與六卿並坐
過大臣于道不為禮或兩人肩輿行讓必策馬從中左右顧而
過之緝紳側目無敢與抗者會讓嘗劾祭酒劉俊政官後不能
平乃刺得讓為出繼之子登科錄既書其所後父母為父母又
喜其本生母為生母因揚言讓以母為所後父之妻當具言于
朝讓乃慙屈跪疾去官○癸酉庸賊賊既台等七人犯邊伏誅都
察院擬以凌遲處死 上命皆斬之○甲戌命故後府帶俸都
督僉事朱榮孫子英襲父原職保定右衛指揮使○右軍左都

督劉玉自陳天順四年與內官鄭忠征貴州西堡蠻賊平之招
撫阿善等七十九寨征勦獅子孔等二十九寨後鄭忠等俱進
官而臣以副總兵鎮守涼州未蒙陞授事下巡按御史覈實兵
部以聞 上曰劉玉性職未久然既有西堡功其加俸一百石
○鎮守寧夏太監王清奏欲撤回應援延綏兵不許先是勅寧
夏選兵三千赴花馬池并防禦延綏至是清奏虜欲入寇而降
人猛哥報虜七千駐百眼井乞追還前軍守禦兵部言延綏散
漫虜易出沒寧夏前有黃河阻後有賀蘭山隔絕况見兵三
萬餘自足守禦而花馬池與延綏接壤選調前軍非獨為延綏
應援亦為寧夏保障也其勿許所請從之○勅滿餘在京文武
官過名仍命移文在外諸司○兵科都給事中秦崇上疏言六
事其一省無益以實邊費調邊方士卒辛苦萬狀而月糧折以

濫悉鈔贖僧道修齋禱有有帛之賜請者祈禳之費以折造戍之糧其折糧錢鈔必須嚴禁所司不許濫悉其二公輪操以便下情謂天下官軍有輪操京師者有戍邊地者而各處守城官軍安坐而食勞逸頓殊請多分班次以三歲為限城守與操戍者更代之其三重名器以飾糧餉謂工匠勇士不宜授以職官請一切革罷納粟軍職不宜寵以世授請遞減承襲勿令管軍其有進自納粟而戰能立功者乃依戰功錄叙其四資長策以安邊方謂需今邊患延緩為急而近邊守臣習知邊事請令各處修復倉濟院以收養孤貧所在上司時懲不恪以警之復多方儲粟以備荒歉其六正流俗以汰異端請盡毀新造寺觀僧道不得私自剃度仍禁絕婦女不許為尼事下該部於是更禮兵三部謀崇言者無益之費訪安邊之策去冗食之員試宜

采川但各處城守官軍多係老弱難與素練可用者輪採更戍
而工匠勇士已授職者一旦變易恐失人信宜俟有過廢黜其有
納粟單職奉詔例者一旦變易恐失人信宜俟有過廢黜其有
能有功者別加錄叙其餘恤貧窮廣儲蓄毀寺觀汰僧道俱有
近年見行事例宜申飭有司舉行遵守聞報實蹟毋事虛之議
上 上嘗從之而今納粟軍職止襲孫二世○乙亥立春順天
府官進春 上御奉天殿受之文武群臣行慶賀禮賜宴于午
門○丙子禮部奏正旦節例賜群臣宴 上令免宴賜節錢鈔
○恭寧等衛都督脫脫字羅等遣指揮刀答兒等充納河等衛
女直都指揮因哥等海西兀者等衛女直都指揮撒赤哈等各
未朝貢馬及貂皮賜宴并衣服絲段等物有差○丁丑全給故
臨泉土鍾傑孫米一年時王已改孫未截支晉王鍾鉉奏其宮

春衆多難於日給請以今歲祿米仍全支許之○己卯歲暮
享 太廟奉 孝莊睿皇后神主詣廟享祀○遣太常寺官祭
五祀之神○遣旗手衛官祭旗幟之神○以明日正旦遣駙馬
都尉石塔揚佛分祭 長陵 獻陵 景陵 裕陵○遣內官
祭 恭讓章皇后陵寢○是歲天下戶九百一十一萬九千八
百八十八戶口六千一百七十二萬七千五百八十四口田地
四百七十七萬六千五百七十二頃七十三畝田賦米二十二
百五萬七千二百八十一石有奇麥四百三十二萬八千四百
四十四石有奇絲九萬二千六百八十一斤有奇綿一十萬五
千兩絹二十八萬四千八百九十一匹有奇布八十五萬七百
三十九匹有奇綿花二十八萬二千三百一十二斤有奇折色
鈔八十三萬四千五百二十一錠有奇雜課鈔二千七百九十

一萬三千一百八十一錠有奇米五萬三千二百六十石有奇
麥二千三百八十六石有奇布七百六十九匹有奇鹽課鹽三
百七十九萬一千三百三十三引一百九十六斤有奇米五千
七百八十七石三斗有奇布四萬四千三百一十四匹有奇茶
課茶五十六萬三千八百二十八斤有奇也回子粒三百九十
四萬八千六百一十石有奇絲納銀八萬六千八十兩有奇水
銀二百四十七斤有奇硃砂一十七斤一十一兩漕運京師價
運糧三百三十五萬石各處運納糧四百六十五萬八千一百
二十四石有奇減免天下官田等項稅糧五十四萬三百六十
二石有奇

明憲宗純皇帝實錄卷之七十四終

明憲宗純皇帝實錄卷之七十五

成化六年春正月庚辰朔 上詣 奉先殿 皇太后宮行禮

畢出御奉天殿文武群臣及四夷朝使行慶賀禮 皇太后

皇后俱免命婦朝賀○辛巳文武百官朝親王於奉天門東廊

○壬午 宣宗章皇帝忌辰 奉先殿行祭饗遣駙馬都尉石

璟祭 景陵○兵部尚書白圭等言虜寇自去冬來冰渡河深

入寇鈔比接停聞欲沿居河套分道南侵萬一冰泮不去邊臣

請兵具高家堡花馬池等處物料俱缺宜令戶部會計措置可

給馬二萬支費半年以上易料運赴邊城以備度乏又竊計此

虜自入寇以來未嘗少挫意氣騎盈彼或渡河東歸乘其不備

出師選繫亦一計也乞勅大同鎮守總兵等官彭武伯楊信等

簡兵分將或貯采以往應機行事仍諭京營總兵官撫寧侯朱

永寧嚴防團營兵以防調遣協助 上嘉納之○延綏總兵官
署都督僉事房能奇奏去冬以來虜寇入秦剽掠邊民守平夷
堡指揮劉勝等遇之於鷹窩梁千戶翟清百戶曹義戰沒勝等
既不違約束移民入堡避寇及臨敵失于應援致損官軍法宜
究問兵部言勝等宜責令禦虜寇為急其罪候寇寧之日度亦
從之○乙酉孟春享 太廟奉 存莊慶皇后神主詣廟享祀
○道內官答司戶之神○巡撫陝西左副御史馬文升等奏
比聞去冬虜寇入延綏保安塞二縣分道剽掠焚營堡殺軍
士居民男女殘殺牛羊掃境一空良可憫念其寧塞安邊二營
巡哨守備都指揮陳英等俱閉門坐視宜加懲治巡撫延綏右
副都御史王堯等亦奏自去冬以來虜屢入保安等縣寧塞等
營及葭州等處殺掠男婦共三百餘人牛羊畜牧口馬餘錢穀

器用無異如州寺官益恭寺不尤如約移民入堂宇堂皆偉盛
銘隋祿等得梁無東復隱匿不言俱嘗有罪事下兵部併劾銳
及鎮守太監秦剛總兵官署都督會事房能罪上曰州縣官
不係統兵守備之任且方給軍需難于禁問若違將犯備之罪
良由法令不疎而然陳兵等兵部宜行巡按御史俟寇退之日
嚴加究治其有功勞可績者仍擬賞未聞秦剛房能王銳姑宥
之令殺賊贖罪○南寧伯毛榮卒榮和寧王阿魯台之裔父塔
歷任都督封伯爵天順己卯榮嗣父爵坐交結近侍請調居西
聽總兵官節制殺賊成化丙戌獲巡鎮守貴州卒于官卅周旋
朝一日祭壘皆如例子文廟○丙戌以大祀天地上御奉
天殿誓戒文式群臣致齋三日○命羅武營生營左都督劉玉
頭武營生營右都督劉聚整防軍馬甲仗聽調社虜○巡撫陝

西左副御史馬文升言榆林寧夏花馬池諸營料草俱缺無從區畫請令陝西考滿官於邊地納穀卓五石免其赴京給由陝西山西河內三布政司陰陽醫學僧道司官納豆一百石徑送吏部入選聽缺撥用又榆林城廩有倉上納兩淮成化三年存積鹽一十萬引每引納料豆四斗或卓一十束兩浙成化元年存積鹽一十萬引每引納料豆二斗或卓五束流入從之其淮浙鹽令待秋後仍照原擬中納○夜東方流星如益大亦也光燭地自右旗東南行三建呈尾跡炸散○丁亥河南地震○大同總兵官彭武伯倚信等以虜衆口散出漫邊境告急上聞兵部言此虜久掠延綏總堡東萬慮我邊邊須現虛實耳不然是和大同遊兵西往欲索雇肆掠也且三邊士馬指強大同為首今總兵等官統有六萬之衆未聞奏一天之寇撫機不發

去得成功已逾令信守戮力同心期于敵愾來疲整險惟便是
圖但毋輕率寡謀虛聲塞責仍充具方略以聞 上曰邊將以
禦敵為務謀定而戰庶無遺策爾等所議良是其速行之○已
丑大祀 天地于南郊祀畢 上還宮謁 皇太后畢出御奉
天殿文武群臣行慶成禮○以上元節賜文武群臣假十日○
掌太常寺事禮部尚書李喬等奏伏見 天地壇外松柏樹
葉自本月初七日至初十日有甘露降其凝如脂其味如飴謹
稽或藉有曰聖王之德上及太清下及太寧中及萬靈則膏露
呈瑞今當 皇上郊祀之時降于郊祀之兩以實 聖德格天
和氣協應萬壽丰太平之休徵也 上覽奏付所司知之○尚
書司丞薛胤大祀分獻不赴壇行禮為監察御史所劾○上
命其自陳胤伏罪宥之○庚寅以大祀慶成 上御奉天殿大

寧文武群臣及四夷朝使。○是日方宴禮科都給事中魏元洪
從上門出馬持東所執。上命錦衣速治之。○夜月犯井宿東
角北第一星。○辛卯禮部尚書郭幹等奏薊州三衛女直頃因
童山等背恩負義朝廷已出師問罪宥其脅從之人又命脫羅
為都指揮同知完者充為都指揮僉事合給印勅約束其衆矣
今三衛頭目沙加保等三百餘人來朝宜降勅宣諭俾知朝廷
恩威永保境土。上從之乃降勅曰朝廷設置建州三衛授以
官職俾世守其地以為我國家藩籬比者童山等悖逆天道孤
負國恩屢犯邊境因命將出師釐罪致討賊首已就擒滅然此
時非不能以大勢單馬掃除一隅但念爾等多有渡共過宵非
出本意是以置而不問今爾等既能悔過自新遣張元力等赴
京謝罪已往之咎悉從寬釋再不追究特降勅着諭爾等自今

以往果能鈴束部落輸誠效順煇朝貢朕當待之如初者或
反從愛詐似前縱容下人犯邊生事則動調大軍勒無遺親必
不爾恤爾等具者之戒之。壬辰賞海西忽失門衛野人却指
彈速奴等三人練段各一未畧酬其徭撫女直不覓禿重羊等
功也。○禮部奏木蘭河衛都指揮撒赤哈等以所領隨天衣服
有截短者延主臨行未告無從追明自後凡遇夷人來貢其實
賜衣服練段等物會同通事等官逐一檢點唱名給散仍令通
事省諭各夷如有衣服練段截短者即時具告毋得遲後古言
從之。○冬刻月犯鬼宿東向星。○夜東方流星如蓋天赤白色
光明燭地自正東雲中行至東南雲中後三小星隨之。○甲午
上元節賜百官宴于午門。○乙未賜朝鮮國賀陪臣吳伯昌等
宴并金織木練段等物有差。○授陝西保女縣土兵張存山為試

所鎮撫虜夜入其家存山以一人擒斬二虜兵即以聞故有是
命○丙申 英宗齋皇帝忌辰 奉先殿行祭祀遣駙馬都尉
周景榮 裕隆湖廣容美宣撫司土官宣撫田保苗遣舍人
劉奉等來朝貢方物賜綠綾鈔錠有差○浙江平湖縣知縣李
萬奏本縣周家汪并獨山海塘衝塌甌水漫入民田乞將在官
折收贖罪納米銀計工修築工部覆奏從之 丁酉夜月犯房
宿南第二星○戊戌兵科給事中郭鍾奏今至月朔八日河
南布政司奏地震初十日掌太常寺事禮部尚書李希安奏甘
露降于郊壇事俱下禮部尚書郭幹等即以甘露事上聞臣備
位諫官通覲二事心知其非不敢不言蓋過災異則懼心起悅
休祥則矜心萌懼則修德驗則急改故聖人不貴祥瑞春秋獨
紀災異真德考言祥多而恃未必不危災異而戒未必不安顧

人君慮之者何如耳古之賢君同災異而修德者如商之中宗高宗桑穀上朝雉飛鼎耳二君因巫咸祖己之言恐懼修省變災為祥故能享國文久商道益隆漢文景之時若日食地震山崩川湧星變之異未易遽教二君克承天心恐懼修省今年下召勸農桑明年下詔減租稅是政民和氣應海內富安則災異之來其有益于人君也大矣惟不知懼者然後亂亡隨之 呈上踐阼以來于茲六載有側身修省之誠富正始布德之日位列大臣職居典禮正當如巫咸之告戒祖己之正事而希安等乃共為諂說教言不着其那餘等又將先奏之地震遲留不言反以後來之甘露諂言瑞應臣知 陛下求治之盛心固不因休祥而少息但餘等倡為瑞應之說實懷容悅之私跡其所存罪在不宥伏願 皇上以年豐志瑞以民安為祥以賢才為

寶過災為異聞瑞不吉仍罷給布女二人以謝天下及禁約天
天今後不許獻吉祥瑞仍以地震天旱因災求言悖訪政事缺
失民間疾苦以次施行使天下後世知 皇上不愛祥瑞不迫
諂諛懼災修德天下大治其為瑞應豈不大哉奏入 上曰河
南地震禮部已先奏聞甘霖降于郊壇有司奏知理所當然朕
未嘗以此急于德政郭鐘女得為此言其置之○己亥左都督
劉玉等奏近奉命調餉兵馬聽調征西所統耀武顯武二營馬
單缺少乞定擬于別營選補訓練必使兵將相識庶易成功事
下兵部擬令選三千九百六十人併二營之數共及一萬以往
上曰圍營軍精選未久如何又要選補不允有營令全營以
往然此中必有情弊其令內外提督并坐營官具實回奏于是
總兵官撫寧侯朱永及玉等俱引咎自劾 上曰初簡閱軍馬

特委爾等提督訓練止敵兵精以備調遣也何乃因循廢弛
至于此王等坐營平昔怠惰及臨調却稱軍馬不足論法奉難
客恕既引咎姑宥之仍當各慎乃事以副委任數有不足即與
選捕勿致有誤○庚子以湖廣地震遣官祭告境內山川祀部
南書鄒餘言地道以去神為陰感而反常則震去年十二月
十二日武昌等府同日地震宜移文湖廣巡撫等官并司府州
縣嚴加修省用心操練軍士撫安流民及行翰林院撰祭文太
常寺領香帛遣行人一員祭告南嶽衡山并令各府正官祭告
境內山川城隍之神務極誠敬以禳災咎從之○追贈故貴州
鎮遠府通判楊宣為本府同知給誥命以清州剿賊殄于陣也
○工部右侍郎叅叔林九載秩滿自陳年已七十例應致仕但
以交趾遠人無家可歸乞容臣後任以圖報稱上許之○辛

丑海西木峇里山等衛女直都指揮把卜沙等失呈木等衛女
直都指揮早哈等建州右等衛女直都指揮沙加保等建州左
等衛女直都指揮重羊等毛憐等衛女直都指揮投勤等各來
朝貢馬及貂皮賜宴并金織衣綵段等物有差○命收成女伯
郭昂子鐘襲爵歲給祿米一千石本色四百石折色六百石○
左副都御史韓雍奏乞終制并辭免右都御史兼總督而廣軍
務之任 上批諭曰兩廣用人方急難拘常例守制不允辭○
夜月北狗星東南星○壬寅命亦斤家古衛都督尤撒塔兒奴
父乞巴并失加卜丁為指揮僉事協管夷民時亦斤夷族皆言
尤撒塔兒奴弱其奴父乞巴等二人為番夷信服乞令襲為都
督尤撒塔兒亦上書求量與一職協守邊方 上諭兵部臣曰
夷情如此宜循順之○巡撫大同右副都御史王鉞等奏延

嚴三路俱係虜寇出沒之所比令許寧軍出西路龍州鎮靖等
堡范瑾軍出東路神木鎮羗等堡越與太監秦剛軍據中路榆
林城以為兩路應援瑾遇寇於屋密川力戰敗之追奔至沙峯
子等處寧軍禦之於梨家洞轉戰三十餘合皆捷而右叅將神
英亦敗之於鎮羗境內前後共斬首四十餘級奪獲戰馬七十
餘匹弓矢甲仗五百餘事追回被虜羊牛畜牧四百八十有餘
虜遁去事聞 上降勅獎勵之曰得奏具見爾等協心效力謀
勇可嘉茲特降勅獎諭爾等尤須從嚴討議獎勵官軍出奇制勝以
收萬全之功使餘賊遠遁地方安妥庶副委任其各勉之○癸
卯都察院右都御史項忠以會官推舉方面之例舉其屬御史
羅明為廣西僉事明不欲行私於心所囑免忠不從命既下明
乃奏許忠謂往時兵部尚書白圭等會推忠總督兩廣軍務忠

不肯行喧爭怒號於闕門之下乞宥其罪忠亦言當白主推臣
時臣恐不勝任推讓副都御史韓雍熟知夷情而主以臣名與
雍並列上進蒙御批用雍非臣避難而明以所陞不滿所望捏
辭妄奏乞正其罪以為後戒 上曰項忠實曾推舉而朕不用
羅明如何為此言本當究治但事已處分姑宥之○禮部奏四
川烏蒙軍民等府廣西太平府蒼盈州進成化三年至五年慶
賀 萬壽聖節及冬至正旦表箋俱過期宜寘其官吏并所遣
頭目人等予法 上以上官衙門俱宥之○日本國使臣入貢
還至寧波府航海以去有僧盛訓潛登岸欲留中國學經浙江
備倭都指揮張勇等奏送至京禮部以勇等不先聞奏請治其
罪 上令自陳既而勇等伏罪宥之○刑科給事中虞瑤等劾
報巡撫四川右副都御史汪浩鎮守都督芮成許奏事 上命

三法司會多官重鞠得實浩坐因公杖死二十人任情濫賞官軍銀布且伐楠木載回私家成縱子為非索取部內金銀諸物甚多俱贖杖浩為民成還職帶俸內季違先巡按御史馮斐別行巡按御史違問上以浩酷暴杖死人命數多免贖請成獨石衛成貪財無厭降一級帶俸差操○巡按陝西監察御史鄭己奏臨鞏甘涼一帶人民艱苦兵士單弱今日急務莫先於裕民而強兵蓋今州縣之民大率去者踰半其所遺稅糧累及見在代納加以催科轉輸之煩卒有不給則去者未及還而在者又將去矣宜覈實佃田人戶俾見在者出本等之糧逃徙者豁所遺之稅庶幾居民日將康裕流民必自來歸又今日邊鎮之兵大率弱者居半而其所支之衣糧多與強壯之卒同夫以強弱均施人心已自不平加之屯田則安卒在野牧放則騎兵在

場卒遇有警臣知弱者無足用而強者亦不及用矣宜辨其年力得壯者一於操守而優以衣食弱者一於耕牧而供其糈草庶幾壯者備緩急之用弱者免浮浪之費雖然裕民之責在守令而擇守令在吏部強兵之責在將帥而舉將帥在兵部誠使二部之長皆賢則所選皆得其人矣此今日之急務也然其本則 陛下 一身為耳尤願親儒臣以講學延大臣以勤政集正臣以來諫疏入 上曰臨葦甘涼軍民艱難既甚就令鄭已用心處置務使得所其實以閒餘令所知之 淮王祁銓繼妃杜氏薨妃群牧所百戶適之女也成化丙戌王妃李氏薨兩為繼妃至是薨年二十有七計聞賜祭墓如制○丙午命錦衣衛帶俸指揮使相珍子杞代父職珍賢妃父也初為指揮僉事緣戚屬進陞指揮使以老乞代兵部言後二級係恩陞無襲代例

上特兄之不爲例。○召鎮守松潘副總兵部督僉事盧能回京
令停俸閒住以兵部奏其失機也。○翰林院署院事侍讀尹真
等奏典章制度必大備於文明之朝著述纂修當不廢於承平
之世驗之今日實維其時洪惟我朝誕膺天命 祖宗創造丕
昭湯武之功 列聖相承坐享成康之治極大合所至無乎不
統自三代以還莫之或京仰惟 聖德神功已各詳登於秘史
其他儀文法制未嘗彙載以戎書雖有諸司職掌一書然遺漏
尚多更革不一或事同而例異或名有而實無百年于茲未有
定制欲示治平之永則合梓典章之大成至若通鑑綱目一書
乃宋儒朱熹繼孔子春秋而作也起於周威烈王之末年而訖
于五季自宋元以後未有續者蓋因循於曩時實有待于今日
况今儒臣充盈館閣皆朝廷素所儲養以待纂修者也乞分爲

兩局一本諸司職掌而刪潤以為大明通典一書一遵朱熹凡例而為綱目續編一書用以資益治道黼黻太平傳示永遠事下禮部覆奏直等所言禮制重典宜移文內閣大臣詳酌裁處從之○丁未調金吾右衛指揮同知方鐸於萬全都司水軍衛管寧差採以鐸齋宿不謹從內臣林懷等出獵於外也○追永平府倒失馬駒共一萬一十六百餘匹時永平府所屬州縣自戎化元年以來斃損馬數俱隱匿作見存至知府王重始首舉改正兵部言重雖首舉亦難免責請移文巡按御史過時累年掌印并馬政官吏建問如律虧少之數責令追補從之○大同總兵官彰武伯楊信等言比嘗奉勅選調官軍萬人與副總兵都督僉事徐恕右叅將都指揮同知張瑛分為三營深入虜境伺便征勦正月二十日虜寇五千餘眾忽馳突南侵急還軍掩

襲遇之於胡柴溝與戰斬首三十八級奪獲戰馬二百餘匹餘寇且戰且卻款誘我軍入伏而我軍轉戰益力復斬首一十六級獲其馬百匹虜勢蹙而奔官軍益乘勝追之虜復聚殘寇迎敵臣身先衆卒擊之復擒斬四十餘級獲其馬二百餘匹虜大敗遁去前後共斬首九十餘級獲馬五百餘匹盔甲弓矢器仗共四千餘事牛羊畜牧二千餘頭此虜數年以來既犯延綏復侵大同狼貪無厭罪惡貫盈仰仗天威克獲大捷謹具以聞上降勅獎諭之曰得奏爾等統領官軍出境奮勇殺敗賊衆有斬賊安邊之功良可嘉尚茲特降勅獎諭爾等仍須振作士氣出奇制勝遇有賊寇一體截殺務在相機行事計出萬全欽哉故勅○巡撫南直隸左僉都御史邢宥言兩浙運司鹽課虧員今訪得各場并批驗所自天順六年起至成化五年終止收有

巡獲并盜徒煎辨及客商夾帶各項鹽共三萬五千五十八小引欲給與蘆澄等場代補耐欠客商景泰以前鹽課其各場原通鹽數仍陸續追補還官事下戶部以為額外引鹽截自成化五年四月二十三日以前待請為止爾後收派貿易悉如舊例從之○戊申兵部奏虜酋脫脫罕遣使上書求入貢欲取路宣府野狐嶺以入但舊例迤北使臣西自大同貓兒庄入朵顏三衛東自喜峯口入其野狐嶺不係入貢之路兼未審此虜是何部落卒然突至實恐假此窺伺邊境不可不預為之備乞令禮部遣官率諳曉夷情通事一人往諭之約從舊路以入從之○免故興安伯徐賢家還官祿米四十八石有奇賢存日通支槩年祿米計餘兩月例應還官其妻曹氏以為請遂免之

明憲宗純皇帝實錄卷之七十六

成化六年二月庚戌朔○辛亥晉府臨泉悼昭王嫡長子奇溥
奏乞存留先王時私自淨身二人在府任使禮部覆奏上曰
王擅留淨身人教授不行諫沮本當還問始宥之所司即以其
人送京仍通行各王府及兩京公侯駙馬伯家凡有淨身人即
送京毋隱違者罪之○太監姜玉奏乞安肅縣大麥澆地七百
三十四頃有奇與之○朝鮮國王李暹薨封其從子婁為朝鮮
國王暹病革以所生止一子幼而病廢婁乃其兄故世子暉之
子孝弟好學可付後事因令權署國事遣陪臣權城等以聞并
獻馬及方物請封乃命內官金興行人姜浩弔祭賜暹襄悼
就封婁為朝鮮國王婁妻韓氏為王妃并賜諡命○巡撫湖廣
右副都御史羅篈劾奏按察使項璉僉事邵琮不能約束典獄

官吏以致受賂縱囚都察院請究其罪命姑宥之各停俸三月
○癸丑建州衛都指揮兀者克木等欲舉兵侵朝鮮朝鮮以聞
兵部言初討建州叛寇時朝鮮嘗發兵為助此虜欲修怨于彼
倘置而不恤失外國歸義之心宜遣通事武忠諭責建州入貢
之使謂朝鮮助順討逆乃奉朝命爾等不知自咎而欲咎人神
必不祐且其士馬精強素非爾比宜歸戒爾屬各安分守土勿
啓釁違禍仍即以此意諭朝鮮入貢陪臣并密勅其王令謹為
防備從之○甲寅雲南甸宣撫司遣千夫長額近怕等來朝
貢馬并銀器等物賜衣服綵段等物有差仍命齋勅并綵段等
物歸賜其土官及妻○乙卯徙通州北關巡檢司於東關河西
岸從巡撫右僉都御史閻本言舊治去新河道遠不便盤詰也
○丙辰廣東按察使黃溥奏都指揮僉事牛循向緣事請降廣

東聽調殺賊然其人甯有才智可用若使之總戎一方必能報
稱章下兵料參駁牛猶性因交結權姦事覺降謫既有才智何
不少施一策禦寇而偷安度日營求薦用溥等輒敢妄舉兼奏
後列衛失序事宜究問兵部言論薦人才是亦美事若類指為
營求恐阻賢路但溥等列衛失序宜問如律其牛猶行令軍前
調用果有破賊韜畧宜從總兵等官奏聞擢用上是之仍宥
溥等罪丁巳釋奠先師孔子遣太子少保吏部尚書兼文淵
閣大學士彭時行禮○戊午祭太社太稷○遣順天府官
祭先農之神○禮科給事中吳縉奏近聞巡撫僉都御史閻本
欵於真定等府大興修城之役見今亢旱不雨麥苗將枯民心
皇皇已無所措宜暫停是役以待豐年量加修葺從之○刑科
左給事中白昂言二事其一嚴盜禁以端盜處決例於其行劫

所在梟首示衆其在京城閉廂行劫者則免然強盜敢於犖鏡之下行劫其情犯尤為深重亦須梟首於京城百里之外軍民往來衝要之處示衆庶法全嚴明人心知警其二平法律以律文在京軍民犯杖八十以上者軍發外衛充軍民發別省為民今兩京校尉勇士軍民人等犯罪該發遣者俱留京師居人日衆姦惡日多乞將其間過惡尤重者如律發遣出外庶京師肅清政教易行下刑部都察院議從之○已未都督僉事楊銘以罪下獄銘有妾與家人松通銘俱殺之焚其屍事覺贈杖還職○夜北方流星如盞大色青白有光○庚申撫寧侯朱永辭提督團營并掌府事乞止繞三十營上諭永曰卿歷練老成特茲委任不允辭務悉心訓練軍馬以副朕意○以水災免福建福津二府成化五年種一萬五百二十餘石○分守延綏左參

將都指揮同知錢亮奏虜寇犯邊於馬蓮峴力戰敗之并遣指揮栢隆等分兵累襲其營共擒斬四十餘級奪獲戰馬五十餘匹被虜羊牛畜牧八百餘以還捷聞降勅獎諭之○壬戌大同總兵官彭武伯楊信奏虜酋脫罕阿剌忽知院遣使打蘭帖木兒等二百五十人貢馬騾七百餘匹諭令止許二十餘人來朝餘留彼處祇持上等馬選進次等給軍騎掠餘聽軍民互市○癸亥守備洮岷等處都指揮使黃欽奏畜賊聚衆千餘攻陷塞堡劫掠財畜守備西固城指揮使張翰等率巡兵四百人遇之於平定間與戰失利以致十戶李盤等敗沒翰輕率失機罪宜寬治兵部言張翰喪師失律誠不可宥宜行令所司逮問從之時鎮守太監劉祥等復奏欽逗留不進失於撫捕併宜寬治上以欽奉命而往甫及一月巡歷尚未能徧難獨加罪置不問

○甲子定襄伯郭登以老疾乞休退 上不允曰卿才識可任
無精力未衰何以辭為 乙丑遣戶部尚書薛達祭京都太倉
之神○遣順天府官祭宋丞相文天祥○旌表孝子袁洪等二
人節婦何氏等十五人洪河南信陽縣儒學生其父久病風晝
夜不離左右父沒結廬守墓有二鵲來巢鄭得浙江西安縣人
錦衣衛百戶母歿刻木肖之奉事如生其父先卒母卒給假回
鄉合葬結廬墓側寢苦枕塊俱表其門曰孝行何氏浙江山陰
縣民唐清妻趙氏廣東番禺縣民陳恆慶妻金氏福建福寧衛
千戶湯泉妻鄭氏莆田縣民周則川妻徐氏民鄭永迪妻陳氏
湖廣隨州民儲禮妻趙氏河南偃師縣民郭昇妻陳氏孟津縣
民劉安妻黃氏睢陽衛軍餘張貴妻韋氏磁州守禦千戶董英
妻石氏山西洪洞縣民郭倫妻張氏吉州民劉燁妻李氏劉登

妻馬氏聞喜縣民王壁妻俱以寡守節久而不虧俱表其門曰
貞節趙氏山西陽曲縣學生蘭景昌妻夫七年十八即歿自盡
衆勸不從至夜拒前縊死表其門曰貞烈○丙寅復除貴州布
政司左參政揚鐸于雲南○以水災免山西平遙縣秋糧九十
二百六十餘石馬車一萬八千五百二十餘束○陞錦衣衛帶
俸都指揮僉事即六十為署都指揮同知帶俸指揮同知史哈
三為指揮使王倫為署指揮使羽林前衛指揮同知康輿為署
指揮使金吾衛指揮僉事張欽等為署指揮同知俱以從征建
州并剽寨等處有功所司誤列銜名亂其等級至是乃改授之
○工部以臺府唐琦王楠次妃湯氏卒宜照例於王墳傍另造
墳穴附葬從之○遼東備禦都指揮劉璠等以守備不設致虜
入寇事聞下巡按御史擬律當杖例應請成詔免請成俱降級

差操○丁卯追封故平江侯陳豫為顯國公謚莊敏賜誥命從其子平江伯陳銳請以豫征福建有功及鎮守臨清守備南京故也○戊辰以平江伯陳銳充總兵官佩征蠻將軍印鎮守兩廣○禮部奏廣西思明府上思州遠頭日韋聰齋捧虔頓成化四年至六年 萬壽聖節并冬至正旦表箋俱不赴本布政司類進事屬違例宜行廣西巡按御史逮治韋聰及本州官吏上曰本州正官姑宥之餘如奏○巡撫廣東右僉都御史吳琛等奏儋州黎人互相讎殺兵部請行總鎮總督官處置并撫其脅從餘黨從之○己巳有自宮求進者共二百六名禮部以聞上命姑宥其罪俱發回原籍當差不許投托王府勢家潛住違者論死隱匿之家發邊遠充軍仍出榜禁約後有自宮者一體治罪不宥○定四川雲南關中引鹽則例四川鹽課提舉司鹽

課八萬九千七百七十餘引上沅華池二鹽課司每引納米四斗五升通海新羅福興三鹽課司每引米三斗五升羅泉富義仙泉廣福黃市寧井未通郁山八鹽課司每引米二斗五升大寧塢鹽課司每引米二斗零安鹽課司每引米一斗雲南鶴慶軍民府劍川州彌沙鹽井鹽課司并黑鹽井鹽課提舉司共鹽課七十二百九十餘引彌沙鹽井鹽課司自天順六年起至成化五年終止積有歲辦鹽課二千九百餘引每引米四斗五升黑鹽井鹽課司天順六年分空懸歲辦額鹽五十二百引每引米四斗五升時以鎮守松潘都督僉事湛清奏邊儲不給故也○右副都御史王越引兵還至偏頭關上遣勅止之使留備延綏虜警初兵部屢移文越等令俟延綏虜衆遠遁方還大同越尋已引還至偏頭關而延綏警報不息兵部詰責其擅回之

罪 上曰罪不必寬宜令越等就屯宿被中密通延綏有芻糧之處酌量虜勢進討勿輒退避致悞事機○庚午巡撫山東右副都御史翁世資奏參政張紳馬進監督遼東糧儲當歲一交代二人互相推調遷延不行請究其罪 上俱宥之命該監榷者即往如再延緩不宥○辛未遣刑部左侍郎曾學等脩行天下考察官吏得失訪求軍民利病時兵部尚書白圭等言陝西延慶平涼等處人民累遭寇掠加以官府酷虐轉徙流離困苦已極今東作將興倘有不加意賑卹使得盡力耕農竊恐秋成失望民饑盜起况又四川瘡痍未瘳兩廣盜攘未息疫癘大行於閩粵災異迭見於淮南且連年四方旱潦相仍南北畿甸河南山東兩雪愆期二麥結死而荆襄流民動以數十萬計衣食所迫姦盜由之思患預防不可無策乞簡命兩京賢能大臣循

行天下考覈政事得失黜罷不才官吏詢究軍民利病便宜興
革其有巡撫官者就委施行務使人露實惠以副委任之意

上諭主曰恤民安邊誠為急務卿與吏部即計畫以聞於是主
與吏部尚書姚夔等議陝西山西山東湖廣荆襄兩廣貴州南
北直隸俱有巡撫都御史江西亦有撫民按察使趙敏雲南多
係土官衙門不必遣官惟河南四川浙江福建及直隸大名等
府無巡撫官擬以南京戶部右侍郎黃琛往河南南京右僉都
御史吳琛往四川戶部左侍郎原傑往浙江右副都御史滕昭
往福建大理寺少卿宋冕往大名等府議入上命刑部左侍
郎曾鞏往浙江而以傑往河南昭往福建琛往四川冕往大名
令召趙敏還京待缺而命南京大理寺卿夏時正往江西召巡
撫湖廣都御史羅篔掌南京都察院事而以吳琛代之巡撫賜

肇等劾曰朕自臨御以來勵精圖治惓惓以保民為心而比歲水旱相仍民多艱窘所在有司默不以聞致下情不得上通上澤不得下施軫念及此良切朕懷今特命爾等巡視府縣奉宣德意考政治得失問生民疾苦選委都布按三司各一員督令撫安軍民禁捕盜賊民有流移未復者設法招撫饑害無聊者量為賑濟無牛具種子者悉為措給強暴害眾者嚴加懲治寬抑未伸者即與辨理徭役可省者省之科徭可停者停之務使人受膏惠不致失所仍考察諸司官員奉公守法廉明仁恕者以禮勸獎貪酷害民者為民老疾罷職誤事者致仕冠帶間住劾察民情好惡之公以為去留軍職害軍誤事詢察得實一體罷黜應問罪者四品以上參奏擊問五品以下并軍民詞訟俱送按察司巡按御史問理或爾就量情發落凡一應軍務民情

利所當興害所當革者悉聽便宜處置干礙地方重務宜具奏
區處爾受茲簡委務上體朝廷仁恤之意下念地方閭閻之重
盡心所事俾盜息民安無意外之虞斯稱所委如或施為苟且
處置非方事無實效責有所歸勉之慎之毋自怠忽待秋成無
事之後具奏回京○鄭王祁錕奏內使孟成不聽約束且搜出
私匿妖書等物請治以罪 上命所在官司執至京鞫之○福
建按察司奏琉球國使臣程鵬進貢方物至福州與委官指揮
劉玉私通貨賄俱當究治詔逮玉治之而有鵬○壬申勅諭文
武群臣曰朕紹膺景運六載于茲夙夜靡寧圖惟治理而自冬
徂春災異荐臻雨雪不降朕慮民生弗遂憂切于懷衣惟災咎
之徵必由人事感召豈朕德有不敏而政多缺歟抑爾群臣分
理庶政者因循怠緩弗克竭誠盡心以輔朕之不逮歟循省所

自宜各任其責致交修之誠朕將親率爾文武群臣於二月二十八日恭詣山川壇請禱先期致齋三日其各洗心滌慮棄城敬以格神明廟公勤以修職業務臻實效毋事虛文六部三法司任政刑重寄宜公同計議凡政事未善刑罰失中可更張者并有惠利可興舉寬抑可伸理者悉條具以聞毋有所隱朕將舉而行之庶幾以此誠心實政仰答天心致休徵之應以福生民爾等其欵承朕命毋忽於是吏部等衙門尚書姚夔等官合奏臣等仰惟 皇上聰明仁孝捨于天心致災之由責在臣等顧乃重慶宵旰俯賜勉諭緬懷尸素當切汗顏伏望恕臣等不職之罪罷歸田里別用才賢庶幾變理得人天意可回矣 上曰朕以早災持勅爾等修省今却連名辭職此豈應天以實之道不許事有當行者可建議以聞○授進士徐霖張寬為翰林

院檢討教官董亮三相為待詔監生獨孤高胡深為中書舍人
時忻王出閣請書命霖等侍講讀也○癸酉延綏總兵官署都
督僉事房能等奏通者河水將解虜寇未退聞歆潛據河套度
夏操我耕農况延綏境土平行無險可據堡多兵以防禦實難
請留都御史王越所統大同宣府官軍及徵補西安等衛操戍
之逃亡者更命鎮守陝西都督白玉選精兵數十應援軍下兵
部言王越軍已移文留之西安等衛逃亡軍士計有八萬餘人
摘守蘭縣靖虜延慶者亦萬五十餘况其地通延綏易於調遣
宜令巡撫都御史馬文升等量於此數處選摘精兵萬人令都
督白玉參將周海統之分布延綏要害之地協助戡守待寇軍
之日取回從之○韓府襄城王徵鉅奏府中校尉有缺例頒具
奏補充展轉遷延以致累歲乏用乞視樂平王奏准事例左營

有丁款捕者從之無丁則就於所司合補兵部覆奏以所言為便准行天下王府知之歲終仍令各布政司類報永為定制○甲戌烏思藏把爾丹撒失地面番僧鎖南堅卒等洮州衛牙約等簇番僧鎖南劉等岷州衛判節等簇頭番人朵答節等各來朝貢馬并佛像遺地匾甲等物賜絲段表裏等物有差○降遼東署都指揮僉事劉璠為美州衛指揮同知帶俸差操坐備禦失機故也○以福建沙尤等縣兵疎相倉糧不敷開中本處轉運司鹽課二十萬引每引米四斗 河南魯山縣天鼓鳴○乙亥六部三法司等衙門尚書姚愛等奏比奉勅諭命臣等條具政事未善刑罰失中可畏張者并惠利可興舉寬抑可伸理者以聞臣等愚昧無知謹會議如左一南京 祖宗根本所在接連制襄控制江淮形勢至重比來災異多見于此乞諭守備

內外官脩城池練軍馬并嚴整操江船不可視為故事仍時令
給事中御史巡視之一天下諸司官多不職未能宣布德意以
安生靈乞諭巡撫巡按并布按二司嚴為考察且裁革冗員以
闡一兩廣并陝西固原等處兵革之後民多死徙開田有人承
佃者稅糧即令代納無人者免徵仍具數奏報勿得欺隱一河
南山東比直隸土田洪武永樂年間許民間種禾不起科高阜
低窪處所聽其採柴草魚鱉以自給比來王府及勢家多謂空
地棄閒請為己業民無田者仍佃種之每畝納穀二斗或三斗
者人多怨咨自今可定其教瘠土納五升沃土不過一斗仍諭
勢家勿得請開田與民爭利一在京衛所軍機一衛指揮有二
三十員者一所十戶有七八員者每公移必一一檢押然後行
之方事擾民乞自錦衣衛外俱視諸司濫章定額罷其老疾廢

懦者每指揮缺員則令掌印并首領屬吏保之千戶令指揮保之俱要各循其序兵部仍具名以聞一南北直隸河南山東諸州縣有民少馬多者又有堪養馬州縣原未養馬者往往奏新不已請下巡撫督諸司并太僕寺丞審視為均其役或有盜去死亡者先令國家買補力不及者緩之一舊例諸官九年稱職陞二級比因會保之例多得驟遷者經今宜在此例一兩京法司繫囚凡雜犯死罪以下即為分理或兩造未備大辟可矜者奏聞區處一軍職所犯非死罪以下三年中能改過自新十堪任用者在內兵部在外巡撫御史并按察司具疏以聞優起用之一先奏詔文武官以罪進者俱罷其職著為令俱具問所犯不同自今罪重者罷之輕者論以常例一在外文武官坐事有赴新章者法司不為分疏或恐寬抑自今乞令別遣人覆視之

一南京馬快船往往利人僱負之費所載官物無多而私貨倍之沿途擾民其弊不一自今乞諭所司禁約巡河御史糾察凡所載如馬槽之類止令工部自造嚴南京轉送一諸州縣清鮮軍役間有親老一丁者聽於近衛善藉原伍除名里長亦不得因緣為其一枷禁罪人私殺耕牛者半年違例匿稅者或一月或三月某綱日久恐至傷生雖今乞枷半年者減為三月三月者減為一月庶全其生一官軍并軍餘有誣訴人罪者就以所訴罪抵之或調遣衛立功或遣極邊瞭哨蓋此輩多不識字狀牒性性倩人為之誤觸刑章不得脫解乞視舊例令其運執傭工時罪庶為適中一諸州縣歲造段匹不中用者倍征之乞暫減淨免蘇松杭嘉湖五府織造局止令各府掌印官提督原遣內官堂長等暫取回京一白河抽分竹木局去京三十里非高

旅所由止抽緹民柴炭間有至廣積局重抽者乞罷白河之局
一蘆溝通州二抽分局積弊最多自今乞工部都察院各遣一
官同內官抽分散復欺隱者論之以法一各都司衛所歲造軍
器所用之物皆軍民雜辦之多通商者乞暫免今年歲辦及弓
箭弦條之類以甦民困一在京巡邏官校訪察陰事間有報復
私讐中以飛語亦有為人誣連被掠首服者法司因而罪之乞
自今一一詳後務得其情庶幾寬抑得伸臣等惟 陛下一身
宗社生靈所萃可憂之事殆不止此天下水旱災傷干戈盜賊
無日無之可憂也賢人或不肖小人或不遠可憂也正道或未
脩邪術或未屏可憂也陛下欲一一聞之必詢諸近臣而後得
乞令內閣每五日一疏天下事宜以聞 陛下時御便殿召問
其所以處之之方無所疑者即下有司行之少有所疑退而審

之而後行則於天下之事皆左 陛下照察之內乃若內庭之
間處后妃則思恩愛之均御群下則思仁惠之濟宴樂必思其
節賜予必思其當齋醮非內侍所當為庫藏非盜賊所可入皆
宜裁正而慎防之 陛下處內庭如此處外朝如此清穆肅雍
恭已南面動與天游靜與道會而人心不和天道不順若無危
也疏入詔曰莊田子粒不必定教但不許多取軍職坐事帶俸
差操弄文武官有罪在逃及馬槽清軍等事備舊例行段正免
倍征野造官取回一節堂長等留之白河抽分局不心革通州
五庫每歲止遣主事給事中御史各一員內官莊遣其餘皆如
所議行之○晉府樂陵王泰奏堯王靖王之子也母妃劉氏永
樂甲午生宣德丁未冊封樂陵王至是歲年五十有七計間輟
朝一日賜祭葬如制謚曰恭惠○丙子清明節 上遣秀王見

澍祭 長陵 獻陵 景陵 裕陵禮部奏每年清明節例遣
駙馬二員文武百官分投行礼今秦王詣陵百官宜隨班行礼
從之○遣內官祭 恭讓章皇后陵寢○南京河南道監察御史
吳種奏南京兩法司籌決重囚或一次止決一人或二三人
俱要原妻決囚御史主事并錦衣衛官三員同赴京儀命水陸
應付民力艱難乞將該決重囚仍舊會官籌決止令御史一員
復命或具疏未聞庶免下人勞擾 上以處決囚人數少只具
奏聞如十人以上仍如舊例行 丁丑 車駕詣南部山川壇
禱雨免百官早朝令先詣壇所俟駕是日早陰雲四合若將雨
狀未幾大風揚沙天地昏暗竟日始息○河南開封府書晦如
夜黃靈蔽天○戊寅免鉄嶺衛指揮使馬興指揮同知李顯先
軍各降二級興為指揮僉事顯為正十戶帶俸差操坐守備失

機罪也。○巡撫廣西左叅都御史張鵬奏賑梧州潯州桂林
南寧慶遠各府所屬州縣鐵民凡二萬六千八百八名。○湖
廣應山縣雨粟

明憲宗純皇帝實錄卷之七十七

成化六年三月庚辰朔免河南汝州糧三萬七千六百石有奇
草四萬八千餘束以去年旱災故也。命燕山前衛指揮同知
孫友於鼓舞營把總管操。調浙江都指揮僉事劉源於福建
都司湖廣都指揮同知黃肯浙江都指揮僉事脫英於福建
都司命福建都指揮同知鄭賢掌都司事陞泉州衛指揮僉事
武成爲著都指揮僉事同理司事。平江伯陳銳奏臣奉命充
總兵官鎮守兩廣乞選原征達官合餘三百人并京衛官旗二
十四人隨行聽調殺賊。上命選征東達官合餘一百人與之
銳援例請給賞人各賜錢一百兩。鎮守四川大監梅忠等
奏曲山關等處賊蹤未出沒殺虜人民守關兵少難以防禦
兵部請令忠會巡按三司等官量撥成都五衛見操官軍協助

候春水泛漲回銜差操仍令鎮守松潘等處都督僉事湛清等
同叅將守備官連兵撫捕從之。○兵部奏遼東定遠中衛軍十
二人夜出境外捕魚遇賊執之使分引入長靜等堡地方殺畧
人畜燒燬屯房總兵官鄧督趙勝以聞其守堡指揮王宣等縱
軍出境巡視者指揮文字等備禦無策副總兵韓斌驍令不嚴
俱冒竄諸法 上曰宣等令巡按御史如律究問斌姑記其罪
令停俸殺賊以贖。○手已翰林院編脩陳晉言養德之要莫先
于講學講學之功莫切于好問今 陛下雖日御經筵然譬分
尊嚴上下相隔 上雖有所疑而未嘗問下欲有所陳而不傳
盡詢 陛下退朝之餘擇一二儒臣有學行者引至便殿從容
賜坐有疑輒問務使 聖心湛然如天闢日發則以之正心正
家正百官正萬民而億萬載太平之業基于此矣吳瑞者正道

之反害治之大者也當今號佛子法王真人者無片善寸長可
求名位尊隆常與濫溢伏願降其位號杜其恩賞維今凡有請
脩建寺觀者悉置于法永為定制則妖妄絕正道明而民興行
矣事下礼部覆奏上曰此事累有人言俱已處置矣佛子真
人名號係祖宗舊制如何輒更○命故陝西都指揮僉事張
熊徑真繫熊原職山丹衛指揮使○京師雨澤晝晦陝西寧夏
大風揚沙黃霧四塞○癸未守利月犯金星○甲申癸內庫銀
四十萬兩分送遼東陝西宣府大同四邊以備官軍俸糧支用
○陞監察御史涂棐為廣東按察司副使提督兵備分守瓊州
府地方時巡撫廣東都御史吳琛等奏瓊州孤懸海外所轄州
縣凡十有三原設海南一衛及在外儋州等六千戶所去廣城
二十餘里分巡分守官經年不一至遇有警急猝難馳報乞專

任副使一員提督兵備防禦倭寇兵部為之覆請故以命某○
免湖廣各府衛及土官衙門去年秋糧二十八萬石有奇以夏
大水故也○免山東青州等府去年秋糧三十九萬九百石有
奇千七十萬八千九百餘束以水旱災傷也○當太監郭閔右
都督李震都御史羅冕各鈔二千貫絲段六表裏領軍都指揮
高瑞吳經各鈔一千六百貫絲段四表裏都指揮各鈔八百貫
絲段二表裏指揮鈔六百貫絲段一表裏千戶長官鈔六百貫
絹三匹百戶所鎮撫使目鈔五百貫絹二匹冠帶頭目總小旗
舍鈔千百夫長洞長民壯老人監生民兵人等鈔三百貫絹布
各一匹以湖廣靖州貴州赤溪等處殺賊功也○六科給事中
潘榮等言茲以雨雪愆期災異迭見 皇上降詔自責躬行祈
禱復令大臣盡言以新時政 皇上敬天勤民之心如此其至

是宜上天感格而澤應期今乃連日風霾累作天道晦冥妖沴之氣赤而復黑災變至此識者寒心上天之意蓋必有在宜應天以實之道猶有所未至歟夫人君一身動與天準欲應天以實在敬天盡其道不獨在于齋戒祈禱而已凡政令不宣下民失所非敬天也崇尚珍玩費用不節非敬天也虜後宮無序施恩澤不均非敬天也爵戚濫及于匠役賞或妄加于非分非敬天也伏望 皇上思 祖宗創業之難思上天謹告之切思天下生民之苦于前教者常加省察仍乞日御便殿召內外大臣極言得失凡利可興則興弊當革則革事當變更無事因循無憚難辱務求敬天盡其道應天有其實庶幾大意可回災異可消而國家基業可長保于無疆矣十三道監察御史丁川等亦合詞上言大畧乞召見群臣親決政務以防壅弊禁僧道毒僧

出入皇城以弭或亂需內外刑獄以伸冤滯復吏部推舉方面
官以杜奔競嚴考察以別賢否免九門揀鈔夫以革奸弊罷皇
莊及內外音威官莊定子粒之數停各處進鮮河南山東直隸
遼補馬匹及福建浙江徵採銀課以甦民困免南京造馬槽送
京及災傷之處成化五年分年例買辦採辦以紓民力以銀折
內外官俸而存其米以備賑濟復四川貴州松潘軍士舊減月
糧及優與宣府等塞官軍折俸以恤邊人納一應軍需物料于
內府者戶部工部先與辦驗堪中委官領納以便征輸疎放陰
陽暨生廚役之類及免勾補以減冗食定在外約會聽訟之例
以免人難且言巡撫永平都御史閻本素乏善譽南京都御史
羅麓光疾無為松潘都督湛清主心險詐宣府都督顏彪延綏
都督房能備倭都督董寰俱老懦不振乞罷之以警不職山西

等處布政使王允張斌參政萬甸魏琳按察使黃溥副使鄭敬俱衰憊不堪四川等處布政使揚文琳參政馬進參議李和山西按察使程鑑俱清譽無聞乞罷之以勵士風奏上詔皇城各門已有禁例仍令守衛人嚴加關防各處解來軍需物料令戶部工部辨驗堪中者委當司官領納戶送內府交收揀鈔夫照舊不許人承攬勒取銀兩追補馬匹守邊官軍俸糧并巡撫鎮守方面文武官令所司計議斟酌來聞其餘已有處分及泛言者已之於是吏部臣以都御史閻本羅麓兵部臣以都督湛清顏彪房能董宸俱大臣請 聖裁詔本等俱留管事待有誤事朝廷自有處置湛清令巡撫官詢察其堪否任用以聞顏彪房能近有旨勘報不必動董宸待勘報處置○養病兵部尚書兼大理寺卿程信因災異求言條陳兵政之未善而可更張及兵

弊之失中而可伸理者九事大要謂延綏兩廣宜推文武大臣
有威望及老成持重者總制邊計使圖其成荆襄流民宜擇人
規畫京營軍馬宜操練有法及其他功次陞賞襲替欠當等項
語皆侵尚書白圭於是圭等覆奏以為今陝西有都督白玉都
御史馬文升延綏有都督房能都御史王銳兩廣有平江伯陳
銳都御史韓雍見在各邊鎮守總督巡撫地方荆襄有叅將王
信都御史楊璿侍郎原傑分守巡撫巡視今信奏要推文武大
臣如古之諸葛亮范仲淹李牧趙充國者往陝西兩廣又要推
舉文武大臣於荆襄整飭地方以為經久之計誠為有理但其
歷舉兵政之弊數事俱有文案備載始末事由均乞 聖裁
上曰事既處置明白其已之○乙酉命豐潤伯曹振忻城伯趙
溥協同豐城侯李勇等管領將軍直宿侍衛○工部以德勝門

東門塌并圻裂城垣共一百一十六丈宜即時修理其皇城內西北廊房并東西短連房屋工可稍緩乞賜年豐上曰皇城內亦係切要一體修理於是工料給事中高斐言去冬無雪今春少雨麥苗枯槁穀種未播赤地千里人心怵然近又黃霧障天陰霾累日上天垂戒正皇上與群臣同加修省之時今乃興土木之工摘撥官軍動以萬人費用物料動以萬計伏望皇上惜軍士之勞憫黎元之苦可工部之奏先修其急切之不可已者其可以已者暫停止之以待秋成之日庶可上回天意下慰民心疏入上以死命已定不從○丙戌革湖廣荊州府城東馬驛移荆南驛及遞運所於沙市從巡撫都御史楊璿等請也○戊子改趙府左長史雷霖為金華府同知霖不安於王府官佐趙王管寧彭德府知府邢耒等欲學鑿以求改秩於

是王與府官互相奏訐詔還表及霖等至京事白表改任銜輝
而霖以例難居輔導得改官○己丑吏部奏糾道陳言乞將山
西等處布政使王允張斌揚文琳參政萬旬魏琳揚鐸馮進參
議李和按察使黃溥程鑑副使鄭敬罷其任用事下本部計議
斟酌以聞合准所言行令允等致仕 上曰近有勅各處考察
仍令從公體實果不堪仕遣致仕○庚寅翰林院編修陳音言
國家養士百年求其可用者亦不多得一二可用者又未嘗用
如致仕吏部尚書李秉侃侃公忠忘身徇國雖小過不能無而
大節則可許養病翰林院修撰羅倫編修張元禎皆抱經濟之
學困不得施故托疾引退以免素餐之耻新會縣舉人陳獻章
所學醇正所養光大臣願 陛下起秉復為吏部尚書起倫元
禎復置侍從徵獻章寄之臺諫則賢才待用治效日臻矣又言

朝廷雖置言官多緘口不言者以有撻斥之辱也臣願取回判
官王徽及評事章懋等復其舊職以彰陛下天地之量事下
吏部具奏致仕及倫元禎養病徽懋等改官之由取旨且言敵
章乃科目銓選之人不係山林隱逸之士查無徵聘監生事例
詔徽等改任已屢有成命兼被劾罷輒敢取用倫元禎告病結
勒明白却言托疾引退音偏見妄言俱不許○辛卯巡撫延綏
等處左副都御史王銳陳言邊事其一增兵以守地方謂延綏
榆林城鎮羗安邊二營堡俱係要地城堡革創軍馬單弱難以
禦賊宜於榆林城添設三衛於鎮羗安邊二營各設一衛增兵
防守其二設險以備邊患謂榆林一帶營堡其空隙之地宜築
為邊牆以為拒守其牆於墩外修築址廣一丈殺其上為七尺
上為梁口五尺共高丈八尺上積礮石於墩下各築小堡可容

官軍護守雖暫勞人力而得以永為邊備其三圍堡以衛民生謂揄林一帶地方既添兵以分守又設險以禦寇然其軍民所處多臨邊塞乞勅所司就於居民所聚之處相度地宜築為砦堡務為堅厚量其所容將附近居民聚為一處無事之時聽其耕牧遇有聲息各相護守則寇盜無從剽掠地方可保無虞事下兵部議如所言 上曰添築城堡正係守邊急務其令鎮守等官參酌舉行務期成功○虜賊萬餘騎分為五路南入延綏地方搶掠殺死男婦四十二人虜去者數亦如之巡撫都御史王銳王鈇等令遊擊將軍許寧都指揮陳輝等率兵追之前獲生擒十月一人斬首三十二顆獲其馬騾驢六百五十餘匹旗號刀弓等物七百六十有奇賊潰而出銳等遣人馳奏且初把總守備指揮龔震防備不嚴致虜入境罪當究治并上其擒獲

功次 上曰功可時過特宥之令用心殺賊以贖前愆○壬辰
開設直隸東光縣僧會司○免直隸蘇松常鎮四府蘇州太倉
鎮江三衛去年秋糧二十四萬八千餘石屯糧七千一百餘石
以水旱災傷也○詔陝西延綏開屯田先是巡撫延綏都御史
王銳言榆林一帶營堡原無額設田地一應糧草俱係曉裏人
民供給輸運甚艱請待邊牆築完之後峒堡已立行令陝西三
司督令營堡委官通將沿邊田地丈量分撥官軍耕種每歲秋
收之後量徵穀草入官人田百畝徵草二束以萬人計之可得
草二百萬數遇有豐收官司量其多寡依時價和糴行令曉裏
州縣依此分數徵收價銀解邊收貯以備支用 上以其言有
理命戶部計議以聞至是戶部覆奏從之○兵部奏近給事中
建言款暫停止河南山東南北直隸災傷地方虧欠馬匹以待

豐年追補 上曰京營各邊關馬數多若必待豐年追補寧不
悞事兵部具行南北直隸并河南山東巡撫等官及南北二大
僕寺分管寺丞將該俵馬匹仍起俵備用孳牧寄養該追補者
俱暫停止候秋成追買還官○甲午賜奉府保安王第五子名
曰誠激趙府洛川王長子名曰見渥二子曰見洽三子曰見濼
樂安王第五子名曰觀鍾○禮部奏陝西莊浪衛土軍薛失加
等七十三人征勦反賊滿四等有功俱以貧乏不願陞授宜如
例加賞從之○乙未南京通政使司右通政徐世英張闕復任
○陞湖廣按察司僉事胡瀨為貴州副使○丙申巡撫廷綬左
副都御史王銳等奏虜寇入河套潛伏聲言待耕種時來搶掠
又於沁海子墩沙河山黑河山等墩不時出沒事下兵部議此
賊窺知陝西人同宣府遊兵各回本鎮意欲乘虛竊掠不可不

為之備宜令延綏鎮守總兵起撫等官嚴督所屬遇賊近邊窺
竊即調所在官軍按伏截殺仍調署都指揮僉事王璽所領官
軍協同守戢及令陝西鎮巡等官摘調官軍土兵一萬人令都
督白玉等統領馳赴延綏會合殺賊并令巡撫大同右副都御
史王越督同遊擊將軍范瑾許寧連整兵備併力戡守以圖成
功從之○丁酉命平鄉伯陳政代陳銳出奮武營管操○命前
軍帶俸都督同知歐信理府事○卜剌罕衛頭目脫脫罕遣使
臣知院忽魯哥平章打蘭帖木兒等二十八人來朝貢馬賜宴
并衣服綵段等物有差禮部言其能遵奉勅諭不隨迤北糾合
而且進貢有時其在衛頭目及正副使至宜加賜以示優待之
意其存留大同邊境二百二十九人綵段遣官齎送鎮守總兵
等官照名給賜從之○戊戌築安王真堂奏祖父墳塋差西山

久缺祭掃 上命每歲清明許嬭子一人往祭○勅署都督僉事劉清赴草場提督牧馬○命武成後衛帶俸都指揮使李凱子聰襲父原職本衛指揮同知○兵部奏迺北虜酋阿羅出誘朵顏三衛自去冬乘冰渡河寇掠延慶等處今雖東歸而阿羅出人馬尚在河套潛住聞虜中來降達子吉阿羅出糾衆欲來搶掠有開原王者本是漢人欲來投順互相猜忌緣此虜與開原王降失帖木兒素為讎隙今潛伏河套者外懼讎敵恃黃河以為險阻內懷寇竊藉河套以為巢穴又糾集宇羅乃王窮寇相為聲勢正門庭之寇若非大挫其勢必不肯輕退當此之時或為戰攻之策乘其敝而擊之或行間諜之計因其疑而離之否則分兵拒守以遏其侵犯請令廷臣集議可行者并簡命總督總兵文武大臣以為戰守之計從之○己亥吏部尚書姚夔

等言銓選考課之法俱有定制第緣年久或至乖違况近年仕
路多岐人才壅塞命競偷薄之風益甚非因事釐正隨事修葺
則弊日以滋政罔用又今取舊制及時宜利病請下申明禁約
一舊制在外衙門大小官三年六年考滿赴部考覈九年通考
以定黜陟近年多畏避考覈或假以差占或就彼納米以致考
課之法廢弛自今除邊方軍馬錢糧緊急官員考滿申請外其
餘務依例三考給由雖有專責差占及奉例納米者三年六年
之間亦須一次赴部考覈託故者究問規避者黜降一舊例選
授在外官隨即領憑赴任近年選後多潛住京城一兩月不辭
朝出城或揭借財物置辦未裝娶妻冒妾又有杜道回家動經
三五月者自今選後限五日赴部畫字領憑除有勅人員并京
官除外任者俱不得過一月其餘若延過半月之上不辭朝出

城者行鴻臚寺及各城門查出送法司問罪其有已辭出城復入城潛住者改降別用若過違憑限半年之上者雖有中途患帖照例問罪過一年之上者不許到任起送革職為民一舊例各處土官襲替該都布按三司堂上官體勘會奏近年各委官不行親詣轉委屬官取勘遷延擅害非便自今各司原委堂上官務照例親詣所在勘實具結本司繳奏不許轉委屬司本司亦不得朦朧具奏違者治罪一各處巡撫巡按官遇有司府州縣等官告稱老疾不堪任事者依例就彼放免本部無從稽考自今務要類奏以憑稽考一各王府官有過名者例改調錄王府官人不願為多尋小故失錯意圖別用自今此等除事干重情者照例改調若失錯小故免其問斷止令罰贖還職庶姦詐不得藉此脫免一訪得聽選官更監生人等中間賢智之士固

多然亦間有無知不才之徒蠅營狗苟以圖僥倖遂致小人窺伺乘機哄誘或假說說託求討某官某處巧捏情狀誑騙財物幸而偶中需索無厭若或不成亦侵其半又有選後尋訪好處官員鑿空駕說勒取財物沮壞選法汙累官府又有恣行無賴浪費已資囊篋空虛多方舉貸擬約選後措還反選榜一出三五成群奪收文憑索要本利只得又於有錢之家立約借債贖取文憑甚者被其拘留不得赴任又有一等京城小人專在部門打聽舉放官債臨行債主同到任所以一取十以者累年不足多者終任莫償今宜出榜申明禁約有假託姓名誑騙財物者事發問罪枷號部門三月發煙瘴地方充軍若官吏監生人等倩託營求致被人誑騙財物者一體治罪其有借人財物費用及與債主同赴任所取償者官與債主並發口外充軍仍乞

令錦衣衛密切訪察撲捕所冀違法澄清宿弊禁絕詔悉從之
○河南葉縣知縣宋璽九年秩滿命再任三年以巡撫都御史
楊璿奏舉璽公勤慈愛善於撫理也○雲南芒市長官司違舍
入刀放彬頭目卜刀等來朝貢馬并銀器等物賜綵段鈔錠有
差○分守延綏西路左叅將都指揮同知錢亮奏賊在河套潛
住恐草深馬肥擁衆入寇而找官軍馬少勢孤卒難控制兵部
請令陝西巡撫都御史馬文升將見買茶馬給與分俵無馬官
軍如或不敷仍於所在官庫支給銀兩易買選用從之○庚子
旌異山西按察司僉事胡謐保定府知府章律淮安府知府楊
景杭州府知府張傳鳳陽府同知戴耀安州知州趙瑛徐州知
州王叙南昌府通判盧良阜城縣知縣林恭吳橋縣知縣張鐸
館陶縣知縣唐禎安丘縣知縣謝頌給與誥勅○禮部奏郵府

儀賓王憲宜給牙牌朝參其班次列二品都督僉事下從之○
巡撫延綏左副都御史王銳奏三月初虜賊入寇攻圍沙海子
墩不克遂至沙河山等墩往來窺伺臣同總兵官房能督領官
軍哨至黑木頭溝遇賊交戰既破走之翼日又與戰於土門川
賊潰而去前後生擒九人斬首四十八級獲馬一百一十有七
弓刀等物三百有奇追回被搶馬騾牛羊一十六有奇上
嘉其功命奏捷者陞一級○巡撫延綏左副都御史王銳言榆
林一帶營堡俱係新設逾年送到軍器多不堪用請於榆林城
立局起取延綏慶陽三衛局匠以便成造上已可其請會鎮
守陝西左少監黃沁工料都給事中張璠各言起取不便事下
工部計議竟如銳請○都察院致仕右都御史羅通卒迺江西
吉水縣人永樂中舉進士歷官至兵部郎中奉使甘肅整飭邊

務以貪淫請廣東莞縣河泊所官久之左軍都督僉事曹儉
薦通有文武才乞收置京師以備任使吏部言其不可用而止
己已之變急於用人迪上戰禦之策兵部尚書于謙薦為本部
員外郎往守居庸關尋陞至副都御史提督本關軍務時內閣
大學士陳循通鄉人也後以悅暢兵事薦之召還京參贊昌平
伯楊洪軍務泰中轉右都御史天順元年 英皇復辟自陳
預謀迎 駕功恐為石亨所掩未幾得冒授其二子及家僮皆
為所鎮撫三年致仕歸至是卒賜葬祭如例迪小有才好談兵
事遇人輒喋喋不已以得時名初為于謙所薦既而欲反嗤之
每與人語其言纏繞不可脫然卒歸於詭恠不經說者謂其挾
詐以取功名非端人也 辛丑夜東方流星如蓋大青白色有
光自天津南北行至近濁○壬寅命撫寧侯朱永佩平虜將軍

印克總兵官都督劉玉劉聚克左右副總兵太監傅恭顏恒監
督軍務右副都御史王越叅贊軍務往延綏備虜時謀報延北
虜酋將糾衆寇邊甚急兵部會廷臣計議戰守事宜太傅會昌
侯孫繼宗吏部尚書姚夔等議延綏地方闊漫賊出沒路多各
堡守備官軍數少近雖調撥陝西腹裏官軍協守然多係舍餘
民壯而山西操候官軍三十今亦未集宜添調京營并甘涼等
處軍馬選委內臣一員為監督文職大臣一員為總督武職大
臣一員佩印克總兵官二員充副總兵請給劄徃彼酌量事
情朔慶官軍相機戰守然又必得軍馬精銳庶可克敵成功
上是之命京營選精銳騎步官軍一萬大同宣府各調官軍五
千命永等充總兵等官即給劄與之仍令速啓行毋緩劄曰
自去冬以來虜酋阿羅出糾率醜類潛往河套時出剽掠延慶

二府人民被害為甚今特命爾等至彼同心計議申嚴號令振作軍威量度賊情事勢運謀設策調度官軍相機而行若賊人馬疲敝有可乘之勢即分布營陣各路出境刻期合勒如賊勢尚強亦宜分兵據守要衝毋令突入凡一應軍機事務悉從爾等便宜處置其陝西延綏寧夏鎮守總兵巡撫等官并遊擊官軍悉聽節制調度爾等受茲簡任體朕安邊保民之意盡心所事以圖成功仍戒約下人毋或騷擾居民重為患害用兵之際尤宜審密慎重毋或輕忽墮賊姦計必使賊寇殄除人民安妥斯副委任之重○癸卯給長蘆山東鹽場官月俸先是長蘆山東運司所屬鹽課司大使副使迤五十五員俱無月俸至是巡鹽御史林誠奏設官所以為民給俸所以養廉官既無俸可仰勢必至於取民前官曾立支應名色科歛米罔布匹雖嚴防閑

終非良法乞勅該部查照兩淮兩浙鹽場官事例就於各場附近州縣帶支月糧從之○錄遼陽等處殺賊陣亡被傷官軍九百六十二人功陞賞有差○兵科給事中官榮言登聞鼓之設所以通下情而革諸司之蒙蔽也近年以來鼓下詞狀多有不與覆奏辦理致使小人寃抑控訴無所今後當與辦理者即行從公研審明白回奏不許一槩立案其直鼓官亦要詳看所告果係機密寃枉重情曾經他處具告不行者方與封進不許一槩濫受如此則法有定規人知遵守矣事下刑部會官議以為當從之○鎮守陝西署右都督白玉等奏平涼土民馮木等二百人其先於永樂間選調甘肅等處應接後留涼州分班與正軍一體操備然近年以來屢遭邊患妻子被虜產破蕩艱苦不堪宜以平涼衛每年靖虜備冬旗軍二百人分為兩班令赴

莊浪操備兌回馬木等令於平涼操守過冬則赴靖虜備禦從
之一夜未星留守軒轅○甲辰賜卜剌罕衛使臣知院兀魯格
兒為指揮使平章打蘭帖木兒陞指揮使打孩帖木兒等一十
人為副十戶不忒革兒等十五人為所鎮撫以其進番文來討
也○南京太僕寺奏會官俵過應天并直隸鳳陽等府滁和等
州縣成化二年分馬騾并駒共七千八百一十八匹○巡撫遼
東右副都御史彭誼奏達賊阿賽奴者伊等凌遼河搶虜人畜
官軍追勒之賊糾眾五百餘騎依樹壘戰官軍持刀擁進斬賊
首四顆生擒賊男婦完者依等三十人及獲馬牛羊四百六十
有奇并被虜男婦一十人 上命以所獲賊徒送都察院鞫問
之○丙午命襄城侯李瑾提督團營操練及三千營軍馬○丁
未以四川左布政使馬顯為南京兵部右侍郎江西左布政使

林鷄為南京刑部右侍郎吏科都給事中潘際右春坊右庶子
劉宣為南京太常寺少卿時兵科給事中官榮以災異陳言因
及南京各衙門缺官故也○免直隸池州寧國二府去年秋糧
一萬八十七百餘石宣州衛屯糧二百六十餘石以水旱災也
○萬全都指揮同知劉政老疾命其子寧代父原職宣府前衛
指揮使○陝西洮州等衛弁古等蒞番人籠卜節等苦牙等蒞
番人永額等他蒞等蒞番人阿安等各來朝貢馬反區甲等物
賜衣服絛段等物有差○戊申命右軍署都督僉事李杲暫掌
府事

明憲宗純皇帝實錄卷之七十七終

明憲宗純皇帝實錄卷之七十八

成化六年夏四月己酉朔

太廟奉 孝莊睿皇后神主詣廟享祀○遣內官祭司竈之神
○廣西流賊往來行劫兩廣地方巡撫都御史張鵬等會議遣
兵分道追勦前後斬捕五百一十八級奪回被虜男婦六百器
械三百七十三馬牛八十七至是以聞○庚戌給撫寧侯朱永
等綵段五十表裏延綏軍門備賞從其請也○琉球國中山王
尚德遣使臣程鵬等奉表來朝貢馬及方物賜宴并綵段等物
有差○立夏雷未發聲陰靈四塞○辛亥賜故興安伯徐賢幼
子盛月米十石以優養之○吏部奏戶部員外郎歐賢先為御
史康永韶等所論謂其酷暴當黜時會官考察賢在留中得旨
不必復考有不當者待考滿時奏請處置按諸司職掌初考再

考稱職三考平常從稱職今賢九年秩滿兩書稱而一平常宜
從稱職論伏乞裁處 上命循例陞用○癸丑擢進士江純為
南京雲南道監察御史○甲寅 上以大同宣府獨石等處虜
寇數入境窺伺今農事方殷人畜遍野不可不預為隄格 命
兵部移文各鎮守總兵分守等官加謹整兵防禦○陞羽林衛
帶俸署都指揮使奚拜任為都指揮使以遼東殺賊功也○巡
撫甘肅右僉都御史徐廷章言七事一甘肅古浪守禦千戶所
城俱在半山中墻垣低薄不時坍塌且山水險惡難為保障宜
移于東北平坦之處仍將舊城作古浪關按月差官守把盤詰
奸細一陝西行都司所屬衛所官員俸鈔俱于陝西各府食鹽
鈔內支給以路遠支給不時或四五年或八九年甚至有終身
不得支給乞將各官俸鈔改折布政司庫銀行令按季造冊赴

司領回衛所給散每銀一兩折糧四石或五石一西寧地方蕃
夷食茶如中國人民之于五穀不可一日無者本朝舊有茶馬
之例後暫停止近又舉行然民間絕無興販而官府又無督辦
之人以致茶馬司見茶不滿千斤乞勅所司通查出茶州縣山
場定其則例聽民採取俱運赴西寧官庫收貯換易蕃馬給軍
騎操并與苑馬寺作種孳牧其民間所採茶除稅官外餘皆許
給文憑于陝西腹裏貨賣有私越黃河及河洮岷邊境通番易
馬者究問如律一河西一帶居人別無營業止是耕牧豈年上
納子粒之外所餘無幾今甘肅倉庫收有餘剩糧價乞量借二
三年之數聽巨督官管糧官于秋成之際委官分投照依時值
糶糧于預備倉收貯春散秋收以備兵荒之用後有盈餘盡數
存留在邊放作官軍月糧一甘地方孤懸受敵比年以來三邊

備禦官軍允換歸併就近操守遂將本鎮原備邊潼關衛官軍
允下缺少二千七百餘員名累次勾補並無一人到邊倘遇有
警何以爲用自今乞調選世照舊輪班操備一兩京天下法司
衙門間擬囚犯有例該充軍及降調爲民者往往恣肆不赴配
所著役到任或于中途逃脫或于在京潛住或逃回原任原籍
乞勅法司禁約在京許錦不衛五城兵馬司在外聽巡撫等官
嚴加捕捉解赴配所窩藏縱容不首者事發一體究問一甘州
十五衛所歲造軍器所用鎗桿箭桿等料俱本衛官軍往鞏昌
等處山場採取所在官司給與車輛運送係是舊例近年有司
不與運送以致物料絀乏棄置官軍不得運邊軍器由之虧欠
乞勅所司今後遇有採完物料即與撥車裝運如仍前推調致
悞邊務者事發一體究問疏入下所司知之○丙辰增設河南

裕州同知一員南陽泌陽唐縣至各一員湖廣南漳宜城東陽竹山穀城光化鄖縣房縣主簿各一員○丁巳巡撫貴州右副都御史秦敷奏貴州學校悉屬雲南提調僉事兼理相去動經千里往來考試不便乞令本官專理雲南學政本省從分官兼理從之○上以遼東屢報虜寇款入境搶掠義錦寧遠鐵嶺開原等處設有賊近逸出沒持勅鎮守巡撫等官計議防禦之策仍督沿邊墩臺哨守官軍嚴謹備之○命巡撫荆襄右副都御史楊璠分守右叅將都指揮同知王信以南陽衛并守禦鄧州各千戶所京操兩班并放回官軍俱留彼處操守以其地連年被災流適充滿官軍不足故也○戊午宥巡撫山西右僉都御史李侃陝西按察司僉事王瀛罪初瀛為御史巡按山西趙城縣民有謀殺其伯父者下侃瀛會問失出之至是事覺都

察院請究其罪詔皆宥之○己未表王瞻塔有疾 上命醫費
藥馳驛往療之○戶部奏山東布政司所議濟南兗州東昌青
州四府歲運遼東官軍俸鈔涉歷閱海轉徙艱險今願每鈔千
貫折銀三兩送部轉運給散請聽其便以順民情從之○辛酉
命富陽伯李輿代平江伯陳政神機營左掖管操○壬戌置
恒羨倉于偏頭關七堡戾溝營以給邊需從巡撫右僉都御史
李侃請也○戶部奏陝西鎮守及布政司等官議陝西之地可
憂者二一則三邊之虜寇一則漢中之流民虜寇不過邊境之
患流民則為腹心之疾且漢中僻在西南萬山之中為川蜀喉
襟之地而四方流民聚者不下數萬若治之太急恐生變禍置
而不問將貽後憂今雖有分巡撫民之官然而道里遼遠歲不
再至加以宸務紛紜莫能專理請新增設按察司副使或僉事

一員選老成才望之人賜以璽書專治漢中流民其有久位願附籍者從其附籍或從便安置之或設法漸發遣必須斟酌停當毋有後患仍增設撫民同知一員分理其事并會同守備等官簡練士馬修濬城池以防不測庶幾流民得所而變故不生流入從之○天鼓鳴○癸亥新寧伯譚祐等印記過應天并南直隸鳳陽等府滁和等州縣成化三年四年分募生陪償馬騾并駒一萬五千九百三匹○兵部尚書白圭等奏虜寇糾合各種醜類久住河套揚言草青馬肥之時入境抄掠今年三月以來故遣輕騎出沒析毀小南川柵柵雖被我軍拒殺出境即今俱在邈外屯聚意圖乘間竊發防禦之策不可不謹請令監督總兵叅贊并守土等官計議長策嚴督官軍勦殺從之○甲子仁祖淳皇帝忌辰奉先殿行祭禮○以水災免浙江烏程

歸安長興德清武康仁和六縣稅糧共六萬六千二百餘石○
重修南京十廟完守備太監安寧成國公朱儀等請令詞臣撰
文刻石以紀其事 上命吏部尚書蕪文淵閣大學士彭時記
之○乙丑西番國師都綱刺麻若爾藏卜等使靈藏封贊善王
還各貢馬賜宴并賜服衣綵段等物有差○工部奏四夷朝貢
人數日增歲造衣幣賞賚不敷 上命禮部議減各夷入貢之
數尚書鄒幹等具例以聞 上曰其移文各邊令如已定年數
入貢不得違越幹等以烏思藏原無定立則例議請烏思藏贊
善闡教闡化輔教四王三年一貢每王遣使百人多不過百五
十人由四川路入國師以下不許貢其長河西董卜韓胡二處
一年一貢或二年一貢遣人不許過百松茂州方位坐番僧
每年亦許三五十人來貢其附近烏思藏地方入貢年例如烏

思藏亦不許五六十人乞行四川鎮守等官俱要委官審辦有印信文字者方許放入仍乞降勅各番王諭以番僧入貢定數至期各王將番僧姓名及所貢方物各具印信番文以憑驗入從之○丙寅陞監察御史梁觀為陝西按察司副使撫治漢中流民○以水災免直隸涿水涿陽句容六合江浦當塗蕪湖七縣稅糧共三萬六千四百餘石○鎮守延綏等處總兵官房能奏虜入境抄掠安邊等營堡官軍禦之生擒毛那孩等二十人及羽林城等堡官軍截殺又生擒可帖木兒等九人 上命以所擒賊械送都察院鞠問之○西坡裨定及麥市等寨番賊糾衆作亂為指揮使徐旻等所敗鎮守松潘等處副總兵湛清以聞兵部議謂賊既被殺必懷報復之舉請勅湛清及鎮守叅將等官嚴督所屬整飭兵備隨宜撫捕從之○丁卯賜寧甯石

城王子名曰艷銘○南京刑科給事中俞俊等言頃者吏部文選司郎中陳雲員外郎劉恒主事陳道乙璫俱以罪調南京部屬竊見南京乃太祖高皇帝肇基之地其事體與在京相同凡百執事尤在得人今以雲等處之是朝廷遇雲等重而視南京則輕遇貧人厚而視南京士夫則薄奈何以祖宗根本之地為罪人貶謫之所乞降調雲等于遠方或羅為民上曰朕視南京一體但雲等有過不宜與銓選故調用之耳○分守荆襄等處右叅將都指揮同知王信自陳素無謀勇失職召災乞別選謀勇公正大臣代為分守上曰信歷練老成所辭不允其用心操守地方○己巳巡撫寧夏右副都御史張鑿言寧夏屯守之資全賴黃河水利前人創立唐漢二壩引黃河之水分為二渠以濟灌漑啓開蓄洩專人掌之先以遠營展築唐壩關

堡獨漢壩城壁未立累被搶掠欲得如例修築且請易二壩之木以石環以周垣庶便屯守事下工部以為須待道實乃報從之○巡撫廣西左僉都御史張鵬奏今年二月以來皂嶺竹城等洞首賊黃公剛等四千餘徒入賓州安城等鄉攻破上團濠舊寨殺虜男婦二百六十五人燒燬倉舍劫掠財畜官軍截殺之斬捕十三級事下兵部議謂賊勢猖獗如此巡哨等官失于防禦請行總督兩廣軍務右都御史韓雍如律治之其分守叅將張壽統令不嚴亦令覈實以聞仍令兩廣總鎮等官督兵勦賊從之○庚午 仁祖淳皇后忌辰 奉先殿行祭禮○辛未 陞廣東右布政使夏垣于江西廣西右布政使胡拱辰于四川俱左布政使○南京太常寺少卿李本以母喪去任○江西按察使趙欽初以御史按江西將代有勅陞按察使 命之賑濟

饑民禁止土庫事完俟報還京久之乃奏年穀已登土豪既戰無事可泄請如勅旨還京戶科叅以為欺罔宜從該部究問施行戶部請行巡按御史覈實既而覆奏故所言皆實乃置不問○壬申賜百官扇○革晉府輔國將軍奇澈夫人李氏封號及恒陰郡君儀賓黃璽職先是慶成王奏弟鎮國將軍鍾鏗選太原衛餘丁李茂女為奇澈夫人儀所養之家輔國將軍鍾鏗選永和昭定王女興縣縣主儀賓黃慶茅璽為妹恒陰郡君儀賓有失倫序事下禮部議其違例婚姻宜加進奪提之○詔修安定西直二門墻垣及溝渠之坍塌者○致仕南京工部尚書兼理寺卿王來在來字原之浙江慈谿縣人由諸生魁鄉薦會試得乙榜授江西新建縣學教諭被薦擢監察御史巡按直隸蘇松常鎮諸郡風采凜然尋奉命考覈守令而下貪暴者望風引

去正統初少師楊士奇薦擢山西左叅政兵部侍郎于謙巡撫山西言其廉明剛正練達政體可賓近密當道者沮之調廣東左叅政秩滿陞河南布政使景泰初陞都察院左副都御史巡撫河南湖廣北虜犯京師聞召即率兵馳至衛輝以寇退引還尋陞右都御史時征勦湖廣苗賊命總督軍務縛其渠魁章同烈等以獻而撫定其餘黨師還召見便殿慰勞之轉南京工部尚書兼大理寺卿天順初致仕成化元詔進一階至是卒年七十六計開賜祭命有司營美來律姿貌少儁邁不群善議論澹臺不絕吟詩有奇語臨事明達事無大小面訊立斷其在山西時以嚴察為治頗過于酷中遭沮柳遂折節痛改為政一以和平奉命宣力四方所至以治辨稱○甲戌四川松潘雜谷安撫司耆僧朵兒藍藏陝西靈藏地面耆僧結節烏思藏地

面善僧言籠樂竹已等各未朝及貢馬毳毼刀甲等物賜宴并
綵旣絹鈔等物有差○都督同知魯鑑都指揮王震分守莊浪
境內有賊劫奪官私財貨殺巡哨千戶刑部以鑑震提督不嚴
請逮治其罪 上俱宥之 命巡按御史仍責震罪狀○乙亥
巡撫陝西左副都御史馬文昇奏榆林邊城控閘中之管鍵扼
虜寇之咽喉近者有警守將輒請調遣大同宣府并京營軍馬
併力截殺然道途遼遠軍未集而虜已去徒費供億無益于事
為今之計惟在選將練兵豐財足食據險以遏其深入燉荒以
絕其孳牧四事有備則虜必懾服而地方可寧近年以來榆林
為總兵者平時不能申嚴統令臨事固肯身先士卒歆望虜寇
之懾服難矣乞推選素有名望智謀曉勇者代之仍遣主事一
員親詣榆林會同巡撫等官逐一揀選精壯者存留老弱者更

代所選官軍分所三撥其馬匹亦分三等攻戰守禦則虜寇不
敢數來侵掠然將難得人兵難可用使糧草一有不足則亦難
以成事乞勅所司計筭榆林各堡軍馬若干每年該用糧草若
干設法措置仍遣主事一員督軍採辦不致勞民轉運則吾兵
食可足矣又沿邊一帶山坡重複崖澗深陡賊馬之來必循大
川而行宋人禦夏俱于川口修築城堡乞尋其故迹相度形勢
及時修補蓋造倉廩收積糧草在內將延慶二府土兵民壯俱
留本府操練遇冬專委都指揮一員會同僉事提督相兼備冬
操習選都指揮二員赴陝西都司到任管事遇警督操則暖寒
皆有備兵而虜不敢輕入且虜騎犯邊必就草牧馬草若焚燒
馬必自斃今各邊每年荒將官視為虛文勇騎得以牧馬乞
于冬初草枯賊寇未入之時挑選精兵結布營陣離邊三五百

里務將達賊出入去處野草焚燒盡絕則寇難近逸馬不得南
牧矣 上曰文昇所言練兵之策誠為有理候收情寧日令文
昇會同彼處鎮巡官揀選其添用提督操備官亦宜會同陝西
鎮守巡撫官計議燒荒不盡致賊得藉野草犯邊者宜如法究
問兵部行其知之○周府汝陽王子璽薨王恭僖王之子也母
妃李氏永樂辛丑生初封鎮國將軍正統丙寅進封汝陽王是
時薨年五十計聞輟朝一日賜祭葬如例謚曰安憲○丙子曉
刻月犯昴宿○安鄉伯張寧病愈 命于左軍都督府帶俸朝
祭○南京守備等官成國公朱儀等奏據律竊盜三犯刺臂者
絞軍雖免刺罪同後以款凡犯在赦前者不問正統間有旨律
為常法款乃一時恩例當以前後三犯通論歲久奉行至成化
元年法司蓋以舊例奏革仍不問赦前事今南京有盜王阿童

者其技巧捷群盜皆師之二十餘年已嘗五犯每以犯在赦前
得免今復被獲如仍擬初犯益長其惡且南京重地盜賊為害
尤甚乞依律條并正統間例處罪庶奸頑知警而盜賊不致于
滋蔓事下刑部覆奏請如所言 上曰赦所以許人自新而小
人乃倚赦為奸是豈可縱夫解以正解虞周之刑也王阿童其
審實處決今後問擬竊盜仍以赦前後通論三犯著為令○太
監黃順等奏安定西直二門城垣修理工程浩大人力不敷恐
後雨水時行難以用工乞撥官軍併工修理 上命三大營撥
官軍五千人與之○是月山東旱

明憲宗純皇帝實錄卷之七十八

明憲宗純皇帝實錄卷之七十九

成化六年五月戊寅朔○己卯六部會議甘肅宣府巡撫官所陳事宜一莊浪西寧二衛乃虜必犯之地見儲糧芻不足三月之用雖已召商中鹽緣其地荐罹災傷糧值騰踊無應召者第恐秋高馬肥胡人入寇有誤軍餉請令陝西督糧大臣多方設法預借金歲夏稅務于莊浪倉再運米麥四萬石豆三萬石西寧糧豆八萬石庶邊倉有預備之用而臨期無倉皇之虞一萬全都司并屬衛外考吏月支食米三斗緣各吏俱在京所撥掣家遠來僦屋而居甚為窘迫請以所支米加為五斗以濟其急一各邊衛所操守軍士多以餘丁與官豪之家為家人一得更易姓名印稱官舍以此人多傲劾軍因消乏請令各處軍政官清查不分年之久遠俱贖取歸宗聽總軍役仍戒所屬無踵此

築一西路野狐嶺距萬全右衛城三十餘里路平無險沿邊舊築牆垣濠塹低薄狹窄迤南雖設德勝關然關東水口可通人馬北虜近欲從此入貢不為無意一旦竊發長驅為患非小請令分守叅將督守備官軍修築牆壕務在高厚濶深仍以磚石甃空關東水口量留小門或間以鐵窗石條則地方可保無虞議入詔悉從之○命湖廣老疾都指揮同知任忠子傑代其原職瞿塘衛指揮使○虜賊毛那孩等二十八犯邊伏誅○工部左侍郎霍瑄卒瑄陝西鳳翔縣人發身鄉舉授大同府通判以荐擢知府已巳英廟北狩車駕至城下守城者戒嚴不敢啓瑄從水竇匍匐出謁叩馬嗚咽進膳羞靴袍等物出府庫金帛以犒虜秩滿還山西左叅政食正三品祿仍掌府事英廟復辟徵拜工部右侍郎未幾轉左賜二品服帶成化初因累其

屬何經經訐其擅費工料不法諸事朝廷雖不之罪然瑄由自
鬱鬱不自安尋以老乞休居京師久之不歸至是卒瑄質朴少
文勤于幹理在大同家久熟知邊務尤見知于英廟人謂其
榮遇始終非偶然者○工部右侍郎黎叔林卒賜葬祭如例○
辛巳命孔融恭襲封衍聖公先是衍聖公孔弘緒以罪免為
民上命山東巡撫等官舉其宗人應襲者至是都御史翁世
濟等奏孔氏宗長孔克晟等狀言闕里自漢高祖過魯祀孔子
封九世孫騰為奉祀君其後世世以宗子承襲至四十七世孫
若蒙監修祖廟有罪免以其弟若虛承襲若虛卒仍以若蒙子
瑞友繼之今弘緒既以罪免其弟恭恭讀書知禮義宜奉先聖
宗祀恭恭至京事下吏部尚書姚夔等言恭恭宜循若虛故事
令襲衍聖公恭恭之後仍令弘緒之子繼之奏上故有是命○

陞陝西邠州知州王諫俸一級復任三年諫治邠九年賦平訟
簡盜賊不生流亡復業將代州人相率詣巡撫都御史馬文昇
乞留之文昇以聞故有是命○戶部以陝西督餉郎中萬翼等
奏缺料豆建議請令河南府以今年應運京倉粟米一萬石保
定府廣盈倉六萬石共改豆五萬石京塲及北新塲馬草各十
萬束保定府倉折色草三十萬束俱徵運延綏接濟今年原派
陝西羊改派河南北直隸陝西秋冬二季該班人匠暫免赴京
合儲運糧草其山西陝西河南軍馬所經之處戶口鹽鈔悉為
寬免從之○壬午端陽節賜百官宴于午門○陝西寧夏地震
○甲申 命四川都司帶俸老疾署都督僉事周貴子鳳代其
原職成都後衛指揮使○兵部錄延綏崖窻川馬連要禍記卷
黃甫川等處戰功奏請陞賞官軍以示激勸且言巡撫延綏左

副都御史王銳及都督僉事房能太監秦剛近以所屬失機有旨令殺賊贖罪而巡撫大同右副都御史王越及進擊將軍都指揮使范瑾都指揮僉事許寧皆特調督戰將臣其陞賞未敢擅擬詔陞越為左副都御史瑾為都督僉事寧為都指揮同知能銳剛准其贖罪餘官軍四千九百七人各陞賞有差○鎮守陝西右都督白王陳禦寇方畧一延綏遼方東西綿亘二千餘里通接察罕腦兒斷頭山諸處最為要害諸營堡防守官軍俱于陝西南陽潼關摘調每歲分番往來無常恐非經久之計切見榆林城安邊營神木縣係邊境要衝土地廣饒水草便利宜于其地各立一衛或分調延綏慶陽三衛官軍或編送內外間擬刑徒及近歲清出諸衛新軍守禦其地一虜寇近年以來稔知我邊軍馬單弱營堡寥落輒肆侵掠今河水已解尚在河套

且各堡屯兵相離路遠猝遇有警不能應援切見榆林等營僅
舊調諸處守備官軍強弱不齊宜于其中精簡膂力過人弓馬
閑習騎兵二萬分屯三路量加賞賚名曰遊擊令其五人為伍
十伍為隊編為伍甲籍其姓名有功則同陞無功則併戮又推
舉可用武臣三人一人充總兵二人充遊擊專用禦寇仍請勅
文武大臣一人賞紀功勘合同總兵等官即軍中激勵陞賞假
以生殺之權其所選官軍中路一萬駐總兵參將調遣其東西
二路遊擊將軍各統五千或在安邊神木邊境或駐延綏環慶
就糧按伏往來隄備首尾相應仗我有倚角之勢敵受腹背之
攻一甘寧延綏三邊操備軍士俱係西安左等衛累次選調防
禦之數父子兄弟相繼或邊難被原衛既遠數備官馬歲治軍
裝勞役不息戶有人丁亦各差操且陝西災旱連年衣食缺乏

雖給口糧不足以贍故軍士逃亡殆以千計今軍旅方殷恐漸
之人守禦乞令各邊守臣查勘所調旗軍多寡等第如京軍事
例或聽于原衛全支月糧一石或聽優免餘丁差役使助軍費
或聽歲加賞奏倒死官馬令守臣區畫衆為買補則軍伍無逃
亡之患而人心可勸矣一巡歷二府所屬環縣合水縣慶州保
安州等處民居散漫城堡遠隔招寇剽掠而合水白豹等川鎮
邈德靖金湯諸處有城堡墩臺遺址亦有山寨險利之處乞令
陝西三司堂上官親詣邊陲查勘舊有墩臺山寨之地量役軍
民修築凡邊近散處軍民悉納入堡守望相助又增撥延慶二
府原選土兵分屯操守及各處間擬因徒定撥墩臺哨守瞭望
有警舉火傳報則邊陲有保聚之固矣詔下其章于兵部○修
築四川長寧縣城縣人翰林院編修李永直奏本縣土城卑隘

地連重嶺白圍初以來黑被攻豎縣治殺掠官民乞下有司展築舊城甃之以石以脩後患事下巡按四川監察御史竅實工部奏請從之○乙酉鎮守薊州永平山海太監龔榮奏福餘衛平辛遠赤勞溫等至大喜峯口報字革譏太師李羅乃王字羅丞相三人率萬騎東行又幹失帖木兒王率四萬騎駐牧西北阿羅出小石王率萬騎同朵顏衛都督桑羅干男脫火赤二百騎在西事下兵部尚書白圭言參酌累次傳報夷情則李羅乃王姓年為幹失帖木兒所敗已奔卜剌罕衛近報又云率衆東來蓋此虜雖敗亡之餘而部落猶多恐竄糾合配類收捕朵顏三衛用為鄉導謀犯邊境矧幹失帖木兒率衆四萬駐牧西北其勢六盛不可不慮宜令大同宣府一帶總兵等官整兵防禦而大同宣府官軍近以虜因剽掠河套分調西征者各五千人

有誓六須起調京軍策應但恐被處供億不給宜行巡撫等官
集議以聞 上是之○虜賊咬失哈伏誅咬失哈糾黨搶必搶
勒百餘人入陝西賀蘭山搶掠官軍捕獲至是誅之○丁亥
太祖高皇帝忌辰 奉先殿行祭禮駙馬都尉趙輝承命祭
孝陵○調河南中牟縣知縣王讓于嵩縣孟津縣知縣丁政于
盧氏縣嵩其盧氏地險民悍且有銀礦之利巡視侍郎原傑奏
宜得數等治之故有是命○免雲南右衛等所管激江府州縣
去年田租一萬四千二百一十六石有奇以水災救也○戊子
晉府方山王美垣堯王定王之子也母妃張氏永樂丁亥生初
封鎮國將軍正統丁巳進封方山王至是堯年六十有四計開
國朝一日賜祭奠如制謚曰恭憲○己丑 仁宗昭皇帝忌辰
奉先殿行祭禮遣駙馬都尉石璟祭 獻陵○遣掌太常寺

事禮部尚書李希安往山東祭告東嶽泰山東鎮沂山東海諸
神祈禱雨澤以山東亢旱運河水竭從禮部請也○命陝西帶
俸都指揮楊廣宋琪分番領兵赴甘州備禦○庚寅旌表孝子
任勉等二人節婦尤氏等十人旣直隸開州儒學生張銳山東
東昌府儒學生俱以父歿廬墓三年旌其門曰孝行尤氏直隸
無錫縣氏吳益妻沈氏浙江嘉興縣人縣丞項景亮妻陳氏定
海衛餘丁王京妻鄭氏山西靈石縣氏吳海妻胡氏江西恭和
縣氏劉仲斌妻郭氏氏羅子弘妻李氏劉仲勉妻康氏韋伯魚
妻黃氏淳梁縣氏范韋妻王氏廣東歸善縣氏劉秀愈妻皆夫
亡守志久而不斷俱旌其門曰貞節○命錦衣衛帶俸指揮同
知夏忠子振府軍衛指揮同知常能子廣徐銘子鑑俱代職○
兵部議覆巡視河南戶部左侍郎原傑所言二事謂直隸歸德

衛汝寧所俱在河南而屬直隸巡按御史其御史以道遠巡歷不及軍務多至廢弛宜河南巡按御史并分巡官一體提督又河南嵩縣等處流民盜掠銀冶之利宜命署都指揮僉事李瑾守修其地操練兵馬禁捕盜賊仍聽巡撫荆襄南陽都御史楊瑋恭將王信節制其布按二司分巡官亦宜帶劄議入 上是之直隸二衛所 命河南巡按御史一體提督○命朱降虜人把都脫脫伯俱為正千戶脫脫卜羅為副千戶脫脫為所鎮撫把都等俱迤北字羅乃部下為幹失帖木兒所敗故來降○兵部議覆兵科給事中梁璟所言三事一習騎射以便擊刺宜移文各營總兵官嚴督坐營把總官汛過操之日如法練習務使騎射精閑便于馳驟擊刺庶敵可以折衝一稽籍以除私役宜移文各營總兵官自今三營見操官軍令把總等官以倉糧隊

伍從實具數候給事中等官至營點閱不得欺隱如軍數不足私從贖放即指實參奏一容生理以除民害謂雁門關一帶關口南至崞縣忻州北至繁峙縣山內有居民徵糧田圮北口官軍不可禁其耕採止其出入以為民害宜移文山西巡撫等官會議處置上俱是之惟官軍不必具數○辛卯禮科給事中張賓言荆襄流民皆各處被災公私急迫而來者也其驅除之于既來之後孰若禁止之于未來之先禁止之方要在暫先賦稅而已今各處奏報災傷戶部必覆勘而後停免勘實之命未報而徵歛之期已急况又水旱相仍衣食不給是致結群聚黨攜老扶幼以求生路荆襄多空地所以為流民之淵藪也及今不為區處則他日恐有意外之變請勅該部于凡奏報災傷之處差官往勘得實即與停免則民蒙實惠而可預止其逃移

之心矣事下戶部覆奏從之○巡撫荆襄南陽右副都御史楊璠奏均州并南漳諸縣流民蟻聚盜賊蜂起請以均州千戶所正伍官軍委官操練以備不虞其修理太和山宮觀宜督令餘丁代役從之○巡視河南戶部左侍郎原傑奏黃河自古為河南患蓋以水勢瀾漫遷徙不常彼陷則此淤軍民隨處開墾退灘之地以給日食以供稅租蓋以此而補彼也奈何奸詐之徒陰結王府官校緊指為園場屯地投獻徵賞王府信之輒使標封界至占收子粒有不從者輿詞妄官動經歲月民不聊生自今有化者不問軍民舍餘俱終身摘戍附近衛所其王府官亦不許陰結受獻致興詞訟違者一治以法則奸猾有警而民無橫擾矣又彰德懷慶河南南陽汝寧五府山多水漫衛輝一府沙灘過半軍民稅輟之外僅可養生開封一府地雖平曠然河

決無時洪武間蒙 太祖高皇帝息例除常稅外荒地許民耕種永不起科景泰時乃創起科例致令奸民互相告訐徵歛日重民迫于勢傾家陪納請如舊例凡軍民有告訐不起科者不聽則可免陪償之患矣戶部覆奏從之 夜東方流星大如盞青白色有光自壘壁陣東行至近濁○壬辰陞荊州右衛指揮同知李震為署都指揮僉事守備荆沔等處從巡撫右副都御史楊璿等言震材能出衆公勤有為故也○宣府總兵官都督同知顏彪等奏宣府一帶自春入夏烽火不絕適者獨石馬營邊墩累報有虜入境或出或沒而我兵分調西征恐此寇乘虛而入勢不可遏乞量調京營騎兵二三千委官統領赴邊守禦兵部覆奏欵調騎步兵三千以往 上曰京兵不必調○癸巳巡撫陝西右副都御史馬文昇奏陝西三邊榆林最為要害蓋

甘涼可以堅壁清野而坐困虜寇寧夏可以恃山沮河而守禦
叛羌惟羽林河套山澤之利足以資虜人馬之用又兼入境抄
掠常獲厚利是以侵犯我邊曾無虛歲每找出兵虜輒遁去徒
費糧芻為今之計誠莫有過于選將練兵豐財足食者也請勅
該部會計榆林各堡一歲應用糧芻若干或借撥于隣近布政
司或別行設法措置每歲初遣主事一員督軍採草事竣還
京務使常有十數年之積則軍民免轉輸之勞地方無驚疑之
患事下戶部議以為陝西歲徵稅糧及部運銀布計三百十九
萬八千三百三十二石彼處歲支糧料併銀布折支俸糧及冬
衣布花折收止用二百一十六萬六百八十三石尚餘一百三
萬一千六百四十九石此外又有開種鹽糧之類以三年計之
可足年半之用以十年計之可足四年有餘其所不足者有司

不能依期完納耳請移文巡撫并布按二司總督糧儲官預給
各道所用之數至會派時的其地理遠近量為派撥秋收徵完
則足以供用不須借撥他省別行措置從之 甲午曉刻月犯
斗宿下星○乙未陝西岷州衛慈班等族番人聖的肖等龍都
卜等族番人勇竹官等洮州衛祿光等族番僧領占三竹等各
來朝貢馬及盛甲佛像等物賜綵段鈔錠有差○國子監監丞
李仲言前襲封衍聖公孔私緒自幼失學長而狎近群小以致
干冒刑憲 聖明念先聖之裔特加寬宥革職為民即 命其
弟崇泰襲封恩至渥也然不豫教之誠恐徒蹈前轍伏望留之
京師賜以館舍俾之隨侍班行復覩禮制退則從游太學受教
師儒俟其學成道歸奉祀禮部覆奏從之○巡撫永平真定等
處右僉都御史閻本奏罷貪酷老疾罷輟官行唐縣知縣李春

等五十五員。○禮部言烏思藏等處番僧進貢至者數多賞賜綵段等物酌議從減從之。○丙申免陝西蘭州靖虜臨洮衛去年夏秋稅糧五萬二千二百三十八石有奇。單四萬八千二百九十八束以旱災故也。○戶科都給事中丘弘奏近聞本科章奏各處旱災雖有而山東河南尤甚天下地方雖多而臨清濟寧德州為要請勅戶部于臨清德州二倉各撥十萬石或以漕運南京水單衛遠風缸內撥二十萬石于二處水次賑濟其東昌大名于臨清支給濟南景州于德州支給濟寧兗州泰和如無儲糧許暫借泰山所貯香錢定擬米價給民至于河南之災則撥歸德州倉儲十萬石賑濟仍行巡視巡撫官嚴加撫恤禁革奸弊務使貧者得沾實惠則流離可免矣。又各許奏災本部俱覆勘而後免故雖荷蠲免之文而無實惠之被請自今各處

災傷但中巡撫巡按就行勘實蠲免如無巡撫巡按三司官奏聞者則如舊例仍蠲不急之務難泛之後庶民困可以少蘇矣事下戶部議山東災已遣官往勘番錢可如奏行撥濟運道風并臨清德州糧有碍必款支二倉糧湏令所在方面官先禁止其遠方聞風而東者及嚴審其附近應給者許賑以五萬石若在二百里外則給以復處官糧如有不敷方許批遣往賑其河南大名等有災亦令巡撫巡視官隨處撥賑給或無糧聽于富家官給印曆舉貸年豐如曆索還示以必信凡所施設務俾官無妄費民受實惠奏聞詔如議行○丁酉南京十三道監察御史李繼等以災異上言五事一贖官鹽以省運送謂先因湖廣災傷撥淮鹽五萬引以南京馬快船運至彼處賑濟風水不便重勞人力其未運者乞就西淮變易銀價令原委官賚送

為使一通鈔法以便宜民謂龍江九關商稅錢鈔兼收不便乞
如聚寶門各宣課司例一體收鈔其大勝關并江東巡檢司冬
春水乾客艍不至該季鈔貫六錢減免一革鹽鈔以甦民困謂
戶口食鹽之法既驗日收鈔即當驗日支鹽今鈔入于官而鹽
不及民况收徵之際轉為奸利十倍中止以一倍入官鈔皆腐
爛不得實用乞通行天下一切減免一禁夫役以節民財謂應
天府上元江寧兩縣沿襲舊例每年驗丁出銀謂之上櫃銀以
為修理公廨及往來迎送之費出納之際官吏因緣為奸宜令
有司凡有修理止取工部匠役其往來迎送兩縣止宜量撥人
夫免徵銀入官一節貢獻以寬民力謂內監歲用馬槽及他器
皿之類皆取之南京工部計其轉用之費比諸在京成造不啻
百倍自今宜令南京類送價值就于在京成造為便詔下其奏

于所司于是戶部工部尚書楊鼎等各議擬以聞謂賣鹽賑濟
宜如所請九關一體收鈔已有近例戶口鹽鈔亦已減半款畫
蠲免恐非長策徵收之弊宜通行禁革馬槽之類俱有舊例南
京邊造其禁夫役及免大務江東二關冬春商稅宜令所司勘
報從之○兵部言鎮守延綏等處太監秦剛等奏四月二十九
日馬神仙并河西梁諸墩瞭見虜寇或百十餘騎近墩駐止或
三百餘輩往南前行必此寇稱令草茂馬肥圖為竊掠故遣輕
騎近邊窺覘虛實不可不謹上命監督總兵叅贊軍務并延
綏鎮巡等官飭兵防禦之○甘肅總兵官定西侯蔣琬等奏甘
肅地方極臨西北近者災異迭見鎮番永昌等處旬日之間累
有虜寇出沒殺掠人畜見存倭兵單弱而近又奉勅選調莊浪
甘涼騎兵四千赴延綏征勦恐此虜乘間突入則他所援兵卒

難策應乞免其分調為便 上從之 命兵部移文甘肅鎮守
等官統所選兵即其地操練防禦如有警仍聽延綏調用○戊
戌太子少保兵部尚書兼文淵閣大學士彭時等言近來旱傷
去處除南方路遠未知虛實北方惟山東六府并直隸大名廣
府順德三處夏麥已全無收其次河南地方夏麥或有三分
多不過四五分此三處秋田多未及種間有種者苗稼枯槁將
來亦是無成雖經累報災傷然有司未免照例覆勘展轉遲延
人心不安流移道路勢所必至請勅三處巡撫視官設法賑
恤凡遇災傷州縣即為勘定具奏以今年該徵夏稅并戶口食
鹽鈔貫照數蠲免其見今追陪各項馬匹亦暫停止太僕寺丞
暫令回京待後豐年再令賞補如此庶恩典出于朝廷人心有
所感激民困或可少甦實為地方之幸奏入從之○己亥巡視

山西右僉都御史李瓖奏罷老疾罷賴貪酷官左右布政使王允等一百五十九員都指揮朱忠等十八員復上疏自陳比奉詔考察官員其間有年其臣相若而不堪任事者有才倍於臣而貪暴不職者臣皆追之臣今年六十有四才識庸下濫膺重任于事無補敢乞骸骨歸鄉里詔不許李正芳字秀碩湖廣麻城縣人舉進士授戶部主事麓川用兵以督餉功陞郎中歷知東昌南陽保寧三府事皆有能聲其在保寧以軍功加從三品俸尋陞山西右布政使為人有幹局遇事敢為頗不拘小節允字執中山東歷城縣人由進士授監察御史陞按察使大學士李賢荐之召至京以奏對粗率復出于外尋轉湖廣左布政使以憂改山西允居官雖無大建明然亦質實可取○庚子復除陝西左叅政胡育于陝西浙江左叅政王育于山西福建右叅

政余復于四川湖廣按察司副使張黼于山西○命故武城後
衛帶俸都指揮使池廣弟海襲其原職海有疾不能任事但支
俸優養○辛丑會昌侯孫繼宗兵部尚書白圭等言會試武舉
正千戶劉良指揮僉事魯廣騎射步射俱中原擬之數而二策
智識優長文理通暢例加署職二級良署指揮同知廣署指揮
使月支米三石都指揮僉事郭銳指揮僉事孫安指揮同知張
欽白珍騎射步射亦中原擬之數而二策頗知故實文理未純
例加署職一級銳署都指揮同知安署指揮同知欽珍署指揮
使月支米二石其都指揮賀榮舍人李夔射數雖合而策對泛
冗難以任用例還原衛從之○刑部尚書陸瑜奏其鄉人王銓
請賜下錦衣衛鞫治銓了奏瑜不法事辭皆誣妄 上以其污
辱大臣特杖之百謫戍遼東錢嶺衛既而瑜上章以衰老求退

上曰事既明白卿宜勉力初用不准罷歸○正宣兵部言遼陽官軍在有塔西殺賊者所獲賊屬俱幼男婦女擒斬者僅六人而所報獲功并當先之人乃多至三百五十餘名恐賞至于濫今以禽斬虜級并禽獲領賊叛軍官六員各陞一級當先引道并奪回被虜男婦俘獲賊屬及被傷官軍人等四十四人給賞餘皆不與其副總兵都指揮僉事韓斌先以失機令殺賊贖罪今雖親督戰陣以効功勞然所得不償所失乞 聖裁

上曰是韓斌准其贖罪○癸卯代府宣寧王遜焯堯王簡王之第七子也母妃徐氏永樂癸卯生正統二年冊封為宣寧王至是堯年四十有八計開輟朝一日賜祭葬如制○延綏立功都督僉事李文以從征虜寇有功陞為都督同知○甲辰初 上欲于西山建佛閣六科給事中言去歲祖令四方早暘夏麥無

收秋成難必百姓嗷嗷張口待哺陰靈晝晦兩電地震無處無
之荆襄流民強梗未服陝西虜寇侵掠邊疆天道譴告于上人
事未寧于下是以致勞宸慮宵旰孜孜惟恐一民之失所一方
之未安分遣大臣巡視天下勸調官軍遠禦邊方又減京儲以
賑饑民寬賦稅以甦困苦此皆 陛下敬畏天威愛養元元之
深意今乃遽起無名之工為不急之務有傷治體徒費國用然
工役之資雖曰出自內帑是亦生民膏血 祖宗積之以備兵
荒之用者當此多事匱乏之時不宜輕費若謂建閣果有福利
剛以之賑濟饑民而免流離之苦賞勞軍士而有効死之節其
為福利豈不大哉又聞近來國用較之往年多增數倍誠恐饑
困之民有司逼迫失所老弱轉死溝壑壯者聚為盜賊奸頑竊
發志生不測當是之時雖有佛閣將安用之通者山東等處既

蒙 聖恩寬免賦稅馬戶今修理宮殿坐派物料又及前項災傷地方是猶病者方補以參苓之劑而又投以峻利之藥其不老者幾希矣疏入 上曰歲荒民饑朕所深恤雖不得已之役猶當傳免彼西山佛閣何益于事其亟已之○乙巳巡撫永平等處右僉都御史閻本乞致任許之○命四川筠連縣夷首阿坎培為金口巡檢司巡檢以四川守臣言流官巡檢不通夷語阿坎培熟知夷情衆夷信服故也○免陝西安定會寧縣去年夏稅一萬四百七十九石有奇安寧會通渭寧遠隴西彰縣秋糧二萬六千七百四十八石有奇馬革二萬八千束以旱災故也○戶部奏先因湖廣乏糧以儀真見收餘鹽五萬引運往賑濟然水陸遠險為費甚廣宜如南京御史所言變賣淮鹽例令原委官將未運之數會巡鹽御史變易價銀賚送荆襄巡撫

都御史楊璠羅糧賑濟之。○陝西督餉戶部郎中萬翼以延綏缺草請募人上納并開中河東鹽戶部遂定陝西河南山西北直隸所屬兩考吏有能于延綏納草七百束者送部撥京考九百束者本布政司撥補三考赴部免考冠帶辦事其納一千二百束并在京各衙門辦事吏納七百束者亦如之俱以次附選開中河東運司見存鹽課每引料豆二斗。○命降虜奴他台為副千戶溫州衛安置。○丙午奏贖軍務右副部御史王越等議上勸賊安邊事宜分遣諸將操守地方左副總兵劉玉并西路參將錢亮統兵五千五百軍于安邊營右副總兵劉聚統兵三千五百軍于高家堡大同遊擊將軍范瑾統兵三千五百軍于神木堡宣府遊擊將軍許寧統兵四千軍于龍州城署右都督白玉統兵二千五百軍于懷遠堡都指揮李讓統兵一千軍

于清平堡叅將周海統兵二千五百軍于定遠營東路右叅將
神英部指揮王宣指揮李勇統兵一千五百軍于鎮羗堡指揮
陳雲領神機并本堡兵一千三百軍于平茂堡都指揮康永領
兵一千軍于雙山堡副總兵林盛統見調寧夏兵五千軍于威
武鎮靖清平寧寨諸堡叅將白金統原甘涼莊浪兵四千軍于
波羅安遠靖遠諸營堡署都指揮僉事王璽統山西代州偏頭
關諸處兵二千軍于孤山栢林清水諸營堡臣越同太監傅恭
頤恒撫寧侯朱永統騎步兵一萬二千有奇軍于榆林城總制
中路其東西二路有警則隨城勒放附近營堡併力夾攻并馳
報臣等督同鎮守太監秦剛署都督僉事房能發兵策應務圖
成功 寧夏地震○丁未陞河南按察使劉福山東按察使李
裕山西右叅政殷謙山東左叅政董昱浙江左叅政何宜廣西

右叅政周鐸俱為右布政使福浙江裕陝西謙山西昱山東宜
廣西鐸廣東從在京大臣會舉也○復置湖廣興山縣縣洪武
初始設至宣德以來有虎為害民多耗損遂併于歸州然歸州
治頗遠且隔大溪兩潦溪溢則民不便近歲各處流民附籍寢
繁民請復置縣巡撫等官以聞從之○襄陵王冲棟奏虜入河
套致煩朝廷出師征顧子孫及增從總兵等官征勦初因
上以書復王曰比者醜虜潛住河套累犯邊疆已命將出師征
討矣茲得王奏具見忠君愛國之心朕甚嘉焉但王以宗室至
親名分尊崇難與總兵官同事况國家自祖宗以來藩邦無
從兵共討例專書以復惟其亮之○直隸高郵州壽州合肥縣
兩電大如雞子

明憲宗純皇帝實錄卷之七十九

明憲宗純皇帝實錄卷之八十

成化六年六月戊申朔日食○秦府永壽王志埴薨王簡王之長子也母妃吳氏永樂甲申生宣德辛亥襲封永壽王至是薨年五十有七計聞報朝一日賜祭葬如制謚曰安惠○庚戌陝西叅贊軍務右副都御史王越等奏河套虜寇五月十九日圍墩索米西路左都督劉玉率衆禦之二十日入境剽掠東路右都督劉聚與戰敗之事下兵部以為越等分兵之初能首挫賊鋒功雖未集事亦可尚宜賜勅獎勵之上賜之勅曰得奏尔等親督官軍與賊轉戰致此克捷功誠可嘉茲特賜勅獎勵尔等務在同心協謀激勵官軍遇有賊情相機戰守以收萬全之功勿因小捷遂生怠心用兵之際尤須嚴緊哨探毋墮賊計勉之慎之○辛亥貴州署都指揮僉事崔昊老疾命其子鐸代原

職都勻衛指揮使○壬子 命故錦衣衛帶俸指揮僉事汪英
子智襲職瑛起外戚初為兵馬指揮景泰中歷陞右都督天順
初復為兵馬指揮後復陞指揮僉事與世襲錦衣衛帶俸○癸
丑 命故南京錦衣衛帶俸連官指揮使哈三哈子哈忠襲職
○河南潁川衛教諭葉春言虜寇入境邊將恐失機復罪專務
城守故賊敢深入請于賊所必經之地每四十里立城壁一所
召募居民編立大甲無事則散耕其旁遇警則於此保聚又選
精銳士卒為遊兵巡徼截殺使虜不能入雖入亦無所得又河
套餘寇久困無食必致死戰而京兵素驕以素驕之兵與死虜
敵難必勝負宜命邊將邀其歸路賊必挑戰吾乃堅壁清野俟
其困而扼之又天下精兵銳馬盡出山西陝西宜召募土人用
為鄉道間謀足益兵勢又淮安為江浙兩廣之衝臨清為畿甸

山東之衝潼關乃四川陝西之衝汴梁乃湖廣荆襄之衝中都
乃 陵寢所在南京為根本之地守將皆須得人宜令兵部區
處罷黜貪酷老懦之輩而擇精勤忠勇者代之詔下其章于兵
部○乙卯加延綏征進馬草五十萬東及運太倉見收折草銀
五萬兩于軍前買草應用其馬臨征時許日加料一升屯守則
如舊從督餉郎中萬翼請以時方命將征虜也○鎮守陝西太
監劉祥奏洵陽商縣及湖廣鄖縣俱有盜起勢甚猖獗 命陝
西河南湖廣鎮守等官議捕之○丙辰以遼陽等處殺賊功賞
官軍人等綵段銀布有差○丁巳秦王公錫沂陽王公鎰各為
其子請書籍以孝順事實等書與之○六科給事中十三道監
察御史劾奏鎮守廣東右都督馮宗玩寇失機之罪請寘之法
上以宗既召還置不問尋 命宗理前軍都督府事仍督操

練、獨石、馬營守臣奏備嶺兒等墩瞭見境外虜寇或五十餘騎或二三百騎近邊出沒又走回男子言朵顏衛虜酋革干台伯顏等意欲西行犯邊見于獨石後駐牧事下兵部言虜情譎詐雖陽言西犯實欲乘隙東寇矧賊營離邊不遠不可不備上命大同宣府獨石鎮守等官整兵防禦 火星無光○戊午周府宜陽王有焯堯王定王之第九子也母妃胡氏洪武庚辰生明年冊封宜陽王至是堯年七十有二計開報朝一日賜祭奏如制謹曰憲務○陞浙江湖州府知府岳璠為山東布政司左叅政嚴州府知府張永為江西左叅政○大同總兵官彭武伯楊信奏大同軍士缺馬乞給千匹分俵諸城以脩調用詔太僕寺給價銀五千兩市馬五百匹與之○己未道內官祭中霽之神○致仕都察院右副都御史陳泰卒泰字吉亨邵武人幼

後外氏魯姓既貴乃復姓陳永樂癸卯領鄉舉授安慶府學訓導正統丁巳以荐為監察御史擢四川按察使鎮守都御史冠濳誣以杖笞人下刑部獄久之始白己巳北虜內侵命協守紫荆關巡視沿邊諸堡景泰改元轉大理寺右少卿守白羊口陞都察院右僉都御史鎮易州甲戌遷左僉都御史疏理徐州呂梁二洪及運河丙子巡撫江甯蘇松嘉湖諸郡英廟復辟被譖左遷廣東按察司副使連丁內外艱復起為左僉都御史巡撫四川進右副都御史巡撫江北淮揚諸郡兼督漕運上初即位乞致仕許之至是卒計開賜祭葬恭操守清白有才力敢為為御史時以搏擊得名所至風稜甚峻貪墨多自引去咸名至今著于吳蜀云○庚申命金吾左衛帶俸指揮同知孔文子俊金吾右衛帶俸指揮僉事張璘子能阿行子進玉俱

代職○癸亥鄭府左長史張鐸奏鄭王長子年長未請封及婚配父子日生嫌隙屢以啓王輒忿怒紀善彭璘王諒亦因諫勸遭辱况臣年老精力衰憊乞令休致仍乞改璘等于他府奏至上允其請乃勅鄭王祁璘曰得長史張鐸奏王與長子見滋日生嫌隙對衆每言其母韓氏齷齪百歲之後難與同廟見滋是我為世子時生如何釀得王爵聞人勸諫輒便忿怒不知果有此事否如或有之甚是非禮豈可傳聞于人自今宜痛加改悔篤叙天倫為長子請封擇配即使具奏施行母徇一己之私毋惑下人之議且王獨不見臨川王父子之事乎義不兩全雖悔何及王宜深思熟慮以為鑒戒庶克保全名爵無有後悔○甲子 上以會舉官多有未當諭吏部臣曰今方面多缺員尔等務選任得人每缺推舉兩員來聞不必會官保舉著為令○

命福建署都指揮僉事武成總督備倭○改淮揚二府舡料鈔
收米每鈔五貫折收京粟米三升貯于近倉以備賑濟候豐年
住折仍令在京文武官成化六年俸鈔亦暫住支以去年亢旱
故也 夜月犯泣星○乙丑陞福建按察使劉敷為福建左布
政使湖廣按察使項璉為江西右布政使四川副使宋欽山西
副使王琳江西副使洪弼張剛俱為按察使欽河南琳山東弼
福建州湖廣○丙寅調福建郡武府知府盛顯于延平延平府
知府馮致于邵武時巡視福建都御史滕昭言邵武事簡而顯
之才有餘延平事劇而致之才稍緩請互調之故有是命○獨
石馬營守臣奏初十日以來羊川等墩瞭見境外虜寇或二三
千或七八千多至萬餘及朵顏衛夷人多近邊潛住 上命兵
部移文宣府獨石大同審雲鎮守等官整兵防禦丁卯賜唐

事府少詹事兼翰林院學士柯潛母宜人戴氏祭戴氏受五品封例不設祭時潛父守制家居復過母喪具本乞恩故有是命

○守備偏頭關都指揮使馮慶以貪凶罷 命都指揮使戴廣代之○戊辰順天河間永平等府大水○己巳陞吏部郎中張寰刑部郎中王克復陳傑禮科都給事中魏元戶部郎中程泰禮部郎中孫洪山西布政司左叅議王儉俱右叅政監察御史陳相閔珪陳偉吳璘刑部郎中彭韶浙江按察司僉事辛訪俱副使寰浙江免復珪偉江西元訪福建儉儀相山東洪璘山西恭廣西韶四川○巡撫山東右副都御史翁世資奏罷老疾罷賴會酷官左叅政馬進等三百二員都指揮吳勳等一十八員

○庚午詔以直隸滑縣并河南獲嘉縣積餘倉糧賑濟寧山衛缺食軍餘候豐年如數還官從巡視大理寺右少卿宋旻請也

○賞定遼左等衛官員旗軍都指揮高名等五百一十二人銀布有差以遼東遼陽等處殺賊功也。吏部尚書姚夔言自六月以來淫雨決旬潦水驟溢京城內外軍民之家衝倒房舍損傷人命不知其算男女老幼饑餓無聊樓遲無所啼號之聲接于閭巷按周禮以歲時巡國及野而矧萬民之糶阮以王命施惠然則被災糶阮之民正王命所當施惠者乞分遣給事中御史錦衣衛及戶部官督同五城兵馬司取勘房舍衝倒者與米一石損傷人口者與米二石少糶阮之苦用廣賑恤之仁上從其言。戶部郎中萬翼等奏榆林東西塔堡及調遣京營各處軍馬六萬有餘日費糧餉草料以數萬計其草束款取之內郡則道路迴遠款市之遠境則價直騰貴加以歲饑民不聊生徃徃有竄入山谷者今又有催徵供億之苦誰能安之况此

虜猝難殄滅較數萬徒費財力請量留精兵固守以節邊儲以安民生事下群臣議于是兵部尚書等官白圭等言虜衆寇邊征之固非得已而翼等以歲饑民困為慮亦宜泛權處之然兵難遽度宜勅總督軍務太監傅恭都御史王越等僉議如虜勢可滅則併力進剿早圖成功以省大費或虜勢稍緩不可窮追即散遣原調官軍陝西萬人還本地操候偏頭關二千人還黃河七堡就糧仍量留京營大同宣府諸處精銳騎兵萬五千在邊無倣令近堡牧放給以草價有警即拘入堡給以草束其餘軍內各委隊長率領于環慶延綏旁地就糧不支草價聽候調用凡事悉聽臣處以聞仍令翼等暫收草價及時措買以備秋冬之用 上是之賜恭等勅曰近即中萬翼等奏謂邊方早災重以飛輓之役民力疲甚將有流移轉徙之患欵量留精兵

以安民生事下有司建議皆以軍旅之事難于遙制宜勅尔等處之初至尔等其詳審有司所議而因時處畫如其餘兵馬可罷亦宜審處回奏夫軍旅本以為民然民生用苦尤當軫念尔等從公議之母徇已拂人庶違鄙可安副朕委任之意○辛未以修葺清寧宮并各城垣增內官監軍民匠役食米月一斗鹽一斤○命總兵官趙輔工部尚書王溥太監黃順督官軍修理九門城垣疏濬諸巷水道○遼府儀賓劉達有罪革職達承府檄進者 裕陵因而挾妓飲酒官校廡得其狀下錦衣衛獄至是刑部議擬革職 上從之 命戴民中隨任○壬申山東陽信縣兩雷聲如嘯隕石一碎為三其色外黑內青○癸酉孝莊睿皇后大祥遣駙馬都尉石璟祭 裕陵○雲南木邦孟容等入法遣陶孟汝隴等來朝貢象馬及金銀器賜安并衣帛

緣段等物有差○甲戌兵部尚書白圭議監察御史聶友良所陳倭遊五事其一欲于延綏地方設遊擊將軍三人選陝西精兵萬騎于虜寇出沒之所築立三堡分兵操守宜令陝西鎮守諸官詳議果所設兵將利于邊務可免諸路調發之勞其二遊將多輕率寡謀屢墮賊計欲榜諭各邊深謀持重寇至不得輒發兵徵擊則恐懼之徒得以藉口害事非小宜碍難行其三欲簡命指揮以上年力精壯者特命提督十二營內外文武大臣練試弓馬操演戰陣使諳曉韜畧遇警用之宜如所言令總兵等官時加考驗以備緩急其四清解軍伍甫至輒逃皆所司不善撫恤所致切中時病宜行諸道清軍御史并按察司覈戒衛所官俱善加撫恤如有故違以致失伍數多者聽叅奏處治其五宣府所屬衛所多臨邊要地其把總掌印軍政屯田指揮

等官又征守要職近因巡卒數多令一歲再至宣府比較輒從
騎士往逆動以月餘萬一有警之人防禦宜移文宣府鎮守巡
撫大臣自後應合比較指揮千百戶不必調取卽令各城叅將
守備內外等官量加罰處有故縱私役重情聽巡撫按實開
究治詔如所議○乙亥兵部尚書白圭等議戶部郎中萬翼所
言邊事其言故事邊境封疆之外軍民不得擅出耕牧瀟歲守
邊諸將乃私令軍士于界外開種沃地于各堡分牧預畜拉寇
虜掠因糧于戎孰令巡按御史行邊禁約宜移文延綏鎮守諸
官禁之違者聽巡撫按奏治其言山東逃民見在神木蔚州
諸邊營僅耕牧致生邊釁俟無事之時款塞其籍貫給以口糧
省令復業有居處成家願編軍伍者聽宜移文巡按并三司分
巡官如所擬行之其言各邊將帥以損兵為失機筮至則嬰城

聞臣欲遣科道一人在邊巡察凡遇有警敵衆則圍守而要其
歸敵宥則併力以殲其衆然兵無定法宜移文字邊官員有寇
則相機戰守寇衆則互相應援不得依違誤事其言各邊營堡
守瞭官軍羸壯貧富不同守修等官或包辦月錢或占為匠役
或令耕田取稅中監取利故有力者偷安自逸貧弱者久守墩
臺款專遣御史一員往來點視凡守墩官軍季一更代然今各
邊有警專人巡視恐致煩擾宜移文巡撫官嚴加禁約務使差
役均平違者聽巡撫按官奏治其言榆林東西地方胡寇出
沒之所款增設營堡墩臺量調守望軍馬宜移文鎮守等官全
詳議可否以聞其言款如舊制以奮勇當先者為奇功不次陞
賞以斬獲首級為次功量加賞賚雖近年間以奮勇當先擒
斬一例陞賞然皆酌量賊情功次多宥處之實非舊制蓋奮勇

數多恐賞至于濫宜仍如近例因功陞賞當先官軍有出衆奇
功聽總兵等官擬奏區處其謂草枯之後款遠出燒荒以敗虜
謀秋成之後款拘集編氓以防侵掠皆近已奏處又謂河水既
合款休時鑿冰以絕海道榆林二路款增設遊擊以專守禦皆
空碍難行又謂榆林東西二堡在墩官軍并邏卒旁苦特甚款
間歲給白金一兩皮襖一件著為定例則恩典所出伏乞
聖裁 上皆是之其榆林守墩官軍并邏卒見在禦寇効力
守鎮守巡撫官察其勤苦者特與賞勞不為常例

明憲宗純皇帝實錄卷之八十終

明憲宗純皇帝實錄卷之八十一

成化六年秋七月丁丑朔享太廟奉孝莊睿皇后神主詣廟享祀○遣內官祭司門之神○戊寅賞陝西延綏黃甫川等處殺賊有功官軍大同右等衛指揮僉事楊恕等四千六百八員名銀絹布有差銀一萬一千四百六十八兩絹九百一十二匹布一萬三百三十二匹○免四川重慶成都順慶并東川軍民四府六州十四縣稅糧二十三萬一千二百六十石有奇以旱傷故也○平虜將軍總兵官撫寧侯朱永奏虜寇阿羅出等久屯河套擁衆犯邊官軍於張厚家川蘇家寨等地遇賊轉戰十餘合敗之生擒二人斬首十五級獲馬四十五匹器仗九百二十六事俘還敵虜人畜甚衆兵部請勅太監傅恭爾恒總兵官朱永都御史王越副總兵劉聚遊擊將軍范瑾等以獎勵之

上從其請賜之勅曰得奏具悉爾善于用謀官軍勇于效力致此克捷誠為可嘉特茲降勅獎諭勅至爾等尤宜從長計議酌量人情事勢相機戰守毋恃此而怠致墮賊計慎之慎之○巳卯 今上皇帝生 上之第三子也 母曰紀氏○陞監察御史徐茂兵部郎中陳渤為福建布政司右叅議監察御史楊琅刑部員外郎劉時教大理寺右寺副楊德南京監察御史李璣大理寺右寺正鍾瑛為按察司僉事琅璣時教俱山東瑛德俱福建○庚辰 仁孝文皇后忌辰 奉先殿行祭禮遣駙馬都尉王增祭 長陵○南京禮部左侍郎章綸奏乞省祭許之○兵部奏近者京城內外強竊盜數之成群肆行劫掠請嚴禁治之 上曰盜賊縱橫皆兵馬司及錦衣衛應捕官校不用心緝捕所致已往姑恕復怠慢縱容廢職誤事者聽指揮朱驥等奏

奏寃問降調邊方其能擒獲強賊有勞者具奏給賞○辛巳命給事中御史督五城兵馬具京城內外軍民被水患該賑恤者數凡一千九百二十戶戶給米一石死傷者加一石○免直隸淮安鳳陽廬州三府滁州等州并直隸武平滁州六安儀真廬州淮安等衛所被災秋糧八萬八千九百九十石有奇草一十四萬七千八百五十包有奇○壬午陞廣西按察司副使周琦為廣東按察使尋以巡撫鄒御史韓雍奏其在任乏清譽罷之○楚府通山王季祥薨王靖恭王之子也母妃郭氏永樂戊子生初封鎮國將軍正統丁卯靖恭王薨襲封通山王至是薨年六十有四計開報朝一日賜祭葬如制諡曰莊簡○甲申以季莊睿皇后神主將附 廟道秀王見澍詣 太廟祭告○陞史料左給事中程萬里禮科左給事中霍貴俱為本科都給事

中○免直隸鳳陽府五河懷遠霍丘三縣揚州府通州夏稅小
麥六千八百二十石有奇以水災故也○己酉奉安 孝莊睿
皇后神主于 太廟是日 上不視朝其淺淡服詣 几筵行
祭告禮如儀司禮監官奉 神主如 太廟 上隨行至廟門
具服服奉安 神主于寢廟祭祀如時祭儀百官陪祀禮畢赴
奉先殿行安神主禮撤去几筵○丙戌有 旨朕弟秀王之圖
凡諸合行事宜所司詳具以聞越二日禮部以親王之圖禮儀
悉如德王例條列具奏報可○命都察院右都御史項忠吏部
右侍郎葉盛賑濟饑民右府署都督僉事李景撫治屯營時錦
衣衛指揮朱驥等奏京畿及山東地方旱澇相仍以故京城內
外饑民多將子女牛畜減價鬻賣其勢必至于攘竊劫掠又訪
得各處屯營達官人等亦隨處群聚強借穀米或行劫奪乞簡

命在廷文武大臣親詣京畿府州縣及達官屯營所在設宴賑濟撫諭使之得所免致流離轉徙暴橫為非事下戶部議以為宜故有是命○陞南京刑部郎中章格為廣東按察司副使刑部署郎中范鑪為廣西副使○松潘副總兵都督僉事湛清等奏五月內麥市獲賊首麻惹兒等糾眾劫掠三岔子等處議調官軍勦殺至黃盛草場遇賊分兵夾攻銃陣射殺麻惹兒于斬賊首五十二級并獲其長槍等物○辰時金星見於己隨入井宿○丁亥巡撫淮揚右副都御史陳漁奏罷老疾罷輒貪酷官鳳陽府知府張鄰等一百七員○女僕寺寺丞范銘分理保定府馬政行縣至博野受羣長賂事覺問擬為民○戊子常德大長公主薨公主宣宗章皇帝之第三女母曰孝恭章皇帝永樂甲辰生正統丁丑封常德長公主下嫁尉馬都尉薛瑄

成化丁丑加封大寧公主至是薨年四七有七計開報朝一日
賜祭葬如制○ 上以南北直隸及河南山東等處多水災視
生艱窘命兵部暫停御史印馬俟來年併印○ 上諭吏兵二
部臣曰五城兵馬多不稱職爾吏部會兵部并錦衣衛官簡其
不勝任者改調外任別選有風力者代之於是尚書姚燮白主
等選指揮張寧等入員堪任其侍郎等二十二員不堪任因言
兵馬之設職專防察姦宄禁捕賊盜疏通溝渠巡視風火其責
頗重通采內外官及諸勢要不循舊制凡事無公分大小皆
屬幹理又從而凌辱之且占役夫甲弊非一端乞嚴禁前弊稍
重其權仍增置副指揮二員分理其事有不職者然之 上可
其奏命自今兵馬司務遵舊規行事內外官不得擅自差違又
占役夫甲違者許徑自奏聞未幾後奉聖旨京城內外盜賊縱

橫兵馬司錦衣衛應捕官校不用心緝捕前事姑不問有再犯者降調邊方有功者當勞之於是指揮張寧等復奏內外官家屬并勇士匠作人等往往恃勢不肯坐鋪兵馬火甲為難差所擾如刑部檢屍錦衣衛分撥房屋市曹決囚南海子巡視及神木廠惜薪司大慈仁寺各處守門巡廠掃除皆有事其間至於內官放河燈之類往往追呼兵馬急於星火稍不如意輒市辱之一日之內奔走無時官少事多不得暇專巡捕已每城增吏目一員方兵二十名容令各官朔望朝參專理巡街巡夜兵部覆奏寧等所言皆是宜嚴禁之官隸匠役之家丁多者皆令坐鋪市曹決囚錦衣衛分撥房屋止許委官一員同事奏入上皆從之且詔自今兵馬職任既專若後怠慢誤事必重罪不宥時議者以京城坐鋪一事甚為居人之害蓋每鋪立總甲一人

以丁多音克之率三月一更每旦受事官府至晚不得息一月之間所經衙門二十七處謂之打卯官中保應皆取之更夫謂之紙筆燈燭錢不足總甲輒出私錢補之錦衣衛旗校夜巡需索酒食即不得輒加箠楚害甚於盜貧民苦之多貴至僦居以圖免坐鋪而中外有擊者各庇其私人當坐鋪者盡為秦免守更之夫皆雇丐者老之夜開盜起皆互關不放出明日止衆某處有盜或劫財或傷人與否而已雖曰因事言其弊故在今則愈甚矣○禮部申明監生撥歷事例時國子監監生互爭撥歷年月前次合授科條爭辯不已祭酒陳鑑以兩詞具聞于上之勅禮部酌中定制以息紛爭事下所司禮科參取之而鑑不奉上章辯之曰近擬監生周中等言於天順七年九月以後入監成化五年五月間禮部行取依限後監共准坐監六年之上

見今撥歷監生與中等年月多有不及欲先撥歷又據監生王
瑞等言天順七年三月以後入監成化四年二月初行取覆監
除依親外實坐監食糧已經二年之上欲照本監序出通知文
簿撥歷其周中等入監行取沒班俱合在後實坐監未及一年
却欲據先撥歷以此兩詞奏請定議今禮科報奏臣等除去通
知文簿任私撥歷以啟爭端且本監止憑通知文簿考驗明白
序出監生姓名捐於學門壁上萬目通視憑此撥歷何嘗除去
通知文簿而給事中不究其實妄為奏語奏上下體却覆奏舊
例監生以坐堂月日淺深次第撥歷近年以存省京借道回監
生依親就學其在家月日亦准作坐堂之數及文移行取以出
却日為始計程亦作膏數此外事故及患病俱作虛曠已是定
例今諸生不遵舊規妄意紛爭宜令本監一遵舊例不分先取

後取監生一皆查完年月明白除虛曠外仍以實坐堂與依視
准作坐堂月日通計淺深以次撥歷若查曠監生增損月日許
受押者指陳而執治之其行取監生必待文移到彼原籍轉給
本布政司批文起送若逢次不經布政司與南北直隸者轉於
本府批文起送其有預給縣批及於放回原引託言買書游學
至京欲捷先入監者俱執治之仍計其地里遠近水程月日悉
作虛曠其有從宦父老者亦須官所保明起送然後聽之 上
允所議○己丑監察御史鄭己坐罪謫戍邊己巡按甘肅頗矜
傲文移有總兵等官一體遵守等語時定西侯蔣琬為總兵官
憾之反已檢閱軍士謂琬與鎮守太監顏義多役占當究其事
未舉而語泄琬乃奏己與隨行吏人受屬衛賂遺反往來肅府
儀甯高嵩家飲酒為多用樂婦歌唱酒飲且嵩有所受業師亡

而娶其妻趙氏俾出見奉觴又謂已所至騎從鼓吹甚盛教皆辱下人者其不能承奉諸事因命官往勘械已等至京仍命法司會問已蒿初供擬為民詔以已不遵憲體特滴乞邊衛軍琬所奏受贖備敘事皆誣置不問○庚寅陞大理寺左少卿喬毅為工部右侍郎○陞翰林院檢討張廣為吉王府左長史李顯為右長史侍詔李傑施璿為紀善中書舍人施昂為審理正李巖為審理副時言王年長出府故也○命給事中御史各一員同順天府委官賑濟附近被水流移來京小民每大口三斗小口一斗五升○戶部奏刑科給事中芮巖建言蕪常等府民運之米以十分為率量先一二分仍行禁約收受之際毋得多取及行原籍官司量加優免差役緣民運之米所以供給內府之用又在京文武衙門官吏俸糧歲收僅給歲用例難裁免其言

禁約收受之際不許多取宜行各該衙門收糧委官如遇納戶
遲到糧米曠時以乾為度不許多取解而及行各該府縣將各
納戶雜泛差役量為減免一年以蘇民困從之○兵部奏大同
胡紫滯等竄擾賊有功官軍共一千九百五十六員名宜加陞
賞但其中總兵官彭武伯楊信副總兵部督僉事徐恕叅將部
指揮同知張瑛乃是守邊將帥職在運謀設策指麾將士以破
敵立功其捕一虜斬一賊乃士卒之事豈可與之混同報功殊
失大體然信等反太監韋正監丞羅付陳政俱督戰內外重臣
非臣等所敢尋擬請自上裁上曰楊信徐恕張瑛本不當
混同報功但既能破賊與韋正仍從厚給當羅付陳政陞一級
餘皆依例陞賞有差○鎮守獨石馬營薊州永平山海塞雲古
北口居庸等關諸臣各奏言六月間驟雨滂旬山水泛漲平地

水高二三丈許衝倒城垣壞墜堤壩丈以萬計坍塌沿邊一帶
墩臺座以百計深沒倉廩舖舍民居并人畜田禾軍器等項難
以數計兵民橫罹患害莫斯焉甚欲衝衝增城垣墩臺修理以
備不虞奈工役繁多一時無所於辦事下工部請令各隨綏遠
修理認悉從之○辛卯十月詔遣附馬都尉石琚楊偉分祭
長陵 獻陵 景陵 裕陵文武各分官陪祭○遣內官祭
恭讓章皇后陵寢○夜東方流星如盞大赤已尾跡有光自華
宿東北行至畢宿○癸巳巡視順天等府右都御史項忠等奏
順天永平河間真定保定五府被水災傷民多失所請停遣馬
以蘇民困嚴飭兵備以涉不虞從之○命遣鑲金銀印給賜大
慈恩寺妙勝惠濟灌頂國師班著爾截卜○甲午 太宗文皇
帝忌辰 奉先殿行茶禮遣駙馬都尉石琚祭 長陵○乙未

命戶部初十李寬提督永平山海薊州等處糧儲兼理屯種○
南京禮科給事中常顯等劾奏守備成國公朱儀等役占軍士
當治以罪命俱宥之但戒無得再犯○丁酉命故遼東東寧衛
帶俸都指揮僉事金榮子俊襲父原職指揮使貴州都指揮僉
事金桂子琮代父原職為清平衛指揮使○開設福建漳平縣
先是巡視都御史滕昭等奏龍巖縣去漳州府治四百里與汀
洲之上杭縣接壤山嶺崎嶇民性頑梗官有所追徼勾攝公
肆旅拒蓋以柳巷居民去縣治甚遠難以控制乞分縣之吾仁
等五里反割上杭縣民之去縣治遠而與其他相近者別為一
縣於地名小青坂立縣治就將舊縣原轄巡檢司在其境者屬
焉從之○戊戌晚刻月犯昴宿○戶部奏准開中偏頭關兩淮
運司成化四年鹽十萬引每引納穀草二十束兩浙運司成化

元年鹽六萬六千八百六十餘引每月納穀草一十策從巡撫
山西右僉都御史李儀請也○己亥陞兵科給事中劉恭南京
兵部郎中李清俱爲河南布政司右叅議按察司僉事王齊監
察御史陳遵俱爲河南按察司副使刑科給事中王誼監察御
史顧浩南京監察御史李英刑部主事楊球俱爲按察司僉事
顧浩河南英福建球廣東○甘肅總兵官定西侯蔣疏等奏募
充甘州沙河拒敵堡周二百丈四十里店屯堡周四百一十丈
○建州左衛女直都指揮卜花充等各來朝貢馬又貂皮賜宴
并金織衣絳毳等物有差○廣子監察御史康驥奏請疏濬張
家灣橫河口小灣壑以泊電船修整自京城拉通州往來要路
以通糧運 上命俟年登爲之○辛丑陞山西行都司都指揮
使馬傑爲後府都指揮都督僉事以胡榮海殺賊功也○滿廬寺

少卿石澄奏乞歸省許之○壬寅選訓導張翔等二十五員乞
吉王府官定倉庫各廣貯○錄故太子少保禮部尚書兼文淵
閣大學士陳文子璋為中書舍人○四川采甘思宣慰使司初
指揮僉事鎮撫都綱普僧人等卓菴等來朝貢方物賜宴并衣
服綵段食茶等物有差○朔輝國王李婁遣陪臣金國光朝蘭
宗等奉表來朝貢方物謝賜其先王謚號祭時并令婁製位及
賜語命冠服恩賜國光等宴父金襲衣綵段等物有差李婁又
奏伏蒙 朝廷遣使賜勅諭以建州虜情俾臣先事從備 聖
訓諄切臣不勝感激謹依詔旨行令邊將嚴加防備謹具奏聞
○工部奏通州至武清縣蔡家口河口并堤岸被水衝開一十
九處宜起借兵民并工修築以便漕運 上從之命侍郎李顯
董其役○癸卯陞南京錦衣衛指揮僉徐顯濬晉中郎留守司

正留守事時正留守缺員例應皇親協守兵部以顯隆名聞遂命之○戶部奏給事中韓文等勘實通州張家灣等處餓水軍民二千六百六十戶漂損房舍六千四百九十座溺死軍民六十餘人滌武清二縣通州左右定邊等衛張軍民亦皆稱是上命所司賑濟之○甲辰調福建鎮海衛後千戶所為漳平守禦千戶所增置平南平西二驛○命女戶及孝義軍優免雜差者三世後一體差保從南京給事中常顯等奏也○延綏總兵官署都督僉事房能等奏虜寇擁衆入境官軍於開荒川等處據險截殺追至三角城等處轉戰三十餘合擒斬賊級一百有餘并獲其戰馬兵器○巡按且隸監察御史張誥奏請修築靜海以南臨清以北一帶河口之被水衝塌者以便漕運從之○平虜將軍總兵官撫寧侯朱永奏虜賊萬餘自雙山堡分爲五路

往南深入臣等會議太監傅恭居中調度都御史王銳固守城池永興太監勵恒都御史王鉞督同太監秦剛署都督房能率京營大同宣府官軍出城增調都指揮康永等兵往截賊之西路通調遊擊將軍都督范瑾參將都指揮神英與副總兵都督劉聚等兵往據賊之東路又調把總都指揮等官各據分地駐兵聽用是日晡時會雙山堡翼日把總指揮孫鉞等至開荒舖遇賊迎戰先僅二千餘騎後乃倍之官軍見其勢衆下馬列陣既而右哨指揮蔡瑄等兵繼至俱嚴陣以待聞一虜首耀甲策馬擁衆來突官軍併力對敵戰十餘合前哨指揮楊琳等兵自東山黑屹峪左哨都指揮柯忠等兵自西白馬廟與臣等兵並至鏖戰二十餘合賊少卻官軍乘勝馳之殺傷甚衆賊遂潰追至四口川賊復登山聚敵官軍直倚其前敗之遺棄糗糧服器

及所掠牛羊等畜蔽滿川野又追至牛家寨正遇都指揮吳璠
等兵賊見我兵少分三面攻圍都指揮馬儀等兵自張家山指
揮李鏞等兵自麻莊山至併力進戰十餘合指揮滕瑾等兵亦
至戰又數合劉聚范瑾神英等兵分據南山夾攻殺傷甚衆就
陣奪旗虜拐子喇叭賊遂奔遁從新寺溝等處尋路出境劉聚
等自爛泥河臣等自張家川分道追出境外日暮收兵前後生
擒賊三名斬首一百六獲賊馬一千六十二射死賊馬二百八
十一驪七十六鎧甲方矢器械等物七千二百六十四旗虜一
纓頭拐子二木喇叭四奪還牛羊等畜七千有奇審知李育阿
羅出亦烏流矢中傷脫身而遁餘賊號哭散走邊賊老稚歡呼
稱捷奏至 上命陞奏捷者一級賚勅獎勞永等曰得奏其悉
足見爾等調度得宜致此克捷功能可嘉茲特賚勅獎諭勅至

爾等務須同心協謀激勵官軍遇有賊情相機戰守以收萬全之功勿因小捷遂生怠心用兵之際尤須嚴謹哨探毋墮賊計勉之慎之○乙巳勅秀王汝寧府稅課鈔○巡視河南戶部左侍郎原傑奏罷老疾罷輓貪酷官通判侯雲等二百四十三員都指揮吳迪等九十八員

明憲宗純皇帝實錄卷之八十二

成化六年八月丙午朔賜秀王食鹽歲一百引兩淮運司支給
本府內官內使隨王之園者許於河南汝寧府官倉每員月支
米四斗五月而止從王請視德王勅之園例也○免山西汾州
去年秋糧二千五百七十石有奇以汾河水溢傷稼從巡撫都
御史李侃之請也○丁未釋奠先師孔子遣太子保吏部尚
書兼文淵閣大學士彭時行禮○府軍前衛掌衛事都指揮僉
事穆壽貴請老命都指揮同知謝寧代掌衛事○南京監察御
史鄭節言六事曰敬天納諫尚儉固本禁奸擇材具納諫畧云
國家必置諫臣猶人家必畜司夜之犬犬司夜而吠吠其形可
也吠其聲亦可也夫然後盜賊不敢竊發主人得以高枕而卧
若厥其吠而訶止之己為不可況逐之遠去使家無吠犬無乃

大不可乎近年言事之臣累出補外竄亦類是伏望 聖明悉
令叙復且加超擢以養忠直之氣以遏奸宄之萌以彰 聖天
子納諫之盛美疏入 上以爲泛言常事不必行下具章於所
司○巡撫貴州右副都御史奏敬奏備邊在乎養兵養兵在乎
足食貴州舊設二十衛所軍十四萬五千四百有奇今除屯田
之外守城支糧者僅萬五千人後因減其月糧逃亡愈多鎮守
等官交章累奏止加米八米既而總兵官毛榮具奏行臣等覆
議明白而該部復行查勘展轉歲月失邊士心乞視舊例一緊
閏支月糧糧或不足乃折以布仍行各邊守臣撫恤士卒整飭
邊備如糧餉不足聽其便宜處置及勅兵部查原額軍數嚴加
清解衛所歲終申報稽考如此則食足兵充而邊境又寧矣疏
入 上命兵部參酌之○戊申徐 太社 太稷○賜修京城

軍士人月糧一斗鹽一斤○兵部言建州三衛都指揮惱里呵古里等奏石衛石都督納卽哈無子乞命其叔卜哈禿襲職臣等切惟納卽哈叛逆伏誅卜哈禿乃其與謀親黨罪在不赦而今悔過來朝衆復奏保予奪之宜惟 聖明裁之 上曰卜哈禿既三衛保其誠實其授都指揮同知給與印勅命統束本衛人民再犯法不貸○已酉免陝西臨洮府屬縣并鞏昌等五衛去年稅糧八萬一千石有奇以災傷故也○吏科都給事中程萬里等言南京大理寺卿夏時正比奉詔巡視江西考官之奏不具差人姓名蓋其性習踈狂苟簡自恣卽此一事其他可知使其久于巡視必至處置專方使其復任法司不免刑罰失當乞賜黜黜而別選賢者代之庶幾公論允協任用得人疏入詔始宥其罪仍諭所司移文示之○辛亥免山西太原等府衛令

年稅糧仍發預備倉以賑饑民從巡按御史張進祿及戶科石
給事中李森等奏勅巡撫右僉都御史李侃驗實優免賑濟也
○南京通政司左叅議呂震丁憂起復改任南京光祿寺少卿
○壬子兩京監察御史缺員吏部請循舊例選人進士中文
學優長年貌相宜者理刑試職 上曰御史職司風紀糾察百
僚自非學行老成之士鮮有不變亂黑白者自今可遵憲綱選
用務在得人凡以科道進身歷任三年者不限內外皆用之○
南京監察御史沈源言十事曰勤聖學以正大本慎守成以隆
大業躬修省以謹天戒敦德澤以恤民隱優諫諍以來直言慎
用人以總庶務去冗濫以通運法慎刑獄以全民命節財力以
充國用請屯田以給軍餉奏入 上以所言事多人所常言及
今見行者付所司知之○癸丑 詔曰朕以眇躬君臨海宇惟

上天付畀之重 祖宗創守之艱常懷惕勵罔敢怠違所冀民
物康阜協于至治而志勤道遠厥效未彰比者災沴荐臻畿甸
尤甚三時不雨一雨連旬旱澇相仍民食缺之備省厥咎在于
一人百姓何辜惟茲艱厄興言及此良用惻然夫篤近舉遠者
古之規視遠猶邇者朕之志爰惟憂勤之念普施寬恤之仁所
有合行事宜條例于後一內外衙門見監問罪囚除真犯死罪
不宥外其餘徒罪以上降等發落杖罪以下悉皆寬宥有已發
做工運磚運灰納米等項未完者悉皆有免內有貪濫官吏監
生知印承差贓證明白者發回原籍為民一成化六年順天等
八府并各處奏報災傷曾經官司踏勘明白者該徵稅糧子粒
馬草悉與除豁其有薄收者照依分數減免一各處軍民有先
年拖欠稅糧馬草子粒戶口食鹽鈔錠并派買厨料果品等物

順天等八府自成化五年十二月以前俱免追徵其南北直隸
并各布政司自成化四年十二月以前悉皆蠲免一在京各營
在外各邊騎標馬匹并順天南北直隸河南山東被災去處軍
民孳牧寄養馬騾并駒自成化六年八月初一日以前一應倒
失虧欠等項并有例停候買補及遇例漏報者所司查勘明白
悉與蠲免其上林苑監蓄育良牧等署今年有因水患虧損牲
口曾經具奏查勘明白者悉免追倍一南北直隸山東河南等
布政司被災州縣有拖欠內外衙門差派採買松木長柴假木
楊木榆槐雜木椽子棠紫葛稽蓬葦蒲草刷條糠麩麥穗稻皮
土硝堯末墨煤麻筋牛筋金箔銀珠二珠白綿羊毛白硝羊皮
紅真黃牛皮白甸驢皮前截藍靛紅黃熟銅生漆香油片腦三
枝條西礪硼砂石大等青燒造鐘餅紅土青土薰皮草歲皮翎

採捕野味白山羊角黑鉛紅花黃蠟生銅貓竹水牛皮鹿皮
等料自成化四年十二月以前未徵者盡行停免已徵在官者
仍令解納不許因而侵剋一各處起解糧草等項中途有遇水
火盜賊曾經所在官司告勘明白申達到部者悉免追倍敢有
乘機作弊侵欺入己者事發治以重罪一順天等八府山東河
南等處被災軍民有承甸住種各王府各公主府及內外官員
之家田地庄園拖欠租米自成化五年十二月以前并今年見
有災傷無收去處免追一成化六年分各處戶口食鹽糧鈔盡
數蠲免有已徵在官者准作下年之數以後只徵鈔貫不許折
收銀米等物一成化六年七月初一日以前各處失班人匠并
免罰工止當正班及內外衙門皂隸馬夫有在逃曠役者並免
補役不許一擊勾擾一長蘆鹽運司被災場分今年該徵鹽課

即與驗實除詔一北直隸河南山東清軍御史俱暫取回被災
去處清出軍丁俊明年秋成起解無災去處仍令司府州縣委
官清解不許扶同作弊違者罪之一天順八年以後官軍有為
事調發兩廣等處不曾到衛者文職有為事問發為民累訴寬
程者限十日以裏赴通政司首告官軍改調北邊衛分差操文
職無職者令冠帶原籍閒住俱不許潛住京師違者聽四隣舉
首押發極邊地面充軍容留之家一體治罪一各處人民但有
被災缺食者有司設法賑濟流移者招撫復業務體朝廷仁恤
之心不許坐視民患一各處預備倉糧本以賑濟饑民近來有
司通同下人作弊多端民不受惠今後務要驗實放支抵干收
受不許過取合干上司宜用心提調督察毋事虛文一荆襄南
陽等處流民拋棄枷土良可矜憫詔書到日凡一應罪犯悉宥

不問該管官司用心撫諭願回籍原籍者照例優恤已住成家
不願回者聽令附籍當差一凡民間利有當與弊有當革及一
切便民之事許所司具實聞奏毋有容隱於戲朕體上天好
生之德用嘉惠于吾民爾中外大小臣僚尚體朕恤民之意務
求臻于實效故茲詔示咸使聞之○是日 上以頒詔御殿行
禮侍班官翰林院編修尚良臣中書舍人黃理周紹榮呂憲羅
麟皆不至既而糾儀御史劾之良臣辭以院吏不報不及知理
等俱以後期不及至各上章待罪 上皆宥之○陞戶部郎中
焦純監察御史康驥為都轉運鹽使司運使純長蘆驥福建○
巡撫陝西右副都御史馬文升奏罷老疾罷輒貪酷官慶陽府
知府張翔等九十一員○甲寅嘗授試監察御史戴珊為監察
御史○乙卯 孝慈高皇后忌辰 奉先殿行祭禮駙馬都尉

趙輝承命祭 孝陵○巡撫直隸監察御史楊守隨言五事其
一明謫法御史黃遊謫之曰戾戾者罪也半也在謫法馬不悔
前過御史當 英宗北狩之時奉命監國以宗社計不得已而
即位北狩戎狄南平閩廣定人心於將變安國報于陪危其有
功于社稷甚大減虜以甲兵啗虜以金幣而迎回大駕尊養之於
南宮不馬賦臣離間其兄弟之情甚厚任信大臣聽納忠諫興
學勸士加惠恤民其善政之在天下甚夥雖末年少有過愆豈
可以一肯而掩衆善耶况惡謫非出 先帝之本意乃一二造
譽傳功奸臣之邪議至今公論為之不平古之定謫者苟有一
善以一善謫無有衆善節以一惠惟無善可稱方得惡謫近時
大臣有奸回貪墨者尚濫美謫豈可以 陛下之至親乃泯其
善而使久蒙惡謫乎乞勅廷臣會議取其善行而改謫之則公

道昭明謹法允當而陛下親親之令名亦無窮矣其二重大臣太子少保吏部尚書李東馬給事中蕭彥莊所劾革其太子少保致仕夫李東之稟性有偏處事失當容或有之然奉公守法效忠於國亦一時之良臣也使彥莊所言之事一一皆實亦皆公過非私罪也別皆攬撫之虛乎伏望聖明復其太子少保起而用之伸明公道使在位者知所勸一守法律謂律令犯公罪者不至罷職近來御史朱賢妻芳等俱以公罪革職為民蓋以法司奏當之外妄奏希旨以致一時聖斷有非祖宗法律本意今悉宜叙復之且戒法司自後不許妄奏一以律令從事一備諸蓄各處倉諸廩之官俸兵餉至有過時踰年不得支給者宜令所司於歲初起運稅糧量加存留以濟其乏凡有軍需織造等費宜取贓罰庫銀用之毋得輒用存留糧價刑官

吏軍民俱有所賴一禁奸詐謂近例軍職犯罪不就逮者以爲未結正會赦復任故凡當逮者輒展轉推避而不就理卒幸以免相習成風自以爲金錫疊載跌撲不碎長惡縱奸廢所不爲今後有犯例應帶俸差保立功除名者雖不會逮左驗明白即同做成雖遇赦免亦不得管軍治事則軍職畏法而奸詐以息一息餽餉謂西征之役以數萬甲兵而討出沒不常之虜以千里餽糧而烏曠日待乂之計外患未夷內境尤弊猶之人身有疾鍼藥又加而元氣不無耗損今宜遣官行邊相轉度輟旋令班師申嚴邊帥固守疆域可也疏入上以所言事俱處分已定下其章于所司○夜東方流星如盞大赤色光燭地自五車行丈餘發光如碗大東北行至北河後三小星隨之○丙辰陞大理寺左寺丞宋冕爲左少卿右寺丞田景揚爲右少卿汪霖爲

左寺丞○丁巳祭太歲風雷雨霰鎮海瀆山川等神○遣旗
手衛官祭旗纛之神○調山東布政司右叅政王儉于山西
西右叅政孫洪于河南從巡撫都御史李侃言山西邊方重地
多事之秋整理軍儲隨時應變非歷練老成如儉者不可會巡
按御史張進祿亦以爲言故有是命○戊午命降虜虎合歹猛
哥帖木兒爲正千戶兀奴溫忽捏干爲副千戶伯顏字羅買章
賽兒把兒的捏些該脫夫帖木兒把秃敏安爲所鎮撫○己未
鎮守定州都指揮僉事吳王奏本衙所隸城垣敵臺壕口共一
百九十七處爲六月淫雨所壞款于農隙修理工部因請移文
巡視侍郎葉盛等覆覈俾如例修之○庚申松潘副總兵都督
僉事湛清等奏別知弋臘熬鷄等寨番賊聚衆劫掠鎮章堡旨
上灣指揮謝琳等率兵勦之臣會右叅將克或副使沈琮統兵

策應就陣斬獲賊級四十五擒重傷一十四并獲其旗牌鎧甲等器○辛酉免山東濟南東昌兗青萊登六府農桑絲絹以旱災也○巡撫南直隸左僉都御史邢宥以疾乞致仕不許○致仕太常寺卿夏景卒景字仲昭直隸崑山縣人初姓朱名昶化音進士為翰林庶吉士 太宗常召見之謂曰太陽麗天日宜加於昶上昶字宜作景字書有景字始此既而景又自奏復其本姓為夏以善書供事內省嘗扈從兩京授中書舍人宣德中轉考功主事仍供內直正統十年用薦者陞瑞州知府景泰元年入覲留為太常少卿天順勅陞卿致仕年八十三卒訃聞賜祭葬景既善書亦能詩精繪事尤工墨竹以此得名于世為人坦率樂易不拘小節時出入禮法間人亦不甚非之晚年家居頗效揚廡夫之為人以詩酒燕樂自娛云○壬戌賜蜀府德陽王

第四子名曰申鉉○賞大同總兵官彰武伯楊信等白金線段有差以明熾溝等處殺賊功也○命延綏徑道諸將分兵就糧遊擊將軍范瑾統大同兵三千五百駐東路神木等堡許寧統宣府兵三千五百駐西路龍州等堡餘兵三千駐中路往來策應山西寧夏副總兵林盛等所統兵各還黃河七堡花馬池等處操守甘涼莊浪馬隊兵留環慶操守都督白玉所統兵還陝西原處操守陞大同前衛指揮同知蔡瑄署都指揮僉事及山西都指揮王壘寧夏都指揮張翊俱充遊擊將軍瑄統兵於延綏往來截殺重統兵於黃河七堡備禦翊統兵於花馬池備禦延綏總兵官房能有疾選將代之從恭簡軍務都御史王鉞等議也○巡視北直隸大理寺左少卿宋昊奏罷廣平順德二府老疾罷軟貪酷官通判柴讓等四十三員○癸亥兵部尚書白

主等奏初吏科都給事中潘榮等劾鎮守松潘都督僉事湛清異類險詐不宜授分閩之寄詔巡視侍郎黃琛詢察以聞至是琛具上清奸貪之狀請逮治之且松潘地方舊無總兵之設天順間以番蠻寇擾始用副總兵鎮守今松潘威茂各有左右叅將分守况地方稍寧總兵之官宜暫停革 上曰既有叅將二員副總兵不可設湛清奸貪若此爾等前日何為濫舉本當寬問姑從寬宥自後用人務須詳慎○右軍都督府都督僉事廉忠卒忠山後人其祖愛的洪武末降父哈刺火者以功陞金吾左衛千戶忠襲其職累陞指揮同知天順初進都指揮同知從征兩廣有功累陞都督僉事既班師復勅忠克遊擊將軍勦除兩廣餘寇至是卒遣官祭葬如例子銘襲其原職金吾左衛指揮同知○兵部奏虜寇突入遼東河口基殺掠人畜都指揮田

綱等防禦不謹都指揮崔勝提督不嚴請命巡按御史連問其
鎮守太監葉達總兵官趙勝督理軍務都御史彭誼號令不振
宜俱叅究 上曰崔勝姑恕之葉達等不問但令用心提督防
禦○甲子進戶部尚書楊鼎祭京都太倉之神○遣順天府官
祭宋丞相文天祥○陞都指揮同知許寧為署都督僉事佩靖
虜副將軍印充總兵官鎮守延綏地方○乙丑山西文城縣民
孫閔兒等以妖言惑眾緝事者獲之命依律處死其黨趙洪等
悉發邊衛充軍情輕者杖而釋之○丙寅開設浙江開化縣馬
金鎮巡檢司○減免四川平茶洞長官司土民去年秋糧一百
五十石以旱傷也○巡按雲南監察御史郭瑞奏鎮守太監錢
能剛果有為政務歸一先嘗奏乞專命鎮守已蒙恩許今能有
疾恐召還京伏乞 聖恩憫念永令鎮守 上命所司知之能

時特寵罔利雲南人大為所苦而瑞乃奏留附勢無恥士諭鄙
之○丁卯巡撫南直隸左僉都御史邢宥乞致仕許之宥先因
衰病具疏辭免 上不許至是復請曰 皇上不容臣速退者
蓋謂臣犬馬之年未至尚堪使之臣亦自念厚德未報不敢圖
閒但以蒲柳之質望秋先零手足痿痺艱於動履今復病心曠
耳處置庶務或至失宜伏望 聖慈憫臣之病矜臣之愚放歸
田里以終餘年 上以其言懇切特允其歸○巡撫荆襄南陽
右副都御史楊璿奏罷老疾罷輒奮酷官德安府知府馮敬等
九十員荆州衛指揮鄭璽等二十二員○戊辰命山西都指揮
使孫鉞充遊擊將軍統宣府遊兵○己巳廣東高雷二府地震
有聲○夜月犯天鐳星○庚午旌表孝子三人順孫一人節婦
九人累世同居者二人楊旻直隸山陽縣民黃正滁州民李志

山東莘縣民俱以母歿廬墓三年旌其門曰孝行王鉉直隸山陽縣民以祖父母繼歿廬墓三年旌其門曰孝順俞氏應天府學軍生陳福妻子氏江寧縣民陸三妻曹氏上元縣民陳慶妻王氏山西黎城縣民靳貞妻王氏民李璘妻蕭氏江西廬陵縣民顏有為妻傅氏豐城縣民夏希武妻謝氏浙江山陰縣民汪得聲妻楊氏遼東廣寧後屯衛總旗賀昇妻俱以早寡守節旌其門曰貞節張富直隸宿遷縣民自其祖榮至富凡八世同爨長幼和洽無私殖財產者婚媾之禮彼此均一至是旌之曰八世同居義門蘇勤安東縣民自其祖及起至勤六世同爨不殖私財敦尚禮義至是旌之曰六世同居義門○辛未參贊軍務都御史王欽等言虜酋阿羅出等久住河套屢敕追勦無計渡河今遣人來貢乞還所俘且有悔過之意宜准其入貢令押伴者

紆其入京之路徃返遷延及其還時冬深河凍暫留止大同而令破一二人先回諭使渡河出境如此則春暖冰開不可復來沿邊瘡痍之人庶幾少得休養矣下兵部參酌以聞○壬申巡視真定等府吏部右侍郎葉盛奏便民事宜一今日民間最苦養馬破家蕩產皆馬之故舊例牝馬一匹每年取一駒當時馬足而民不擾者以芻牧地廣民得以為生馬得以自便也厥後豪右庄田漸多養馬日漸不足洪熙元年改為兩年一駒成化元年又改三年一駒馬愈削而民愈貧然馬不可少於是又復兩年一駒之列夫納馬有數用馬不啻雖有智者無善處之術方今京營各邊缺馬取給民間孳牧所缺之馬雖亦追陪於軍而軍多艱苦又不能償仍復給之於是馬愈不足民愈不堪為今之計欲寬民間之馬必有以處軍中之馬然後其弊可除也

請以宣府一處言之。往年以馬死未陪，將步隊軍之輓弱空閑者，領種官田，用其餘糧，買劣銀物於山西等處，買馬一年得馬一千九百餘匹，馬皆精壯，軍免追陪，而民間亦得以寬舒。此已行之成效也。諸邊風土雖各有所宜，然隨處盡心，自有良法。請勅各邊會議，隨其土俗所宜，凡可以買馬足邊，免追陪於軍閑，領於民者，聽其便宜處置，果有成效，具實奏聞，令其永遠遵守。仍勅廷臣會議，通查遠年近日各項莊田，權其輕重量，與處分還民復業，及令各營總兵等官一體會議處置，所資裨益，為政稍紓民力。一各處儲積，非獨以備非常，亦欲以採荒歉。今京師及通州二處倉足支數年，縱有非常，未必誤事。惟近年水旱相仍，所管官司多無儲備，一有緩急，損傷必衆。且如涿州不通水路，積糧最少。天津、德州雖臨運河，而所積亦不甚多。然此等處

俱保近甸要地所宜多積若涿州天津有糧可以濟順天保定天津德州有糧可以濟山東真定雖間有水路不便之處然饑餓之人與其守空倉以待斃孰若勞遠道以就糧所在有司臨期亦可以近就轉運接濟他如臨清濟寧徐州皆是要害之地亦宜多積以爲緩急之備今京運糧船先因水溢來遲又恐明年過期誤事乞勅該部計議差官沿途處置將順糧船逐一於水次有倉去處收兌儲積疏入 上以其言有理命該部參酌以聞○癸酉吏部尚書姚夔等言比山西按察司僉事翟政奏都御史李侃以私忿奏罷其職 皇上以進退人才循協輿論考察官未免有偏聽過當者令臣等會官詳審果有庶能顯著衆所推服者明白具奏務出至公不許徇徇臣等以爲被奏罷者皆巡視官親臨其地詢之衆論必有所據其間有虛譽而竄

德病者有始雖善而終改節者有一人所知而衆未許可者固
難以數人之見而遙度其賢否也况知人之明聖哲所病委命
勿貳令出惟行如翟政者雖無曠官之迹亦無過人之才若或
俯從所請復其舊職恐自今妄訴求進者聞風而來矣 上曰
朕念人才難得特命爾等詳審中間豈無一二可用者具從公
斟酌以聞○巡視浙江刑部左侍郎曾肇奏罷老疾罷輒貪酷
官左右布政使張清劉鉞等一百九十八員都指揮朱亮等十
六員送清字子澄四川巴縣人宣德庚戌進士授戶部主事歷官
至右布政使逾年轉左清奉職廉謹非容至罕御酒肉雲南人
有青菜張之號以其執法太嚴又謂之板張浙俗侈糜清一較
之以節儉同僚多不堪之至是以老疾乞致仕人多惜之居家
十有七年辛年七十九鉞字仲威直隸撫寧縣人由舉人入監

選授文選司主事歷陞郎中趙陞山西右布政使改浙江鉞在
文選甚為尚書王翱所信任然頗不謹其在浙江尤少廉名○
江西按察司副使夏寅奏吉安府知府許聰諸不法事都察院
覆奏寅所奏皆無指實請移文巡按御史勘報從之○乙亥浙
江都指揮僉事劉鼎以老疾致仕命其子清代鼎原職為杭州
前衛指揮同知

明憲宗純皇帝實錄卷之八十三

成化六年九月丙子朔曉刻金星犯軒轅左角星○秀王見澗
將之圖詣 長陵 獻陵 景陵 裕陵辭○詔免順天保定
二府秋冬季紫旆夫以地方水災也○賜來降夷人千戶虎峇
夕等紉絲紗布等物及馬價如例○延綏懷山等堡被寇殺虜
報事軍人把總都指揮王璽等官領軍追捕奪回賊馬兵器總
兵官都督房能以聞 上曰今秋高馬肥正當防秋之際兵部
具行鎮守總兵巡撫內外官僉議禦寇奇策整兵隄備○丁丑
陞山西太原左衛指揮僉事劉亨指揮同知張泰俱為署都指
揮僉事亨備禦黃河七堡泰駐兵河曲為七堡聲援時巡撫山
西石僉都御史李侃舉亨善撫士卒謀勇過人而泰宅心肅慎
士卒信服故也○戊寅貴州按察司僉事李述有罪革職閑住

述任貴州僉事分巡安莊諸衛私令子婿於屬衛膏余巡按御史戴縉發其事吏部謂述貪官不宜復用責令冠帶閒住○己卯 孝恭章皇后忌辰 奉先殿行祭禮遣駙馬都討周景榮景陵○陝西鎮守等官奏秦秦府輔國將軍公鈐擅收私自淨身人及學燒煉金丹邪術 上降勅切責之俾其改過自新毋貽後悔○庚辰命都察院右副都御史滕昭巡撫蘇松等處總理糧儲○辛巳 孝莊睿皇后禫祭輟朝命崇王及文武各衙門分官詣 裕陵致祭○詔有司建秀府社稷山川旗纛壇及備禮樂器服如制○詔文武百官詣秀府辭○陞貴州按察使杜銘為湖廣左布政使浙江按察使黃錫為廣西左布政使○壬午秀王之國陞辭儀如德王○癸未武平伯陳能倚劾設計市田為人所奏命能具實自陳能服罪宥之○甲申重陽節賜

百官於午門○陞總督漕運署都督僉事楊茂為都督同知○
命故鷹揚衛帶俸署都指揮僉事丁宣子固宗襲父原職為義
勇中衛指揮使○夜東方流星如盞大青白色光明燭地自井
宿北行至柳宿尾跡炸散○乙酉以南京叅贊機務兵部尚書
李寬為都察院左都御史○丙戌都察院右僉都御史袁愷丁
憂服闋命為南京鴻臚寺卿○丁亥陞浙江布政司左叅政竈
良為廣東按察使○免雲南所屬長官司及裁減州縣官明年
朝覲以其地旱溺民饑故也○總兵官黔國公沐琮奏近奉詔
言上官襲替止令御史三司保勘緣臣父祖以來鎮守雲南熟
諳夷情凡其世系部落悉知其詳今御史三司多有不諳夷情
或聽請囑以致上官爭襲甚至連年讐殺不已乞仍舊例令臣
區處庶事體歸一兵部議襲職非軍機重務取旨裁決 上曰

琮先世為雲南邊夷信服久矣今土官襲替琮不與聞人將致疑其遵正統年間事例行○錦衣衛指揮僉事馮瑄卒瑄浙江麗水縣人叔父讓為內官景泰間瑄納草冠帶營入史館書辦天順初凡預言辦者不復用瑄獨以南城功得為翰林院典籍明年乞恩陞錦衣衛副千戶理缺撫司刑成化二年陞指揮僉事管衛事嘗奉勅捕揚子江鹽徒獲其黨六十餘人至京誅之瑄起閭閻布衣藉具叔父雄資復官禁衛雖氣習所染不免侈肆然亦不甚以聲勢凌人卒後未幾家產蕩折云○戊子改兵部尚書兼大理寺卿程信為南京兵部尚書泰贊機務兼職如故○己丑山西都指揮僉事官瑞有疾命其孫鉞代祖原職太原左衛指揮使○賜大興宛平二縣養濟院貧民布共四百七十餘匹○鎮守密雲署都指揮僉事王榮奏山水泛溢衝塌百

北口潮河白河龍王峪沿邊一帶閑城墩壩及密雲中衛南北
城垣請撥軍修繕從之○征南將軍黔國公沐琮奏免原籍定
遠縣戶丁徭役戶科劾其以私事擅用印信并差官齎奏宜論
以罪 上宥之○庚寅戶部奏遼東大同宣府陝西等處官庫
積有中鹽并折糧銀計二十九萬餘兩今秋成米賤之時可以
蓄積請移文所司盡發糴糧貯於邊倉缺糧之處以備緩急支
用從之○辛卯戶科都給事中丘弘壽奏京城比來米價躡民
艱於食乞丐盈路詢其所由蓋因漕運軍士塗中糜費糧米至
京則糴買以足其數遂使米價日增而民食愈缺乞從權令具
上納不足者每米一石折收銀六錢貯庫以待支用仍勅管運
總兵等官嚴加禁約章其前弊戶部覆奏折收銀每石增一錢
從之○昌平縣后庸倉糧虧折三百餘石從戶部請抵其守史罪

○癸巳吉王出府○陞禮部員外郎凌權宗為山東布政司左
參議仍在內閣書辦於順天府帶俸以九年任滿故也○併浙
江青田縣溫州界稅課局於本縣稅課局又併平陽縣廣濟四
倉使巡視浙江左侍郎曾肇奏清也○巡按山東監察御史費
臻奏廣寧前屯衛分巡花兒營營百戶宗愷等及按伏指揮僉
事董俊備禦都指揮僉事武鑑守備寧遠等處都指揮僉事崔
勝俱不行廉謹巡守地方以致寇入境擄虜人畜俱當逮治
上命崔勝姑記其罪餘皆逮治之○甲午增置陝階州平落馬
驛○夜金星犯左執法○丙申澄湖黃按察司副使盧秩馬貴
州按察使○華浙江仁和縣未昌壩錢塘縣跨浦壩以其偏僻
舟楫不經也○己亥晚刻金星犯木星○太子少保兵部尚書
兼文淵閣大學士彭時等奏京城米價高貴甚此時寄由今

年歲間水荒無放軍船運穀欠少皆來京城雜買而商賈米船亦恐河凍少有至者所以米價日貴一日軍民所仰者惟官種而已近日戶部奏請預支兩月軍糈是因救急之術但糧在水次猝急難至在京蓄積之家因而開糶以要厚利者自如也乞命戶部再行文武官員月俸預放三月如又不足將東西太倉米平價發糶四五十萬石收時價銀待豐年支與官軍准折俸糶亦宜量數發糶以濟河間之急此令一下或者人不開糶米價可平且荒年盜賊愈多近聞房山縣強盜四五十人替住金主陵內不時出沒乞命錦木衛密察虛實早加緝捕庶免貽患於人奏入上嘉納之諭戶部臣曰京城米價踊貴民艱於食爾戶部即發京通二倉米五十萬石平價糶之每石米一石收銀六錢粟米一石五錢命侍郎陳俊同太監華煥尚書薛遠總

其事仍差科道官分理之其文武官更俸糧可預給三月以平米價於是戶部奏差給事中御史并本部官各七員京城各五員齊同五城兵馬通州各二員督同通州委官於京通二倉支米糶膏其貧民無錢者折收銅錢俱送大倉官庫收貯不許乘勢及鋪行之家假托收買私積以圖市利違者悉置于法從之

○巡視福建右副都御史滕昭奏三事其一廣召募以實軍伍福建沮山距海姦頑恃險反側不常衛所官軍多有缺伍宜多方召募官軍戶丁有願投補者除三丁聽繼貼助民間軍匠願投補者亦如之其餘人丁俱准收伍差採或有事故一例勾補其二設武溝以防不虞浦城空道處州沙尤二縣逼近汀漳皆無城池可守已於三縣各立城垣將附近建寧右衛所延平後所調於浦城尤溪寧海其沙縣隣隣境各有衛所相去不遠止

令本縣修築城垣嚴督吏甲操守其三設巡司以防奸細福州所屬福安縣七都地名白石與浙江溫處道路相通其民不務生理寺習武藝聚眾越境盜採銀礦因而乘機劫掠鄉村本縣舊有漁溪巡檢司後遺屬建寧府新設壽寧縣乞於白石復置巡司一所在彼盤詰奸細防禦盜賊章下兵部議以所言俱處置地方重務宜行鎮守巡按并都布按三司官僉議應否具實奏聞裁處 上從之○庚子靴刻金生犯左執法○吏部言近例凡御史缺員無間內外官但進士發身經三年秩滿者考選補缺然所缺員多備選官少一如近例則御史乏人請凡仕知縣推官由科日出身歷三年之上政績顯著者以次行取送各道問刑劄例聽都御史覈其可用奏補否則送部別用詔是之俾查訪政績顯著體貌相稱者取未選考○壬寅命羽林前衛

指揮同知趙廣弟成武功中衛指揮同知周文子鐸俱代職以
廣等有疾不任事也○甲辰吏部言通者兩奉詔旨以人才難
得恐考察黜退官中尚有一二可用者命臣等集議臣得詳審
得廣西平隸府知府袁衷山東泰安州知州畢宗賢河南修武
縣知縣劉昭山東濟寧州州判官張寧庶城縣主簿郝志道俱
在老疾罷軟被黜之數然或頗有操持或頗有才幹指瑕摘瑜
皆不足錄舍短取長尚有可用其餘不能保其必無但一時難
以周知然亦不敢泛舉以啓紛爭至在仰訴奏告之人難以准
理宜炤舊發遣從之○以明日十月朔遣駙馬都尉石璟周景
分祭 長陵 獻陵 景陵 裕陵○遣內官祭 恭讓章皇
后陵寢

明憲宗純皇帝實錄卷之八十三